





GAUDENTII  
PHILOSOPHIA  
apud  
ROMANOS.















180.9  
G 266

102

~~469~~

~~205~~

on

11




Concerning the beginning and  
progress of philosophy among the  
Romans, by Paganinus Laidentius.



Pesclavii Natus  
Obiit Pisij 3<sup>o</sup> Nonas Januarii 1649 Annos natus 53.

La facilité avec la quelle il écrivoit & l'envie qu'il avoit de donner au public ses productions lui en font fait publier un grand nombre, qui font connoître qu'il savoit un peu de tout, mais qu'il n'approfondissoit rien, et que son erudition, qui s'étendoit sur la plupart des sciences ne les faisoit qu'effleurer Nicéron tom. 31 pag. 108 f.





DE  
PROGRESSV  
PHILOSOPHIAE  
APVD ROMANOS.



PHILOSOPHIAE



INSTITUTIO ET PROGRESSVS

PHILOSOPHIAE

D E

PROGRESSVS

PHILOSOPHIAE

APUD ROMANOS.




D E

PHILOSOPHIAE  
APVD ROMANOS  
INITIO ET PROGRESSV.  
PAGANINI CAVDENTII

VOLV MEN,

In quo præter historiam multa ad contemplationem  
rerum, & dissidentes Veterum Sapientum Scholas  
facientia, enarrantur.



P I S I S

Typis Amatoris Massæ, & Laurentij de Landis.

---

Superiorum Permiss., MDCLIII.



D  
11

PHILOSOPHIAE

IN ROMANIS

INITIO ET PROGRESSU

JOHANNIS CALDENII

NOTA

5738

1712



IMMORTALI  
MEMORIAE  
EORVM,

*QVI IN HOC OPERE PHILOSOPHIÆ CAUSA  
HONORIFICE MEMORANTVR,*

Libram suum offert, dicat

PAGANINVS GAVDENTIVS.





# INDEX CAPITVM.

## QVÆ CONTINENTVR

in hoc Opere.

**C**onspectus successionis Philosophicæ exhibitus ex fastis consularibus, & Chronologia. Cap. I. pag. 1  
Initium philosophiæ apud Romanos non esse ad Numam referendum. confutatur fabula quedam de Pythagora.

Cap. II.

p. 13

Augures Numæ nequaquam cum philosophis esse confundendos. Cap. III.

p. 16

An sub Tarquinio, aut tempore Decemvirorum aliqua philosophiæ illata fuerit Romæ? Cap. IV.

p. 17

Ex eo, quod aliqui antiquitus excantarent fruges apud Romanos, non esse colligendum fuisse ibi Philosophos. Cap. V.

p. 18

An à Pythagoræorum cœtu pertigerit Romam philosophia?

Cap. VI.

p. 20

Panaetium Rhodium primum videri claruisse philosophiæ nomine Romæ, & fuisse præceptorem Minoris Africani.

Cap. VII.

p. 22

Polybium à Philosophiæ Romanæ censu excludi non debere.

Cap. VIII.

p. 24

Memoratur Scipio Africanus ob philosophiam. nec omittuntur Lælius, Furius philosophus, & Gallus. Cap. IX.

p. 26

D. Senatus consulto, quo visi sunt pelli omnes philosophi Ro-

ma,



<i>ma, coniectura aduersus Gallium. Cap. X.</i>	<i>p. 28</i>
<i>De Carneadis incredibili doctrina. attingitur successio scho- lae Arcefilee. Cap. XI.</i>	<i>p. 30</i>
<i>De Diogene Stoico legato ad Romanos plura. expenditur quoddam dogma Stoicorum de Deo, &amp; reijcitur. Cap. XII</i>	<i>p. 32</i>
<i>Nonnulla de Critolao proferuntur. Attingitur successio in schola Peripatetica, &amp; aliquid ex ea non parui momen- ti colligitur. Cap. XIII.</i>	<i>p. 35</i>
<i>Veteres Romanos caruisse Rhetoribus. eosdem pu'los vi be. Cur inutiles visi? Cap. XIV.</i>	<i>p. 39</i>
<i>De Q. Tuberone ex nobilissima familia philosopho Stoico si- mil, &amp; Iuriconsulto. Cap. XV.</i>	<i>p. 41</i>
<i>De L. Crasso, de Scauola, de Sex. Pompeio qui philosophos audiuerunt. Cap. XVI.</i>	<i>p. 43</i>
<i>Liberè tandem Romae admissam fuisse philosophiam. eam non repugnare imperio. Cap. XVII.</i>	<i>p. 44</i>
<i>Eloquentiae comparanda causa Romanos amplexos philoso- phiam. conqueritur auctor de neglecta philosophia Pla- tonis. Cap. XVIII.</i>	<i>p. 46</i>
<i>Lucillum Proceribus Romanis praeiisse exemplo prorsus il- lustri ad fouendam Philosophiam. Agitur de Antiocho, &amp; Philone. Cap. XIX.</i>	<i>p. 48</i>
<i>De Tyrannione, qui captiuus ductus est Romam à Lucullo. Cap. XX.</i>	<i>p. 50</i>
<i>De Sylla transferente libros Aristotelis Romam Athenis. Cap. XXI.</i>	<i>p. 51</i>
<i>De obscuris quibusdam hominibus Romanis, qui latine de philosophia scripserant ante Cicronem. Cap. XXII.</i>	<i>p. 53</i>
<i>De</i>	



De M. Crassi Peripateticaphilosophia . cur videatur idem  
contempnissse aduersa signa , profectus contra Parthos ?  
Cap. XXIII. p. 55

De Alexandro Peripateticopræceptore M. Crassi . agitur de  
philosophico animi robore , deq. contemptu gloriae , & di-  
uitiarum . Cap. XXIV. p. 58

Quantus in philosophia fuerit M. Brutus , cui sectæ addi-  
ctus ? An verba quædam contra Virtutem protulerit iam  
iam moriturus ? Cap. XXV. p. 61

De Cæssij philosophia Epicurea . attingitur aliquid de adia-  
phoria Ciceroniana . Cap. XXVI. p. 63

De Catio Epicureo . quod scripserit de re Culinaria , sed  
non bene . agitur de effluuio radiorum , & obiter quæri-  
tur : an lux sit substantia tenuissima ? Cap. XXVII.  
p. 67

De M. Pisone , deq. eius præceptore Stasea Neapolitano .  
quam lubenter Romani Athenis viderent sedes philoso-  
phorum . Cap. XXVIII. p. 70

De T. Lucretio Romano , magno philosopho , magnoq. poeta .  
Cap. xxIx: p. 72

De C. Cotta recentis Academiae defensore ; eum , licet Pon-  
tifex esset , more Carneadeo disputasse . Cap. xxx. p. 75

De P. Nigidio Figulo Romano , philosopho Pythagoræo , &  
magno rerum naturalium indagatore . Cap. xxxI.  
p. 77

De C. Velleio Senatore Romano fidenter defendente Epicu-  
ream sectam . eius quædam disputatio contra Platonem ,  
& Zenonem perpenditur . Cap. xxxII. p. 80

De Lucilio Balbo insigni Stoico . agitur etiam de Deo Stoi-  
corum ,



eorum, cum anima mundi Platoniorum, non confun-  
dendo. Cap. xxxIII. p. 82

Proferuntur de Nigidio, de Cotta, de Lucilio, & Velleio  
versiculi. Cap. xxxIV. p. 83

Varronem fuisse summum philosophum, sed in scriptis tan-  
tum delibasse philosophiam. Cap. xxxV. p. 87

Commendatur Cicero ob philosophiam, quam primus literis  
latinis locupletavit. posse eos, qui Republica praesunt,  
quandoq. vacare philosophia. Cap. xxxVI. p. 89

De Pompeij erga philosophiam propensione. agitur simul  
de Pessitonio, Cratippo, Q. Valerio. Cap. xxxVII. p. 92

De M. Catonis philosophia, & sapientia non pauca.  
Cap. xxxVIII. p. 94

Agitur de disputatione habita à Catone cum Cicerone. profe-  
runtur nonnulla de primo Domestico. Cap. xxxIX. p. 98

De profectu philosophico Pomponij Attici. an philosophia  
necessario cum eloquentia sit coniungenda? Cap. XL. p. 100

Astronomia peritissimum fuisse l. Caesarem D. Etatorem.  
Cap. xLI. p. 102

An Iurisconsulti Roma florentes fuerint Stoici. S. Et ex addi-  
cti, quia exquirebant vim verborum? reijcitur sen-  
tentia viri docti. Cap. xLII. p. 104

Veteres Iurisconsultos videri potius cum Platoniciis & Pe-  
ripateticis, quam cum Stoicis sensisse. Cap. xLIII.  
p. 106

De Chaldeis Romapulsis. de eorum disciplina valde dili-  
genter observata sub Imperatoribus. Cap. xLIV. p. 108

De statu Chaldaica disciplina sub imperatoribus plura.  
Cap. xLV. p. 110



*De M. Fauonio, emulo Catonis, Stoicisq. addicto. Cap. xlvj.*

*p. 112.*

*De Augusti erga philosophiam, & Arium, Nicolaumq. philosophos affectu. Cap. xlvij.*

*p. 113*

*De Athenodoro, cui multum credebatur Augustus. Cap. xlvij.*

*p. 115*

*De Athenaeo, & Xenarcho, qui floruerunt sub Augusto.*

*Cap. xlix.*

*p. 117*

*Quatenus Maecenas apud Augustum commendaretur, aut vituperaretur Philosophos. Cap. L.*

*p. 118*

*De Strabone Geographo. cui secta fuerit addictus? Cap. LI.*

*p. 119*

*De M. Manilio, qui sub Augusto de Sphaera, & siderali disciplina scripsit. reijcitur opinio Geuerti. Cap. LII.*

*p. 122*

*Magnum instar Philosophiae existimasse Romanos esse Homerum. Cap. LIII.*

*p. 124*

*De Tiberij praepatore Trasyllo. an philosophiae operam dederit idem Tiberius? Cap. LIV.*

*p. 126*

*De Babillo equite Romano, praefecto Aegypti. Cap. LV.*

*p. 128*

*De Canio Iulio philosophici roboris viro sub Caio Caligula. eius mors generosa expenditur. Cap. LVI.*

*p. 130*

*De Philone Iudaeo, qui Romae sub Caio functus est legatione agitur de eius allegorijs, deq. dogmatibus potius Platonicijs, quam Mosaicis. Cap. LVII.*

*p. 131*

*De liberalibus studijs Claudij Imperatoris. Cur ei nihil profuerint? Cap. LVIII.*

*p. 134*

*De Annao Cornuto, quem Nero relegauit. Cap. LIX.*

*p. 135*

*De*



*De Alexandro Ageo Peripatetico præceptore Neronis.*

*Cap. LX. p. 137*

*De Cynico Demetrio, qui vixit sub Caligula, Claudio, & Nerone. obiter de more illustrium virorum, quando sunt morituri. Cap. LXI. p. 138*

*De Cærano, aut etiam Clarano, Cap. LXII. p. 140*

*Stoicum fuisse Thraseam Patum. Cap. LXIII. p. 141*

*Seneca aduersus quosdam maledicos defensio. de eius operibus legendis. quam impavidum se præbuerit in morte. Cap. LXIV. p. 142*

*De Senecæ mira temperantia. quibus argumentis ostendunt Stoici diuitias non esse bonas. cur Seneca liberalia studia non putet confundenda cum sapientia? Cap. LXV. p. 144*

*De statu non admodum florente philosophicarum sectarum, cum florere Seneca Cap. LXVI. p. 147*

*De scelere P. Celeris Egnatii; Stoicam philosophiam professi. Cap. LXVIII. p. 148*

*Qua ratione vulgus Cynicos irritaret, & vexaret. Cap. LXIX. p. 150*

*De baculo, pera, & barba Cynicorum, & tenui victu iuuenum dantium operam Stoicæ philosophiæ. Cap. LXX. p. 153*

*De Stoa, unde Stoici dicti, digressiuncula excerpta ex prælectione habita ad XVI. annuum Tacit. Cap. LXXI. p. 153*

*An & quatenus Cynici, & Stoici habuerint eandem originem? describuntur adhuc mores Cynicorum. reijciuntur calumnia Iuliani Imperatoris contra Monachos. Cap. LXXII. p. 156*



*De aduentu Apollonij Tyanei tempore Neronis Romam . de  
Telefino consule addito philosophis . An iusserit Nero  
ire in exilium philosophos? quam parum tuta fides sit  
Philostrati . Cap. LXXIII. p. 159*

*De Dionysio Alexandrino, qui videtur floruisse Roma sub  
Nerone . Cap. LXXIV. p. 161*

*De Heluidio Prisco sectatore Stoicorum, reuerso Romam  
sub Galba . Cap. LXXV. p. 163*

*De Vespasiano colloquente cum Apollonio Tyaneo Alexan-  
dria . Cap. LXXVI. p. 167*

*Iosephum historicum accersendum esse philosophis apud Ro-  
mam . digressionem quadam defenditur eius historia aduer-  
sus calumnias Salliani, & Mascardi . Cap. LXXVII.  
p. 169*

*De immensa rerum cognitione, qua emicuit Roma Plini-  
us, Tito Imperatori carissimus . Cap. lxxvij. p. 178*

*De Musonio Tusco philosopho, qui exulauit sub Nerone.  
notatur error apud Suidam . Cap. lxxix. p. 179*

*Expenduntur quadam, quae narrantur à Philostrato ad  
philosophiam Titi facientia . attingitur aliquid de Lepo-  
re marino & Vesuviano incendio . Cap. lxxx. p. 181*

*De Iulio Agricola nimis vehementer in adolescentia incum-  
benti studio philosophiae Cap. lxxxj. p. 185*

*De Domitiano iubente exulare Roma philosophos . Cap. lxxxij  
p. 186*

*De Deci ano, approbante dogmata Stoicorum . Cap. lxxxij.  
p. 187*

*De Traiani affectu erga philosophiam, Dione philosopho ab  
eodem valde amato . Cap. lxxxv. p. 189*

*Qua-*



*Quatenus Tertullianus appellaret Tacitum, loquacissimum  
mendaciorum. an ut adulator sit reprehendendus idem  
Tacitus? Cap. lxxxvj. p. 198*

*De philosophica sententiarum gravitate, quae reperitur apud  
Tacitum, qui lectorem impellit ad generosam virtutem,  
& auerit à vitijs. Cap. lxxxvij. p. 202*

*Recensentur, & explanantur quaedam dicta Taciti ad in-  
timam rerū civilium cognitionē facientia. Cap. lxxxviij.  
p. 208*

*De Plutarcho, qui floruit sub Traiano. obiter, an Mundus  
secundum Platonem ab aeterno fuerit factus, & an de-  
ceat philosophum ad Rēpublicam accedere? Cap. lxxxxi.  
p. 213*

*Plutarchum magnifieri debere etiam in philosophia Natu-  
rali, sed secundum Platonem. Quedam sigillatim ex eo  
depromuntur, & expenduntur. Cap. xc. p. 217*

*De Chrypppei nominis celebritate sub Traiano, & dein-  
ceps. Cap. xcj. p. 222*

*De summo sciendi desiderio quo flagrauit Hadrianus. lau-  
datur celsissimus Princeps Cardinalis de RICHELIEV.  
Cap. xcij. p. 223*

*Apud Hadrianum pra omnibus eminuisse Fauorinum phi-  
losophum. Cap. xcij. p. 225*

*Non consuluisse suae dignitati Hadrianum, dum voluit vi-  
derit superare philosophos. Cap. xciv. p. 226*

*De philosophis, qui alebantur Alexandria quibus fauebat  
Hadrianus. Cap. xciv. p. 227*

*Quam comem, & assiduum iniure dicendo efficeret philo-  
sophia Hadrianum. Cap. xcvi. p. 228*

*De*



De Adriano cupiente persuadere animam Antinoi abiisse in  
fidus. Cap. xcvij. p. 229

Hadrianum de sua vita scripsisse libros. agitur de Phlegonte  
liberto. Cap. xcviij. p. 231

Adrianum peccasse addendo Philosophia Magiam.  
Cap. xcix. p. 232

De Euphrade philosopho, qui impetrauit ab Imperatore,  
ut sibi fas foret bibere cicutam. Cap. C. p. 234

De Herode Attico viro Consulari, quem Athenis audiuit  
Gellius. Cap. CI. p. 235

De Gellio, qui Roma profectus est Athenas ad philosophos,  
quorum etiam dicta nominatim recensuit in noctibus  
Atticis. Cap. CII. p. 236

De progressu philosophiae sub Antonino Pio. laudantur eius  
mores. Cap. CIII. p. 237

De Boetho Consule, atq. alijs philosophiae vacantibus sub  
Antonino. Cap. CIV. p. 240

De Apuleio Madaurensi, philosopho Platonico. Cap. CV.  
p. 241

An Apuleius putarit Aristotelem scripsisse librum de Mundo  
ad Alexandrum? notantur quaedam in Apuleiana versio-  
ne eius libri. Cap. CVI. p. 242

Aristotelem apud Apulium docuisse, licet male, Deum sua  
substantia esse tantum in caelo. Cap. CVII. p. 246

An author libri de Mundo versi ab Apuleio, dum vocat  
caelum quintam substantiam, senserit cum Platone?  
Cap. CVIII. p. 247

Illustratur dictum Apuleij narrantis etiam faeminas sub  
disciplina Platonis philosophatas. Cap. cix. p. 251

De



*De libro Apuleij, quo descripsit Medicamenta ex viribus  
herbarum. agitur de antiquitate Medicina, & quod  
Medicina non debeat confundi cum Medicis. Cap. cx.  
p. 252*

*De Crescente philosopho Cynico, qui Romæ accusavit S. Iu-  
stinum. perpenditur quoddam edictum Traiani aduer-  
sus Christianos. Cap. cxj. p. 257*

*Quid impulerit Iustinum ut relicta philosophia Platonis,  
& veteri superstitione transfret ad Christianos? profe-  
runtur nonnulla philosophica ex eius scriptis. Cap. cxij.  
p. 260*

*De ἀδιαφορία (lat. indifferentia) Crescentis Cynici quid  
scripserit S. Iustinus? plura de rebus indifferen-  
tibus proferuntur. Cap. cxij. p. 263*

*De veritate Christiana nitente Mosaica antiquitate quid  
differat S. Iustinus contra gentes? agitur rursus de au-  
thoritate antiquitatum quas scripsit Iosephus. Cap. cxiv.  
p. 266*

*De disputationibus S. Iustini contra Aristotelem. perpen-  
duntur duo loci apud Aristotelem de cælo. Cap. cxv.  
De quadam repugnantia, quam tribuit Platoni loquenti in  
Timæo S. Iustinus. perpenditur generica diuisio Entis  
secundum Platonem. Cap. cxvj. p. 272*

*Perpenduntur adhuc verba Platonis: Dij Deorum quo-  
rum ego opifex prolata à S. Iustino. Cap. cxvij. p. 276  
Ut magis intelligantur verba Platonis prolata à S. Iustino,  
quæritur, an & quatenus voluntas Dei corporum mun-  
danorum vinculum sit. Cap. cxvij. p. 280*

*Quid de anima genita, vel ingenita secundum Platonem,  
imò*



- imò de mundo vel genito vel ingenito nonnulli protulerint, ut repugnantia nodum tollerent. Cap. cxix. p. 284
- De argumentatione S. Iustini, qua colligit Aristotelem docuisse animam esse mortalem. de *ἰντελεχία* non pauca proferuntur. Cap. cxx. p. 292
- Non pauca alia de Entelechia Aristotelica, de qua precedenti capite prolata est argumentatio S. Iustini, depromuntur. Cap. cxxj. p. 296
- Exemplo S. Iustini exercentis se in examinandis opinionibus Aristotelis expenduntur quaedam, quae proferuntur tum ab Aristotele tum Auerroe de terrae magnitudine. Cap. cxxj. p. 304
- De versione lxx. Interpretum, quae usus est in suis operibus S. Iustinus, non pauca notanda depromuntur. Cap. cxxj. p. 303
- Perpenduntur quaedam quaestiones propositae Gentilibus philosophis a quodam authore inter opera S. Iustini. Cap. cxxij. p. 313
- De duobus principijs Manichaeorum quid tradatur ab authore quaestionum, quae reperiuntur inter opera S. Iustini. Cap. cxxiv. p. 316
- Centum, & quadraginta sex responsiones ad orthodoxos non esse Iustini, nec quandam expositionem fidei. Cap. cxxv. p. 320
- Repetuntur verba quaedam ex Timaeo Platonis facientia ad repugnantiam de mundo genito, & ingenito, quam obiecit eidem Platoni S. Iustinus. Cap. cxxvj. p. 322
- De verbis quibusdam, quae obijcit Aristoteli S. Iustinus, in quibus agitur de natura caeli. Cap. cxxvj. p. 327
- No



*Nullissime cum S. Iustino obijciente Aristoteli perpenduntur*

*duo locis ex Tertio de cælo tex. l. cap. cxxviij. p. 331*

*De ijs qui prauo more architectati sunt opiniones ex S. Scriptura male intellectæ, & detorta philosophia, Romæ se inferentes. Cap. cxxix. p. 337*

*De Marci Antonini summa diligentia in discenda philosophia, agitur de eius praeceptoribus. Cap. cxxx. p. 340*

Natus est Marcus Romæ, Anno Vero aulo, & Augure Cui. patrem habuit Annium Verum, qui prætor factus Romæ, inq; Prætor decessit, proauum Annium Verum ex succubitu Hispanæ Boetæ Municipio prætorium, qui factus est Senator. Quæ omnia leguntur apud Iulium Capitolinum; cui addere, si lubet, pot. s. graues & r. r. m. Hispanicarum Scriptores (quales sunt Ambrosius Morales, Mena, & Lopez) testari hodieq; familiam Veran. suæ restit. suumq; splendorem memorabili serie ad tantum Imperatorem referre. Id amplius forte alibi enarrabo ex ijs, quæ in luculento suo de hac familia conmeritorio eruditus Dominus Franciscus à Ponte concessit. Quæ de re superest testis, huius familiæ Primogenitus Comes de Roca hoc tempore Regis Catholici ad Principes Italiæ Orator, vir omnigena rerum præsertim Civilium cognitione, & inueterata prudentia conspicuus.

*Quantus in philosophia fuerit Marcus Antoninus, quantus item in gerenda Republica. Cap. cxxxij. p. 343*

*Valde multos sub Antonino assumpsisse formam philosophorum, ut dicerent. Cap. cxxxij. p. 346*

*Nonnulla ex libris Marci Imperatoris de vita sua de promuntur, & explicantur. Cap. cxxxij. p. 347*

*De Arriano, qui composuit Enchiridium Epicteti. Cap. cxxxiv. p. 349*

*De Arnuphi philosopho, vel Mago reijcitur quadam narratio quæ reperitur apud Suidam. Cap. cxxxv. p. 355*

*Non parum Romæ auctam philosophiam opera Galeni quando his floruerit? Cap. cxxxvj. p. 356*

††

Re-



*Refertur, & aliquatenus reijcitur sententia Galeni de pulchritudine . Cap. cxxxvij. p. 361*

*An Medicina sit scientia, & quidem secundum Galenum? Cap. cxxxvij. p. 364*

*Denuo quædam de Galeni omnimoda cognitione depromuntur. Notantur aliqui Medici, qui Galenum iactant. agitur de cognitione linguæ Græcæ, & aliarum linguarum. Cap. cxxxix. p. 367*

*De causa dierum Criticorum quid protulerit Galenus? An Aristoteles videatur numeris tribuisse aliquam vim? Cap. cxl. p. 371*

*An sit consentanea doctrinæ Galenicæ diuisio Medicinæ in Theoricam, & Praticam? Cap. cxlj. p. 372*

*De Laurentio imitante Luculleam magnificentiam in excipiendis Viris doctis sub Marco Imperatore. Cap. cxlij. p. 374*

*De Athenæo scriptore dipnosophistarum. enumerantur aliquot conuiuia. de ijs, qui adstant Principibus cœnantibus Cap. cxliij. p. 375*

*De Ulpiano Tyrio dipnosophista sub Marco deq. alijs tribus Ulpianis. Cap. cxliv. p. 378*

*De Masurio Iuriscorsulto, qui floruit sub Marco, fuitq. dipnosophista. Cap. cxlv. p. 380*

*De Cynulco Cynico philosopho, qui tanquam Dipnosophista interfuit cœnis Laurentianis. Cap. cxlvi. p. 381*

*D. Medicis inter Dipnosophistas Laurentianos. An & quatenus in conuiuiis liceat de Morbis loqui? Cap. cxlvij. p. 384*

*Ob Dipnosophisticam materiam commendatur Martialis, &*



- & quaedam ex ipso repetuntur, & illustrantur  
 Cap. cxlvij. p. 387  
 Exercitatio Dipsosophistica: An testamenta sint iuris  
 Gentium, an Ciuilis? Cap. clx. p. 392  
 Alia exercitatio Dipsosophistica, in qua agitur de desidio  
 nationum in aliquo more, ut intelligamus quam di-  
 cantur esse iuris gentium. Cap. cl. p. 402  
 Ad superiorem diatribam appendix, in qua agitur de populis  
 qui spreuerunt coniugia cum peregrinis. Cap. clj. p. 404  
 De Commodo contemptore philosophiae, Cap. clj. p. 405  
 De Maximo Tyrio, eiusq. dissertationibus. Item de Alci-  
 noo. Cap. clij. p. 406  
 De Septimij Seueri doctrina. quod de vita sua scripserit  
 commentarium. Cap. cliv. p. 308  
 De Iulia uxore Imperatoris Seueri fauente philosophis. ex-  
 temporalitatis osiores, homunciones obscuro, & ignari  
 in ordinem rediguntur. Cap. clv. p. 409  
 De Alexandro Aphrodisiensi. aliquid additur de Oppiano  
 poeta, Cap. clvj. p. 414  
 De Heliogabalo persequentes eos, qui Alexandrum in di-  
 sciplinis erudiebant. Cap. clvij. p. 416  
 De Mammea, quae filium Alexandrum sapientiae praeceptis  
 curauit imbui. Cap. clviij. p. 417  
 De Alexandri Seueri philosophico studio. quod coluerit  
 Apollonium Tyanaeum, de quo plura proferuntur  
 Cap. clix. p. 419  
 De Gordiani Imperatoris philosophia. de Sammonico Sere-  
 no patre & filio, quorum hic fuit praecipior Gordiani.  
 Cap. clx. p. 421



De Plotino, quando se contulerit Romam, quandiu ibi  
vixerit? Cap. clxi. p. 423

De Amelio Gentiliano, qui fuit familiaris Plotino. Cap. clxij.  
p. 425

De Longi vita, scriptis, & morte. Aureliani gloriam  
non parum obscuratam tanti viri cade. Cap. clxij.  
p. 425

Roma fuisse Porphyrium non semel, profecisse sub Plotino,  
vixisse usq. ad Probum. Cap. clxiv. p. 428

Examinatur, & confutatur paradoxum Porphyrij docen-  
tis hominem esu carnium pollui. agitur etiam de hæresi  
Encratitarum. Cap. clxv. p. 430

Putasse Porphyrium consentire inter se Platonem, & Ari-  
stotelem aduersus eiusmodi opinionem inseritur huic li-  
bro exercitatio. Cap. clxvi. p. 435

De Memoria Philosophorum celebrari solita quotannis,  
Cap. clxvij. p. 454

De bibliothecis in urbe Roma. quot fuerint, qua ratione  
sublata Cap. clxviij. p. 455

Concussam philosophiam Romæ postquam Constantinus mi-  
grauit Byzantium. aliqua de Themistio proferuntur.  
Cap. CLXIX. p. 457

Expenditur ex Epistola Iuliani Imperatoris sententia  
Themistij præferentis ætuoſam philosophiam Contem-  
planti & Num Iurisprudencia possit vocari philoso-  
phia? Cap. CLXX. p. 460

De Sopatro, qui præfuit scholæ Plotiniana, & occisus fuit  
à Constantino. Cap. CLXXI. p. 464

De honore, quo summum philosophum Proceresum affec-  
tione



runt Romani tempore Constantis Imperatoris • Cap.

CLXXII. p. 467

De segete philosophica, quae reperitur in commentarijs Seruij Mauri Honorati. Cap. CLXXIII. p. 469

De magno anno Platonis expositio Seruij. reijcitur quorundam opinio de regno Christi per mille annos duraturo in terris. Cap. CLXXIV. p. 470

Perpenditur sententia Seruij, atq. aliorum, qui videntur rationem tribuere animalibus. eiusmodi opinio reijcitur. Cap. CLXXV. p. 473

Existimasse Seruium cum Stoicis superiora corpora aliquid accipere ab inferioribus, qua occasione queritur: an repugnet Lunam aliquid accipere à terra? Cap. CLXXVI. p. 478

Definitio mortis à Seruio petita ex Platone expenditur, & magis ac magis adstruitur animarum humanarum immortalitas. Cap. CLXXVII. p. 484

Quid de fabulis cum philosophia coniunctis Seruius proferat? notatur nimium allego-riarum studium in Philone, & Origene. Cap. CLXXVIII. p. 487

De quibusdam ominosis signis quid Seruius referat ex suorum temporum anili superstitione? Cap. cxxix. p. 489

Seruium cum Virgilio docere Deum nequaquam includi cælo. argumentationem Aristotelis pro incorruptibilitate cæli petitam à sede Deorum imbecillam esse. Cap. clxxx. p. 490

De coniunctione animæ cum corpore quid ex sententia Platonis proferat Seruius? Explicatur Christiana sententia. Cap. clxxxi. p. 493

Quanao



*Quando Macrobius videatur vixisse . non ab ipso negle-  
tam philosophiam . fit mentio Disarij Medici .  
Cap. CLXXXII. p. 495*

*An Macrobius rectè tutatus sit concentum cælestium corpo-  
rum , de quo Pythagoras primus est locutus ?  
Cap. CLXXXIII. p. 497*

*De Animarum immortalitate , & sede in cælo quid Scipio  
apud Ciceronem dicat , & quomodo ea exponat Macro-  
bius ; cuncta tamen esse exigenda ad theologiam Chri-  
stianam . Cap. CLXXXIV. p. 500*

*De studio publico philosophiæ in urbe Roma sub Christianis  
Imperatoribus . Cap. clxxxv. p. 504*

*De Boetio Romano Consule , qui bene de Aristotelis meritis  
est philosophia . non præteritur Symmachus eius Socer .  
Cap. clxxxvj. p. 505*

*Laudandos esse Proceres Christianos doctrina & eruditione  
conspicuos , qualis fuit Boethius . laudantur Nicolaus  
de Anrellis , & Cardinalis de Richelieu nuper mortuus .  
Cap. clxxxvij. p. 508*

*Boetium non locutum de Categoriæ vocabulo detorto ad  
aliud significatum . An liceat philosophis noua vocabula  
architectari ? Cap. clxxxvij. p. 511*

*Ad Boethium exponentem Ciceronis definitionem de  
Æquitate proponitur controuersia , an Nulla æquitas sit  
scripta ? Cap. clxxxix. p. 513*

*De statu animarum exponuntur verba Boethij . explicatur  
etiam Petrarcha . Cap. cxc. p. 515*

*Prædicamenta , quæ interpretatur Boethius , tradita fuisse  
ante Aristotelem ab Archita Pythagoræo . confutatur  
quæ*



quædam narratio Themistij. Cap. CXCj. p. 516

Existimasse Boethium Naturam secundum Aristotelem  
tantum dici de corporeis substantijs. de tota quaestione  
aliquid profertur. Cap. CXCij. p. 519

Quatenus videatur Boethius definivisse hominem animal  
rationale mortale. Cap. CXCij. p. 522

Antantum fuerint tres modi conferendæ libertatis tempore  
Boethij? Cap. CXCiv. p. 523

Nonnulla de philosophiæ diuisione Platonica, & Aristote-  
lica observantur ad ea, quæ profert Boethius. Cap. CXCv. p. 524

De diuisione sectarum, & librorum Aristotelicorum, quam  
omisit Boethius, quædam de promuntur ex Simplicio,  
& illustrantur Cap. CXCvj. p. 528

De diuisione philosophiæ, & de operibus Aristotelis plura  
depromuntur ex Ammonio, & reijcitur paradoxum  
Fr. Patritij. Cap. CXCvij. p. 532

Perpenduntur verba Boetij de animarum incorporeitate,  
& earundem lapsu in corpora. Quid Platonici dixerint  
de descensu animarum in corpora. explanatur quorun-  
dam Veterum Theologorum opinio de præexistentia ani-  
marum. Cap. CXCviii. p. 540

Adstruitur innocentia Senecæ verbis Boetij. obiter aliquid  
profertur de morte Papiniani. Cap. CXCix. p. 545

Quod philosophiæ finis sit, Deum imitari. quatenus homo  
dicatur imitando Deum deus fieri secundum Boethium.  
explicantur verba S. Dionysij Areopagiæ. Cap. Cc. p. 546

Boethium non disputasse de controuersia qua queritur: An  
logice



logice sit philosophiae instrumentum? aliquid in eam rem  
depromitur ex Ammonio. Cap. ccj. p. 549

Reijcitur Fr. Patritius, qui librum de interpretatione, ex-  
positum à Boethio & alijs, negat esse Aristotelis. qua-  
tenus Aristoteles intellectionem appellauerit passionem.  
Cap. ccij. p. 551

An vocabula sint à natura, an ab hominum instituto deperpen-  
duntur rationes Boetij, & quae Plato tradit in Cratyllo.  
Cap. ccij. p. 556

Proponitur effatum Aristotelis asserentis, de futuris con-  
tingentibus non esse definitam veritatem, perpenditurq.  
Boetij expositio. Cap. cciv. p. 559

Predicamentorum librum, de quo in logica Boetius cum  
interpretibus agit, inepte à quibusdam recentioribus  
reijci ad Metaphysicam. Cap. ccv. p. 568

Sidonium Apollinarem sapientiae mystam Romae fuisse. ex  
eius Epistolis nonnulla ad philosophiam facientia anno-  
tantur. Cap. ccvi. p. 572

Theodoricum fuisse studiosis sapientiae, eosq. dignitatibus  
exornasse. aliquid de Musica, & concentu syderum pro-  
fertur. Cap. ccvij. p. 576

Ex profapia Felicis Consulis floruisse doctissimum Senato-  
rem. obiter an Boetius Athenis videatur audivisse Pro-  
clum? Cap. ccviii. p. 577

Rursus de affectu Theodorici erga studia sapientiae pro-  
deunt Ennodij verba. Cap. ccix. p. 579

Theodorici res facere ad philosophiam Romanam. eum cal-  
luisse historiam animalium. Cap. ccx. p. 581

De Fausto Seniore, & Iuniorè consularibus peritis disci-  
plina-



plinarum. quatenus Rēma fludla vigerint post Bar-  
 baricas irruptiones. Cap. ccxj. p. 582  
 De Syluestro II. Pontifice philosopho eximio. reijci-ur fa-  
 bula de eius Magia. Cap. ccxij p. 584

## INDEX CAPITVM

### IN ADDENDIS.

**D**E Ouidiana narratione asserente Numam profectum  
 ad audiendam Pythagoram. profertur sententia  
 Pythagoræorum de tempore. Cap. i. p. 588  
 An XII. tabulæ continerent philosophiam? explicantur ver-  
 ba Ciceronis in lib. de orat. refer ad pag. 19. Cap. ij.  
 p. 592  
 De Sulpitio Gallo Romano perito astronomia tempore belli  
 Macedonici. Cap. iij p. 593  
 Quam abstinens fuerit Scipio Africanus. laudatur etiam  
 Marcus Imperator. Cap. iv. p. 594  
 Qua notione Lælius dictus fuerit sapiens? expenditur de-  
 finitio Aristotelica sapientie. refer ad pag. 26. Cap. v.  
 p. 596  
 Controuersa iura ex Diogene Stoico proposita. refer. ad  
 pag. 32. Cap. vj. p. 600  
 Expenditur disputatio Critolai peripatetici contra Stoicos.  
 Philo in quibusdam reijcitur, in nonnullis approbatur.  
 Cap. vij. p. 601  
 De Posidonio discipulo Panætij, qui fuit Romæ tempore  
 Marcelli. Cap. viij. p. 606

†††

De



De Hecatonē Stolco discipulo Panatij, qui Roma videtur  
floruisse. Cap. ix. p. 604

De Sosigene insigni Astronomo, cuius opera usus est Iulius  
Cæsar. Cap. x. p. 605

A gravitate philosophica petitum illud: Sophōs, cuius  
usus frequens in acclamationibus Romæ. refer ad p.  
46. Cap. xi. p. 606

T. Livium fuisse philosophum, & de philosophia scripsisse.  
Cap. xij. p. 607

Stoicos de honestate agentes potuisse aliquid conferre ad  
Iurisprudentiam. refer ad p. 106. Cap. xij. p. 608

Scholastes Iuvenalis agens de Thrasyllo reijcitur. Cap. xiv.  
p. 609.

De Timone, qui illustravit alterius Timonis Sillos sub  
Tiberio. Cap. xv. p. 610

De Fabiano Papirio insigni philosopho, quem audiuit Se-  
neca. Cap. xvi. p. 611

Stoicos putasse, sed male animam esse corpoream, licet te-  
nuissimam & dubitasse de eius immortalitate. perpen-  
duntur quedam verba Senecæ. Cap. xvii. p. 612

Alexandrum Ægeum nequaquam esse auctorem commenta-  
riorum in Meteora, & Metaphysicam Aristotelis. nota-  
tur negligentia Diogenis Laërtij. Cap. xviii. p. 613

A Boetio inter philosophos recensitum Lucanum. agitur de  
mundi conflagratione, aut renouatione. Cap. xix p. 615

In quem locum transferat animam Pompeij Lucanus mo-  
re, ut videtur Stoico de sede animarum quid prodide-  
rint Poetæ. Cap. xx. p. 618

Libertate quadam philosophica videri Lucanum appallasse  
Ale-



- Alexandrum prædonem. quid dici possit ad defensionem  
Alexandri? Cap. xxi. p. 621*
- De alio Canione philosopho. refer ad p. 130. Cap. xxii.  
p. 623.*
- Adbuc describitur Stoicismus Declani oriundi Emeriti.  
refer ad pag. 187. Cap. xxiii. p. 624*
- De quodam Pannico qui differens de philosophia turpiter  
vivebat. refer ad pag. 189. Cap. xxiv. p. 625*
- De Adriano Imperatore addito Vanitati Astrologica.  
quantopere Romæ ea in re ab hominibus insaniretur.  
Cap. xxv. p. 626*
- De Plotini præceptore Ammonio, quem Porphyrius dicit  
fuisse Gentilem, fuisse Christianum contra Porphyrium  
testantur S. Hieronymus, & Eusebius. Cap. xxvi.  
p. 629*
- De Origenis Romam aduentu. de eius aut defensione, aut  
damnatione proferuntur nonnulla. Cap. xxvii. p. 631*
- Mammæa erga philosophiam propensa ad se iubet venire  
Origenem. Cap. xxviii. p. 633*
- Ob philosophiam extitisse mitem etiam erga Christianos  
Alexandrum Imperatorem. defenditur Vlpianus. refer  
ad pag. 419. Cap. xxix. p. 635*
- Rursus de Lunæ globo, & cuius substantiæ sit. refer ad  
pag. 478. Cap. xxx. p. 636*
- De Sopatri morte. reljcitur quedam narratio apud Suidam.  
Cap. xxxi. p. 639*



Videat, & referat Ad Rev. P. Io: Donatus Antellensis Magister, &  
Metaphysicæ professor.

P. I. Abb. Lantes Vic. Generalis.

Volumen D: Initio, & Progressu Philosophiæ apud Romanos ab Ex-  
cellentissimo, & Cereberrimo viro D. Paganino Gaudentio exara-  
tum suam voluptate perlegi, nihilque in eo Catholicæ fidei  
dogmatibus, aut bonis moribus aduersari comperi. quinimo opus  
studiosis valde proficuum, tanto viro, & Typis dignissimum illud  
exstinaui. Ideo dicendo de quibusdam eidem operi addendis.  
Datum Pisis in Conuentu Sanctæ Catharinæ Ordinis Prædicatorum.

Magister Io: Donatus Antellensis Metaphysicus publicus, &  
Sanctissimæ Inquisitionis Consultor Pisanae Civitatis.

Imprimatur servatis servandis.

P. Io: Abb. Lantes Vic. Generalis.

Impr. F. B. Manzoni Inq. Pisanus.

Alexander Victorius Serenissimi M. Ducis  
Auditor, & Senator.

Addenda Volumini de Initio, & Progressu philosophiæ nihil continent  
fidei Catholicæ aut bonis moribus aduersum.

Magister Io: Donatus Antellensis S. Theol. Professor.

Imprimatur servatis servandis.

P. I. Abb. Lantes Vic. Generalis.

Impr. F. B. Manzoni Inq. Pisanus.

Alexander Victorius Serenissimi M. Ducis  
Auditor, & Senator.



*Index operum tam Etrusca quam latina lingua  
hactenus à Paganino Gaudenzio  
editorum.*

*Latina hæc sunt:*

- D**E Dogmatibus, & Ritibus Veteris Ecclesiæ obser-  
vationum pars prima, & secunda. Romæ apud  
Fr. Corbeletum.
- Velitationes aduersus Danielelem Chamierum, Romæ apud  
eundem.
- Iuridicæ expositiones Cum additamento Critico. Floren-  
tiæ apud Sermartellios.
- Instar Academicum. Florentiæ Typis Amatoris Massæ,  
& Laurentij Landi.
- Chartæ Palantes ibidem apud eosdem.
- De Iustinianæi Sæculi moribus pars prima, & secun-  
da. ibidem iisdem Typis.
- De Prodigiorum significatione. Florentiæ typis Mas-  
sæ, & Landi.
- Obstetrix literaria, & Epigrammata Noua. ibidem.
- De Comparatione dogmatum Origenis cum philoso-  
phia Platonis,
- Salebræ Tertullianæ,
- De vita Christianorum ante Constantinum. ibidem.
- De euulgatis Romani Imperij Arcanis,
- De Funere Heroum,
- De Funere Cæsarum. ibidem.



De Pythagoræ animarum tranſmigratione,  
De Ariſtoteleo Veterum contemptu,  
De Iuliani Imperatoris philoſophia,  
De Aperipato Iulij Cæſ. Scaligeri. *ibidem.*

*Opera Etruſca hæc ſunt:*

L'Accademia Diſunita. *in Piſa appreſſo Fr. Tanagli.*  
I Confini Regolati. *appreſſo l'iſteſſo.*  
Le Singolarità delle guerre di Germania. *in Firenze*  
*appreſſo Am. Maſſi, & Lor. Landi.*  
Reintegrazione de' Poeti, *appreſſo l'iſteſſo.*  
La Vita di Cleopatra. *in Piſa nella Stampa delli ſteſſi.*

De quibus quidem operibus cum diebus proxime elapſis  
ad me exarauerit gratulationem Leo Francucciſ de Bez-  
zolis Eques S. Stephani eidemq. militiæ à conſilijs, vir  
natalibus, virtute militari, eruditione, & inſigni morum  
probitate, & candore conſpicuus, eam lubenter hic appoſui,  
ne viderer facundi Scriptoris erga me affectum, & huma-  
nitatem paruipendere. Laudes verò amicorum ſic admit-  
to, vt interim non neſciam, nec obliuiſcar quantum mihi  
deſit, quamq. tenui inſtruar ſupellectile.



AD  
PAGANINVM  
GAVDENTIVM

Virum in omni doctrinarum genere excellentissimum,

*Leonis Francucci de Bezzolis Aretini  
gratulatio.*



ON possum, Paganine, quin tibi non  
solum, sed literis etiam literarumque  
verè amantibus gratuler tam multos  
tamque eximios in lucem emissos in-  
genij tui foetus: per quos tibi non in  
Italiæ duntaxat nobilissimis protectò Gymnasijs, ac  
vbi vbi Musarum sunt domicilia immortalis iam parta  
est gloria: literis vero magna facta est rerum pulcher-  
rimarum accessio: earum denique studiosis maxima  
ad omnigenam minimeque vulgarem eruditionem  
comparata sunt adiumenta. Non hæc veteri à me  
dantur beneuolentiæ: non ad gratiam loquar. Non  
est Aretinæ gentis vitium cuiquam adulari, vt etiam  
non est quemquam maledictis inlectari: vnum si ex-  
cipias insignem illum Principum mastigem Petrum  
Aretinum peregrinis prorsus extra Patriam, à qua  
ferè semper longissimè abfuit, imbutum moribus, ne  
dicam corruptum. Porro quam iusta ego vtar gra-  
tula.



tulatione, quam vera de te proferam; aliena fortasse  
negante invidia testes mihi sint præclara illa Italiæ  
nostræ decora Florentinæ Urbis academîæ, quæ te, ut  
optimis abundant rerum æstimatoribus, cum tua iam  
edita circumferrentur volumina tuumque inciperet  
clarefcere nomen, in eorum album, per quos illæ  
florent, non sine benigno quodam ac modestissimo  
plausu omniumq. suffragijs retulerunt. Testes etiam  
appello honorificentissimas non ab Italis modo, ve-  
rum etiam à Gallis, à Germanis, alijsue præcipua-  
rum nationum viris sanè non paucis doctrinarum pro-  
fessione inclytis datas ad te literas, quibus illi vel te,  
vel tua egregie commendant literarum monumenta.  
Fidem quoque dictis facturam nō dubito nobilem ac  
numerofam addictam Musis iuventutem, quæ tui no-  
minis celebritate adducta, tuorum voluminum sua-  
uitate illecta, e tot quotidie tamque diversis terra-  
rum partibus ad te plures iam annos publicè e sugge-  
flu felicissimeque docentem confluit. Legunt, Pa-  
ganine, legunt, qui præteritorum temporum notitia  
mirificè delectantur, geminum illud tuum de Iusti-  
nianæi sæculi moribus opus, in quo cum multa, tum  
varia tractas, & pulcra omnia ex antiquitatis eruta pe-  
netralibus. Legunt qui studio grauiori intenti in inda-  
ganda rerum natura cū voluptate versantur, confectos  
à te de Prodigiorum significatione deque Pythago-  
ræa animarum transmigratione libellos, in quibus tu  
hercle quantum in philosophia valeas ostendisti. Per-  
legunt autem complures, & in his viri quoque gra-  
uissi-



uissimī, quam Italicè nobis atque concinnè descri-  
ptam Cleopatraz Ægypti Reginae vitam euulgasti; in  
qua etsi non vno in loco ludere videaris, seria tamen  
profers, & quæ documento etiam esse, modo non  
sciolis ac peruicacibus queant. Sed longum foret  
singulas tuas superioribus annis excusas enumerare  
lucubrationes, quæ hominum manibus magna tua cum  
laude & nominis exultatione teruntur. Neque ijs  
plausibile minus futurum arbitror, & lectionis fre-  
quentia dignum quod recens à typis in Orbis prodit  
theatrum de suscepta à Romanis Philosophia Vo-  
lumen: eiusdem cum præferat auctoris nomen, & ab  
eodem sit ingenio profectum. Quare nil mirum si te  
Serenissimus Ferdinandus, qui Magnus Hetruriæ sa-  
pienter non minus, quam feliciter imperat in præci-  
puum suæ ditionis Lycæum ad iuuentutis florem hu-  
manioribus literis disciplinisue solidioribus exornan-  
dum Pitas acciuit: in eam, inquam, acciuit sedem,  
in qua Manutij, Angelij ac Buhneri, viri æternita-  
tem scriptis adepti docuerunt, accitum maioribus  
in diem stipendijs, quandoq. etiam gemmis, quibus  
te publicè ab eo donatum vidimus, vt est præmiator  
liberalissimus, retinet. Imo, quod magis est, adeo  
tuo delectatur ad ipsum accessu, vt inter prandia sæ-  
pe, dum reuerenter tanti Principis maiestati adstas;  
Regias epulas Lucullianis etiam preciosiores doctissi-  
mi colloquij tui suauitate conditas velit, teque non  
anre sublatas mensas dimittat. Fruere igitur tam  
magna tam rara mortalibus felicitate. Fruantur bo-  
narum



narum artium cultores tam fœcundi calami tui operibus, & quæ iam edita sunt, & quorum tu nullis parcendo laboribus editionem adornas. Gaudeant verò literæ, quæ magis in diem magisq. à te tuiq. similibus illustratæ multo profectò melius cū Armis, vt solent, de dignitate certare, atque præstantia, ni fallor, poterunt: minimeque cogentur inter tubarum clangores, inter bellicos vndique strepitus, nobilissimorum gliscente quotidie scriptorum copia teque præclara semper scribente, silere. Perge Vir præstantissime, ac dum rem literariam auges, beneuolentiæ erga me tuæ affectum quæso ne minuas. Deus te sospitem tuumque Serenissimum Mecenatem publico bono diutissime seruet, bonorum ipse omnium largitor atque Oceanus. Vale.



*M. Au-*



*Cynophis* *Pseudocyon*

РАСЧЕТЫ ОБЪЕМА

52-9356-1000

1. The first part of the book is a general introduction to the study of the history of the world, and is divided into two main sections: the first section deals with the history of the world from the beginning of time to the present, and the second section deals with the history of the world from the present to the future.

2017-2018 Year 9 History

1880



*M. Aurelius Galuanus clarissimus in  
Gymnasio Patavino Antecessor,*

In literis datis Patavij Cal. Decembris  
An. MDCXLII.

---

PAGANINO GAVDENTIO,

*Viro incomparabili,*

Amœnissima eruditio in tuo pectore velut in  
propria sede exultat. & paulo post:  
Tu regna in scholis, in libris,  
vbique.

*rursus in literis datis Cal. Maij MDCXLIII.*

Librorum immortalitate de Libitina  
triumphas.

DE




**DE HISTORIA PHILOSOPHICA**  
excolenda,

Dissertatiuncula habita Pisis ad Studiosos Philoso-  
phiæ, cum excuderetur liber de Initio, &  
Progressu Philosophiæ apud  
Romanos,

quæ hic apponitur, ut sit instar præfationis  
ad Lectorem.





**I**N Scholis hac tempestate Aristotelem philosophi-  
caq; arcana qui enarrant, Auditores, sic ferè se  
gerunt, vt solliciti de sententia vnius præceptoris,  
reliqua omnia transmittant, negligant, insuperq; ha-  
beant. Nam Platonem tanti non faciunt, vt quan-  
doq; inspiciant saltem obiter. Stoicos non lectio-  
ne, sed risu excipiunt. Pythagoreos indignos putant, de quibus in-  
stituatur disceptatio. Cum verò vni Stagiritæ, & aliquot eius interpreti-  
bus adhærescant, inq: ipsis latendo senes se reddant, mirum non est  
si non solum reliquorum philosophorum capitales sententias sper-  
nant, sed vitas eorum qui philosophari sunt ignorent, omnemq; histo-  
riam, quæ philosophiæ multiplicem successionem tradit, superuaca-  
neam opinentur esse, existimentq. tempus, quod ipsi cognoscendæ im-  
penditur, falli, frustra q; conteri. quæ praua opinio dici non potest quam  
sit perniciosa, quemq; inscitiam pariat apud adolescentes, qui magi-  
stris eiusmodi credulas accõmodant aures, quam enim turpe est igno-  
rare ea, quæ contingerunt disciplinæ prope diuinæ. quam rudem ne-  
cesse est esse eum, qui interrogatus quis fuerit Plato, quis Aristote-  
les, quis Zeno, vbi vixerit, in quæ tempota inciderit, quem exitum  
sortiti fuerint, nesciat respondere, hiscat perinde, ac si Harpocrati  
nunquam locuturus sacra fecisset. Atqui viri sapientes, qui nobis inge-  
nij sui monumenta reliquerunt, de Vicibus philosophiæ, de vitis Phi-  
losophorum, de Regibus, Principibus, Imperatoribus, qui aut phi-  
losophari sunt ipsi, aut philosophos beneuolentia sua sunt complexi,  
non tacuere. quin accuratè valde multa sic narrarunt, vt ostende-  
rent partem non exiguā vitæ li teratæ, & doctæ esse illam, quæ de Phi-  
losophis ipsis agit, atq; recenlet. id quamuis sit, prorsus exploratum  
nullaq; indigeat apud eos, qui in bonis libris peregrini non sunt, pro-  
batione, vt tamen vobis rem gratam, Auditores, faciam, & meum er-  
ga sapientiæ Magistros studium manifestum reddam, constitui hac  
dissertatiuncula aliquot enumerare scriptores, qui historiam Philoso-  
phicam locupletare sategerunt; vt nos eiusmodi diligentia subleuati  
magis




magis ac magis accenderemur eorum arcanorū amore. Quis verò in huiusmodi serie princeps prodibit, & se conspiciendum præbebit? an longo ordine omnes venient in acervum? an nullus præteribitur? peccaretur in vestram sedulitatem prolixo nimis sermone. Ergo tantum eos perstringam, quorum opera usus sum, cum priuatim librum de Initio, progressu Philosophiæ apud Romanos confluxi, nam ego persuasi curioso oculo à Plutarcho exaratas vitas, recognoui utrumq: Catonem, Lucullum, Pompeium. qui labor mihi reliqua in argumentum propositum opportunè suggestit. inspexi Gellium, Herodianum, Suetonium Dionem Cassium, ipsi me sua opera non destituerunt. recognoui Senecam, Tacitumque. an inde siccus discessissem? Nequaquam. inprimis in consilium vocavi historiæ Augustæ chartas, in quas eruditissimus Casaubonus exercuit stylum. quam multa ex huiusmodi scriptoribus petita. quid memorem Eunapium, quid Porphyrium accuratè scribentem Plotini, summi philosophi vitam? nec præteriui Hesychem Illustrium Milesium. vidi quæ traduntur à viris doctis de Apuleio philosopho Piatonico, de Boëtio. non semel in manus sumpsi Suidæ collectanea, perlustravi Persij Satyras, ne prorsus ieiunus esset meus commentarius. nec Macrobius immemori animo excepi. horum, atq; aliorum auctorum auspicio non dubitavi novitatem hanc in historia philosophica aggredi. nam hæcenus, quod sciam, nemo calamum ad huiusmodi materiam illustrandam transtulit, quod si scire cupiatis num prorsus à quæstionibus philosophicis abstinuerim, soliq; narrationi institerim, respondebo bona fide, dedisse me operam, utijs, qui anhelant ad contemplationem, & historica cognitione minus detinentur, aliqua saltem ex parte facerem satis. Arripui igitur non simplici vice ansâ excurrēdi ad umbras philosophorū, hoc est ad scholas, in quibus fundantur mysteria sapientiæ, & sæpe suscepi tales digressiones, quæ tamen vix digressiones dici debent, quandoquidem explicant scriptæ eorum, qui Romæ philosophati sunt.

Expectatis forte ut postquam talia protuli, vos invitem ad legendum, evoluendumq: Volumen? Non ita me geram, ne ambitiosus videar. nam nisi vos amor veri, aut saltem amor, quo prosequimini insignes homines, philosophiæ interpretes, & mystas compulerit, effeceritq: ut historiæ philosophicæ non pœnitendam partem cognoscatis, nequicquam adhibebitur adhortatio. Certè qui composuit librum, dum vehementer ostendit cupere se suas cogitationes legi, rogans à lectione retrahit. Tacite namq: propria laudat, dum tantopere urget ad evoluendum quæ exaravit. sic imprudenter in notam, qua labora-



4  
uit Suffenus irrisus à Catullo, incidit. Cum igitur meum non sit laudi-  
bus efferre, & accuratè commendare, quæ euulgare constitui,  
vos vestra utimini libertate, & siquidem puratis à me quæ profiscun-  
tur studiosa perscrutatione non esse indigna, date operam, ut in  
vestras veniat manus musteum opus, sin aliter sentitis, me quidem  
non irato, alijs voluminibus, quæ meliora existimatis, tempus im-  
pendetis. dixi.







DE INITIO, ET PROGRESSV  
PHILOSOPHIAE  
APVD ROMANOS.

---

Conspectus successionis Philosophicae exhibitus  
ex fastis consularibus, & Chronologia.  
Cap. I.

**E**l qui cum fructu vult legere Volumen,  
quod de Initio, & progressu Philosophiae  
apud Romanos, exhibeo, par est obuersari  
tanquam in tabella serie temporum, ne sa-  
cula inter se confundantur, & quod serò  
contigit, citò euenisse putet, mediaeque aetates cum primis  
aut nouissimis commisceat, opus, inquam est lectori meae dis-  
sertationis, Chronologia, quam iacere hodie in Italia quon-  
topere dolendum. Chronologia namque si verum fateri non  
abnuimus, est Ariadneum filum, cuius adminiculo ex la-  
byrintho temporum inuolutissimo in apertissimum labentium



etatum euadimus campos, & amoena uireta. Ergò sitibi non est laua mens, candide lector, hilares alacresq. in hanc Cbronicam texturam st. te oculos.

Anno ab VC. XXXVIII. obiit Romulus cui successit Numa.

Pythagoras Seruio Tullo regnante Roma, circa Metapontum, decessit teste Lio. Serui Tulli regnum incidit in annum CLXXIV.

Sed ante Seruium regnauit Tarquinius Priscus anno CXXXIX is fuit Transmarinae originis, oriundus Corintho graecum ingenium Italicis artibus miscens. an uerisimile est tunc aliquid philosophiae Graecae illatum Roma?

Anno ab VC. CCCIV. quando latae sunt leges XII. tab. uinebat Roma Hermodorus Graecus uir sapiens, Heracliti familiaris. expertem tantum uirum fuisse philosophiae nequaquam probabile est.

Circa Annum IDLIX floruit Romae Panetius, preceptor Scipionis Africani.

Anno IDXCII. factum est Senatusconsultum Coss. C. Fannio Strabone, & M. Valerio Messala, Philosophi ne Roma forent.

Circa Annum ab VC. IDCLX. usq. ad annum IDCC. floruerunt Sylla, Lucullus, Cicero, Iulius Caesar, quibus multum acceptum tulit philosophia apud Romanos.

Imperium Augusteum incipit anno IDCCX. Et desinit an. IDCCCLXV. Tunc igitur clari fuerunt fauente Augusto Arius, Athenodorus, alijq. philosophi.

Tiberius imperauit annos XXIV. ab anno VC. IDCCCLXVI. ad



**Liber Paganini Gaudentij.**

7

*ad 1000LXXXIX. in hac tempora incidit Thrasylli fama.*

*Caligula Imperium ad tres extenditur annos ab anno 1000LXXXIX vsq. ad 1000XCIII. non ignotus sub Caio fuit Demetrius Cynicus.*

*Romanis deinceps prae est Claudius anno 1000CCIV. vsq. ad 1000XCXV Seneca hoc imperante exul fuit in Corsica.*

*Nero imperat ab anno 1000CCVII. vsq. ad 1000CCXX. eius iussu idem Seneca occisus est.*

*Neronem excepit Galba, hunc Otho, Othonem Vitellius, Vitellium Vespasianus, qui dominatus est annorum undecim spacio ab 1000CCXX. ad 1000CCXXXI.*

*Titi breue fuit Imperium, sub quo notissimus fuit Plinius historiae naturalis Scriptor.*

*Domitianus imperavit ab anno 1000CCXXXIV. vsq. ad 1000CCXLVIII. is Philosophos Roma expulit. Apollonius Tyanus arte magica euasit ex vinculis.*

*Sub Traiano qui imperavit nouemdecim annos ab anno 1000CCLI. vsq. ad 1000CCCLXIX. floruit Plutarchus Cheronensis.*

*Sub Hadriano, qui regnavit vsq. ad annum 1000CCXC. Phauorinus, Taurus clari fuerunt.*

*Antonini Pij Imperium non destitutum est claritate Apuleij philosophi Platonici.*

*Sequuntur deinceps Diui Fratres Marcus scilicet Pius, philosophus, & Antoninus Verus.*

*Vixit tunc Apollonius Chalcidenus, praeceptor Marci, ut alios omitam.*

*Extenditur Marci Imperium vsq. ad annum 1000CCCXXVIII.*

*Commodus imperavit vsq. ad annum 1000CCCXLIV. Septimius autem Severus cum Antonino Caracalla regnarunt vsq.*



8 De Philosophia apud Romanos

usq. ad annum ICCCCLXIV. floruit sub his Alexander Aphrodisiensis.

Super est Caracalla usq. ad ICCCCCLXVI. Heliogabalus imperat ab anno ICCCCCLXXI. usq. ad ICCCCCLXXIV.

Alexander Severus imperavit tredecim annos. is coluit religiose Apollonium Tyaneum in Larario.

Sub Philippo qui imperavit anno ICCCCLXXXVI. venit Romam Plotinus. Et vixit etiam sub Galieno, cui carus fuit.

Aurelianus qui obtinuit imperium anno CLOXXIII. occidit Longinum philosophum, cum cœpisset Zenobiam.

Usq. ad Probum videtur vixisse Porphyrius. ultimus autem annus Probi incidit in annum CLOXXXIII.

Sub Constantio, cuius imperium incidit in annum CLOCV. claruit Themistius, & deinceps.

Theodosius, & Valentinianus edixerunt, ut unus philosophus publicè Romæ interpretaretur philosophiam.

Imperium Zenonis Isaurici incidit in annum ab VC. CLOCCVIII. Consul fuit Boetius anno CLOXXXVIII. qui magnanimus non dubitavit Aristotelica augere illustrare dogmata, quod eò maioris faciendum, quia incidit in tempora calamitatum plenissima. iam enim bis direpta fuerat à ferocissimis hostibus Roma. primum quidem à Gothis duce Alarico anno CLOCLXIII. & iterum anno CLOCCVIII. à Vandalis, qui omnibus opibus urbem spoliaverunt, ornamenta, & insignia duce Genserico in Africam transtulerunt, scribente id Iustiniano C. de offic. præf. præf. Afric. ut verum tandem sit quod M. Varro lib. XVIII. Antiquit apud Censorinum scriptum reliquit Vettium se Romæ in augurio non ignobilem, & ingenio cuius doctori in disceptando parem audivisse dicent-



centem: quoniam CXX. annos incolumis præterisset populus Romanus, ad MCC. peruenturum.

Boetium itaq. nouissimum recensent, qui Romæ philosophorum præceptis ciues imbuere sategerit. quamuis post lapsum multorum seculorum tandem ducentis, aut paucioribus ab hinc annis reuixerit in vrbe philosophia annitentibus summis Pontificibus, operâ suam conferentibus magnis viris Bessarione Cardinali, Theodoro Gaza, alijs, quorum memoria deinceps diutissimè, vt apparet, instauratæ sapientiæ causa vigeat, senio contempto, obliuione depulsa, obscuritate superata. parabilis autem ideò mihi exitit de Initio, & progressu Philosophiæ scriptio, quod publicè historiam, politicamq. in Celeberrimo Gymnasio, quod est Pisis, profitens iam tot labentibus annis lubenter. Vitam Imperatorum à Tacito, Suetonio, & auctoribus historiæ Augustæ scriptam explanauerim auditoribus, & quæ videbâtur singularia, cognoscenda proposuerim. Cæterū cū non pauca de liberalibus studijs, atq: etiam philosophia Cæsarum in eiusmodi prælectionibus mihi fuerit necesse occurrere, mens sua sponte cœpit de toto argumento cogitare serio. Nec lubuit à Cæsarum Imperio philosophicam historiam inchoare. Quin recurri ad initia rei Romanæ, ad quod me inuitauit meum itidem munus quod tribui Liuiio, Floro, & Dionisio Halicarnassico, quorum opera necesse fuit sæpe depromere inter docendum. Non solum autem de philosophia Cæsarum suscepi tractationem, quam iam publicæ exhibeo luci, verum etiam eodem fere filo aut deduxi, aut inchoaui, aut saltem animo sum complexus alia. Si tanti putas esse meam opellam, lector, vt scire satagas, quæ nam sint quæ tuæ paro, uti-



litati, non reticebo equidem. Talia namq. celari renuunt, cum studiosorum vel ficientur profectui. Ergo suo tempore forte videbis de Peregrinatione Casarea librum, quo ostendam, quantum laboris exantlauerint Veteres Imperatores hic illuc per provincias comineando, ut cuncta componerent, bella praefigarent, populos solarentur, cōpescerent praesidium rapacem auaritiam. quin & discerent, animumq. pascerent pulchra variarum rerum cognitione.

Exeret quoq. caput suo tempore libellus de more Imperatorum in dicendo iure, quem inscribam; Casarium tribunal. Magni namq. Principes suarum esse putabant partium lites decidere, fraudibus aduocatorum, inò Magistratum occurrere. At hodie prauī quidam Iurisconsulti persuadent Principibus ius totum committendum esse doctōribus, neq. esse è dignitate Regum tribunalibus sese immiscere. ò pestilentes voces, ò paradoxa in ultimas terrarum oras ableganda.

Nihil etiam vetabit addere, de Casarea poesi exercitationem, ut intelligant inepti quidam, & Barbari homines, quam gloriosa sit poesis, quam amplecti, & excolere non ambegerunt orbis terrarum Principes, eiusmodi argumenta, ut spero, ad tuum, lector, facient palatum, cum ab illis, qui tamen prolixos de Romano Imperio euulgarunt commentarios aut neglecti prorsus fuerint, aut leui sanè opera perstricti, potius quam deducti, & promulgata. quod super est, Deo optimo gratias ago, qui hanc mentem mihi indiderit non indulgendi otio, & vitam silendo transigere, eundem rogo ut in hoc proposito mihi det esse ad nouissimam vsq. horam constantem. fiat, fiat.



Ad Heroes Philosophos, quorum nomina, & libri  
recensentur in hoc Opere,

*Epigramma.*

**I**llustres animæ, transcriptaq. nomina cœlo,  
Heroes, digni sede ciboq. Deum,  
Quos olim Sophiæ iuuit potare fluentia,  
Et cultu Natam demeruisse Iouis;  
Aspicite hunc propius partum, tenuemque libellum,  
Quo vos in numerum, vestraq. dicta voco,  
Efficite ut longè volitent, lateq. papyri,  
Nec metuant Plutum, tardipedemq. Fabrum.  
Sic erit, ut reliquos, Phœbo duce, & auspice, foetus  
Cecropij iubeam tecta subire chori.

*Ad Imperatores Romanorum, qui vel fuerunt Philosophi,  
vel Philosophos amant.*

**C**æsarei Heroes, magni Iouis aurea proles,  
Scepترigeri Proceres, Romulidumq. Duces,  
Vos ego in his refero cupidus, laudoq. papyris,  
Subq. pios oculos inclyta facta voco,  
Non queis Germanos, debellastisq. remotas  
Parthorum sedes, Massagetumq. domos,  
Sed quibus æthereæ venerant templa Mineræ,  
Docto excepistis pectore grande sophos.  
Et mystas Sophiæ vario coluistis honore,  
Munifica dantes plurima dona manu,  
Credita quæ fastis, liuor non obruet æui,  
Ireq. non cernet sub styga sera dies.



*In Plebeios philosophia tractatores.*

**H**inc curvæ procul ite animæ, sublimium inanes,  
 Ite procul, vos hinc Pallas abire iubet.  
 Nam refero Proceres, quos norunt Tybridis vndæ  
 Voluisse assidua candida scripta manu.  
 Atq. inter mensas hilares fudisse loquelas  
 De tellure, mari, stelliferaq. plaga.  
 Quin memoro rerum Dominos, Mauortis alumnos,  
 Induperatores, laurigerosq. Patres,  
 Quos pia detinuit Sophie, & sincera voluptas,  
 Qualis Dijs nectar præbet, & ambrosiam.  
 Hinc ergo procul ite animæ, cœlestium inanes,  
 Nam mea vos plebem pagina ferre nequit.

*Ad Studiosos adolescentes, qui legunt  
 librum hunc.*

**E**gregij Iuvenes, quos florida purpurat ætas,  
 Quosq. Minerua alacres, ad sua tecta vocat,  
 Suspiciite excelsæ immortalia nomina Romæ,  
 Doctificam vigiles qui coluere Deam,  
 Tantorumq. hominum exemplo stimulate virentes  
 Ingenij vires, magnanimamq. animam,  
 Robustum miseræ seponite dogma senectæ,  
 Ne vos deprendant vltima fata inopes.  
 Sic erit, ut sanctæ defunctis munere vitæ,  
 Æthereæ pateant lucida templa domus.

*Ad*



*Ad eos, qui vnum sectantur Aristotelem .*

**H**VC , precor, huc oculos conuerso lumine flecte,  
 Qui solum addictus voluis Aristotelem ,  
 Disceq. num soli dederint sua puncta Lyceo  
 Ingenui Æneadæ, Dardaniq. Patres?  
 Quin Academiam lubeunt, te ctæq. Stoæ  
 Te Zeno , assidui te coluere Plato .  
 Ergò Palladius qui gestas Sacra Sacerdos,  
 Noli vnum addictus voluere Aristotelem .

Initium philosophiæ apud Romanos non esse ad  
 Numam referendum . confutatur fabula  
 quædam de Pythagora.  
 Cap. II.

**S**I famam , quæ longè lateq. percrebuit, sequi velimus,  
 initium philosophiæ apud Romanos, ad Numam , sa-  
 pientissimum Regem referendum fuerit . Creditum namq.  
 olim est in Italia à Pythagora doctum eruditumq. fuisse  
 Pompilium . nam cum tanta Rex floruerit sapientiæ lau-  
 de , quis dubitet ei Philosophum aliquem , & quidem præ-  
 clarissimum, ad Palladis templum præiuisse, comiterq. viam  
 ostendisse . audiamus Ciceronem: quidam Pompilium Nu- <sup>2. de</sup>  
 mam Regem nostrum fuisse Pythagoreum ferunt . <sup>orat.</sup>  
 Plutarchus in vita Numæ sic loquitur: Cum igitur nar-  
 rent Numam Pythagoræ auditorem fuisse . Concinit  
 Livius : auctorem doctrinæ ( Numæ ) Samium Pytha- <sup>lib. 1.</sup>  
 goram



goram edunt. peruulgata opinioni quis erit qui velit obstrepere, & brachia contra torrentem publicæ vocis dirigere? sed vulgi rumorem reijciunt graues Scriptorum, exsufflat temporum peritia, quæ à Græcis Chronologia nuncupatur. Lilius falsò hoc editum de Numa asserit. Cicero in prima Tusculanarum refert, Superbo regnante in Italiam venisse Pythagoram. rursus idem in secundo de Oratore non hæsitante ait Numam permultis fuisse annis antequam ipse Pythagoras. vides auctoritate tantorum hominum explodi fabellam de Pythagoræ cum Numa congressu. Non defuerunt, ut testatur Plutarchus, qui vulgatæ opinionis suscipientes defensionem dixere, ante Pythagoram Samium extitisse alium Pythagoram Spartiatam, qui stadium vicisset in Olympia, sextadecima Olympiade, cuius anno tertio in regnum Numa constitutus est, eum errabundum circa Italiam cognouisse Numam.

Sed quis fidem habeat narrationi tam obscuræ de Pythagora Spartiata adeò antiquo, & adeò docto, cuius tamen nomen silentio fuerit præteritum à conditoribus Annalium?

Ne autem miremur extitisse non paucos, qui tempora confundentes apud Romanos, Pythagoram asseruerint fuisse Numæ magistrum, quandoquidem antiquissimis temporibus in Italia Chronologia negligebatur, nec dicere erat, quo tempore quisq. Rex, aut vir insignis florisset. Nonne hac quoque tempestate Turcæ temporum præteritorum memorias nesciunt, aut si quis sciunt prorsus commiscent fasceatim, & confundunt?

Sed quæret aliquis, si Numa non habuit præceptorem Pythagoram, sub quo dicitur profecisse, cuius auspicijs ad fa-



stigium Sapientiæ pertigit? Respondere licet cum Liulo  
 suopte ingenio profecisse Numam non instructum peregrinis  
 artibus, sed disciplina tetrica, ac tristi Sabinorum. nam fa-  
 bulam de eius cum Pythagora congressu magis ac magis iugu-  
 lat, dum narrat constare Philosophum Samium Seruio Tul-  
 lo regnante Romæ, centum amplius post annos, in ultima Ita-  
 liæ ora circa Metapontum, Heracleamq. & Crotonum iu-  
 uenum æmulantium studia cœtus habuisse. quod si subtiliter  
 de natura rerum disseruisset Numa posset quis urgere h. sto-  
 ricos, scireq. velle, quo duce penetrasset Numa abdita phi-  
 losophiæ? at ipse præcepta tulit de ijs, quæ facerent ad salu-  
 tem Regni adq. cultum Deorum, quarum rerum cognitione  
 ut quis imbuatur non necesse est aliquot annorum spatio va-  
 care docenti philosopho. Quæ omnia ostendunt philosophiam  
 tempore Numæ pedem Romanæ non intulisse urbi, sed eius  
 principium ad subsequenda reiiciendum tempora, fas tamen  
 est gravitatem morum, quæ in Numa eluxit, his excipere  
 numeris.

Non Numa Pythagoræ profecit lege Magistri,  
 Tempora si numeras, historiamq. legis.  
 Sed parvis natus Curibus, genitore Sabino  
 Augusto didicit tramite ferre pedem.  
 Quin puerilem animum incoxit gravitate seuera,  
 Ne vitia hauriret, neue lateret iners.  
 Sic Sapiens meruit dici, poniq. Sophorum  
 In cœtu, qualis Zeno, fuitq. Plato.



Augures Numæ nequaquam cum philosophis esse  
confundendos. Cap. III.

**E**Xplosa fabula de Pythagora, erit nihilominus, qui ad Numæ Regnum referat philosophiam, quandoquidem non defuerunt tunc, qui auribus obseruatis diuinarent auguralem autem scientiam videri esse philosophorum propriam, quandoquidem Magi apud Persas sic philosophabantur, ut infano colloquerentur, & augurando diuinarent. Magos porrò Persarum philosophos constat fuisse.

Cic. 1.  
de diuin.

Quæ quamuis sic proferantur, non tamen largiar philosophiam viguisse sub Numæ. Nam auspicia nec apud Troianos negligebantur, & magni fiebant heroicis quoq. temporibus apud Grecos, ut nos docent Homeri poemata. Non inde tamen quis collegerit Vates illos, quorum nomina valde inclauerunt, philosophiæ fuisset mystas. grauitè profecto impingeret, qui omni nationi philosophiam imputaret, cunctosque eos pronuntiaret esse philosophos, qui de rebus futuris coniecerant. An Tuscia inuenit philosophiam, aut Tages fuit philosophus, quia apud Tuscos cœpit aruspicina exerceri? Largiamur apud Persas eosdem fuisse Magos, & philosophos, & augures, hoc est Magos auguralem exercuisse disciplinam, num hinc exculpes eandem esse auguralem cum Philosophica scientia? Nam Iulianus, ut refert Ammianus Marcellinus, habuit in suo comitatu aduersus Persas cum se conferret, aruspices, augures, Philosophos, inter quos magnum cum foret discrimen, sigillatim consulebantur. imò aliter apparet respondisse Imperatori, qui cum  
maio-



maiores haberet fidem philosophis, aduersa signa neglexit;  
 & irato cælo suum persecutus est iter. quod videre est apud  
 historicum Marcellinum, & ego anno præterito cum de  
 Iuliani philosophia ederem opusculum satis perspicue ex-  
 posui.

An sub Tarquinio, aut tempore Decemuirorum  
 aliquid philosophiæ illarum fuerit Romæ?

Cap. IV.

**A**N dicemus Tarquinium ex Græcia oriundum Philo-  
 sophiam Romæ intulisse? id verisimile existimabit  
 aliquis, quandoquidem græca instituta cum philosophia co-  
 iuncta erant. Satagit autem quisq. ea qui sibi maxime  
 probantur, propagare, alijsq. commendare. Non putarim  
 tamen de philosophia admittenda cum Romanis egisse, cum  
 nihil de eiusmodi peritia, quando ipse memoratur, ab histo-  
 ricis recenseatur. Nec enim qui græca est præditus elegan-  
 tia, & ciuitate, statim philosophus nominandus venit.  
 quod si philosophus fuisset Tarquinius, non propterea inue-  
 here in urbem Romam philosophiam satagisset. nam iuxta  
 mores exterorum qui vitam instituit, odium publicum sibi  
 attrahit populi, quod de Vonnæ refert Tacitus in secundo  
 Annalium. Anacharsis profectò postquam in Græcia didi-  
 cisset philosophari ad suos Scythas reuersus idcirco est vita spo-  
 liatus, quod instituta Græciæ ipsis obtinere, moreq. Græco-  
 rum sacrificare cuperet.

De Hermodoro amico Heracliti quid dicemus? verisimile  
 est eum fuisse philosophica præditum cognitione, cum autem



canti factus fuerit, ut Duodecemviri eius opera, & consilio fuerint vti in concinnandis Decem tabulis, suspicari licet eius auspicijs aliquid saltem ex philosophia Heraclitica, quae maximè fiebat apud Græcos, Romæ illatum fuisse.

Sed hæc suspicio est, destituta claro historicorum testimonio; sine quo qui verisimilitudini velificatur, nihil agit nam de rebus gestis quando agitur opinio incerta gradum cognitionis non promouet. Ergò sileat adhuc Romæ philosophia, donec certiora de eius initio detexerimus.

Ex eo, quod aliqui antiquitus excantarent fruges  
apud Romanos, non esse colligendum  
fuisse ibi Philosophos.

Cap. V.

lib. 4.  
cap. 7.

**P**hilosophia qui olim erant insensu Magiam ferè cū ipsa coniungebant, & philosophos cum Magis, quorum artes vetera, commiscebant. ipsi dicerent viguisse Romæ philosophiam cum à Decemviris conderentur leges. Cur ita? quia in XII. tabulis de Magia non exercenda lex sancita. sic enim habebat: Si quis alienas fruges excantassit, capital esto. quod respexit Seneca in quæstion. Naturali. Et apud nos in XII. tabulis cauetur, ne quis alienos fructus excantassit. Rudis antiquitas credebatur attrahi imbres cantibus, & repelli. quorum nihil posse fieri, iam palam est, ut huius rei causa, nullius philosophi Schola intranda sit. Quod verò philosophi cum Magis congressi sint, docet Suidas, cuius hæc sunt verba: Empedocles ipse, & Pythagoras, & Democritus Magorum vti  
con-



consuetudine, multa q. diuina effati, nondum illa arte censentur.

Sed qui arguendo ex frugibus non excantadis elicere vult philosophiam, ille etiam mira monstra ex alijs legibus euocaret. prorsus vetita Magia, quam qui profitentur Malefici appellatur in Codice, à philosophia secernenda. nam qui philosophi congressi dicuntur cum Magis, cum Chaldeis, & Sacerdotibus apud Assyrios, & Persas sunt collocuti. Eiusmodi autem Magi quales fuerint iam pridem expositum est ab eruditis hominibus. Certè quod fuerunt apud Ægyptios Gymnosophistæ, apud Indos Brachmanes, apud Gallos Druidæ, apud Græcos philosophi, hoc existerunt, apud Chaldeos, aut Persas Magi. Hi nequaquam vsi sunt incantationibus, ut perderent homines, non occiderunt homines, ut ex eorum fibris futura prospicerent. non conati sunt recitatis carminibus Lunam cælo deducere, non venena miscuerunt, ut veneficio vitam alicuius decurtarent. Tantum autem abest, ut philosophia faueat prauis veneficarum artibus, ut vix ullus repertus fuerit philosophus tali nomine dignus, qui eiusmodi scelera non damnaverit. An enim viri excelsi præditi ingenio, & pulcherrimarum cognitione rerum succincti ad talia scelera appellerent animum? quod si fas foret asserere Romæ fuisse philosophos tempore Decemviorum, quia nonnulli excantabant fruges, Colchicum profecto regnum abundasset præceptis philosophiæ, nam Medea quid non potuit præstare suis Veneficijs? Thessalæ quoq. mulieres in cœtu philosophico essent recensenda, nam Veneficæ perditissimæ abiuerunt in prouerbiū. insignis philosopha fuisse Locusta, temperatrix venenorum ingeniosa. Comitæ philoso-



phorum tunc haberentur, quando muliercula ope Dæmonum  
ad Beneuentanas noctes, ad Lemannicas præstigias sese  
conferunt. ploraret philosophia, eiularet sapientia, quan-  
do vetula prauis artibus infames ob interfectos infâtes sup-  
plicia pendunt, & publico in foro tardipedi traduntur  
Vulcano ustulanda, & in cineres redigenda. ne ergò à quo-  
quam philosophia cum vetitis Magorum artibus confunda-  
tur, quod etiam lubet carmine exprimere.

Nigra superstitio, Magicas quæ sustinet artes,  
Concidat, exilio suppliciumq. luat.

Ast vigeat Pallas, cerebro Iouis edita Virgo,  
Nullus non studijs excolat ingenium.

Cecropis hoc iubet vrbs, quâ tandê Roma Magistram  
Excepit, grato detinuitq. sinu.

An à Pythagoræorum cœtu pertigerit  
Romam philosophia?

Cap. VI.

**A**T saltem opéra Pythagoræorum Philosophia si non  
ex omni, aliqua certè ex parte, dicetur se Romano-  
rum auribus insinasse. Dio profectò Pruseus Oratione  
XLI X. testatur, Italos omnes à Pythagoræis institu-  
tos. Cicero in primo Tusculanarum asserit post Pythagoræ  
tempora viguisse Pythagoræorum nomen in Italia, ut nul-  
li alij docti viderentur. Plato in Italiam venit, audiuitq.  
Philolaum, Timæum, Architam, aliosq. in secundo de  
Oratore Tullius testatur: refertam quondam Italiam  
Pythagoræorum fuisse. Nemo tantam socordiam im-  
pege-



pegerit Romanis, ut asserat nihil ex talibus sententijs, & dogmatibus peruenisse in urbem.

Eiusmodi coniectura ad veritatem proximè accedit, sed cum coniectura sit, non impedit, quo minus animus vacillet, abnuatq. sentire vixisse Pythagoram philosophiam in vrbe quoq. Roma, cum tamen id ab annalium conditoribus proditum non fuerit. Nam quam graues motus exercuerunt populum Romanum. Sape inter se sunt collisi, in discrimen ingens vocata libertas. plebs fremuit contra patritios. instabant interim vicini agrè ferentes in tantam spem condendi Imperij surgere Quiritum mentem. Inter hac quis philosophico otio, tranquillitatiq. professoria fuisset locus? non tubæ, non tympana permittebant exaudiri longinquas, & exiles Pythagoræorum voces.

Quod si leuibus coniecturis liceret suam credere cogitatione, eodem Marte fas foret dicere putasse Romanos animos hominum esse sempiternos. nam id dogma traditum scimus à Pherecyde Syrio Pythagoræ magistro. taliq. coniectura magis munire certam de immortalitate animorum sententiam, quam fides quoq. Catholica prorsus adstruit.

Aliquis etiam ex cæu Copernicano mussaret, tacitusq. obseruaret putasse Romanos, terram moueri, cælum stare. Cur ita? Nam Philolaus, non quidem auditor, sed scèzator Pythagoræ ita sentiebat. quæ opinio dicitur etiam fuisse Nicetæ Syracusij, si credimus Ciceroni in secundo Academicarum questionum, cum præsertim Seneca in questionibus Naturalibus dicat deliberandum, ut sciamus, an stante mundo terra vertatur.

Sed hæc tam leuia sunt, ut à minima aura dissipentur,  
tacten-



inclinaturq. per aera. Doctissimi namq. Astronomi, ut philosophos omittam, immobilem esse terram magno asseruerunt consensu ad Copernici usq. aetatem, Philolaiq. Nicetae, & Seneca nullam habuerunt rationem. An autem imperitia notam eiusmodi in re licebit impingere clarissimis disciplinarum Mathematicarum professoribus? sed ne vagemur extra lineas, quas ratio argumenti nobis praescripsit.

Panætium Rhodium primum videri claruisse philosophiae nomine Romae. eum fuisse præceptorem Minoris Africani.

Cap. VII.

**Q**uem dicere est claruisse primum Philosophico splendore Romae? An Panætium Scipionis præceptorem? id videtur asserendum, cum Suidas, in d. Cicero, Paterculus testentur tantum belli Ducem sub eiusmodi profecisse magistro. fuit is Diogenis Stoici discipulus Stoicus Neagora filius, mortuus tandem Athenis.

Patriam habuit Rhodum, ut testatur Polybius lib. IV. qui etiam innuit fuisse nobili genere natum, nam eius maiores memorat, quod non fecisset si fuissent obscuri.

Docuit absq. dubio non tantum priuatim (ut videtur) Africanum, qua de re Cicero lib. I. offic. dum vocat Africanum Panætij auditorem, sed etiam publicè valde multos, nam idem Polybius facit mentionem Apollonij Stoici, optimi inter auditores Panætianos. unde etiam discere est fuisse eundem Panætium Zenonianæ doctrinae professorem. id quoq. disertè testatur Cicero lib. I. offic. nam ait velle se sequi



qui in materia de officiis Stoicos, & deinceps subinde recurrit ad Panætium, qui luculentum de eare scripserat commentarium. Eum quoque inter præcipuos Stoicos recepit Philo lib. de Mundi incorruptib. dum ait Boethum, Posidonium, Panætium viros Stoica doctrina valentissimos ad placitum de mundi incorruptibilitate transfugisse. unde colligere est Panætium sic fuisse Stoicum, ut tamen in dogmate de mundi corruptibilitate ab ipsis discesserit. ne miremur, si asseruerit quoque animam esse mortalem test. Cicerone, licet ceteroquin summopere admiraretur Platonem, quem omnibus locis: diuinum, sapientissimum, sanctissimum, Homerum philosophorum appellabat. ò lapsum magni viri, qui deferens Platonem potuit immortalitatem animarum oppugnare reclamante non tantis philosophorum sed nationum communi orope consensu.

1. Tulci

Discant interim Peripatetici philosophiam illatam Romæ à Stoico, simulque norint Romam præ omnibus sectis philosophorum fouisse, amasse, promouisse Stoicos.

Ordine porrò naturæ turbato videtur Panætius superuixisse discipulo Scipioni Æmiliano, quandoquidem ait Cicero vixisse Panætium triginta annis postquam de Officiis libros euigasset. Quo vero dolore dicendum est affectum fuisse philosophum, quando audiuit impijs propinquorum manibus sublatum dilectissimum discipulum. nam sic periisse Scipionem colligere est ex verbis Africani Maioris apud Ciceronem in somnio. Scipio scilicet aduersabatur Caio Graccho, quumq; fortis ac validus pridie domum suam se recepisset mane in lectulo repertus est mortuus sine vulnere, ut ait Appianus. Vxor erat illi Sempronia, soror eorundem Graccho-



chorum, deformis femina & stolidi, quæ ob ea vitia contem-  
ni se à viro grauitè ferebat. suspecta ergò fuit, tanquam Cor-  
nelia matris, & Gracchi fratris iussu maritum sustulisset. de  
morte tamen eius nulla quæstio habita, quod ait Valerius in  
capite de Ingratis, qui raptorem spiritus domi inuenit,  
mortis punitorem in foro nō reperit. quod agens de Pa-  
nætio præerire non potui, quia vulgò non ita notum est, quo-  
modo, & quo mortis genere grauissimi philosophi triumphæ-  
lis discipulus obiuert. Sed misso Scipione, recitemus Epi-  
gramma honori, & gloriæ summi philosophi Panætij Rho-  
dij, inter Stoicos nulli secundo dicendum.

Soli Sacra Rhodus genuit te, doctè Panæti,

Quem secum gaudet ducere Scipiades,

Dum peragit Mauortis opus, feralia bella,

Victriciq. premit Punica regna manu.

An quisquam audebit deinceps lacerare Dynastas,

Quos animum studijs excoluisse iuuat?

Polybium à philosophiæ Romanæ censu excludi  
non debere. Cap. VIII.

**P**olybium comitem Scipionis ex censu philosophiæ Roma-  
næ non est fas expungere. nam Velleius inquit: Sci-  
pio tam elegans liberalium studiorum, omnis doctri-  
næ, & auctor, & admirator fuit, vt Polybium, Panæ-  
tiumq. præcellētes ingenio viros domi militiæq. secum  
habuerit. Suidas autem non tacet Panætium fuisse præ-  
ceptorem Scipionis post Polybium Megalopolitam. qui  
bus verbis videtur Panætius Polybio postponi. Strabo lib.  
I. eum disertè appellat philosophum. Et si autem Polybius  
de



de philosophia non dicatur scripsisse libros, historiae tamen ab ipso exaratae satis superq. ostendunt, quantus in palestra fuerit philosophica. in sexto prof. etò libro accuratissime de speciebus Rerumpublicarum disputat, ostenditq. optimam Reipublicae formam esse mixtam ex tribus suauiter temperatis Monarchia, Aristocratia, Democratia.

Quod Mathematica didicerit, ostendit Tactica, quae passim sese exerit in eius historijs, ut propterea putet eruditissimus Casaubonus minus bene quaedam loca versa fuisse à Perotto, quod Tactica, & vocabulorum ad Tacticam facientium non esset peritus.

Descriptio quoq. locorum ostendit quantus fuerit in Geographicis, nec ignorasse historiam animalium itidem historici clamant libri, qui tamen non omnes ad nos peruenerunt, quod si extarent magis ac magis liceret perspicere, quantus in philosophico studio exiiterit Polybius.

Quam verò reuerenter legendus, reuerenter habendus, audiendusq. dum praecepta Regibus tradit Polybius, quando quidem tam studiose audiebatur à Scipione euersore Carthaginiis, quo quis unquam extitit sapientior, & fortior? En in idem argumentum epigramma.

O fax historiae Polybi, Sophiaeq. medulla,  
O lux Aeneadum, Graugenumq. nitor,  
Quam meritò Dux, qui vertit Carthaginiis arces,  
Victor & exitio Punica regna dedit,  
Te socium asciuit bello, studijsq. Magistrum,  
Atq. tuo cupidus traxit ab ore sophos.



Memoratur Scipio Africanus ob philosophiam. nec  
omittuntur Lælius, Furius philosophus, &  
Gallus. Cap. IX.

**O** Fortunatum magni magistri discipulum Scipionem, quem nunquam vel facundissimus orator satis laudauerit, fuit enim omni virtutum genere ad miraculum usque ornatus Scipio, addictus quoque impense studiis bonarum artium. qua de re dubitare nos non sinit Cicero non uno in loco. in secundo libro Tusculan. sic loquitur: Semper Africanus Socraticum Xenophontem in manibus habebat, cuius inprimis laudabat illud, quod diceret eosdem labores non esse æquè graves Imperatori, & militi, quod ipse honos laborem leuiorem faceret Imperatorum.

Idem Tullius in secundo de Oratore narrat Scipionem diligenter audiuisse Carneadem, Critolaum, Diogenem, quamdiu Romæ legationis causa fuerunt. verba Tullij sunt: Itaque eos, dum Romæ essent, & à se, & ab alijs frequenter auditos.

Ergo gratissima extitit legatio Atheniensium, cum summis illos philosophos misissent, magnopereque iniuerunt gratiam apud Scipionem, de quo idem Tullius testatur, quod secum eruditissimos homines ex Græcia semper palam habuerit. hinc colligimus sub Scipione valde floruisse Romæ philosophiam.

Tulliano testimonio addenda præclarissima verba Velleij Paterculi, ut gloria Herois Scipionis magis ac magis elucescat. Scipio tam elegans liberalium studiorum,

om.



omnisq. doctrinae auctor, & admirator fuit, ut Polybium, Panætiumq. præcellentes ingenio viros domi, militiaeq. secum habuerit. Neq. enim quisquam hoc Scipione elegantius interualla negotiorum otio dispunxit, semperq. aut belli aut pacis seruijt artibus: semper inter arma, ac studia versatus aut corpus periculis, aut animum disciplinis exercuit.

*Quæres, an non asper factus fuerit Scipio præceptis Stoicorum? Nihil minus. sic enim Cicero orat. pro Muræna loquitur, ut dicat Scipionem oratione, & præceptis Panætij quamquam Stoica forent, asperiores non esse factum, sed lenissimum.*

*Alatere Scipionis auellendi non sunt duo summi viri, Romani procures C. Lælius, & L. Furius. de Lælio sic pro Muræna: quis verò (Lælio) comior, quis iucundior eodem ex studio (Stoicorum) quis illo (Scipione) grauior, sapientior? Furius autem commendat cum utroq. in secundo de Oratore his fere verbis: Non tulit hæc ciuitas aut gloria clariores, aut auctoritate grauiiores, aut humanitate P. Africano, C. Lælio, L. Furio, qui secum eruditissimos homines ex Græcia semper palam habuerūt.*

*In secundo de Finibus narrat Lælium adolescentem audiuisse Diogenem Stoicum, post autem Panætium, & sapientem fuisse appellatum, quia quod esset suauissimum duceret.*

*Læli præclare, ac rectè sophos, Lucillius, ei opperit Lappathum, & Gallonium homines gulosos. ventabat inquit Cicero, ad cœnam, ut satiaret desideria natura Lælius.*

*Addamus L. Philippum, & C. Galium Lælio. ipsi enim*



ob sapientiam Stoicam ignoti non fuerunt, cum florent Scipio Læliusq. discere id est ex luculenta oratione Ciceronis pro Muræna, in qua ostendit necesse non esse, ut asper sit, & seuerus, qui Stoam colit. quod monitum utinam non negligerent nonnulli, qui nostra tempestate triste supercilium hominibus subinde intentant.

De Senatusconsulto, quo visi sunt pelli omnes philosophi Roma, coniectura aduersus Gellium. Cap. X.

**M**ox calamitas videtur excepisse philosophiam Roma cū vix recepta videretur fuisse. tam citone pœnituit lib. 15. Romanos sapientiæ admiffæ? Gellius narrat Caio Fannio cap. 11. Strabone, M. Messala Coss. Senatus consultum de philosophis, factum fuisse, uti Romæ ne essent. addit sub finem capitis: Neq. illis solum temporibus minus rudibus, necdum græca doctrina expolitis philosophi ex vrbē Roma pulsi sunt, verum etiam Domitiano imperante, senatusconsulto eiekti, atq. vrbe & Italia interdicti sunt. qua tempestate Epictetus quoq. philosophus propter id senatusconsultum Roma decessit. hæc Gellius, qui non simplici modo videtur premere famam Romanorum, & à tramite historica veritatis aberrare. Videatur enim existimare omnes prorsus philosophos discessisse Roma, eosq. non simpliciter monitos, ut discederent, sed exilio damnatos ea ratione, qua Domitianus Tyrannus, & osor sapientiæ expulit sapientiæ professores.

Videtur autem posse consutari Gellianæ narrationis capi-



ea. nam teste Cicerone Scipio, Lælius, & Furius: eruditissimos homines ex græcia semper palam secum habuerunt. vixit autem post, natus consulum, siue post consulatum Fannij, & Messalæ Scipio, quod facile quivis ex fastis consularibus perspicere potest, cum eiusmodi consulatus inciderit in annum ab V.C. IXXCII. Ergo non bene dixit Gellius universim philosophos pulsos Roma.

2. de

orat.

Quis etiam credat legatos frequenter auditos à Scipione, Lælio, Furio summa auctoritate præditis exilio multari potuisse? Nonne tanti viri repugnassent, & in os contradixissent Catoni, qui certè Romæ non omnia poterat? Nonne hoc fuisset dedecore, & iniuria afficere amicissimam urbem Athenarum, quæ semper fuit sedes Sapientiæ? legimus porro apud Plutarchum in vita Catonis Censorij Carneadem Academicum, & Diogenem Stoicum legatos Atheniensium venisse Romam. Tunc facile sua eloquentia, & comitate adolescentes allexerunt, quod cum perspexisset Cato, persuasit senatui, ut iuberet duos philosophos redire in Græciam ad docendos iuvenes. Etenim ipse omnem Græcam doctrinam, quantum in ipso erat insecratabatur. Socratem certè loquacem, & violentum hominem vocabat, qui cum in patria sua plus posse, quam leges paterentur, affectaret, priscos mores ac veteres consuetudines antiquare, ciuesq. suos ad contrarias pristinis institutis opiniones traducere molitus est. ipse interim Nearcho Pythagoræo philosopho cum iunior esset hospite familiariter usus est non Romæ, sed Tarenti.

Ex qua quidem narratione videmur posse colligere à Senatu monitos Carneadem, & Diogenem ne diutius here-



rent Romæ, sed expedita legatione se conferrent in patriam. Neq. enim apud veteres moris erat habere perpetuos legatos. Ergo non odio præcipuè phil<sup>o</sup>sophiæ videntur dimissi, sed quod præter morem legatorum se gerendo nimis diligenter ad se allicerent Romanam iuventutem, eamq. a militia, & civilibus negotiis auocarent. Certè ante legationem istam fuisse alios Romæ philosophos videtur testari Plutarchus dum inquit: Cato secum itauit vniuersos Philosophos honestatis specie Romæ dimitti. verebatur ne ad humanitatem conuersa iuuentus, sic discendi laude duceretur, vt rerum gerendarum, ac militiæ gloriam contemneret.

Sed inquires, saltem fatetur Plutarchus omnes omnino philosophos dimissos. Respondeo, sic quidam censere, sed id vix potuisse ex præcedenti narratione deduci. An enim quia moniti sunt legati, vt discederent Athenas, exilio maculati sunt omnes?

Quod si cui lubeat existimare Senatusconsulto prohibitos fuisse omnes prorsus philosophos esse Romæ, sentiat satè vt vult, dummodo quæ protuli non prorsus extra lineas verisimilitudinis vagari fateatur.

De Carneadis incredibili doctrina. attingitur  
successio scholæ Arcesileæ.

Cap. XI.

**S**ive expulsus fuerit Roma, siue honorifice dimissus Carneades, adhuc memorandus licet Roma profectus, cum eius non semel facta sit mentio à Cicerone, & cognosci me-



mereatur ab eo, qui de philosophia apud Romanos statu disse-  
rere cupit haud tralatitiaratione. Memoria enim repeten-  
dum est Arcesilam acumine ingenij, & admirabili dicens  
lepore fretum cepisse Zenonem contemnere, quod putaret  
vix quicquam novi ab ipso depromi. Etsi autem Acade-  
miae nomen libenter usurparet, & frequenter summorum  
philosophorum dicta in ore haberet, conabatur tamen clarita-  
ti tenebras offundere, omniaq. sursum deorsum vertere, ut  
nihil stabile fixumq. foret. Hinc emerfit Arcesilae schola à  
vetustate Academiae veteris discedens ob turbidam ambi-  
guitatem. Arcesilam porrò audiuit Lacydes, & proximè  
eius tenuit exedram. Lacydem excepit Euander, post Euan-  
dram floruit Egesimus, ab Egesimo institutus, & eruditus  
est Carneades, qui ipsos nonaginta vixit annos. tam datur-  
nū fuit Arcesilae ambiguitatis fulcrum. munivit autem sese  
Carneades innumeris voluminibus Chrysippi, quem legebat,  
& relegebat, gratitudinem suam professus his verbis: Si  
Chrysippus non esset, Carneades non esset. eius erat vox pror-  
sus resonans, qua implebat cathedram. in disputando adeò  
erat acer, tamq. promptus, & eloquens, ut quisquam eius  
posset ferre conspectum, ea propter non ibat ad cœnas, ne cui-  
quam sua molestus esset praesentia. adde philosophis displic-  
uisse admodum Carneadis institutum quod omnia ambigui-  
tati subijceret, quae opinio contemptui sapientiam exponebat.  
quis enim labores exantlet, ut sciat id, quod sciri nequit?  
quis operam philosophorum magnifaciat, si quicquid pollice-  
tur, id totū ambiguum incertumq. est. ipse tamen Carneades  
valde placebat, cum sua eloquentia, suaq. copia homines  
in admirationem raperet. non solum autem dicendo, sed &  
scri-



*scribendo, & libros emittendo fulciuit exedram. quin & sua se & reliquit cum moreretur successorem Clitomachum, qui, & ipse non paucos reliquit de philosophia libros. quid memorem Melanthij Rhodij suauitatem? Clitomacho diu operam dedit Philo, quo superstite Carneadis doctrina non vacillauit, fuit enim Philo, & doctissimus, & eloquentissimus. Sed à Carneade digredi ausus est Antiochus Ascalonita, adq. antiquitatem Academicam regredi, qua de re aliquid inferius, suo loco attingam. fas autem non est Carneadem absq. carmine, leui sanè, & breui dimittere. id huiusmodi est.*

*Horridus ut miles pugnando fertur in hostem,*

*Et ferit assultans, perterebratq. caput:*

*Sic tua, Carneades, nescit consistere virtus.*

*Quin celer aduersam conterit usq. aciem,*

*Et Sophien vexat, perrumpens dicta Platonis,*

*Mentibus obrepit dum nouitatis amor.*

*De Diogene Stoico legato ad Romanos plura.*

*expenditur quoddam dogma Stoicorum*

*de Deo, & reijcitur. Cap. XII.*

**R**ECTè facit, qui Carneadem à Diogene diuidit, & si aliquis possit existimare utrunq. fuisse Stoicum, cum legere fas sit apud historicos in primis Chrysippeos libros placuisse Carneadi. ac ambigendum non est Stoicum prorsus & ex tota animi sententia secutum Stoam Diogenem, Carneadem autem liberius indulgisse opinionum varietati. putarunt quidem Romani Carneadem non minus, quam Diogenem



nem Zenonia porticus esse sectatorem. verum ipse Carneades liberè professus est, se nequaquam Stoicorum admirandis paradoxis additum esse, qua de re nemo potest dubitare, qui legerit Academicarum quaestionum librum secundum. Narrat namq. Cicero A. Albinum Romanum, qui consul fuit & Prætor, cum legati ad Senatum in Capitolio starent, iocantem dixisse Carneadi: ego tibi Carneade Prætor esse non videor, quia sapiens non sum, nec hæc vrbs, nec in ea ciuitas. Cui respondit Carneades: Huic (scilicet Diogeni) Stoico non videris, quibus verbis se à secta Stoicorum discedere testatus est Carneades, neq. cum Diogene sentire, quæ narratio etiam indicat qualis fuit Albinus Consul, & Prætor. doctus scilicet homo, ut ibidem tradit Cicero, atq. adeò à philosophico Romanorum theatro non excludendus. At, inquit, ipse dixit se sapientem non esse, hoc est, non esse philosophum. Respondere licet, eum iocando dixisse se non esse sapientem, quod non videretur esse sapiens Diogeni, qui forte solos procures Stoæ existimabat esse sapientes.

Cum autem Diogenis inter Stoicos clarum sit nomen, hic non possum non promere palmare Stoicorum dogma de origine mundi. pronunciarunt namq. Stoici, quod est apud Tullium hunc mundum esse sapientem, haberementem quæ & se, & ipsum fabricata sit, & omnia moderetur, moueat, regat. 2. quæst. Acad.

Dices, quam absurdum est dicere, mundum seipsum fecisse, an quisquam seipsum fabricari potest? exponunt suam sententiam Stoici, dum dicunt mundum esse quodammodo conflatum ex Deo, & materia. Deum enim increa-



tum, ad increatam, sed rudem, & indigestam materiam accessisse, & architectatum hanc molem. putant autem ijdem Stoici commixtum esse Deum materiae, ut forma commiscetur apud Aristotelem materiae. sic enim explicat dogma Stoicorum Alexander Aphrodisaeus in libro de mixtione, aitq ipsos duo omnium rerum primordia esse, asserere materiam, & Deum, quorum alterum agere, pati alteram. immixtum materiae esse Deum affirmant, perq. eam uniuersam pertransire, ipsamq. figurare, formare, atq. hoc modo exornare. quis autem sibi patiatur persuaderi Deum cum liber esset ab omni concretionem mortali, voluisse se talibus vinculis ultro inferere, & implicare? sed vide quae consequantur, si pergas reciprocare ferram contentionis. nam aiunt Deum esse corpus, intelligere tamen. an igitur proprium est corporeae naturae intelligere? An etiam corpus cum corpore sic coalescit ut penetratum impleat? an Deus corpus est subtilissimarum partium? sed quid Deo fiet commixto, quando tota moles conflabit? an ipse, an Sol, Luna, Stella omnes, Terra, quae intelligentia iuxta Sticam non destituantur, in flammam abibunt? Cicero namq. de ijsdem Stoicis ait: fore tamen aliquando (dicunt) ut omnis hic mundus deflagret. Sed tales sententiae Diuinitati, & Deo nequaquam concinentes missae fiant cum Stoico Diogene, absurda prorsus sint, & risu potius quam confutatione dignae.



Nonnulla de Critolao proferuntur . Attingitur  
 successio in schola Peripatetica, & aliquid  
 ex ea non parui momenti colligitur .

Cap. XIII.

**S**I diximus Carneadem , si Diogenem , non silentio excipiemus Critolaum , quem celebrem reddidit non sola ad Romanos legatio , sed forte magis successio in schola peripatetica . Rexit , inquam , Cathedram Aristotelis , & peripatum tenuit Critolaus , præstantissimus absq. dubio in eo philosophiæ genere . Nec enim defecit dogma Aristoteleum moriente Aristotele , successit ei Theophrastus . Theophrastum excepit Strato , qui se physicum voluit appellari . post Strattonem docuit Lycon , aut Glycon . deinceps rexit scholam Peripateticam Aristoxenus . Aristonis vocem intermori non est passus Critolaus Phaselites . quod comprobare licet testimonio Plutarchi in libro de exilio . Adde Clementem Alexandrinum in primo Stromateon , dum scribit : Apud Platonem philosophatus Aristoteles , ei succedit Theophrastus , cui Strato , cui Lycon , deinde Critolaus , deinde Diodorus . hæc ille . in qua tamen recensione ex Plutarcho non est omittendus Aristoxenus . Nec caruit subsequētis temporibus Peripatus professore præcipuo , quod hic deducere non est opus , cum non agamus hic de philosophia apud Athenienses , sed apud Romanos .

Lubenter autem attigi eiusmodi successionem , ut intelligamus dogmata semel sancita à Præceptore in peripato re-  
 tenta fuisse , & deinceps veluti lampada successoribus , in-



nioribusq. tradita. Sed dolendum scripta antiquissimorum Peripateticorum ad nos non pervenisse, præter quædam Theophrasti, & Andronici Rhodij paraphrasin in libros Moralium. Licet Theophrasti non pauca reperiantur fragmenta apud varios Scriptores. At defectus eiusmodi suppleri potest ex operibus Alexandri Aphrodisiensis. nam absq. dubio quæ tradidit in suis libris ex sententia Aristotelis, à Magistris docentibus in peripato accepit tanquam germana summi Magistri dictata. oportet enim scholam peripateticam, si Peripatetica voluit dici, noluitq. cum Academia Platonis, & Zenonis Stoa confundi, habuisse semper, & palam defendisse suas peculiare opiniones, traditas à fundatore Cathedra. hinc ambigendum non est Alexandrum paulo ante memoratum mandasse literarum monumentis, quæ consentanea audierat esse menti Aristoteleæ.

Quod cum ita sit, quam putandus est esse infelix labor quorundam recentiorum, qui Peripato addictissimos se esse profitentur, interim magnis editis voluminibus in Alexandreas inuehuntur interpretationes, & in explicando Aristotele gloriantur se ab ipso discedere, dicuntq. millies studiosis se longe melius indagasse, & litteris mandasse sensum Aristotelis, quam indagaverit Alexander Aphrodisiensis, præ omnibus peripateticis, excepto Theophrasto, & Andronico, antiquus, siquidem loquamur de ijs, quorum opera ad nos pervenerunt. quæ in re mihi profectò videntur imitari novos Gnosticos, nostri temporis Sectarios. interpretantur ipsi Prophetarum, & Apostolorum monumenta, eisq. novos, & miros induunt sensus. Nos Catholici iure merito tales reijcimus expositiones. nam sumimus in manus anti-  
quo-



quorum Sanctorum Antistitum volumina, quæ reliquerunt  
derebus Sacris. discimus ex illis qua ratione intelligi de-  
beant dicta Sanctorum Prophetarum, & Apostolorum,  
& ipsis plenam habemus fidem. Cur ita? quia ipsi non fue-  
runt valde remoti à tempore Apostolorum, & ex viva vo-  
ce Apostolicorum virorum audiuerunt, quid sibi voluerint  
Sanctissimi Apostoli in suis scriptis. infeliciter itaq. imò  
pessimè collocant suam operam Nouatores, quando aliter ex-  
ponunt dicta Apostolica, quam exposuerint veteres Eccle-  
sia Sanctissimi, & doctissimi Patres. Male etiam censen-  
di sunt mereri de Peripato, qui Peripati palmaria dogma-  
ta non sumunt ab Alexandro, sed quidlibet excogitant,  
ut ad sua somnia miserum torqueant Aristotelem, cui si li-  
ceret caput tollere, audireq. tales Interpretes, clamaret:  
Nunquam hæc, quæ vos nugiunduli mihi impingitis, man-  
davi litteris. nolite torquere mea dicta. Silete, aut cum  
antiquis Interpretibus, qualis profectò est Alexander, lo-  
quimini.

Quæ dum profero, non propterea assero vera esse quæ Ale-  
xander dixit, cum aliud sit (quod cogor toties repetere) di-  
cere quid senserit Aristoteles, aliud, quid veritati ipsi sit  
consentaneum. Ego certè iam pridem in meo opere de  
Aristoteleo Veterum contemptu edito hic Pisis anno  
MDCXLI. & in mea Cleopatra euulgata præteritis mensi-  
bus, satis superq. exposui, quam non sim addictus Peripa-  
to, nec iurauerim in verba Lycei.

Sed post digressionem forte nimis prolixam, reuertatur  
ad Critolaum oratio.

Eum laudat impensè Clemens Alexandrinus de summo  
bono



bono quando agitur, aitq. Voluisse imitari antiquos, & esse valde grauem, & manere in institutis patrijs, non autem tam bene se gessisse Diodorum eius discipulum, & successorem.

Cicero in V. Tusculan. obseruat impensè laudata fuisse à Critolao bona animi, de felicitate, & summo bono quando agitur. etenim in alteram lancem animi bona, in alteram corporis, & externa imposuit, tantumq. propendere illam boni lancem putauit, vt terram, & maria deprimat. Sic visus est Xenocratem grauissimum philosophum, sed nequaquam Peripateticum imitari in exaggeranda tantopere virtute, extenuand. s. q. ceteris, & abijciendis, inq. virtute non modo beatam, sed etiam beatissimam ponere vitam.

Hæc hætenus de Critolao, qui missus Romam, Romæq. aliquandiu moratus, philosophatusq. attente, & summa cum voluptate audientibus Quiritibus, ad philosophiam profecto non parum facit Romanam, dignus, qui eiusmodi dimittatur carmine:

Auribus haurires si nunc, Critolae, recentum

Dicta Magistrorum, quos leuis aura vehit,

Qua voce exciperes iactantes scita Lycei,

Iactantes nomen, dogmaq. Aristotelis?

Acri bile tumens clamares: comprime linguam

Vulgus inops veri, turbida turba file.

Quin audi Veteres, fundentes ore loquelas,

Quales Andronici, cum superesset, erant.

Quales suauiloqui reddebant septa Lyconis,

Pulpita Alexandri, pegmata Aristotelis.

Nam quæ vos pueris tumidum torquetis in orbem,

Excipit Æolius turbo, celerq. Notus.

Ve-



Veteres Romanos caruisse Rhetoribus. eosdem  
pulsos vixisse. Cur inutiles visi?

## Cap. XIV.

**C**um philosophia diuidatur secundum grauissimos scri-  
ptores in sermoniticam, siue logicam, in Natura-  
lem, & Moralem, & sermonitica pars non exigua sit Rhe-  
torica, Rhetores non sunt prætereundi, quando de philosophiæ  
statu apud Romanos agitur. Etenim dubium non est anti-  
quis temporibus non fuisse Romæ Rhetoras, quod colligere  
est ex Suetonio de Claris Rhetoribus. nam aliquot annis post  
C. Fannij Strabonis, Valerijq. Messalæ Consulatum iussi  
sunt vrbe discedere appellati nouum genus hominum. Sic lo-  
quitur Gellius l. 6. cap. XI. Cn. Domitius Ænobar-  
bus, & L. Licinius Crassus Censores de coërcendis  
Rhetoribus Latinis ita edixerunt: Renuntiatum est  
nobis esse homines, qui nouum genus disciplinæ insti-  
tuerunt: quod in ludum conueniat: eos sibi nomen im-  
posuisse latinos Rhetores: ibi homines adulescentu-  
los dies totos desidere. Maiores nostri, qui liberos suos  
discere, & quos in ludos itare vellent, instituerunt.  
Hæc noua quæ præter consuetudinem, ac maiorum  
morem fiunt, neq. placent, neq. recta videntur. qua-  
propter & ijs, qui eos ludos habent, & ijs, qui eo ve-  
nire consueuerunt, visum est faciendum, vt ostende-  
remus nostram sententiam, nobis non placere. Ea-  
dem prorsus recitantur à Suetonio in principio libelli de  
Claris Rhetoribus, apud quem etiam continetur Senatuscon-  
sul.



*fulcum factum eandem in rem C. Fannio Strabone, & M. Valerio Messala instigator præcipuus Senatus fuit absq. dubio Cato Censorius, de quo Plutarchus in eius vita: In Isocratem inuectus, eius in schola discipulos con-  
nescere aiebat, vt apud inferos causas, quas in fidem suam recepissent, patrocinio tuerentur. idem ad argu-  
mentum referendum est, quod legitur apud Quintilianum de Clar. orat. Rhetoras paulò ante Ciceronis tempora  
exitisse, nec placuisse maioribus nostris ex eo mani-  
festum est, & Marco Crasso, & Domitio Censoribus cludere, vt ait Cicero, ludum impudentiæ iussi sunt.  
Sed paulatim, vt ait Suetonius, Rhetorica utilis honestaq. apparuit, multiq. eam præsidij causa, & gloriæ appetiue-  
runt. Repetitæ tamen sunt quærelæ aduersus Rhetoras, quod non prodesse adolescentibus, sub Nerone à Petronio, sub Domitiano, aut Traiano à Quintiliano. Petronius ita:  
Ego adolescentulos existimo in scholis stultissimos fieri quia nihil ex ijs, quæ in usu habemus aut audiunt, aut vident. Quintilianus autem: Adolescentuli nostri deducuntur in scenas Scholasticorum, qui Rhetores vocantur. Sic fit, vt tyrannicidarum præmia, pesti-  
lentiæ remedia, aut quicquid in schola quotidie agitur, in foro rarò vel nunquam, ingentibus verbis prosequantur.*



De Q. Tuberone ex nobilissima familia philo-  
sopho Stoico simul, & Iuriconsulto.

Cap. XV.

**C**atonianum supercilium non putavit contra philosophos  
probandum Q. Tubero, cuius familia laudatissima  
fuit, licet tenuitati rei familiaris involuta. refert siquidem  
Plutarchus in Paulo Emilio Elium Tiberonem virum  
optimum fuisse tam tenui patrimonio, ut sexdecim ex Tu-  
beronum familia, in unis aedibus, & quidem modicis cum  
coniugibus, & liberis habitarent. Quintus autem ex præ-  
clarissima ortus familia sic appulit animum ad Stoicam Phi-  
losophiam, ut mirificos in ea fecerit progressus. nam Cicero  
in oratione pro Muræna nunc, eruditum virum ex studio  
Stoico mox eruditissimū appellat. inclaruisse autē ob eius-  
modi eruditionem satis constat ex Tacito, in XVI. Annal.  
dum inquit: ista secta (Stoica) Tuberones, & Fauo-  
nios veteri quoq. Reipublicæ ingrata nomina genuit.  
cum præsertim ea etiam de causa fulgeret nobilitate quod  
haberet matrem Sororem Africani. cum autem severitatem  
Stoicam præ se ferret atq. etiam paupertati ab ineunte ætate  
esset assuetus, peccavit in dando epulo, & gravi se reddidit  
reprehensioni obnoxium. Rogatus scilicet à Maximo, cum  
epulum dare vellet populo nomine patrui sui Africani, ut  
triclinium sterneret, stravit pelliculis hædinis lectulos  
punicanos, & expoluit vasa Samia. quasi Diogenes Cy-  
nicus esset mortuus, & non divini hominis Africani mors  
bonestaretur. huius ergo in morte celebranda graviter tulit



populus Romanus peruersam sapientiam Tiberonis, itaq. homo integerrimus ciuis optimus, cum esset L. Pauli nepos, Publij Africani sororis filius, his hæc diuis pelliculis prætura delectus est. intempestiua ergò parsimonia, & frugalitas Tiberonis satis superq. docet peccare philosophos, qui putant publicos imperiorum Rerum publicarumq. mores posse, & debere exigere ad paupertinam viuendi rationem, quæ obseruatur in cætibz quibusdam philosophicarum sectarum, qui se certis legibus, cum non ita multi sint, addixerunt. At quando regenda sunt integræ nationes multum cogimur tribuere communi hominum propensione, & consuetudini inueteratæ, quam si velis suppressere, eodem Marte totam ciuitatem confundes, & permiscebis. Sed ad Tiberonem reuertamur. is à Gellio dicitur fuisse antistes iuris ciuilibz, & Stoicæ doctrinæ sectator: rara est gloria eius hominis, qui geminam simul calleat disciplinam, qualis fuit nostra tempestate Huberij Gisanij, & Iulij Pacij, qui de philosophia pariter, & Iurisprudencia scribendo bene potuerunt, & voluerunt mereri. plebeij tamen Iurisconsulti tunc putant se excellere iuris scientia, quando omnis eruditionis, omnisq. philosophiæ fuerint expertes, idq. palam præ se quoq. tulerint. lubet autem in pusillos Iuris interpretes, qui cõtemnunt philosophiam sic ludere:

Stoica depromptit felici dogmata nisu

Tubero, Romuleæ lausq. decusq. togæ.

Quin bis sex tabulas perfudit luminis aura,

Et responsa dedit clarus vtroq. foro.

Inunc qui Sophien temnis, chartasq. sophorum,

Cerneq. num Themidos templa subire queas?

De



De L. Crasso, de Scauola, de Sex. Pompeio,  
qui philosophos audiuerunt.  
Cap. XVI.

**S**ic copede non pertransibit oratio L. Crassum, quando-  
quidem eius ita Cicero in primo de Oratore meminit,  
ut dicat cum quaestor ex Macedonia veniret, vidisse Car-  
neadem, Clitomachum, Aeschinem, Metrodorum, qui fuit  
auditor Carneadis, Mnesarchum discipulum Panaetij, Crito-  
laum, & Diodorum Peripateticos, aliosq. Attingit absq. du-  
bio Crassus aliquid ex philosophia excitatus exemplo tanto-  
rum philosophorum, ex quorum ore poterat saluberrima hau-  
rire praecepta. impellente profecto vno ex aeternis Platonis le-  
git Georgiam ex quo intellexit Oratorem non debere redigi  
ad conciunculas, & à Republica abstinere. Certè eloquen-  
tissimus quisq. Romae Rempublicam sua promouit opera, no-  
tus est Hortensius, clarus Servius Sulpitius, clarissimus  
omnium Cicero. non dubitauit autem Crassus quod veritati  
erat consentaneum tueri aduersus philosophos, ostendereq.  
malle se cum Platone diuino viro sentire.

Crasso adiungendus magnus ille Scauola, quem in primo  
de Oratore narrat Cicero audiuisse Panaetium, à quo sine du-  
bio non pauca hausit, quibus Iurisprudentiam locupletaret,  
ut excellebat ipse tali peritia. idem cum Apollonio Oratore  
Rhodi disputauit. is Apollonius mercede docebat.

Scauolae addere lubet inter Romanos Sex. Pompeium,  
quem eruditum fuisse in Philosophia non possumus dubitare  
dum eundem Ciceronis euoluimus Oratorem.



Liberè tandem Romæ admissam fuisse philo-  
phiam . eam non repugnare imperio .

Cap. XVII.

**I**usserint Romani liberè in urbe sua Rhetores , aut etiam  
non esse philosophos , dum secutis temporibus , elegantio-  
res , mitioresq. facti eos receperint , fouerint , coluerint . Vi-  
cissitudinem moribus hominū quis detrahat ? quales fuerint  
Germani olim non sinit nos ignorare Tacitus , quales po-  
tea fuerint , qualesq. hodie sint scimus . qui olim arcana litte-  
rarum prorsus nesciebant , frequentes instituerunt Acade-  
mias velis ante illis Pio Secundo summo Pontifice , nationis  
inuenta studiosissimo . Ergo miram non est , si non semper  
ijdem fuerint Romanorum mores sed progrediente tempore ,  
auctoq. imperio , extraq. ipsam Italiam porrecto , à ruditate  
vitæ difficilis , et militaris discesserint , et qui olim tantum  
fistilibus vasis utebantur , coeperint habere magnum supel-  
lectilis argenteæ , imò aureæ apparatus . gloriatus profectò  
est imperator se urbem , quam inuenisset ligneam , relinque-  
re marmoream . qualia surrexerunt theatra , qualia templa .  
quæ moles Amphitheatri excepit spectatores , cum olim te-  
nua forent , imò rudia pleraq. ædificia . audire lubet diser-  
tissimum poetam de splendore Romano , qualis erat cum scri-  
beret , scribentem gaudentemq. quod Roma desierit esse rudis .

Am. Si simplicitas rudis ante fuit , nunc aurea Roma est ,  
Et magnas domiti possidet orbis opes .  
Aspice quæ nunc sunt Capitolia quæq. fuerunt ,  
Alterius dices illa fuisse ducis .



Curia Consilij nunc est dignissima tanti,

De stipula Tatio regna tenente fuit.

Quæ nunc sub Phœbo, Ducibusq. palatia fulgent,

Quid nisi araturis pascua bobus erant?

Prisca iuuent alios: ego nunc me deniq. natum

Gratulor, hæc ætas moribus apta meis.

Sed quia cultus adest, nec nostros mansit in annos

Rusticitas, priscis illa superstes auis.

*Si obijcias, apud Plutarchum referri Catonem prædixisse tunc imperio spoliandam urbem, cum se græcis litteris dedissent, respondere fas erit cum eodem grauissimo historico: hæc maledicta falsa fuisse, consequens tempus docuit, in quo ciuitas floruit omni commendatione humanitatis græcarum disciplinarum. Arabes victricia cum Ægypto inferrent arma, Aristotelem, Galenum, Ptolemaeum iusserunt ex græco sermone in Arabicam linguam transferri, & doceri palam in scholis. an propterea imperium amiserunt? imò id auxerunt adq. alia regna porrexerunt, effeceruntq. ut & nationes Europeæ Aristotelem tanquam rediuuium viderint, & exposuerint. philosophiæ, græcarumq. literarum laude florent Galli hac tempestate. an ideò carent sceptro? imò magni ubiq. sunt ob armorum gloriam, nec tantum sua tuentur, sed & alijs non parum exhibent negotij. quid Batauos referam, qui cum fundamenta lacerent Reipublicæ, Academiam Lugduno Batauam instituerunt?*

*Quod si quis pergat esse molestus, Senatusconsultum ingerat Romanorum aduersus Philosophicum cœtum, cum Stoico Seneca dicam, Urbem, quæ damnauit philosophiam,*  
in si-



In sinu suo perquam iuauiter fouisse, imò suspexisse *Apl-*  
cium, culinariam artem profitentem, docentemq. qua  
ratione patrimonia per gulam abliguriri possint.

Eloquentiæ comparandæ causa Romanos am-  
plexos philosophiam. conqueritur auctor  
de neglecta philosophia Platonis.

Cap. XVIII.

**P**Recedenti dissertatiuncula cum in genere docuerimus,  
pleno favore Romæ tandem admissam exceptamq. phi-  
losophiā, nunc sigillatim aliqua causa indicanda, quæ ani-  
mos impulerit Romanorum ad excolenda sapientiæ studia.  
fatebantur omnes re ipsa clamante indigere eloquentiæ subsi-  
dio omnes eos, qui ad populum loqui vellent, & in senatu tue-  
ri sententiam, qui defendendis causis inclarescere cuperent  
hoc cum exploratum apud omnes esset, extraq. omnem aleam  
controuersiæ positum sponte videbatur consequi, ut qui fa-  
cundus cuperet exstare, à philosophis pulcherrimarum rerum  
cognitionem, copiamq. peteret. quam enim doctè, quam  
acutè non solum de natura rerum, sed etiam de moribus ho-  
minum, de virtute, de officijs differunt. Hinc adeò fa-  
ctum est, ut qui causas agere vellent, perq. honorum gra-  
dus in lucem euadere apud Quirites desiderarent, ut certè  
honestissimus quisq. cupiebat, non tantum iuris ciuilis stu-  
dio incumbere, verum etiam ad philosophos se conferrent,  
eorumq. doctrinis animum excolerent. frustra namq. diser-  
tus esse vult, qui Socraticas non inspexit chartas, si solis Rhe-  
toribus vacauit. Clamat enim verò Cicero in primo de  
Ora-



*Oratore: Neminem esse in oratorum numero habendum, qui non sit omnibus artibus, quæ sunt homine dignæ libero perpolitus. alibi testatur disertè quantum deberet philosophiæ, dum ait: quicquid in eloquentia effecerit, id se non Rhetorum, sed Academiæ spatijs consecutum. Academiam, ut vides, nominat, hoc est exedram Platonis, Socraticamq. umbram, non Stoam, non Lyceum, non hortos Epicuri. quantum enim doctrinæ reperitur in libris Platonicijs, qua quis ad facundia templum pertingere queat. Quis autem adminiculo philosophiæ Peripateticæ, quæ sicca est, & exsanguis, inter disertos meruit collocari? paucos licebit in censum deducere. adeo Aristoteles sapit scholasticam concertationem, & umbraticos decet homines. Sed Plato in lucem proferre suos discipulos, quos munit multiplici atq. elegantissimâ scientiâ, valde ad vitam civilem faciente. Quò magis dolendum est nos hodie vni Aristoteli incumbere, vnum Stagiritam admirari. Non ita senserunt, nec delirarunt antiquæ ætates, quæ disertissimos in senatu, in foro dederunt Oratores. Nostri autem, qui facundi volunt videri, quam ieiuni sunt, quam rerum inopes, longeque infra subsellia antiquorum consistentes. Repetatur Plato, agnoscat Socrates, & pristina nos inuaset Suada, digna cui omnes eruditi obuijs occurrant manibus.*



Lucillum Proceribus Romanis præiuisse exemplo  
prorsus illustri ad fouendam Philosophiam.

agitur de Antiocho, & Philone.

Cap. XIX.

**S**i exclusæ ab vrbe Roma philosophia dica scribitur Ca-  
toni, Lucullus præ omnibus ut reciperetur suo exemplo  
effecit, primusq. iussit triumphare sapientiam, postquam ipse  
feliciter in Asia aduersus Mithridatem arma tractasset.  
Floruit ipse Romæ circa annum ICLXX. cum senatus consul-  
tum contra philosophos factum fuisset anno ab VC. ICLXV.  
Credibile autem est mortuo Catone, mox græcorum aliquos  
in urbem rediisse, paulatimq. cœpisse euanescere senatus-  
consultum. nam absq. dubio multis Romanis permoleste  
accidit philosophos excludi, sub quibus adolescentes possent  
proficere. audiamus Plutarchum in Vita Catonis Censorij.  
Cæteris Romanis iucundum spectaculum erat ( cum  
iuuenes cum admiratione audirent Carneadem ) quando  
plures adolescentes optimis græcis artibus erudi-  
ri, & cum spectatissimis viris versari cernerent. Sed  
quicquid sit de hac re, satis constat tempore Luculli multos  
græcos philosophos Romæ liberè vixisse. sic enim scriptor  
vita Luculleæ Plutarchus: Studioso cuiq. & bibliothecæ,  
& quæ circa eas erant scholæ, atq. deambulacra  
liberè perpetuoq. patebant, quò se Græci cum per  
ocium licuisset conferre solebant, ibi loquendo, le-  
gendo, disputando diem iucundè terebant. Et Lucul-  
lus plerumq. ubi eruditissimos viros disputare vidisset, eò  
po-



potissimum se ingerebat. Neq. enim primoribus labris degustauerat philosophicos fontes, quin pleno ore hauserat fuenta doctrinarum, nec paucis philosophandum sibi putabat, ut ille Neoptolemus apud Ennium, sed multis audiamus Ciceronem in principio *Quæst. Acad. de Lucullo* loquentem: maiore studio philosophiæ deditus fuit quam qui illum ignorabant, arbitrabantur. non ineunte ætate solum, sed & pro *Quæstore* aliquot annos, & in ipso bello, in quo ita magna rei militaris occupatio esse solet, ut non multum Imperatori sub ipsis pellibus ocij relinquatur. Cum autem è philosophis ingenio, scientiaq. putaretur Antiochus Philonis auditor excellere, eum secū, & quæstor habuit, & post aliquot annos imperator. tuetur porrò Cicero Lucillum exemplo Scipionis, qui in nobili legatione ante censuram obita *Panætium* unum omninò comitem habuit. Rursus Plutarchus ait Lucillum fecisse socium suæ vitæ Antiochum *Ascalonitā* summo studio in amicitiam tractum hominem eruditissimum, eloquentissimumq. seq. Philonis auditoribus opposuisse, veteremq. *Academiā* complexum, spreta noua, quæ tamen *Carneadis* scriptis, & Philonis doctrina fulciebatur nitebaturq. ut etiam cum de *Carneade* egimus non siluimus.

Si dicas, Antiochum fuisse Philonis auditorem, atq. adeo inherendo *Westigijs* magistri videri tutatum *Arcesileæ* scholam, dogmataq. *Carneadis*, responderim, procul dubio Antiochum descivisse ab opinionibus sui præceptoris, contemptaq. novitate, quam inuexerat *Arcesilas*, & munerat *Carneades*, ad vetustatem *Academicam* *Platonis* voluisse reuerti. Nouum porrò non est à discipulis deferri magistros.



*Et si autem animo esset conuictissimus Ciceroni Lucullus, stabat tamen à veteri Schola contra nouam, quam propugnabat Cicero, ut verum sit fas esse de duabus rebus aliter atq. aliter sentire salua amicitia. At secula nostra factionibus miserandis obnoxia sunt. nunc gloria Lucullæ his versiculis applaudamus:*

*Differat immensum phœbeia penna per orbem  
Luculli imperium, belligeramq. manum.  
Quin varium quicumq. sophos clarantq. coluntq.  
Luculli memores inclyta gesta canant.  
Eius enim auspicijs Sapiencia creuit in vrbe,  
Cœpit & Aetæos Roma fouere viros.*

*De Tyrannione, qui captiuus ductus est Romam  
à Lucullo. Cap. XX.*

**T***yrannion Emisenus, prius Theophrastus posterius Tyrannion mutato nomine dictus est: quod æquales, qui in eodem secum ludo erudiebantur, vexaret, molestaretq. captus fuit à Lucullo, Romæq. in magnis diuitijs viuens, possedit supra tres librorum myriadas. Sic quidem scribit Hesychius Illustrius in libello de philosophis.*

*Nomen Tyrannionis ei impositum est ab Hestiao Amiseno præceptore, quod exagitaret condiscipulos, ut narrat Suidas. fuit filius Epitratidis, & Lindiæ Alexandrinæ. Au tñt præter Hestium etiam Rhodi Dionysium Thracem. quod captiuus ductus fuerit à Lucullo Romam non asserit Suidas, sed ait fuisse æmulum Demetrii Erythrei, quem affirmat ductum fuisse captiuum Romam à Lucullo, cum*

*Mi-*



*Mithridatem Ponticarum gentium Regem vicisset.*

*Apparet liberalitate Luculli diuitem factum, cum tot myriadas librorum possederit, libriq. illa tempestate magni constarent: describendi namq. erant accurata diligentia & librarijs. At nostro seculo doctorem indoctumq. factus vili pretio protrudit Typographorum multitudo. in Tyrannionem meum extat tetrastichon:*

Quod ferus ingenio premeres, Theophraste, sodales,  
Atq. dares locio regia verba gregi,  
Te meritò dixit vulgaris fama Tyrannum,  
Nuncq. etiam tali nomine turba refert.

De Sylla transferente libros Aristotelis Romam  
Athenis. Cap. XXI.

**Q**Uod hodie in manibus studiosorum versantur summi viri Aristotelis volumina, id Romanis proceribus scientibus aestimare tanti hominis scripta acceptum ferimus, quia ingrati nolumus esse. Sylla scilicet cum expugnasset Athenas, quia doctus, & eruditus erat, inquisivit in bibliothecas adeò, ut hac de ipsius diligentia scripta reliquerit Plutarchus in vita Syllæ: Sibi ipsi Apelliconis Teij bibliothecam peculiarem exemit, in qua fere omnia Aristotelis, & Theophrasti volumina fuerant quorum notitia nondum apertè manarat in vulgus. Ea Romam delata, maximam partem à Tyrannione Grammatico digestam fuisse traditur. A quo Andronicum Rhodium cum esset facile nactus exemplaria in medium posuisse, atq. quæ nunc feruntur Tabulas ex-



scripsisse. Ita absq. Sylla si fuisset, Cicero non potuisset legere Aristotelem, quem tamen diligenter trivit, multaq. in sua volumina cum utilitate discentium transtulit.

Andronicus porro Rhodius sic suscepit Aristotelem, ut paraphrasin in ipsum scripserit, quia difficultas Aristotelicorum scriptorum id poscere videbatur. Neq. enim Antiqui quod nos facimus, commentaria in libros exarabant. hodie Andronici extat paraphrasis in libros Moraliū Aristotelis, quæ quod germana sit, non video cur debeamus ambigere, cum præsertim magnam præferat gravitatem, & nihil non serium, nihil non antiquo seculo dignum complectatur. eius ego filum tamquam Ariadneum, dum publicè hoc anno Ethica Stagiritæ in scholis explano, lubenter sequor, cum qui hætenus in eos libros scripserunt Androniceam diligentiam ignorauerint, quod mirum videri non debet, quia non ita multis abhinc annis VCL. eam latinè versam cum studiosis communicavit. Syllæ autem reponimus ob allatos Aristotelis libros in Italiam, hoc Epigrammate:

Multum Cornelî debet victricibus armis,  
Imperium Sophiæ, sanctaq. turba sophum.  
Nam Pandionia cum signa referret ab vrbe,  
Exceptus lætis plausibus Æneadum,  
Gnauus Aristotelis præclara volumina gessit,  
Atq. auxit tali munere Troiugenas,  
Qui deinceps ut apes carpentes aurea dicta,  
Ipsos sunt visi vincere Graiugenas.



*Nec tuam insuper habemus paraphrasin Andronice, quandoquidem sic canimus:*

Andronici calamus perstrinxit scita Lycei,  
 Quæ iuuenem ad mores erudisse solent,  
 Hæculeumq. docent callem, sublimeq. templum,  
 Ultra quod felix tendere vita nequit.  
 Ergo qui Sapiens cupis esse beatus, & ire  
 Quo Virtutis amor viuida corda vocat,  
 Andronici prisceas noli contemnere chartas.  
 Noli tanti hominis seposuisse sophos.

De obscuris quibusdam hominibus Romanis,  
 qui latinè de philosophia scripserant ante  
 Ciceronem. Cap. XXII.

**I**N secundo Tusculanarum Cicero memorat quosdam  
 philosophiæ tractatores non memorabiles, qui obscuri-  
 tate pressi nec dicti sunt sigillatim à Tullio, nec meruerunt  
 ab alio relinqui aliquos stylo in hominum memoria. ap-  
 paret autem fuisse latinos, & forte Romanos, Romanæ  
 propterea accensendos philosophiæ, qui absq. dubio non  
 imperiti fuerunt philosophicorum præceptorum, de qui-  
 bus tamen cum non solum loqui, sed etiam scribere ag-  
 gressi fuissent, oleum, & operam perdididerunt nihilq. fa-  
 mæ, & gloriæ ex suis laboribus sunt adepti. si verò à Tul-  
 lio petas, ut quales fuerint, significet, contemptim dicet, fuis-  
 se quoddam genus, qui philosophi appellari volebant, qui  
 etiam exararunt latinos libros sanè multos, non eo honore af-  
 fectos



fectos ab eodem Cicerone, ut indagati fuerint aut lecti. Cur ita? quia non distinctè, non distributè, non eleganter, non ornatè compositi fuerant, non præbituri ullam legentibus delectationem. quando scilicet de philosophia aliquid literarum monumentis traditur, non ieiunis verbis indicandum est, quid Principes eiusmodi disciplinæ sentiant, cum omnes mediocriter periti sciant quæ sint eorum opiniones. addenda est orationis elegantia, & copia, non omittendus apparatus, qui hominem disertum decet, alliciendus lector amœnitate, & nitore dictionis. hinc adèò factum ut Platonem semper omnes lubenter legerint, etiam illi ipsi, qui dogmata Platonica non approbant. at Epicurum, & Metrodorum neglexerunt plerique omnes exceptis Epicureis. Seneca tamen in quadam Epistola magnificè de Epicuro loquitur, quamvis dum viueret, neglectus fuerit, & nihili factus. Vices quædam seculis ita obrepunt, ut quæ videbantur contemnenda, in pretio sint magnique fiant. cum de Epicuro sic scriberet Cicero, suum seculum, suosque homines eloquentia, copiaque sermonis redundantes respexit. successerunt alia tēpora, quæ aliter de componendis libris statuerunt. quid de nostra ætate proferret, si caput extollere posset? quid pronuntiaret de ætatibus consecutis excidium rei Romanæ? Nos hodie perquam accuratè legimus, & in trutina expendimus dicta Averrois in quo quiduis aliud, quam eloquentiam reperias. Nonne constat trecentis abhinc annis opera ipsius Ciceronis, imò quorumlibet disertissimorum hominum fuisse escam tinearum? venit tempus, quando è tenebris euocata sunt, inque fastigio splendoris collocata. par autem est, ut Ciceronianum iudicium de obscuris illis philosophiæ inter-



*Interpretibus approbemus, repetamusq. verba, quæ extant in primo Tusculanarum. Multi iam esse latini libri dicuntur scripti inconsideratè ab optimis illis quidem viris, sed non satis eruditis; fieri autem potest ut rectè quis sentiat, & id, quod sentit politè eloqui non possit. sed mandare quemquam literis cogitationes suas, qui eas nec disponere, nec illustrare possit, nec delectatione aliqua lectorem allicere, hominis est intemperanter abutentis, & ocio, & literis. hæc ille, cui concinere cupio versiculos meos.*

Expers eloquij quisquis prægrande Sophorum  
Haud dubitat furuo tradere dogma libro,  
In cassum tempusq. terit, mentemq. fatigat,  
Scriptaq. Perlephonæ mox moritura parat.  
Sic quos condiderant tennes, nulla arte, Quirites,  
Noctibus addicti tot periere libri.  
At quæ conflavit Cicero, monumenta supersunt,  
Et pretium à sera posteritate ferunt.

De M. Crassi Peripatetica philosophia. cur videatur idem contempsisse aduersa signa,  
profectus contra Parthos?

Cap. XXIII.

**T**E quoq. Crasse par est migrare in seriem, numerunq. eorum, qui splendorem philosophiæ apud Capitolium conciliarunt. non enim satis tibi fuit in iuuentute animum pascere historiarum, quarum peritissimus fuisti, lectione, sed robur ingenij transtulisti ad capeffedane philo-



philosophiam Peripateticam, ut quidem de te locuples scriptor scriptum reliquit Plutarchus, quando tuam enarrat vitam. si vero scire cupiam, cur tuum punctum Peripato potius addixeris, tribuerisq. quam Stoæ Zenonis, aut umbriferæ Academiae Platonis, respondebis, tibi visam exedram Aristotelis magis facere ad tuum ingenium, ipsamq. rerum Naturam. Certè quando viuebas putabant Romani fas esse pro lubitu, vel Platoni adherere, vel Zenonem sectari, aut etiam vestigia sequi Aristotelis. quin reperiebantur, qui miscellam architectabantur philosophiam, quali quidem ratione se gessit Horatius Flaccus, qui de se scribit:

Quò me cunq. rapit tempestas deferor hospes,

Nullius addictus iurare in verba Magistri.

Quò magis irridendi sunt nostrates homines, nostrates philosophi, qui adigunt in verba Stagiritæ discipulos, coguntq. iurare se in omnibus opinionibus defensuros Aristotelem, neq. vel latum vnguem ab ipsius recessuros tramite.

Tibi autem, ò Crasse, in bello gerendo nocuisse philosophiam Peripateticam suspicari licet. Cur ita? quia Vatum monita, & tristia signa, quæ te detertere poterant à profectioe contra Parthos, prorsus neglexisti, insuperq. habuisti. Peripatetici namq. talia videtur flocci facere. & asserere Numen curam rerum humanarum non gerere, providentiamq. à primo Motore non descendere ultra orbem Lunæ, ut quidem nostri Sancti Patres de Aristotele asseruerunt, eum propterea reprehendentes, & ut impium accusantes.

Adde Peripatum nihil de Genijs, nihil de Vaticinijs tradere, & negare somnia ulla esse à Deo, pronunciat quoq.

idem



Idem Lyceum, de futuris contingentibus nullam esse determinatam veritatem. quo effato videntur omnia Vaticinia tolli, omnisq. praesensio futurorum everti. quid quod putant in Lyceo qui ambulant, si detur divinatio tolli libertatem arbitrij, everti leges, poenis & poenis nullum esse locum, fatiq. nomen nihil aliud esse clamant, quam causas naturales, ut quidem conatus est ostendere Alexander Aphrodisiensis in libro de Fato.

Ergone Crasse potuisti contra morem Romanorum adversa signa, & Vatum monita dira insuper habere & potuisti. sic merito videris perijsse. at obtendis ipse philosophiam Peripateticam. Respondere est, non debere quemquam instituta patriae contemnere, etsi imbutus sit aliqua secta philosophorum. nam mores patrij longè maius habent pondus, quam philosophorum placita.

Quae tamen omnia à me sic declamata sunt, ut quae doctissimi Peripatetici nostri temporis ac praesertim S. Thomas attulerunt ad exponendum Aristotelem ne dicatur negasse Dei providentiam, eiusq. rerum futurarum praescientiam non reiiciantur, nec etiam aruspicina Gentilium, quam contempsisse videtur Crassus approbetur. omnia enim quae dicuntur contra Crassum, dicuntur ex hypothesis cui ipse caecus errore communi illorum temporum fuit obnoxius, ne quis forte suspicetur approbati superstitionem Romanorum in inspiciendis fibris, dum velut ludendo reprehenditur Crassus, tanquam suorum rituum, licet reuera falsorum, contemptor.



De Alexandro Peripatetico præceptore M. Crassi.  
 agitur de philosophico animi robore, deq.  
 contemptu gloriæ, & diuitiarum.  
 Cap. XXIV.

**S**I philosophiæ Peripateticæ nomine commendauimus M. Crassum, nostrarum quoq. partium fuerit eum memorare, cuius opera in vmbra Lycei profecit tantus Vir. de eo Plutarchus in vita eiusdem Crassi ferè in principio magnificis loquitur verbis, quem etiam appellat Alexandrum: in Aristotelis, inquit, disciplina præceptorem habuit Alexandrum virum temporibus illis celeberrimum. At, inquit, Alexander Peripateticus aut fuit præceptor Neronis, aut floruit sub Seuera, & Antonino Imperatoribus.

Eiusmodi obiectio digna est nostratibus philosophis, qui omnis historiæ, omnis Chronologiæ sunt inopes, & imperiti. Quasi nouum sit plures eiusdem nominis egregios viros varijs temporibus floruisse. Zenonem unum admodum antiquum memorat cum Melisso, & Parmenide Plato in principio Parmenidis. Alter Zeno non ita antiquus in Stoa docuit, Stoicamq. fundauit sectam. Diogenes sanè Laërtius quando narrauit vitam alicuius philosophi, tandem subiicit, ne quis nominis equiuocatione decipiatur, plures, exempli gratia, fuisse Stratones, Aristoteles, aliosq. Nos legimus Strabonem Geographum. an ipsum confundes cum Strabone Valafrido scriptore Christiano? non, si tibi placet videri aliquid in successione temporum nosse. Tres famam conse-

citi



enti sunt Marini, non commiscendi inter se. Marinus Ty-  
rius de Geographia bene est meritus, de quo multa Prolo-  
maus. Marinus philosophus Platonius Neapolitanus,  
recensetur à Suida. Marinum Neapolitanum poetam eximium no-  
ui ipse Romæ aliquot abhinc annis, & suspexi. facit autem  
ut eiusmodi equiuocatio in nominibus proprijs, in memoriam  
mibi reuocem querelam Antonij Bruni poetæ non cõtemnendi.  
is dolebat quendam alium, quem non putabat secum comparan-  
dum, itidem poetam, sed Siculum, itidem appellari Antonium  
Brunum.

Sed redeamus ad Alexandrum præceptorem Crassi. ipse  
non tantum dogmatibus, & professione fuit philosophus,  
sed factus, & reipsa. Cur ita? quia si credimus Plutarcho,  
præclarissima contemnendæ gloriæ de se præbuit  
exempla in ea, quam cum Crasso habuit consuetudine.  
Sic enim animi moderatione calcante typhum, fastumq;  
Romanos reuocabat ab insatiabili illa gloriæ comparandæ cu-  
piditate. nam quis inter Quirites tota animi contentione non  
ambibat dignitates, non aspirabat ad triumphos, ad colos-  
seas statuas, quis non cupiebat ouare, & plausibus Ciuium  
in cælum tolli? ad compescendū immodicum laudis desiderium,  
par erat, ut adesset clarissimus philosophus, qui ex animi  
sententia illud repeteret:

O curas hominum, ò quantum est in rebus inane.  
Qui subiacet ambitioni, indignus est, qui vocetur philoso-  
phus. philosophari enim ille propriè dicitur, qui obfirmat  
animum aduersus dolorem, voluptatem, aduersa, secunda,  
qui paucis est contentus, qui totus est teres atq. rotundus, &  
medijs in vndis tranquillitate fruitur animi. Talem fuisse



Alexandrum mirari forte subit, quandoquidem philosophiā profitebatur Peripateticam, quæ disciplina videtur potius frangere, quam munire robur animi. Etenim felicitatem, vitamq. beatitudinem suam esse ait etiam in pulchritudine, robore, & sanitate corporis, diuitijs, nobilitate, copia amicorum. id si verum est, philosophus non prius putabit se consecutum felicitatem, quam talia adeptus fuerit. aut dicet se infelicem, si eiusmodi destituatur. Adde Aristotelem de altera posthanc vita non loqui, non loqui de præmijs aut pœnis, postquam hinc discessum fuerit. At rectè dixit Plutarchus Dei providentiam, et animæ perduractionem, postquā separata fuerit à corpore, non debere diuelli, atq. separari. Stoica igitur, & Platonica philosophia longè magis videtur cōmendanda, quam Peripatetica. Nam Plato multa narrat de beatitudine bonorum virorum post hanc vitam, deq. supplicij malorum non silet. Stoici autem in sola virtute tradunt sitam esse felicitatem. quò magis, vt dicebam, admiratione est dignus Alexander Præceptor Crassi, qui alto supercilio gloriam, diuitiasq. calcavit sub pedibus. Vixit enim pauper etiam in familiaritate ditissimi Crassi, ostenditq. suo exemplo vera sapientia destitui, & dici non debere philosophos, qui anxie ad diuitias anhelant. quæ omnia sanctitati Christianæ religionis sunt consentanea. Hinc Christus Servator dixit adolescenti, qui cupiebat perfectus esse, hoc est, ad apicem philosophiæ pertingere: vade, & vende omnia, & da pauperibus, & thesaurum habebis in coelo. Quibus verbis excitatus S. Antonius se exuit omnibus bonis, & solitudinem petijt. Quid memorem S. Frāscum qui diuitis parentis neglexit, & reliquit opulentas aedes,



nudusq. nudam se Etatus est philosophiam, hoc est per se. Et. onem  
Euangelicam est consecutus. ò ergo miseros terq. quaterq. in-  
felices, qui cum præ se ferant philosophicā gravitatē, & san-  
ctitate velint videri cælum tangere, hæredipetæ tamen in-  
sidiantur nobilium familiarum palatijs, atq. latifundijs.

Quantus in philosophia fuerit M. Brutus, cui sectæ  
addictus? An verba quædam contra Vir-  
tutem protulerit iamiam moriturus?

## Cap. XXV.

**T**Vetur se philosophia Romana Bruti summi viri au-  
thoritate. quis enim ausu damnare philosophiam,  
quam adeò diligenter excoluit Brutus, nunquam sine summa  
laude nominandus? habuit præceptorem Aristum fratrem  
Antiochi. sic enim Cicero: Aristum aliquandiu audiuit, 1. Tusc.  
cuius tu fratrem Antiochum. Varronem alloquitur, qui  
veterem Academiam sequebatur. sed & ipsum Antiochum  
Ascalonitam coluit, imò admiratione prosecutus comitem vi-  
uendi unà cum Fratre fecit, quod traditum scimus à Plutar-  
co in eius vita. quin omnes græcos philosophos audiuit, ut  
quod maximè veritati consentaneum foret eligeret. hæsit  
in Platonicijs, hoc est veteribus Academicis, spreta media,  
ac recenti Academia. Eò namq. sectatores Platonis sunt  
progressi, ut de omnibus differentes ambigui haberent, &  
iudicium suspenderent. At Brutus recurrit ad fontem ad-  
scripta Platonis, eiusq. axiomata, non passus se ab illis auelli;  
qua de re videndus Plutarchus, ut reijcias quorundam Ita- Nic. Vil-  
lorum recentium fabellam, qui putant Stoicum fuisse Bru- lani.  
tum.



62 De Philosophia apud Romanos

tum. Unde quæso id hauserunt? An quia grauis fuit Brutus Stoicus est appellandus? habuerunt suam grauitatem quoq. Platonici, licet à Stoa procul discederent. Sed ad Brutum reuertamur, de quo verba Plutarchi etiam atq. etiam notanda: Brutus bonarum artium disciplina, & philosophiæ studijs imbutus.

Nam nulla de philosophia literarum monumentis mandauit. testatur id Cicero: Brutus noster excellens omni genere laudis sic philosophiam latinis literis prosequitur, nihil ut iisdem de rebus Græcia desideret. in primis composuit librum de Virtute, quem etiam ad Ciceronem direxit. sic enim Cicero: Ad te ne Græcis quidem cedentem audeam scribere prouocatus gratissimo mihi libro, quem ad me de virtute misisti. hinc in eodem opere de Finibus ait: in optimo genere philosophiæ tantum processisti. subdit: Non ut ea cognoscas, quæ tibi notissima sunt. Rependit ergò gratas Vices Bruto Tullius, cum ei de Finibus libros consecrauit, atq. inscripsit.

Mirari autem subit Brutum tantum philosophum, qui pulcherrimum librum exarauerat de Virtute aliumq. de Officio, teste Seneca Epist. XCV. sub finem vitæ iam iam exhalaturum animam erupisse in verba Tragici græci, quibus Virtus dicitur esse res misera. & seruire Fortune, esse nomen inane, & non res solida. quæ verba à Tragico tribuntur Herculi, & ex eo repetita sunt à Bruto, ut testatur Dio Cassius. Nonne funditus euertit suam philosophiam Brutus, qui sic locutus est? Responderim, nouum non esse ut qui in summam incidit calamitatem, erumpat in verba non consen-

tanea



sanea robori philosophico. Non inde colligendum eum, qui sic loquitur contemnere philosophiam. dicendus tantum est molliter se gerere, & non secundum dictata philosophiae.

Certum autem non est à Bruto talia prolata verba, & si eorum mentionem faciat Dio Cassius. nam Plutarchus, qui accuratissimè eius vitam descripsit, nihil eiusmodi narrat. Nec apud Appianum tale quid reperitur, non id omissum, si sic locutus fuisset tantus vir, qui semper summam animi praesentiam praese tulit. Videtur igitur Dio ei eiusmodi sententiam impegiisse, ut affectaret laudem ex cognitione antiquitatis. Certè qui legit attentè Dionem de eius narrationibus non semel cogitur dubitare, quare de re plura in meo commentario Etrusco de Vita Cleopatrae iam edita. Sed misso facto Dione, ita alloquamur Brutum.

Brute tuis quis non meritis assurgat, & vsq.

Acclamet? quis non te sophe Brute colat,  
Si generosam animam potuisti impendere Romae,  
Caesareo renuens subdere collaiugo?  
Maeste Heros tali ingenio, cui nulla tulerunt  
Tempora par, deinceps tempora nulla ferent.

De Cassij philosophia Epicurea. attingitur aliquid de ἀδιαφορία Ciceroniana.

Cap. XXVI.

**A**N expertem putamus fuisse philosophiae Cassium, Heroem illum vindicem Romanae libertatis? Non id asseret quisquis Epistolas legit Ciceronis, ex quo discimus  
ad-



Epist. fa- additum fuisse Epicureæ sectæ Cassium. Epicureos etenim  
mil. lib. appellat Tullius Cassij amicos. Cum vero isthic videatur irri-  
15. Ep. dere eiusmodi scholam, subiungit alloquens Cassium: Si  
16. 18. stomachabere, & molestè feres, plura dicemus, postu-  
19. labimusq. ex qua hæresi vi deiectus sis. hæresin cum gre-  
cis sectam vocat. Mox ait Cassium virtuti nuncium remi-  
sisse delinquitum illecebris Voluptatis. deinceps se corrigit, &  
ait in ea secta plus nervorum futurum, quam putaverit, mo-  
do ab ipso, qui fortissimus sit probeatur. Tam fortis scilicet  
erat Cassius, ut non solum non videretur emolliendus ab  
Epicuri placitis, verum additurus amicis suis robor, &  
firmitatem. in Epistola XVIII. postquam dixit se nullam  
aberrationem à molestijs habere; mox inducit Cassium qua-  
rentem: ubi igitur philosophia? tua quidem in culina,  
mea molesta est, pudet enim servire. Tua nihil inte-  
rest actumne sit de libertate vel non. nam cum ex hæresi-  
sis, quæ ultimum finem collocat in cibo, & potu, in vo-  
luptate, modò culina non desit, servies, viusq. haud grava-  
tim sub Tyranno. At philosophia, quam ego profiteor, a liber-  
tate auelli non potest. sic Cicero respondet Cassio.

lib. 2. Sed alibi videtur Cicero aut philosophiam deferere, aut  
tanquam Anaxarchus aliquis, & Pyrrhose tueri & solari  
à diaφopία, indifferentia. sic enim ad Atticum: Dij im-  
mortales, neq. me tam εὐελπίστια consolatur, ut an-  
tea, quam à diaφopία, qua nulla in re tam vtor, quam  
in hac civili, & publica. quæ aliquis dicet discedere ab  
Academia, adq. Pyrrhonis se conferre scholam. de Pyrrhone  
sanè sic Laërtius: negabat quicquam turpe esse aut ho-  
nèstum, iustum, aut iniustum. eadem ratione, & in



omnibus nihil verè esse, cæterum lege, atq. consuetudine cuncta homines facere. Neq. enim esse quicquam istud potius, quam illud. *Pyrrho* discipulus extitit *Anaxarchi*, de quo ibidem *Laërtius*: cum aliquando *Anaxarchus* in scrobem incidisset, ille pertransiens nihil ei opem tulit. idq. cum pleriq. culparent, *Anaxarchus* ipse laudabat, vt indifferenter, & sine affectu se habentem. hæc ille.

Sed nequaquam existimandum est tam absurde sensisse *Ciceronem*, & cum *Pyrrhone* voluisse tollere omne iusti, & iniusti discrimen, cum tam prolixè & accuratè de Officijs scripserit, & in secundo de legibus inuectus fuerit in sententiam eorum qui sola hominum opinione, & consuetudine metiuntur iustitiam, & leges. ostendit enim ibi homines habere cum *Dijs* immortalibus quandam cognationem, & à *Natura* manuduci ad probitatem, honestatemq. eandem sententiam grauitur *Alexander Aphrodiensis*, vt intelligamus ius à *Natura* manare.

Quid igitur sibi vult *Cicero*, dum se solatur ad *adiaphoræ* respondendum eum tunc cum *Stoicis* loqui, qui solam virtutem putabant esse bonam, vitium solum esse malum. Reliqua omnia appellabant *Media*, & *adiaphora*, in quo censu collocabant seruitutem; libertatem, valetudinem secundam, aut aduersam, diuitias, paupertatem, robur, aut imbecillitatem, in quibus omnibus negabant collocandam esse felicitatem, cum fortuita sint, & reperiuntur æquè apud malos, atq. bonos. Nonne enim multi mali, & vera virtute destituti liberi sunt, diuites sunt, procures sunt, auctoritate & imperio pollent?



Ergò Cicero cum vidaret omnia in pelus ruere, & iam probe euersam esse Rempublicam, & frustra se patriæ tulisse opem, solatur seipsum dum cogitat, cum Stoicis virum sapientem non quidem spernere libertatem, diuitias, dignitatem, & eiusmodi alia, non tamen magnopere dolere, neq. despōdere animū, licet aduersa fortuna subtrahat talibus cōtraria prorsus ingerat, paupertatem scilicet, fugam, exilium, ipsam deniq. mortem.

Quæ quidem cogitatio valde est consentanea Christiana pietati, quam dum commendat S. Paulus suo exemplo nos instruit, ne reformidemus carcerem, ne alia gravissima, qua intentari solent à Tyrannis.

Paradoxum autem Anaxarchi, & Pyrrhonis prorsus explodendum, proculq. relegandum à vita civili, & à societate humana, cum euertat totum fundamentum virtutis, omniaq. confusione obnoxia reddat. qua de re plura protuli in meis prælectionibus publicis, quas habui in secundum librum Aristotelis de Moribus ad Nicomachum. Sed Cassij philosophiam dimittamne absq. versiculis? non dimittā quin sic cano:

Linque Epicureos, Cassi genere, penates,

Linque hominem, quo nil mollius esse potest.

Namq. audendum aliquid dignum virtute Quiritum,

Dignum quod Latiam migret in historiam.

Cæsaris imperium soluendum est sanguine fuso,

Ne ferat impositum libera Roma iugum.

Ergò linque larem, quo nil est fractius, ipsum

Linque hominem, quo nil mollius esse potest.



De Catio Epicureo. quod scripserit de re Cul-  
linaria, sed non bene. agitur de effluvio  
radiorum, & obiter quæritur: an  
lux sit substantia tenuissima?

Cap. XXVII.

**S**Tatum Philosophiæ apud Romanos tangit etiam Catius  
Epicureus, etsi namq. Insuber fuerit, ut testatur Ci-  
cero lib. XV. Epist. famil. Epist. XVI. cum tamen latine de  
philosophia scripserit, omittendus non est, cum eum recen-  
suerit Quintilianus. ait enim: super sunt qui de Philoso- lib. 10.  
phia scripserunt, quo in genere paucissimos adhuc cap. 1.  
eloquentes litteræ Romanæ tulerunt. Mox ait Tul-  
lium, ut ubiq. sic in philosophia æmulum Platonis extitisse.  
Hinc memorat Brutum præstantiorem in philosophia,  
quam in orationibus, suffecisse namq. sic pondere rerum, ut  
scires eum sentire quæ dicit. addit Cornelium Celsum, qui  
Scepticos secutus non caruit cultu, ac nitore. non omittit  
Plancum utilem inter Stoicos rerum cognitione. Tandem  
de Catio hæc profert: in Epicureis levis quidem sed non  
iniucundus tamen Catius. eius mortem non omittit Tul-  
lius. Horatius eundem Sat. lib. II. Sat. IV. sic inducit lo-  
quentem:

Vnde, & quo Catius? non est mihi tempus, auenti  
Ponere signa nouis præceptis, qualia vincant  
Pythagoran, Anytiq. reum, doctumq. Platona.  
Conqueritur apud Flaccum Catius, & cogitat, quibus no-  
minibus utatur in interpretandis, & latine exprimendis



68. De Philosophia apud Romanos

Epicureis quibusdam praeceptis, quæ ad artem culinariam, conuiuij apparatus, obsecra, condimenta, & similia pertinent, ait sibi non esse tempus vacuum, dum cupit literis, & memoria mandare noua quædam documēta Pythagoreis, Socraticis, Platoniciis potiora. Tota illa Satyra irrisiōis plena est, an enim decet Philosophum acutè de re culinaria disputare? irridet autem Satyricus sub persona Catij eius sectum, quæ sibi valde placebat in enarrandis ijs, quæ ad culinam faciunt, quam tamen cognitionem falso sibi arrogabāt. si verò ex Cicerone cupias scire an benè rem gesserit Catius inueniendo vocabula, respondet eum cum quodam Amasino extitisse malam verborum interpretem.

Inter illa vocabula spectrorum nomen recenset Cicero. sic enim Catius, quæ Epicurus, & Democritus appellarant idola, expressit; aduersus quæ sic differit idem Tullius: His spectris etiamsi oculi possent feriri, quo velis ipsa currunt, animus qui possit non video. doceas tu me oportebit, cum saluus veneris, in meane sit potestate spectrū tuum, vt simul ac mihi collibitum sit de te cogitare, illud occurrat, neq. solum de te, qui mihi hæres in medullis: sed si insulam Britanniam cœpero cogitare, eius idolon mihi aduolabit ad pectus?

Ceterum, vt rem altius repetamus, non solus Epicurus, aut etiam Democritus, sed ipse Empedocles, vt est apud Aristotelem in II. de an. lumen dixerunt esse effluuium corpusculorum è corpore & Heraclitus ex hac sentiētia solem fontem luminis vocabat. apud Statium hæc leguntur verba:   
nam splendor ab alto



Defluus, & nitidum referentes aëra testæ.

**Lucrétius** *de rerum natura* 1.1-1.7

**Largus enim liquidi fons luminis æthereus Sol.**

Omitto alios. sumpta est metaphora, ut quisque videt, ab aqua, quæ cum valde tenuis sit, fluere dicitur. ut verò aqua tenuitur in vaporem, sic flamma in lucem, propterea asserunt aliquod lumen nihil aliud esse, quam flammulam rarissimam, tenuissimamq. sed hæc aliorum tendunt, satis tamen apparet existimasse scriptores magnam esse affinitatem, inter aquam, & lucem, quandoquidem dixerunt lumen fundere. iam pridem à viris eruditis collecti sunt loci. Lucretius.

Semper enim noua se radiorum lumine fundunt.

Proinde calor quoniam solis, lumenq. profusum.

Ex quo modo loquendi collegerit aliquis lucem esse substan-  
tiam tenuissimam, nec enim posset fundi, si substantia non  
foret. Nonne aqua corpus est sed tenue, quod sese aëri  
immiscet. si verò queras quæ maior sit tenuitas aerisne an  
lucis, forte dicet Stenius tenuiorem esse lucem, nam ait ali-  
cubi lumine fuso à Luna tenuari aëra. si lux esset densior  
aëre, densaretur aër, non tenuaretur. Sed hoc digredi est.  
quod iux sit tenuissima substantia, probaveris, quia vete-  
res dicebant Solem, diem manare. Et dictum mane, quia  
tempore matutino manant radij. Manare non videtur ac-  
cidentium. perpende etiam dictum Persij Sat. III.

iam clarum mane fenestras

Intrat, & angustas extendit lumine rimas.

Nonne hoc substantia est? sed dices: si lumen substantia est, & corpus, quod penetrat specularia? sequeretur etiam

duo



70 De Philosophia apud Romanos

duo corpora esse in uno loco.

Responderet forte aliquis lumen ob summam tenuitatem penetrare vitrum. Nonne aer quoque penetrat, & tamen substantia corpus est, non ita, ut puto, tenue, ut lux.

Veieres autem non putarunt esse absurdum dicere duo corpora ob tenuitatem se invicem penetrare. nec quilibet defuit locum superficiem corporis continentis. qui aiebant animam esse tenuissimum corpus non propterea eam à corpore crasso auellebant, quid referam Stoicos, apud quos Deus, quem corporeum faciunt, intimè omnia corpora penetrat, pervadit, præstog illis adest.

Hæc dicta sint occasione arrepta ex ijs, quæ Democriti de effluviis radiorum ex corporibus proferebant. Aversamur interim illos, qui dixerunt animam esse corpus, est enim substantia incorporea, quod multò magis est proferendum de Deo, quem omnis materia expertem professi sunt sapientes, & profitentur hodie, quicquid in adversam garriverint partem Stoici.

De M. Pisone, deq. eius præceptore Stasea Neapolitano. quam lubenter Romani Athenis viderent sedes philosophorum. Cap. XXVIII.

**A** Numero Procerum Romanorum, qui Philosophiam suo studio, suaq. auctoritate claram illudirent. reddiderunt non sine culpa excluderetur M. Piso, quem differenter doctè, & copiose induxit Cicero in libris de Finibus. Habuit autem Piso apud se multos annos Staseam Nea-



Neapolitanum insignem philosophum. pro enim Cicero: quod lib. 5. de  
& Staseam Neapolitanum multos annos apud te ha- lib. 5. de  
bueris. ex qua familia si queras fuerit Staseas, respondet  
Tullius fuisse Peripateticum. Tullij verba sunt: memin- Et in 1.  
Staseam Neapolitanum, doctorem illum tuum nobi- de nat.  
lem sane Peripateticum. Deor.

Disputavit idem M. Piso cum Antiocho philosopho. qua  
de re Cicero: cum audiuissem Antiochum cum M. Pi-  
sone disputantem in eo gymnasio, quod Ptolomeium  
vocatur. Erat hoc Gymnasium Athenis. tunc enim, &  
Pomponius Atticus in ea urbe versabatur, ut ex eodem Ci-  
cerone colligitur, apud quem describitur Academia soli-  
tudo, cui propinqui erant hortuli Platonis. Mox memoran-  
tur Speusippus, Xerocrates, & eius auditor Polemos. Quin  
Pomponius non dissimulat se suspicere Epicurum, cuius  
hortos prateriuerant, ituri in Academiam, ut intelligamus  
hortos illius philosophi tantopere laudatos non abfuisse procul  
ab Academia Platonica, subiecit habitam imaginem Epicu-  
ri passim non solum in tabulis, sed etiam in poculis, &  
annulis.

Nec praterit Cicero exedram, ex qua docebat admiran-  
dus Carneades. Ego, inquit, moueor illa exedra. mo-  
do enim fuit Carneades, quem videre videor. est enim  
nota imago: à sedeque ipsa tanta ingenij magnitudi-  
ne orbata desiderari illam vocem puto. ex quibus om-  
nibus discere est, quanto opere fauerent proceres Romani phi-  
losophiae, quandoquidem lubenter se Athenas conferebant  
ea etiam de causa, ut viderent sedes tantorum philosopho-  
rum, pascere oculos imaginibus, suspicerent loca in-  
qui-



quibus deambulauerant. Ego autem, inquit Cicero, tibi assentior, usu hoc euenire, vt acrius aliquanto, & attentius de claris viris locorum admonitu cogitemus. hinc narrat visam Metaponti sedem Pythagoræ.

Qui affectus erga philosophiam ex eo etiam patet, quandoquidem idem Proceres lubenter in suas ædes recipiebant sapientiæ mystas, quod non solum exemplo Pisonis Stasæam domi detinentis, sed multis alijs, quorum aliqua hoc libro continentur, ostenditur. At Lucianus in quodam dialogo videtur improbare eos, qui patiebantur se mercede conducere à Magnatibus.

Iter porro quod suscipiebant Romani Athenas, vt viderent sedes clarissimorum hominum facit, vt erunpam in laudem Gallorum, Germanorum, atq. aliorum Transalpinorum, qui valde multi peragrant magnam partem orbis terrarum, vt coram doctissimos viros, aut mortuorum inuisant tumulos, cognoscant ædes, obseruent natale solum; dici namq. nō potest quantopere inflammemur ad virtutem, quando talia intuemur, quando oculati testes cernimus patriam terram eorum, qui sapientiæ nomine passim inclaruerunt.

De T. Lucretio Romano, magno philosopho, magnoq. poeta,

Cap. XXIX.

**P**Eccarem aduersus tractationem, quam suscepi, si verborum nihil impenderẽ Lucretio lauinissimo, doctissimoq.



simoque poetæ, qui primus ausus est exhametro carmine de philosophia verba fundere, emulatus perquam feliciter Empedoclem summum virum, quem constat versibus inclusisse arcana philosophica. Scio nequaquam fas esse assentiri Lucretio in ijs, quibus velificatus est assentiendo Democriti, & Epicuri Placitis. Sed quandoquidem ea tempestate, qua scribebat, fas erat Romæ pro lubitu Sectæ quæ magis placuisset, adherere, negare non possumus valde benemeritum fuisse Poëtam de contemplatione rerum philosophica. Quis enim nescit viros magnos etiã quando errant, aliquatenus prodesse humano generi? nam excitant aliorum res sentientium diligentiam adsoluendos nodos admodum difficiles, adq. illustrandas abstrusas quisq. & reconditas difficultates. Ignorandum porro non est optimè præ omnibus in Lucretio versatum fuisse Lambinum, minusq. probè se gessisse Giphanium, qui in messem Lambinianam affectatam immisit diligentiam, conatus sibi rapere ob emendatum Lucretium coronam, quæ tamen debebatur Lambino, cum ipse manuscriptos perquam diligenter inspexerit, mendasq. plurimas diluerit, sustulerit.

Scimus etiam Petrum Victorium Florentinum, virum & genere, & eruditione clarissimum diligentiam suam impendisse eidem poetæ, qui tamen labor non prodijt, quod auctor, vir pius, nollet videri collocasse suam operam in exponendo scriptore pietatis, & ipsius diuinitatis contemptore.

Sunt verò qui cuperent commentarium philosophicum exarari in doctissimum poetam, quandoquidem Lambinus videtur potius verba Lucretij exegisse ad manuscriptorum in-



dem, quam ut voluerit philosophicis sententijs illustrandis  
tempus impendere.

Ego in meo opere de doctrina Democriti non pauca loca  
(nisi fallor) Lucretij sum interpretatus. forte etiam ali-  
quando hunc laborem exantlabo, ut observationes philoso-  
phicas in totum opus Lucretianum componam.

Interim sciamus Romanum fuisse Lucretium, & quidem  
illustri familia natum, floruisseq. iisdem ferè temporibus qui-  
bus extiterunt summi viri senex Crassus, Cicero, Hortensius,  
Sulpicius, Brutus, Calidius, Calvus, Cælius, Cæsar, Cor-  
vinus, Asinius Pollio, Sallustius, Varro, Catullus.

Gratulor tibi Roma de magno alumno Lucrètio, qui ac-  
cessit ad philosophiam tanto cum impetu ut nobis reliquerit  
monumentum ære perennius, ostenderitq. Romanos non so-  
lum posse discere, sed & docere philosophiam, dumq. gratu-  
lor, effundo carmen, sicq. Epicuri, Lucretijq. laudo ingenium,  
ut dogmata rejiciam, illud præsertim quo impugnatus ani-  
morum immortalitas Platonicis scriptis præclarissimè asser-  
ta, atq. defensa.

Incolit obscuros Senior Gargettius hortos,

Nec docet è cathedra, sed canit: ipse sibi.

Ipte sibi vario condit monumenta labore,

Quæ minima expediunt corpora Democriti;

Auctorisq. vehunt latè post funera nomen

Sceptrigerum Sophiæ regnum ubicunq. viget.

Hinc Epicureum didicerunt dogma Quirites,

Deq. ipso Carus grande poemâ dedit,

Quod sæpe haud dubitat generoso voluere nisu

Ignauum quisquis vulgus abire iubet.



De C. Cotta recentis Academiae defensore. eum,  
licet Pontifex esset, more Carneadeo dis-  
putasse. Cap. XXX.

**C.** Cotta aequalis Seruij Sulpitij, familiaris Ciceronis,  
magna auctoritate praeditus apud Romanos. Ete-  
nim legem tulit, qua Tribunis plebis alios Magistratus cape-  
re licebat, quod vetuerat Sylla. in philosophia exiguus non  
fuit, defenditq. cum Cicerone recentem Academiam, an bi-  
guitati velificatus. nam in primo de Nat. Deorum cum Cicero  
inuenisset C. Velleium, Lucilium Balbum & Cottam, inquit:  
tres trium disciplinarum principes conuenistis. quod vero  
staret à noua Academia cum Tullio, colligere est ex verbis illis  
Velleij: Ambo ab eodem Philone nihil scire didicistis. cui  
respondit: quid didicerimus Cotta viderit. auditor ergo  
Philonis fuit Cotta, & tamquam familiaris Tullij, estiman-  
dus est profecisse non tantum apud Philonem, sed & Diodo-  
tum, Antiochum, Posidonium. qui omnes frequenter versati  
sunt in domo Tullij eiusdem, ut ipse testatur, dum inquit:  
orationes testantur refertae philosophorum sententijs,  
& doctissimorum hominum familiaritates, quibus sem-  
per domus nostra floruit, & principes illi Diodotus,  
Philo, Antiochus, Posidonius, à quibus instituti sumus.  
hac ibi Cicero, ex cuius etiam eodem libro discere est Cottam  
audiuisse frequenter Athenis Zenonem, quem Philo Epicu-  
reorum Coryphaeum appellabat.

At erit, qui quærat: num Zeno fuerit Epicureus? respon-  
sio facilis est, sermonem esse de Zenone Sidonio, non Eleate,

1. denarij  
deor.



non Citio. Sidonij enim Zenonis meminit etiam Laërtius, aitq. fuisse disertum Epicureorum dogmatum professorem, ornatè scilicet, grauitè, distinctè loquebatur, nequaquam expers eloquentiæ, ut ferè indiferti erant Epicurei.

Rursus quæres, cur Cotta suasore Philone audiret Epicureum, cum esset Academicus? upitabat Philo magis ac magis confirmare in sua opinione Cottam, à quo volebat conferri Zenonem cum Academicis. deceptus igitur est vir eruditus, qui quod legisset Strabonem Geographum audiuisse Xenarchum Peripateticum, fuisse & ipsum Peripateticum asseruit.

Mirabitur porrò aliquis Cottam, cum Pontifex esset, inductum fuisse à Cicerone ea ratione, ut euertere conaretur omnia, quæ de prouidentia Deorum prolata fuerant à Balbo Stoico. Decet enim Pontificem tueri religionem, cultumq. Numinis, non ipsum impugnare. Aliquot profectò abhinc annis, cum in palatio Marchionis Sfortiæ Pallauicini exortus esset sermo de Lucretij poemate Epicureo, de dissertatione Velleij apud Ciceronem pro Sicta eiusdem Epicuri, de versibus illis Iuuenalis:

Esse aliquos Manes, & subterranea regna, non nemo colligebat Romanos in vniuersum atheos fuisse, & Numinis irriferos. Respondi ego, verba Iuuenalis Satyricè esse prolata exaggerando multorum hominum impietatem. Lucretium scripsisse, quod permitterent Romani disputandi, & exercendi ingenij causa tueri Democriteas opiniones. Velleium, & Cottam itidem non ex animi sententia, sed philosophandi causa sic disseruisse apud Tullium.



extra eiusmodi altercationem Romanos prorsus adhæsisse ritibus suorum maiorum, quos cæci & superstitione imbuti putabant rectè de Deo sensisse, & rectè eundem coluisse. Non ergo opinionibus philosophorum metuebantur publica Sacra, sed more Urbis antiquo, sic enim Cotta: cum de religione agitur P. Coruncanum, P. Scipionem, P. Sceuolam pontifices maximos, non Zenonem, non Cleanthem, aut Chrysippum sequor: habeoq. C. Lælium, augurem eundem sapientem. mox subiungit: Mihi persuasi Romulum auspicijs, Numam sacris constitutis fundamenta iecisse nostræ ciuitatis. quæ verba cum recitasset non grauatim mea acquieuerunt responsione.

De P. Nigidio Figulo Romano, philosopho Pythagoræo, & magno rerum naturalium indagatore. Cap. XXXI.

**I**N cumulum eorum, qui bene de philosophia Romæ sunt meriti sua sponte properat P. Nigidius, cum quo testatur Cicero se multa disputasse contra phisicos more Carneadeo, de quo subiungit: fuit enim vir ille cum cæteris artibus, quæ quidem dignæ libero essent ornatus omnibus: tum acer inuestigator, & diligens earum rerum, quæ à natura inuolutæ videntur.

Quæres, ex qua secta is fuerit? res habere videtur aliquam difficultatem. nam si cum ipso more Carneadeo Tullius disputauit contra phisicos, videtur Nigidius fuisse ex recentibus Academicis.

Sed aduersus hoc pugnare videntur, quæ apud eundem  
Tul-



Tullium ad summam tanti viri commendationem profer-  
tur ibidem: sic iudico post nobiles illos Pythagoreos,  
quorum disciplina extincta est quodammodo, cum ali-  
quot sæcula in Italia, Siciliaque viguisset, hunc extitisse  
qui illam renouaret.

Hinc licet, ut puto, colligere nequaquam Nigidium fuisse  
Carneadeum, & Academicum, quamuis Cicero duat se  
cum illo aduersus phisicos disputasse, hoc est ipso audiente,  
sive assensum præberet, siue non. etenim disertè testatur  
fuisse Pythagoræum, & sectam Pythagoræ quasi intermor-  
tuam quodammodo in vitam reuocasse. atque hic ipse videtur  
primus Pythagoræus inter Romanos, quod quidem ego  
sciam, nec enim legi hætenus, quis fuerit ex Romanis pro-  
ceribus sectator Pythagoræ.

lib. 29.  
cap. 1.

Dices, Catonem Censorium videri fuisse Pythagoræum cū  
Tarenti audiuerit Nearchum Pythagoræum. dicendum est,  
etsi Cato audiuerit Nearchum non propterea euasisse philo-  
sophum, sed leuiter tantum nonnulla didicisse. id discere est  
ex ipsius verbis apud Plinium, dum inquit: bonum est  
(Græcorum) literas inspicere, non prediscere. Vaticinatus  
hinc est perituram Romam, receptis literis græcorum.  
eius verba sunt ad Filium. hoc puta Vatem dixisse:  
quandocumque ista gens literas dabit, omnia corrumpet,  
tum etiam magis, cum Medicos suos huc mittet.  
quæres, an verus fuerit Vates Cato? negat Plutarchus, ut  
iam à nobis relatum est suo loco in precedentibus. responde-  
ret ipse, receptis literis Græcis florente Lucullo, alijsque pro-  
ceribus, exorta dissidia, & tandem absolutum principatum  
inuectum in urbem, electa libertate. Sed aduersus Catonem  
dice-



dicerè licebit non videri ob admissam philosophiam, & Medicinam Græcorum natas dissensiones, & bella civilia.

Nunc de P. Nigidio quærendum, an cum tantus physicus, tantusq. philosophus fuerit, aliquid de rebus naturalibus mandauerit literarum monumentis? id affirmandum quandoquidem Plinius libro I. eum sæpe recenset inter auctores Romanos, & Latinos, videturq. etiam vocatus Figulus. lib. 3. Sat nam apud Macrobiū hæc verba reperiuntur: Sed quod ait Plinius de acipenseris squamis, id verum esse maximus rerum naturalium indagator Nigidius Figulus ostendit, in cuius libro de Animalibus quarto ita positum est: cur alij pisces squama secunda, acipenser aduersa sit? quo testimonio usus sum in meo Commentario de Vita Cleopatræ, ut ostenderem acipenserem Veterum, non esse nostrum Sturionem, quicquid in contrariam partem scripserit Rondeletius in suo opere de piscibus, cum præsertim ne squamas quidem censeatur habere idem Sturio, corio tectus.

Gellius non admodum honorificè videtur sensisse de Nigidio; tradit namq. ob obscuritatem in vulgus eius non emanasse opera. Sed Gellianæ auctoritati erit qui opponat Macrobianam.



De C. Velleio Senatore Romano fidenter defendente Epicuream sectam eius quædam disputatio contra Platonem, & Zenonem perpenditur.

Cap. XXXII.

**E**T si Epicuri absurde sint sententiae, non tamen Romanorum nonnullos, libertate sua usos pudebat ipsi suppetias ferre, dareq. operam in disputando, ut probabilior censeretur esse secta, quæ suas opiniones ad Epicurum, & porro ad Democritum referebat. iam in hoc libro recensuimus Cassium in Epicurea umbra latentem. nunc recitare lubet nomen C. Velleij Senatoris, hominis proinde grauis, qui tantam vim, tantumq. studium Romæ, ad defensionem Epicureæ scholæ adferebat, ut primus in eo genere censeretur esse, & cum paucis Græcorum compararetur à L. Crasso. quæ de re non sinit nos dubitare Tullius in l. de Natura Deorum ex quo etiam colligere licet fidenter admodum se gessisse in disputando Epicureos, sicq. locutos, ne viderentur ullo modo esse ambigui, & se perinde gessisse ac si sua dicta depromerent ex Concilio aliquo deorum. quod eò lubentius credo, quia nostra quoq. tempestate reperire est homines quam plurimos, qui dum profitentur philosophiam, tertio quoq. verbo illud: Certum est, hæc sententia extra omnem controuerfiam ponitur, usurpant, à quibus formulis abstinerent, si quantum obscuritatis insit rebus naturalibus perpendere. sed ad C. Velleium redeamus, qui apud Tullium in primo de Deorum Natura Platonicos, Stoicosq. alacriter admo-



admodum commentitiarum, futiliumq. sententiarum accusat, obijcitq. Zenoni portentosa & miracula somniantium, non differentium philosophorum.

Platonem etenim putat graviter impingere, dum ait, genitum mundum, fore tamen sempiternum, nam quæ coagmentatio potest esse non dissolubilis? Cui quidē obiectiōni occurrit præclare Plato in Timæo, dum docet natura sua esse solubilem coagmentationem, non tamen sic iubente Deo soluendam unquam.

Sed dum queritur secundū Platonem, genitusne sit, an non mundus? non desunt inter Platonicos, qui dicant videri sibi cōtradixisse præceptorem, iam enim dixisse esse genitum, iam negasse, quæ de re videnda, quæ tradūtur à Plutarcho in Opusculo de Procreatione animarum, atq. alibi. hinc nonnemo inter Platonicos ingenitum appellavit mundum, ut Sallustius, negavitq. creatā animā mundi à Deo Alcinous. Galenus autem non vno in loco, quod videret inter se dissidere doctores, testatus est nescire se, genitusne sit an ingenitus mundus?

Sed qui Platonici docuerunt mundum esse genitum secundum Platonem, ut certè pleriq. docuerunt, scissi sunt in contrarium studium. nam aliqui dixerunt mundum esse factum esseq. æternum hoc est conditum ab æterno, quam sententiam inter nouissimos Platonicos conatus est tueri Proclus octodecim argumentis.

Alij autem, quod existimarent repugnare esse æternum & esse factum, pronunciarunt mundum conditum in tempore à Deo, dum inordinatam materiam ordine donavit, & affabrè composuit, quod videre est apud Plutarchum in libello de procreatione animæ. Errat enim, & errat vehe-



82 De Philosophia apud Romanos

menter quisquis Plutarchum non recenset inter philosophos. Quod autem Plato, & Platonici putarent mundum non factum ab aeterno, docet etiam C. Velleius, dum inquit: ab utroque autem (scilicet Platone, & Zenone) sciscitor cur mundi ædificatores repente extiterint, innumerabilia ante secula dormierint? in quam opinionem acerrimè inuehitur apud eundem Ciceronem.

Quæ lubuit proferre, quod Velleius ea attigerit disputando, & res ipsa valde digna sit, quæ diligenter perpendatur à studiosis Platonice philosophiæ.

Nam ad veritatem ipsam quod attinet, nos edocti diuinitus à Mose edocti sumus, à Deo optimo maximo ex nihilo in tempore factum esse hunc mundum, relinquentes philosophis gentilibus suis dissidia, suasque altercationes nunquam finiendas.

De Lucilio Balbo insigni Stoico. agitur etiam de Deo Stoicorum, cum anima mundi Platoniorum, non confundendo.

Cap. XXXIII.

**Q** Lucilius Balbus itidem Romanus dignus est habitus, quem Cicero in Stoica disciplina cum excellentibus Græcis exæquaret, ut videre est in libro primo de Deorum natura.

Hinc adeò factum, ut disertissimam orationem de Deorum natura, & providentia iuxta decreta Zenonis ei tribuerit in eodem opere de Natura Deorum, quam legi, ac relegi cupiam ab ijs, qui Stoica decreta callere volunt. Cui

ad-



addenda contentio inter ipsum, & Cottam in Tertio libro.  
ex quo si placuisset Lipsio cum physiologiam Stoicorum componeret plura depromere, melius fortè fuisset meritis de Cleanthea fruge.

Cum autem Balbus multis conetur ostendere Mundum esse Deum, & esse sapientem, nihilq. melius ipso reperiri, sidera non carere ratione, Naturamq. non esse brutam sed providentia, & intelligentia præditam, querere lubet, annon omnia ista sint eadem cum ijs, quæ Platonici de anima mundi proferunt? eiusmodi namq. anima secundum Platonicos sapiens est, imò diuina est, infunditurq. toti mundo, omnibus rebus largiendo sensum, & motum. interrogare etiam lubet, annon Virgilius in VI. Æv. cum Stoicis locutus sit, quando dixit:

Spiritus intus alit, totamq. infusa per artus  
Mens agitat molem.

Et in Georg. itidem cum Stoa cecinerit:

Deum namq. ire per omnes

Terrasq. tractusq. maris, cœlumq. profundum.

Respondere est, non debere confundi animam Mundi, de qua Platonici loquuntur, cum Deo Stoicorum. nam apud Platonicos tres gradus reperiuntur diuinitatis. est Deus, prima causa, est sermo, architettus mundi, est demum Anima mundi. prima causa est ingenita. Sermo gignitur à prima causa. à sermone prodit anima mundi. hæc igitur anima facta est, corporiq. iungitur, aut non omnino incorporea est, mouetq. mundum. Sed prima causa eiusmodi munere non fungitur, seiuncta prorsus à corpore, & corporis expers. Ergò secundum Platonicos non licet dicere: mundo nihil esse



*melius. nam prima causa absq. comparatione est melior anima mundi. in Stoa autem præter mentem illam, quæ coalescens cum materia mundum constituit, non reperitur Deus, non datur causa superior, & nobilior. Viderint verò aliqui ex nostratibus philosophis, qui aiunt Deum opt. maximum, conditorem mundi huius, & sospitatorem esse formam, animamq. mundi, & partem intrinsecam, & essentialem uniuersi. qui modus dicendi consentaneus quidem videtur esse Stoæ, sed abhorrere à Platone, ab Aristotele, & demum ab ipsa veritate Christiana. Plato quidem primam causam non commiscet cum mundo, Aristoteles primum motorem, in corporeum commendat cum intelligentiis, qui quidem primus motor tantum est in Oriente, & in parte conuexa primi mobilis, non autem infunditur toti moli, nec peruadit sua substantia totum mundum. secundum autem Religionem nostram, & secundum veritatem Catholicam Deus non est forma, & anima mundi, quia non est pars, nec tanquam pars concurrit ad constituendum mundum. ubiq. est, infinitus est, omnia mouet, omnibus salutem impertit, ut causa effectrix, non ut forma.*

*Virgilio quæ fuerit mens in VI. æn. facile deprehendit, qui totam Anchisæ narrationem legit: Platonica enim est quanta quanta est, ad Stoam, ad Deum Stoicorum non trabenda. ipsi enim vix quicquam de transmigratione, & circuitu animarum. Cur ergò à Stoicis accepisset Virgilius dogma de Deo, & inde transgressus fuisset ad placitum non faciens ad Chrysippum, aut Zenonem?*

*Verba porrò in Georgicis tam secundum Stoicos, quam iuxta Academiam Platonis explanari, accipiq. possunt. vult enim*



enim ostendere rationis non esse expertes apes. Cur ita? quia Deus (Deum appellant Platonici etiam animam mundi) omnia implet, in omnibus agit, ubiq. est. quod effatum consentaneum est non minus Stoæ, quam Academia. quæ proferre volui, ne quis Servium secutus in VI. æneid. Stoice accipiat verba Virgilij.

Obiter quæret aliquis: annon videantur verba S. Pauli Act. XVII. in ipso sumus, vivimus, & mouemur, Stoice accipienda, cum præsertim constet Pharisæum fuisse S. Apostolum.

Responsio in promptu est, nam effatum S. Pauli ad causam est referendum effectricem, non aliò trahendum. Etenim S. Apostolus sic dicitur fuisse Pharisæus, ut resurrecturos mortales cum ipsis crediderit, in cæteris non incesse per talium hominum vestigia.

Proferuntur de Nigidio, de Cotta, de Lucilio, & Velleio versiculi. Cap. XXXIV.

**N**on pauca admodum seriò superioribus quatuor capitibus cum depromserim, ne semper serius esse censear, videarq. nescire interponere studijs aliquid amœnitatis, age versiculos recitemus, honori magnorum virorum dicatos.

*Ad Nigidium.*

**P**ythagoræorum nomen, cœtumq. domumq.  
Et varium occulti dogmatis arbitrium,

Quis



86 De Philosophia apud Romanos

Quis potuit Latia generosus in vrbe tueri  
 Aduersus Sophiæ lumina, Stoicidas,  
 Contra Academiæ platanos, daphnenq. Lycei,  
 Contra Gargetti culta vireta Senis?  
 Quis Samiæ haud timuit genti præbere recessum,  
 Submittens magno lumina Pythagoræ?  
 Hæc tua laus Nigidi, est, quæ tunc vaga deferet orbem,  
 Quando orbem Phœbus lampade destituet.

*Ad Cottam.*

**C**Ur cum sacra feras, clarissime Cotta, Sacerdos,  
 Et prisca Numen relligione colas,  
 Instar Carneadis pugnando spicula torques,  
 Contra fatidici prouida dicta gregis,  
 Contra auium aëreas voces, dextrumq. volatum?  
 Cur furua fibris detrahis arte fidem?  
 Nempe superstitio, pavidum quæ detinet orbem,  
 Ferre iubet dubio te quoq. calle pedem.

*Ad Lucilium.*

**L**Vucida, Lucili, sapientum templa subire  
 Si lubet, & Sophiæ splendida ferre sacra,  
 Cur Stoam ingrederis, cur dogmata mira retractas,  
 Graiugenum sermo quæ paradoxa vocat?  
 Cur salebras calcas, cur per iuga pendula gaudes  
 Ferre pedem, tuta nescius ire via?

Sci-



Scilicet hic hominum mos est, ut proxima temnant,  
Sollicitiq. vago rara labore parent.

*Ad Velleium.*

**C**Ur, ò Vellei, magnum per inane vagaris  
Leucippū anteuolans, Democritumq. sequens,  
Si nil iste sopus sine risu promit, & vsq.  
Quæ modò construxit pondera, sternit humi?

*Aliud.*

Magno Epicureos redimenda dolore Voluptas  
Obscuro porcos detinet vsq. lare,  
At te, Vellei, manet inter sidera Romæ  
Gloria non atro diminuenda die.  
Ergò Epicureas Leucippi linque tenebras,  
Iq. sequax, quò te læta Minerua vocat.

Varronem fuisse summum philosophum, sed in  
scriptis tantum delibasse philosophiam.

Cap. XXXV.

**S**i quis putat philosophiæ expertem fuisse Varronem, quia  
inter philologos numeratur, nã ille magno in errore  
versatur. Apuleius enim insignis philosophus philosophicam  
sapientiam ei tribuit liberali manu, dum ait: memini me  
apud Varronem philosophum virum accuratissimè  
doctum, & eruditum legere: an philosophus non sit, qui



accuratissimè est doctus? ipse Varro homo minimè vanus, & prolatus ab homine, qui non decipiebatur, apud Tullium in primo Tusculanarum sic loquitur: in illis veteribus nostris Menippum imitati multa ex intima philosophia multa Dialecticè dicta. quales, boni Dij, fuerunt libri Diuinarum humanarumq. Antiquitatum, ex quibus aliquid citat S. Augustinus. quanto cum detrimento ab edacissimo ablata tempore. nullus mortalium possit talem commensurare iacturam. Audiamus Ciceronem, qui eiusmodi verbis opus illud commendat: Tu omnia Diuinarum, humanarumq. rerum nomina, genera, officia, causas aperuisti. Esi autem tantus vir penetralia philosophiæ perspecta prorsus haberet, noluit tamen quæ nouerat latinis literis commendare. nam græcè fortè non potuisset tam bene quam latinè commentari. Cur etiam repetisset, quæ iam præclarè, & subtiliter ab ipsis enarrata fuerant? suspicari etiam licet existimasse Varronem latinis literis nequaquam explanandam philosophiam. sic enim hodie aliqui, imò pleriq. sentiunt philosophica præcepta lingua Italica comprehendere nec commodè posse, nec si posset debere, quod hoc sit arcanum vulgo profanum in morem communicare, & contemptui exponere.

Nihilne igitur ex philosophia propinavit Varro in suis scriptis? delibavit plurima, non autem pleno fonte propinavit. Meos, inquit, amicos in Græciam mitto. Cicerone autem eandem in rem sic fatur: philosophiam multis locis inchoasti, ad impellendum satis, ad docendum parum. Nunc lubet his hexametris summum virum prosequi:

Var-



Varro potens Vero, Varro doctissimus inter  
 Romuleos proceres, Latiae lux aurea linguae,  
 Faxq. Vetustatis, Satyrarum conditor, ingens  
 Inter doctiloquos Vates, coetumq. sophorum;  
 Edidit excelsa in patria tot millia librú n,  
 Totque voluminibus Sophien ditare sategit,  
 Quæ prope cuncta tulit longæui temporis ætas.  
 O detrimentum lacrymarum flumine dignum,  
 O senij sæuasq. vices, crudeleq. factum.  
 O vim tardipedis Fabri, quem Lemnos adorat:  
 Siccine Varronis potuisti extinguere chartas?  
 Ætherea dignasq. die dignasq. iuuenta,  
 Perpetua, dignas, quæ nunc in luminis aura  
 Versantes, nitidæ nos aurea dicta docerent.

Commendatur Cicero ob philosophiam, quam primus  
 literis latinis locupletavit. posse eos, qui Rei-  
 publicæ præsunt, quandoq. vacare philo-  
 sophiæ. Cap. XXXVI.

**C**onsuetudine amplissimorum hominum, & clarissi-  
 morum hominum civium philosophiæ deditorum  
 cum subinde uteretur Tullius Cicero, non potuit non &  
 ipse insipientiæ studia ferri, suiq. ingenij vim, quæ ingens  
 erat, ad arcana scientiarum extendere. quod eò minus mi-  
 rum videri debet, quia Philonem columnam Arcesilææ se-  
 ctæ, novæq. Academia fulcrum studiosè audiuit, cuius

M

etiam



etiam philosophandi rationem lubenter est amplexus, quod homo occupatissimus in causis forensibus, inq. negotijs Reipublicè assiduus, videretur posse facilius de omnibus quaestionibus cum probabili verisimilitudine differere, atq. tempus cum voluptate transigere, quam unius sectæ certis dogmatibus adhærescere, proq. ipsis tanquam pro aris, & focis pugnare. Satis autem sibi non putavit esse philosophorum libros gnauiter voluere, sententias Platonis cognoscere, Aristotelem penetrare, ad Zenonis porticum se conferre, de talibus opinionibus cum amicis conferre, & suauiter colloqui, nisi appulisset calamum ad facienda latina, quæ hætenus conclusa manserant græcis fontibus. Nec existimavit suæ dignitatis esse, ex græco latina facere vertendo. quin libros texere voluit de varijs argumentis, in quibus sic se gessit, ut nec sermonis copia, & elegantia, nec sententiarum pondere, aut argumentationum robusta structura quicquam Græcis concedere deprehensus fuerit. ut sese in omnes partes vertit, ut pro sua probabilitate strenuus est, ut varia ex historijs admiscet, ne labatur, quod sustinet. Vide de Natura Deorum dissertationes, inspicere de diuinatione opus, lege sedulus de legibus libros, in tuum succum conuerte Academi- cas quaestiones, ne præteri de Finibus enarrationes, versare in Tusculano ut Tusculanas ediscas. qualem fructum industriae feres, quale operæ reportabis pretium, quos thesauros congeres, quos fiores leges ut sedula apis. Nam si quis accuset Ciceronem, quod vir consularis sapientia mentem excoluerit, aliosq. erudire sategerit, respondebit ipse pro se in quaest. Academ. quasi vero, inquit, clarorum viro- rum tacitos congressus esse oporteat, aut ludricos ser-  
mones



mones aut rerum colloquia leuiorum. tractatio philosophiæ optimo atq. amplissimo quoq. dignissima est nec quiquam aliud videndum est nobis, quos populus Romanus in hoc gradu collocauit, nisi ne quid priuatis studijs de opera publica detrahamus. Sic se excusat doctissimus Pontifex Pius secundus, dum geograficos exarat libros, sibi enim licere temporis aliquam partem, qua vacat à negotijs diurnis, nocturnæ impendere lucubrationi. Sed superuacaneum est tueri Ciceronem, cum totus prope liber de initio, et progressu philosophiæ apud Romanos tali defensione fungatur. Nobis profectò qui in Etruria sumus, suppetunt clarissimorum ciuium Florentinorum exempla, qui cum Rempublicam regerent, et sustinerent pondus ingentium curarum, frequenter tamen philosophabantur, erudita voluptate animum subleuantes. Tales fuerunt Vidus Caualcantius, Dantes Aligerius, Diecetus, Bartholomæus Caualcantius, Oricellarius, Vitorius, alijq. ipse magnanimus Franciscus Etruriæ Magnus Dux peritus linguæ Græcæ atq. latinæ quandoq. conquiescebat in sinu doctinarum, in gremio philosophiæ. Referunt autem cum aliquando professor ei librum latinè versum ex Græco obtulisset dicens, se hac opera functum, ut ipse posset auctorem legere, respondisse eruditum Principē, se non adeò hospitem esse in lingua Græca, ut volumen græcum non intelligeret. Pedem refero ad Ciceronem, cuius gloriæ sequens epigramma adscriptum volo:

Dogmata conglomerent alij, decretaq. cudant,  
In solito nec ament tramite ferre pedem,



Dum Cicero, quo non facundior extitit ullus,

Socratico pulchrum temperat ore Sophos,

Et modò per Stoam magni Zenonis alumnus

Ambulat, atq. celer per Paradoxa ruit.

Nunc cum Pythagora numerando construit orbem,

Mox ab Aristotelis firmate multa trahit.

O decus æternum Arpini, splendorq. Quiritum,

Quem Latium extollit, Graiugenæq. colunt;

Te sequor impavidus quò me tua subuehit ala,

Et lentum patior repere vulgus humi.

De Pompeij erga philosophiam propensione.

agitur simul de Possidonio, Cratippo,

Q. Valerio. Cap. XXXVII.

**N**E mutila mancaq. sit, de suscepta materia tractatio, exerat, imò attollat venerabile caput magnus Pompeius, cuius ingentem ergà mystas sapientiæ humanitatem non prætermiserunt historici. Plutarchus sanè scriptum in Pomf. reliquit eum cum Rhodi adesset, professores liberalium studiorum audisse, quin cuiq. talentum dono dedisse. Possidonium præcipuè coluit. hinc narrat ille ipse literis ad Herma-  
 magoram datis se à Pompeio auditum, recensetq. quanam tunc in prælegendo quasita, expositaq. fuerint. apud Cicero-  
 nem autem in secundo Tusculanarum hæc habentur: Nar-  
 rare solebat Pompeius se cum Rhodum venisset dece-  
 dens ex Syria, audire voluisse Possidonium, sed cum  
 audiuiisset eum graviter esse ægrum, quod vehementer  
 eius artus laborarēt, voluisse tamen nobilissimum phi-  
 loso-



Philosophum inuisere. an vero excidit suo voto Pompeius  
nihilq. audiuit ex ore differentis? imò generosus philosophiæ  
antistes non commisit, ut frustra tantus vir ad se venis-  
set, cubansq. ostendit, nihil esse bonum, quod non sit hone-  
stum.

Illud quoq. recenset Plutarchus, quod cum fugeret Pom-  
peius à Mitylene in portum descenderit Cratippus, ad quem  
conuersus Pompeius, aliquid de prouidentia ingessit, ut for-  
te intelligeret, cur permisissent Diij causam, quæ libertatem  
patriæ tuebatur, succubuisse? sedulò quæstionem declinauit  
Cratippus, breuiterq. innuit ob reipublicæ mala debuisse rem  
Romanam in absolutam dominationem labi. quod alij quoq.  
tradiderunt, atq. inprimis Tacitus, in primo Annalium,  
dum ait interfuisse pacis, ut cuncta ad vnum referrentur.

Hic est ille Cratippus, quem præceptorem habuit filius Ci-  
ceronis, cuiusq. perhonorificam facit mentionem ipse Cicero  
statim in principio librorum de officijs.

Sed si adeò fauebat philosophiæ Pompeius, cur Q. Vale-  
rium, virum philosophum, eruditione florentem interimi  
iussit, quod Syllanæ aduersaretur factioni, cum tamen  
cum ipso collocutus fuisset, factis quibusdam spatijs?

Retulit quidem hæc Plutarchus, sed non approbavit tan-  
quam vera. Cur ita? quia Oppius Pompeianæ gloriæ infen-  
sus, & Cæsari ex asse addictus retulit. par autem est, ut  
talis hominis fides sit suspecta, cum verisimile sit ab ipso om-  
nia conquisita, ut obtrectaret summo homini, quem vix  
credere est sese voluisse doctissimi viri sanguine polluere.  
viderit igitur lector, an narratio Oppij à Plutarcho prolata  
sit in discrimen danda? quin eiusmodi calumnia in ventos  
abire



*abire iussa recitemus Epigramma commendans non tralatitiam Pompeij erga professores sapientiae benevolentiam.*

Siccine qui terras ingenti nomine comples,

Bellaq., victurus pontica regna, geris;

Haud dubitas facilis Sapientum inuisere coetus,

Lenis & auditor discere grande sophos?

Macte animo tali. nam te fauisse lyceo,

Atq. Academiae, postera secla canent.

De M. Catonis philosophia, & sapientia non  
pauca. Cap. XXXVIII.

**E**Xultat, seq. iure merito iactat philosophia, quando  
Cato Vicensis memoratur. de eo ut loquamur illud in  
primis querendum: quos audiuerit, quosq. habuerit prae-  
ceptores? Respondet Plutarchus Catonem operam nauasse An-  
tipatro Tyrio Stoicae disciplinae professori, quem etiam sibi  
admodum reddidit familiarem, amplexatus omnem virtu-  
tis speciem, sectatusq. civilia atq. moralia praecepta. An-  
tipatro Tyrio addendus Athenodorus cognomine Cordilio, iti-  
dem Stoicus. sed audiamus Plutarchum: Cum audiuis-  
set (Cato) Athenodorum cognomine Cordilionem,  
Stoicę disciplinae hominem Pergami cōmorari, iamq.  
senescentem Regum Principumq. familiaritates re-  
fugere non putauit Cato per litteras, atq. nuncios  
quicquam se profecturum, sed cum per leges ei duos  
menses abesse liceret, transgressus in Asiam hominem  
adiit, flexitq. eius animum, & ex sententia deiecit, ef-  
fecitq. ut se in castra sequeretur lætus atq. gloriabun-  
dus,



—dus, velut ingentem adeptus palmam, & multò clariorem, quam aut Pompeius, aut Lucullus qui tunc vniuersi orbis Reges nationesq. subigebant. Hæc Plutarchus, cui concinit Plinius lib. VII. cap. XXX. dum scribit: Cato Uticensis ex tribunatu militum philosophum deportauit. addit alium ab eodem relatum ex legatione Cypria, quem suspicari licet fuisse Antipatrum Tyrium nam duobus philosophis vacasse Catonem affirmant pariter Plutarchus, & Plinius. Sed Antipatrum, & Athenodorum recenset Plutarchus. Vnde colligere fas est, quantum amaret cum philosophia philosophos quamq. cupide studio Sapientie incumbere, quod amplius discere lubet ex ijs, quæ sequuntur. in Tertio de finibus sic Tullius: Vide M. Catonem sedentem in bibliothecis multis circumfusus Stoicorum libris. adijcit fuisse in eo inexhaustam legendi aviditatem, quam non poterat satiare. in ipsa namq. Curia solebat sæpe legere, ut propterea ab eodem Cicerone meruerit dici: Helluo librorum.

Cum autem interdum vacare non ita commodè posset philosophis, eos ad cœnam inuitabat, detinebatq. inter philosophicos sermones in multam noctem, & quandoq. usq. ad auroram. hinc discere est fas esse in mensa philosophari, si mensæ accumbant viri docti. quæ de re non sinunt nos Plato, Xenophon, Macrobius, Athenæus, ipseq. Plutarchus ambigere. Quid enim prohibet seueritatem philosophicam conuiuali hilaritate temperare? Ergò ne tam seri seueriq. sint Stoici, si Cato Stoicam s. etiam professus sciuit hilaris esse.

Is ipse tamen extra cœnas videtur nimis austerus fuisse,



lib. I.  
Epistol.  
cap. II.

se, quod fatetur Seneca, qui tamen optat Catonem eligi tanquam exemplar perfectum virtutis. audi eius verba: Elige Catonem, si hic tibi videtur nimis rigidus, elige remissioris animi virum, Lælium. in eandem sententiam Cicero in oratione pro Muræna postquam recitavit Stoicos docere sapientem gratia nunquam moveri, nunquam cuiusquam delicto ignoscere, neminem misericordem esse, nisi lenem, viri non esse neq. exorari, neq. placari, atq. alia plura, subiicit: Hæc hominem ingeniosissimum M. Catonem auctoribus eruditissimis inductum arripuisse non disputandi causa, sed viuendi. vitam porrò Catonis sic exprimit: petunt aliquid Publicani? caue quicquam habeat momenti gratia. supplices aliqui veniunt, & calamitosi? sceleratus, ac nefarius fueris, si quicquam misericordia adductus feceris. plura ibi lege eiusdem monetae, quæ tamen prolata sunt à Cicerone non tam quod prorsus se res haberet, sed potius ut causæ inferuires. promouebat autem petitionem Muræna, qui vehementer à Catone oppugnabatur. de Catone porrò non omittenda verba Senecæ, quibus rursus eum, ut typum sapientia proponit: philosophia modestè tractanda est, & tranquille. quid ergò, inquis? videtur tibi M. Cato modeste philosophari, qui bellum ciuile sententia sua reprimit.

Illud etiam de tanto viro proferendum, quod moriturus, seq. subracturus manibus hostium bis Phædonem Platonis, ubi agitur de animorum immortalitate legerit, mox alto somno sopitus, ut prorsus inconcussus, & non turbatus ei constituisset se vita mox spoliare. Lucanus profectò tanti facit auctoritatem Catonis, ut eam amarulenta sen-



*sentia audeat Deorum sententia opponere dum ait :*

*magno se iudice quisq. tuetur,*

*Caula dijs victrix placuit, sed victa Catoni.*

*Nos autem eius memoriae, pusillum offerimus epigramma.*

*Quod tibi, magne Cato, statuam templumq. melosq.*

*Quos pangam numeros, vt tua regna canam,*

*Impavidæ imperium mentis, cessuraq. nullis*

*Sceptra Tyrannorum fascibus, atq. minis?*

*Languida prægrandi sub pondere Musa labascit,*

*Et merito ingenium se minus esse videt.*

*Sed quæret aliquis, cur tanti fecerit Phædonem Plato-*

*nis Cato, cum Stoicus esset, atq. adeò non prorsus esset ei certa*

*de immortalitate animorum sententia? respondere est, ple-*

*rosq. Stoicos sensisse saltem animas magnorum virorum*

*superesse, & permanere vsq. ad mundi conflagrationem.*

*adde necesse non esse vt Cato, quamuis Stoicus esset, in om-*

*nibus Stoæ adhereret, quod in alijs quoq. obseruauimus.*

*Panætius profectò insignis philosophus, admirator Platonis,*

*aduersus Platonem contendebat animos esse mortales, vt*

*narrauimus ex Tullio, cum de duobus ageremus Panætijs.*

*Id quoq. antequam à Catone discedamus obseruare est*

*cum Plinio, magnam deprehendi diuersitatem in Catone*

*Censorio, & Viicensi. nam ille vt refert etiam Plinius lib.*

*Vll. cap. XXX. censuit legatos esse dimittendos, quoniam*

*Carneade argumentante, quid veri esset haud facile*

*discerni posset. imò vniuersos ex Italia Græcos pellen-*

*dos censuit. at iste eius pronepos non attigit tantum, sed*

*perdidicit Græcorum arcana philosophica, philosophosq. per a-*

*manter fouit. O morum immutationem. ò institutorum*



*humanorum varietatem. ò dissidium propensionum. in diuersas abeunt, contrariasq. prorsus sententias viri grauissimi, quando de rebus maximi momenti agitur, & erit quisquam qui reprehendat Aristotelem, quando putauit de moribus disserendum populari, crassaq. Minerva?*

**Agitur de disputatione habita à Catone cum Cicerone. proferuntur nonnulla de primo Domestico. Cap. XXXIX.**

**A** Catone nondum possum auelli, quandoquidem in Tertiode Finibus præclaram habet disputationem cum Cicerone, qui tamen Stoicos non sequebatur. Incidit autem Tullius in Catonem, cum è Tusculano se contulisset in villam Luculli, vt ex eius bibliotheca promeret aliquos libros Aristotelicos. sed obierat Lucullus ille Asiae domitor, relicto filio, cuius curam magnam habebat ex testamento idem Tullius.

Cum porrò Cicero dixisset venisse se, vt auferret quosdam commentarios Aristotelicos, ait Cato: quam vellem vt te ad Stoicos inclinasses: prorsus enim Stoicis erat addictus Cato, quod superiori capite iam narrauimus. Respondet Cicero in verbis potius esse dissensionem, quam in ipsa re. & profecto, qui varias sectas philosophorum inter se conciliare conantur, solent frequenter dicere, non in re principes sectarum Philosophicarum dissentire, sed altercari sæpe pedibus; quod necesse est proferri ab ijs, qui concordiam inter Platonem, & Aristotelem nobis pollicentur.

Pronunciat deinceps Cato eos qui sine vlla doctrina naturam



turam secuti multa laudabilia, fecerunt, sensisse nihil habendum in bonis præter honestum, nihil in malis præter turpe. Subiungit, si semel statuamus id solum bonum esse, quod honestum, nullo modo probare nos posse beatam vitam virtute effici.

Et profectò si sapiens miser esse potest, cur datur opera philosophiæ? philosophamur enim ut beati euadamus quod si consecuti sapientiam, ad hoc possumus esse infelices, oleam & operam in excolenda philosophia amittimus.

idem Cato postea suscipit totam sententiam Zenonis, & Stoicorum exponendam, remq. alius repetit.

Cum verò fateatur animal simul ac natum est sibi ipsi commendari ad se conseruandum, & auersari ea quæ interitum adferunt, negat propterea in eiusmodi principiis naturalibus collocandam esse voluptatem, ne si voluptatem natura posuisse in ijs rebus videatur, multa turpia sequantur.

Receptum autem est apud philosophos, ut illud, ad quod animal statim à natura fertur, vocetur primum Familiare seu Domesticum, ut est videre apud Alexandrum Aphrodisæum libro secundo de Anima. cap. 40.

Quod detur primum domesticum ex eo colligitur, quia si est aliquod vltimum appetendum, aliquod etiam eius oportet dari principium. Stoici autem, et si non omnes, aiunt primum domesticum esse animal ipsum sibi. vnum quodq. enim animal, ubi natum est, sibi domesticum fieri, & ipsum quoq. hominem. quod exponit Cato apud Ciceronem, licet nomine primi domestici non utatur.

Alij dicunt ad constitutionem, & conseruationem nostrā nos, ubi in lucem editi sumus, accommodari.



100 De Philosophia apud Romanos

*At voluptas primum domesticum visa fuit simpliciter Epicureis, qui progressu temporis hanc voluptatem corrigi exactius, atq. emendari dixerunt.*

*Megarici primum domesticum asserunt esse vacationem à perturbationibus, & molestiis, Academici vacationem lapsus, & erroris.*

*Secundum Aristotelem eiusmodi domesticum est unusquisq. sibi, cum nullos præ nobis amemus. maximè enim quisq. à seipso amandus est. Sed de sententia Peripateticorum vide plura apud Alexandrum præcipuum Aristoteleæ philosophiæ interpretem.*

De profectu philosophico Pomponij Attici. an  
philosophia necessariò cum eloquentia  
sit coniungenda? Cap. XL.

**P**omponium Atticum inter columnas Romanæ sapientiæ non præterimus. præit nobis Cornelius Nepos in eius vita. Principum philosophorum ita percepta habuerat præcepta, ut his ad vitam agendam, non ad ostentationem vtererur. quam sectam est secutus? videtur multum tribuisse Epicuræ, cum tamen optimis præditus fuerit moribus, ut nequaquam ex opinionibus semper de moribus sit pronunciandum, quamvis non desint, qui vitam moresq. Epicuri, & Metrodori ut inculpatos tueantur. sed audiamus Atticum apud Ciceronem in V. de Finibus de seipsoloquentem: Ego, quem vos, ut deditum Epicuro in sectari soletis, sum multum equidem cum Phædro quem vnicè diligo, ut scitis in Epicuri hortis, quos



quos modo præteribamus. ibidem legimus quod Pomponius sic se Athenis collocauerit, ut esset pene vnus ex Atticis, & nomen inde habuerit. Cum autem Cicero quod minus eloquenter scripsisset, Epicurum contemnere visus fuerit, Pomponius autem aliter senserit, imò Lucretius, & Seneca, videamus an necessariò cum eloquentia sit coniungenda philosophia? id affirmes, si cogites Peripateticos, & Academicos habuisse consuetudinem de omnibus rebus in contrarias partes differendi, quod esset ea maxima dicendi exercitatio. Philo profectò, quem se audisse testatur Tullius instituit alio tempore Rhetorum præcepta tradere, alio philosophorum. quam disertis fuerunt pleriq. omnes, quorum scripta de philosophiæ arcanis ad nos peruenerunt. in aduersam partem cogitare licet Arabes, apud quod solos viguit sexcentis, & pluribus abhinc annis philosophia fuisse artis oratoriæ expertes, quod eorum significant libri. an quicquam, quod ad robustam rerum cognitionem facit, requirimus in Algazele, Auicenna, Auerroe? Pythagoræ multa de rerum natura exararunt absq. apparatu elegantis dictionis, quam doctus est liber Sallustij Philosophi de dijs & orbe, qui tamen ob breuitatem non commendatur à copia dicendi. quid quod robur rationum non in multis verbis situm est, sed in nexu argumentationis. Nonne satis constat Rhetorum propria esse probabilia argumenta? sed profunda veritatis cognitio colores reijcit, fucum submouet, & synonyma respuit, demonstrationes autem studiosè conquirunt. Cur etiam summus vir Aristoteles in Acroamaticis putauit parce esse loquendum, & populares cogitationes esse missas faciendas?

Erit



Erit qui non contentus his omnibus, quæ pro simplicitatē philosophica construxi, clamet suspectum debere esse quicquid in hac causa commentus est Cicero, cum orator foret, qui libro primo de legibus non ambegit contemptim loqui de antiquis historicis Romanorum, quod simpliciter res gestas absq. congerie concionum literis mandassent. Amat nempe vnus quisq. maximè commendare ea quibus excellit, cæterosq. superat.

Quid nobis in hoc dissidio, tantaq. controuersia inter sese certantibus magnis hominibus pronunciandum? subjiciatur res tota lectoris arbitrio.

Astronomiæ peritissimum fuisse I. Cæsarem  
Dictatorem. Cap. XLII.

**P**hilosophis cogimur accensere Iulium Cæsarem dictatorem, nam Astronomiæ peritissimus fuit, & numerum siderum latinè perscripsit, ut ait Iulius Firmicus. fastos enim correxit, iam pridem per intercalandi licentiam vitio Pontificum adeò turbatos, ut neq. messium seriæ æstati, neq. vindemiarum autumno competerent, annumq. ad cursum solis accommodauit, ut trecentorum sexaginta quinq. dierum esset: & intercalario mense sublati vnus dies quarto quoq. anno intercalaretur, ut narrat Suetonius in Cæsare cap. XI. & Plutarchus in eius vita, qui inquit Cæsarem rem proposuisse discutiendam inter philosophos præstantissimosq. Mathematicos, & propriam quandam emendationi cum diligentia viam demonstrasse.

Tantum profectò sibi gloriæ ex huiusmodi emendatione para-



parauit, ut sint qui pronuncient, Cæsarem magis gloriosum  
esse ob annum emendatum, quam imperium conditum.

*Ipse se iacet apud Lucanum siderum cognitione, & an- lib. 10.  
ni emendatione.*

Sed tamen & vestri media inter prælia semper  
Stellarum, cœliq. plagis, superisq. vacauit,  
Nec meus Eudoxi vince tui fastibus annus.

*Subiicit se philosophiæ esse cupidissimum, quandoquidem de-  
siderat scire Niliacam originem ait enim:*

Sed cum tanta meo viuat sub pectore virtus  
Tantus amor veri, nihil est quod noscere malim  
Quam fluuij causas per sæcula tanta latentis.

*Hæc Cæsar apud Lucanum. Animaduertendum porrò mi-  
nus rectè ab Ammiano Marcellino lib. II. anni emendationem  
tributam Octauiano Augusto, quod repugnat reliquis scri-  
ptoribus. nam etiam Seruius ad V. en. sic scribit: annum  
primò Eudoxus, postea Hipparchus, deinde Ptole-  
mæus, ad vltimum Cæsar deprehendit. addit idem Mar-  
cellinus correctam inconstantiam annorum spatijs duode-  
cim mensium, & sex horarum magna deliberatione  
collectis. idem explicat cur sacerdotes errarent in interca-  
lando: gratificantes, scilicet publicanorum vel litigan-  
tium commodis, ad arbitrium suum detrahebant tem-  
pora, vel augebant.*



An Iurisperiti Romæ florentes fuerint Stoicæ  
Sectæ addicti, quia exquirebant vim ver-  
borum? reijcitur sententia viri docti.

Cap. XLII.

**N**on deest inter recentiores vir eximius, qui existi-  
mat ea etiam de causa debere nos dicere Iurisperi-  
tos præcipuè Stoicæ Sectæ fuisse sequaces, quia anxie exqui-  
rebant vim vocabulorum, eorumq. originationi per dili-  
genter incumbabant. nam Iurisperitos fuisse sollicitos de  
verbis testatur Tullius lib. IV. de Republ. apud Nonium,  
dum inquit: Admiror nec rerum solum, sed verborum  
etiam elegantiam. idem testatur Greg. Thaum. Panyg.  
ad Orig. de leg. Rom. de Stoicis porro hæc sunt apud Senecam  
Ep. 88. Philosophi (scilicet Stoici) quantum habent  
superuacui, quantum ab usu recedentis? ipsi quoq. ad  
syllabarum distinctiones, & coniunctionum, & præ-  
positionum proprietates descenderunt. idem origina-  
tiones verborum exquirebant. Cicero lib. I. de off. Au-  
deamus imitari Stoicos, qui studiosè exquirunt, unde  
verba sunt ducta. idem tribuit Antistio Labeoni Gellius lib.  
I 3. cap. 10. Latinarumq. vocum origines, rationesq.  
percalluerat, eaq. præcipuè scientia ad enodandos  
plerosq. Iuris laqueos utebatur.

Sed hæc nequaquam ostendunt Iurisperitos fuisse Stoi-  
cæ Sectæ addictos. Nam sic quoq. posses dicere Platonicos  
fuisse Iurisperitos, quia integrum librum, Cratylum nem-  
pe de originatione vocabulorum scripsit Plato, neq. ipse Ari-  
stote-



Stoteles spreuit etymologias, quod videre est in libro de Cælo, ubi agit de vocabulo Ætheris.

Necessitate autem quadam Iurisperiti ad exactam cognitionem vocabulorum contulerunt suam diligentiam, propterea quia legum earatio est, ut semper queratur quid sibi voluerit legislator. legislatoris porrò mens ex proprio significato vocabulorum colligenda est.

Adde omnis iuris Civilis fuisse fontem leges XII. tabul. at illæ prisca lingua conscriptæ non ita facile intelligi poterant à posteris, quapropter Labeo, qui commentarium accuratum in eas exaravit, penetrare se coactus est in antiquorum vocabulorum significationem, quod hodieq. faciunt, qui XII. tabulas interpretantur. Ut verò pateat verum esse, quod de Labeone protulimus repetere quædam non ab re fuerit ex Gell. lib. XX. cap. I. Phavorinus profectò pronunciauit apud Sextum Cæcilium Iurisperitum, quem aliqui putant esse Africanum, in libro XII. tabul. animaduerti quædam, aut obscurissima, aut leuia. Respondet illic Cæcilius: Obscuritates non assignemus culpæ scribentium: sed inscitæ non assequentium, quamquam ij quoq. qui quæ scripta sunt, minus percipiunt culpa vacant. Nam longa ætas verba atq. mores oblitterauit, quibus verbis moribusq. sententia legum comprehensa est. hæc & plura Cæcilius, ubi etiam fit mentio Labeonis scribentis ad XII. tab.

Illud quoq. cogit Iurisperitos vim verborum exquirere, quia st pulationes, & verborum obligationes, ultimæ voluntates, legata nituntur proprietate verborum, quam proprietatem non parum inuat origi natio. hinc tam multa  
O de le-



de legatis tertio, de auro, & argento legato depromuntur ad vim vocabulorum facientia. hac & huiusmodi si quis pererpendat ne quiquam dicet Iurisconsultos antiquos, & Labeonem fuisse Stoicos, quia exquisiuerunt vocabula.

Veteres Iurisconsultos videri potius cum Platonice & Peripateticis, quam cum Stoicis sensisse.

Cap. XLIII.

**N**on nego aliquid à Iurisconsultis translatum ad legum interpretationem ex Stoica disciplina, cum enim Romæ vigerent Stoici, & necesse esset homines doctrinæ studiosos in ipsos incidere, quid mirum si aliquid adhaererit ijs, qui legum cognitionem profitebatur, & de iure respondebant? illud assero peccare eos, qui putant Iurisconsultos præcipuè addictos fuisse Stoicis. & ex ipsorum decretis suas opiniones conformasse, & confirmasse. Etenim ciuilis, & forensis vita longè maiorem habet cum Aristotelica, & Platonica philosophia affinitatem, quam cum Zenonis schola. Certè in hac valde multa proferuntur quæ leges euertunt, minimeq. ad rationem ciuilem faciunt. docent Stoici omnia peccata esse paria, omne delictum scelus esse nefarium, nec minus delinquere eum, qui gallum gallinaceum cum opus non fuerit quam eum, qui patrem suffocauerit. Hoc aures Iurisconsultorum ferre nequaquam possunt. sic enim differentia omnis pœnarum tolleretur, omnesq. eodem supplicio, qui peccant, essent afficiendi, quo quid absurdius dici potest?

Est iurisprudencia ars æqui, & boni, sed æquitas vix videtur habere apud Stoicos locum, qui etiam suis dog-

mati-



matibus clementiam è medio tollunt, preces evertunt, non relinquunt ullum commiserationi locum, quod colligitur ex ijs, quæ paulò ante promptissimus.

Venia non permittunt nos velificari ijdem Stoæ cultores. sic Cicero loquitur de Catone Stoicos imitâte in vita: fateatur aliquis se peccâsse, & eius delicti veniam petit, nefarium est facinus ignoscere.

Pro  
Mur.

Iurisconsulti opinantur, & coniecturis nituntur, pronunciant sæpe, hoc vel illud videri. sed Stoicorum sapiens nihil opinatur. non putant dicendum: errâsse al. qua in re, aut deceptum.

Quæ perpendens idem Tullius commendat Peripateticos & Platonicos ciuilitati consentaneos, dum ait: nostri illi à Platone, & Aristotele moderati homines, & temperati aiunt apud sapientem valere aliquando gratiam, viri boni esse misereri: distincta esse genera delictorum, & dispares pœnas: esse apud hominem constantem ignoscendi locum: ipsum sapientem sæpe aliquid opinari.

Fuerit Iurisconsultus, & Stoicus simul Tubero, & Tuberonem audierit Labeo, an ideo Stoam inferes, legibus Romanis? non te sequar præeuntem. Leges XII. tabularum, interpretatio prudentum, formulæ, iudiciorum vsus, iura Magistratum, & ciuium Romanorum prius mandarunt in luminis auras, quam quicquam de Stoicorum decretis Romæ explanaretur. ostendat quæso, qui Iurisconsultos Stoicis annumerat ab eiusmodi Magistris immutata lura Romana, & ab antiquo depulsa vsu.

Dices, Stoici dicunt natura omnes esse liberos, idem tra-



diderunt Iurisconsulti. sed & veteres Romani sciuerunt ante Stoicos seruitutem per vim à bellis inuectam. Nunquam autem eò rem deduxerunt Iurisconsulti Romani, ut nollent quemquam esse seruum, imò semper sic diuiserunt homines, ut assererent alios esse liberos, alios esse seruos. At Stoici suum effatum lubenter eo deduxissent, ut omnes homines iuberent esse liberos. à quo sine dubio abhorrebant aures Romanorum.

Si addas, natura sua pecuniam non facere fructus, sed usuras solui ex stipulatione, idq. petatum à Stoicis, mansisse ad Iurisconsultos, respondebo Aristotelem extra Stoam id ipsum protulisse, & notius esse, quam ut à Stoa petatur. Certè apud Romanos semper in usu fuerunt usurae, qui tamen nunquam existimauerunt ex pecunia pecuniam nasci secundum naturam. opus enim industria est, ut nummis utamur ad emptiones, adq. alios contractus, sicq. rem nostram augeamus.

De Chaldaeis Roma pulsis. de eorum disciplina valde diligenter obseruata sub Imperatoribus.

#### Cap. XLIV.

**I**N censum philosophiae cum veniant Astrologi, alias dicti Chaldaei, & Mathematici, dicendum nobis quatenus floruerint Romae, aut tolerati sint, vel prohibiti.

Valerius igitur Maximus lib. I. cap. III. sic scribit: C. Cornelius Peregrinus M. Pompilio Lænate, & Cn. Calpurnio Coss. edicto Chaldaeos intra decimum diem abire ex vrbe, atq. Italia iussit: leuibus & ineptis in-



ingenijs fallaci syderum interpretatione quæstuosam mendacijs suis caliginem nutrientes, iniicientes. Videtur id edictum factum anno ab VC. 13LXXX. in eum namq. incidit consulatus M. Pompilij Lenatis, licet ibi non appareat simul nomen Cn. Calpurnij.

Miretur autem quis Valerium Maximum retulisse sub Tiberij Imperio eiusmodi edictum cum ipse Imperator peritissimus esset Chaldaicæ scientiæ, eamq. didicisset à Trasyullo.

Nemò profectò nescit sub Principibus cum cæteroqui langueret philosophia, viguisse sideralem scientiam, quia cum omnia redacta essent ad Principatum, & vnius potentiam, lubenter indagabant Romani, ipsiq. Cæsares, quis imperaturus foret, quamdiù victurus, quando moriturus, & quomodo. Tiberius quorum genituram deprehendisset regiam, & magna spondentem, ijs, ne pertingerent ad Principatum insidias struebat, & exitium.

Agrippinæ Matri Neronis dictum fuit filium eius imperaturum, à quo tamen esset occidenda. hinc erupit in illa verba: occidat dum imperet.

Quid memorem eos qui dixerunt Othoni, annum illi illustrem fore? quo vaticinio ex sideribus petito ad rapiendum imperium impulsus est.

De Vespasiano sic scribit Suetonius cap. XXV. Conuenit inter omnes tam certum eum de sua, suorumq. genitura semper fuisse, vt post assiduas in se coniurationes ausus sit affirmare Senatui, aut filios sibi successuros, aut neminem.

Illud mirabilius, quod est apud eundem historicum in

Do-



*Domitiano cap. XV.* Nulla tamen re perinde commotus est, quam responso, casuq. Ascletarionis Mathematici. hunc delatum, nec infuturum iactasse se, quæ prouidisset ex arte, sciscitatus est quis ipsum maneret exitus, & affirmantem fore, ut breui laceraretur à canibus, interfici quidem sine mora sed ad coarguendam temeritatem artis, sepeliri quoq. accuratissimè imperauit, quod cum fieret, euenit ut repentina tempestate deiecto funere, semiustum cadauer discerperent canes. *hac ibi*

*Cum igitur tantopere dediti essent Romani Genethliacis observationibus, mirum non est si auguralis, & aruspicina non tanti amplius factæ sunt, & obseruata, ut olim sub republica obseruabantur accuratissimè. Nam Auguralis, & Aruspicina proxima tantum & imminetia pandit, at Sideralis præ omnibus diuinationum speciebus longinqua, & remota explicat, eruitq.*

De statu Chaldaicæ disciplinæ sub imperatoribus  
plura. Cap. XLV.

**A**N pulsos putamus Roma sub Domitiani Imperio Mathematicos, & Chaldaeos? Non affirmarim, quia nomine philosophorum non veniunt apud scriptores Chaldaei, & Genethliaci. sic ergo æstimata est Chaldaica professio, ut de ipsa accuratissimum opus ediderit Ptolomæus Alexandrinus, qui floruit sub Marco Antonino. Certè si tunc uerita fuisset ars, non ei tantam diligentiam impendisset vir summus, nisi velis recurrere ad uerba Taciti de Mathematicis



*ticis*: genus hominum, quod in ciuitate nostra semper vetabitur, & semper retinebitur.

Imperatores porro Diocletianus, & Maximianus, ut est C. de Maleficis l. II. edixere, artem Mathematicam damnabilem esse, & interdictam omnino. *Julius* tamen *Firmicus*, eam quoq. suis libris illustrare conatus est temporibus Constantini. nam sub Imperio Theodosij Manilium non scripsisse, sed extitisse sub Augusto cum de ipso agemus, ostendemus.

Disimulandum interim non est, videri semper capitale fuisse inquirere de vita Principis, quæ causa est, ut putem dixisse Firmicum Principis genituram nequaquam siderum posituræ obnoxiam esse. quia scilicet Firmicus voluit professorem sibi cauere ab indagatione genituræ Principis. quamuis sciam Cardanum eò rem deducere, ut doceat genituram Regum pendere à momento, quo conditum est aliquod imperium, vel regnum.

Vates certè videtur fuisse Tacitus, dum dixit Chaldaicam artem Romæ semper vetandam, semperq. retinendam. Nam non vnus ex sanctissimis Pontificibus seuerissimè edixerunt contra huiusmodi professores, opus tamen fuit renouare talia edicta, ut renouata sunt prudentissimè à Sanctissimo Urbano VIII. cur ita? quia nunquam potuit satis vetari in huiusmodi urbe, in qua omnibus patet aditus ad magnas dignitates.



De M. Fauonio , æmulo Catonis ,  
Stoicisq. addicto .

Cap. XLVI.

**I**N theatrum philosophicum prodi nunc generose Fauoni,  
quem iuuat sequi castra Cassij, & Bruti pro libertate  
Patria pugnantium felicem te voco, dum propositum constan-  
tia, & laudis plenum respicio, infelicem, dum exitum præ-  
lij Philippiensis intueor. sed lubet audire quid locupletes scri-  
ptores de te prodiderint. Valerius Maximus, libro secundo,  
capite ultimo, quod summa beneuolentia, atq. amicitia  
fueris Catoni coniunctus testatur disertè. quod Zenonis  
Stoam ambiueris, colueris non tacet Tacitus, in XVI. An-  
nal: his verbis: ista secta (Stoica) Tuberones, & Fauo-  
nios genuit, contumaces scilicet, quod Tyrannis non lu-  
benter collum submiserint. Tu verò non pœnitendus ri-  
gidæ seueræq. sapientiæ mystagogus victus, & captus in  
prælio Philippiensi non illibenter patriæ conclamatae sangui-  
nem impendisti, & iamiam occidendus liberas voces in  
Augustum effudisti. sic enim Suetonius in vita Augusti:  
Quare cæteri, & in his M. Fauonius ille Catonis æmu-  
lus cum catenati producerentur, Imperatore Anto-  
nio honorificè salutato, hunc fœdissimo conuitio  
coram prosciderunt. hinc tuam memoriam non dubitavi  
exiguo, tenuiq. epigrammate prosequi, quamuis ingens, &  
tornatum merereris carmen:

Tu quoq. pro patria occumbis generose Fauoni,  
Pro patria sanguen fundere non dubitas.

Scili-



Scilicet hoc magnum sophos est, odisse Tyrannos,  
Nolleq. serui subdere colla iugo.

*Quid verò de Augusto tui sanguinis effusore dicemus? ubi illa humanitas tantopere scriptoribus decantata, si iubet interfici Catonis æmulum, Stoica sapientia imbutum? Seneca clementiam, quam historici tribuunt Augusto, lassatam crudelitatem appellaret. Ego verò, qualia soleant per malam necessitatem in bello civili fieri etiam atq. etiam cogito, simulq. obitum tuum tam tragicum deploro Fauoni.*

De Augusti erga philosophiam, & Arium, Nicolaumq. p. hilosophos affectu.

Cap. XLVII.

**E**Xpertem philosophiæ fuisse Augustum non asseret, qui legitur apud Suetonium verba capite LXXIX. Eruditione varia repletus, Sperarci philosophi, filiorumq. eius Dionysij, & Nicanoris contubernium inijt. in eandem rem Paulus Diaconus sic loquitur lib. XII. dum laudat Theodosium: habuit à naturæ munere, quod Augustus à philosophiæ doctore. adeò percrebuerat fama de Augusto, quod operam dedisset magistro in philosophia non indiligentem.

Vt verò didicit philosophari à præceptore ipse, ita omnes philosophiæ vacare cupiebat, saltem Procures, & Patritios, dum id permitteret ætas, permitteret negotiorum multitudo. composuit namq. ut refert idem Suetonius cap. LXXXV. hortationes ad philosophiam.

Philosophia porro in Augusto elucet splendidissimè, quia



*Summa est complexus benevolentia Arium Alexandrinum, in quam rem hac prodeant. Iulianus Imperator in Epistola ad Alexandrinos inquit: fuit autem Arius iste, cuius quidem vester, amicus autem Augusti, vir philosophia clarus. Themistij quoq. non negligendum est testimonium in orationibus, quo testatur gratissimum Cæsari extitisse Arium. Plutarchus in Antonio narrat tribus de causis ignovisse Augustum Alexandrinis, qui secuti fuerant Antonij partes. ob Alexandri conditoris memoriam, ob frequentiam urbis, ob Arium philosophum. qua de re quid vetat hos fundere versiculos?*

*Vrbs quod Alexandri non perditur, hoc Arío*

*Imputat Augustus: tanti facit arbiter orbis*

*Arcanae mystam Sophiæ, Peithusq. medullam.*

*Nunc aliqua referenda sunt de affectu, quo ille ipse terrarum dominus est Nicolaum Damascenum itidem philosophum prosecutus. sic Plutarchus in Symposiacis libro VIII. quæst. IV. Imperator Nicolaum Philosophum Peripateticum singulari prosequens amore suavis moribus hominem, gracili, & procero corpore, faciem plenam emicantis puniceï ruboris, maximas, & pulcherimas palmulas Nicolaos nominavit. Concinit Plutarcho Athenæus libro XIV. (dico) ab Augusto Imperatore hoc nomen (Nicolaos) inditum, qui eo admodum delectabatur cibo, quod Nicolaus Damascenus eius amicus palmulas sæpius ad eum mitteret.*

*Hic est ille Nicolaus, cui aliqui non dubitant tribuere librum de Mundo ad Alexandrum. Sed reclamant alij, qui Aristoteli non patiuntur detrabi opus. sic sentit Bonaventura*

*Vul-*



*Vulcanius, quem refutare conatus est Heinſius in orationibus. pro Vulcanio ſtat Patritius, ſtant alij.*

*Quicquid autem ſit de eiſmodi doctōrum hominum diſſidio, ego non cenſeo ſas eſſe vti tali libro, quaſi in eo germana prorſus Ariſtoteus dogmata in operibus acroamaticis expoſita contineantur. quam verò bene de palmaribus ſententijs Stagiritæ mereatur recentior philoſophus, dum dicta Stagirica ad librum de Mundo controuerſum exigit, ipſe, vt acutus eſt, viderit.*

De Athenodoro, cui multum credebat Auguſtus.

Cap. XLVIII.

**A**thenodorum vt bonum virum, & honeſtum coactus eſt laudare Mæcenas in oratione apud Auguſtum, quæ recitatur à Dione. eiſ conſilijs Imperatorem auſcultâſſe refert Suidas. fuit Stoicæ ſectæ profeſſor. omnibus rebus tam naturæ quam rectæ voluntatis extitit ad philoſophiam inſtruetus, præfuitq. aliquandiu ſplendide diſcipulis, à Saluſtio, qui hominem admirabatur igni ſimilis dictus eſt eſſe, propinqua omnia incendenti. is tamen Athenodoro perſuaſit, vt non philoſopharetur quod factum videtur poſt Auguſti obitum ſub Tiberio. Etenim, vt eſt apud Suidam, cum Tiberius Auguſto in Imperio ſucceſſiſſet, adulatores ab Imperatore muneribus, & honoribus affecti, maxima imperia inuadebant. Viri autem boni, & quieti, qui vitam eandem non amplectebantur, non iniuria dolebant eadem non ſibi tribui. Ita fiebat, vt vrbes ſeditionibus, & tumultibus implerentur.



*Sed querere lubet, an in Athenaeo doceret Romae Athenodorus? quod videtur affirmandum quandoquidem dicitur splendide discipulis praefuisse. Sed eiusmodi praefectura videtur sic accipienda, ut vel eam referas ad urbem Athenarum, si forte in ea ex cathedra publica docuit Athenodorus, vel dicas ipsum domi Romae docuisse philosophiam, quem admodum Iurisperiti erudiebant iuvenes non in publica schola, sed domi suae interprebantur Ius Romanum. Neque enim videntur philosophi antiquis praesertim temporibus docuisse philosophiam Romae in Athenaeo, quod non lego extitisse. sic Medici Alexandriae cum non docerent publice, videntur ibidem domi suae praecepta artis tradidisse adolescentibus. legimus enim magnifatos eos, qui Alexandriae eiusmodi disciplinam affecti fuissent. In Athenodorum porro sic lubet scribere:*

<i>Lubens Athenodoro</i>	<i>Ergo canora Vatum</i>
<i>Ausculat Imperator,</i>	<i>Caterua Athenodorum</i>
<i>Mitisq. frenat iram,</i>	<i>Extollat, inseratq.</i>
<i>Nec dissipat Quirites</i>	<i>Astris, choroq. Divum.</i>
<i>Victos furore Martis.</i>	

*Cum autem in Catone Vticensi dixerimus Athenodorum Stoicum Pergamo adductum Romam, erit fortasse qui putet hunc eundem postea innotuisse Augusto, eiq. carum fuisse. Sed duos fuisse Athenodoros vix dubitandum videtur; nam Athenodorus ille Pergamo adductus à Catone iam tunc senescebat, teste Plutarcho. Non ergo potuisset tam diu superesse, ut versaretur cum Imperatore Augusto post profligata altera civilia bella. sic ergo invenimus duos celebres philosophos Stoicos eiusdem nominis, quod tamen observatum apud Interpretes antiquitatum Romanarum non memini.*

De



## De Athenæo, &amp; Xenarcho, qui floruerunt sub Augusto. Cap. XLIX.

**S**Tatum Philosophiæ sub Augusto dum memoramus, præterire fas non est Athenæum è Seleucia Ciliciæ virum clarum in philosophiâ Peripatetica, versatum etiam in Republica, quandoquidem rexit suos ciues. is contracta cum Muræna amicitia cum illo fugiens captus est, cum insidiæ contra Cæsarem Augustum deprehensæ fuissent. Sed cum insons esset inuenitus, à Cæsare dimissus est: Rediens autem Romam multis eum salutantibus, & interrogantibus illud Euripidis respondit: Aduenio ab imis atq. cæcis inferum Tenebris.

Breue autem tempus superuixit, à ruina domus, ubi habitabat, per noctem oppressus. hæc omnia leguntur apud Strabonem lib. XIV.

Nec omitti debet Xenarchus, cuius fuit auditor Strabo Geographus. is elegit vitam docendi Athenis, Alexandria, & tandem Romæ, primum Arii, postea Cæsaris Augusti amicitia usus, vsq. ad senectutem in honore habitus sed paulò ante obitum visu orbatus, morbo vitam consummauit, quæ nobis tradita sunt ab eodem Geographo lib. XIV.

Intelligimus si Xenarchus Romæ docuit sub Augusto, inq. honore est habitus, non auscultasse Augustum Mæcenati suadenti, ut missos faceret philosophos tanquam seditiosos.

Sed ijs, quæ hætenus tam de Athenæo, quam Xenarcho protulimus, addamus aliquid; non silentes Athenæum hunc non confundendum cum doctissimo medico eiusdem



nominis, quem laudat, & citat Galenus in suis operibus fuit & alius Athenæus sophista Naucratica, de quo Suidas, quique librum eruditissimum *Dignosopistarum* composuit, & euulgauit sub Antonino.

Xenarchus autem etsi profiteretur se esse Peripateticum, non dubitauit tamen contra Aristotelem defendere, non dari quintam substantiam, distinctam à quatuor elementis, qua de re multa profert ex Alexandro contra eundem Xenarchum Simplicius in primo de Cælo.

Iulianus Imperator in orat. de Deum Matre inducit Xenarchum differentem contra Aristotelem de quinto corpore, & de Intelligentijs. verisimile autem est sermonem esse Iuliano de eodem Xenarcho. nam ait se audiuisse quendam Peripateticum solertem, ut Xenarchum. is argumentabatur ex antiquo Xenarcho contra Aristotelem. Scio aliter accipi verba Iuliani ab eruditissimo Petauo, sed mihi eius non placet interpretatio.

Quatenus Mæcenas apud Augustum commendârit, aut vituperauerit Philosophos.

Cap. L.

**Q**Uod Augustus non valde fauerit philosophis, id forte quis probauerit ex oratione Mæcenatis apud Dionem lib. LII. philosophiam profitentes haud pauci faciunt (mentiendo hominibus rerum nouarum tentandarum causam præbent) verisimile namq. est Augustum secutum Mæcenatis consilium, ut res ipsa testari videtur. Respondendum est, Dionem ipsum testari  
non



non in omnibus prorsus se ita gessisse Augustum, ut suasit Macenas. Addiderim max Macenatem postquam locutus est de philosophis, subiungere expertum fuisse Arium, & Athenodorum bonos ac honestos viros. Interim negare non possumus, cupiuisse Macenatem ab Augusto observari eos, qui se philosophiae nomine venditarent populo, dum inquit: cauere te iubeo philosophos. Neq. enim quia Arium, & Athenodorum bonos ac honestos viros expertus es, omnes alios idem studium præ se ferentes, similes eorum iudicare debes, quum hac specie vli multi, infinita mala populis, priuatissq. hominibus adferant. quæ an reuera Macenas protulerit, ambigere licet, ut licet de tota illa oratione, quam finxisse videtur Dio, & tanto viro affinxisse. loquitur enim cum Augusto Macenas ac si pedagogus instrueret adolescentem. quam verò falsum philosophos eo tempore consueuisse infinita mala adferre populis. respexisse potius videtur Dio ad sequiora, & posteriora tempora, in quibus reperire est querelas contra Philosophos.

De Strabone Geographo. cui sectæ fuerit  
addictus? Cap. LI.

**T**E quoq. commemorat, Strabo, Parnassia rupes,  
Inq. domos Superum carminis ales agit.  
Namq. Augustæos auxisti lumine fasces,  
Doctaq. claraſti tempora Romulidum,  
Dum terras tractusq. maris, montesq. sinusq.  
Et dixti exacto cuncta fluenta opere,

Quod



Quod Phlegethonte stūc correptum obruet humor,  
Cum disiecta cadet Regia Coelivum.

Constat temporibus Augusti floruisse Strabonem, qui cum doctissimum de Geographia reliquerit opus, ad philosophiam Romanam debere eius referri nomen, nemo sane mentis infitias ibit. Nam quæ disciplina orbem terrarum describit, pars proculdubio philosophiæ est, cum præsertim satis constet philosophiæ haud ignavam navatam esse operam à Strabone. audiuit scilicet Xenarchum Peripateticum, ut ipse testatur lib. XIV. cumq. Boetho Sidonio se exercuit in eadem philosophia Aristotelis, quæ de re non sinit nos dubitare lib. XVI. suscepit discendi videndiq. causa peregrinationem in Ægyptum atq. aliò. philosophorum autem propè proprium fuit comparandæ sapientiæ causa orbem terrarum perlustrare, quæ de re libellum etrusco sermone conscriptum propediem euulgabo.

Si verò quæras, cui sectæ philosophorum add. etus fuerit, video ambigi posse in danda responsione. Nam si præceptores habuit Peripateticos, & in Lyceo se exercuit, videtur inter Peripateticos recensendus.

Sed alia sunt, quæ suadere videntur eum fuisse Stoicum. nam Zenonem lib. XVI. suum vocat, & alibi Stoicos, nostros. noster, inquit, Zeno; nostri Stoici.

In primo libro asserit sidera exhalationibus nutriri, quod proprium est Stoicorum, ut patet etiam ex Cæsaribus Iuliani Imperatoris.

Alibi memorat Providentiam, quam profitentur, & agnoscunt Stoici, non autem Peripatetici, quandoquidem Aristoteles in XII. Metaph. tradidit primum Motorem



torem præter seipsum nihil nosse.

Alio loco meminit fati, asseritq. multa fieri fato, quorum causa reddi nequeat.

Quæ satis superq. ostendere videntur Stoicum fuisse Strabonem. nam potuit habere præceptorem Peripateticum, & deinceps approbare dogmata Stoicorum, cum alibi dixerim in hoc ipso opere novum non esse, ut discipuli deserant placita præceptorum.

Sed quid dicemus de Fr. Patritio, qui opus Geographicum, quod hodie extat, detrahit Straboni, tribuitq. Stratonem, quem asserit vixisse sub Tiberio, & scripsisse libros XVII. Geographiæ?

Puto decipi Patritium. nam Plutarchus bis citat Strabonem in Historia. Strabo autem qui hodie legitur libro I. testatur se scripsisse historiam: Ergò Strabo, non Strato scripsit Geographiam. adde interpretem Dionysij Afri perpetuò citare Strabonem non Stratonem. Neq. ullus usq. ad Patritium credidit Stratonem scripsisse libros Geographiæ, quos legimus.

Nec faceffit negotium Suidas. nam absq. dubio ignarus aliquis librarius pro Strabo, scripsit Strato. atqui scribendum erat Strabo. nam memorauerat Strabonem Apamiensem, & Geographum. Scimus apud Suidam bis, aut ter describi vnum eundemq. auctorem, quia idem Suidas sua excerpebat vario tempore ex varijs scriptoribus secundum ordinem Alphabeti.

At inquit Patritius, qui vixit sub Tiberio, non potuit novisse Posidonium Stoicum, discipulum Panætij. respon-  
deo, Strabonem nusquam dicere se novisse Posidonium, tan-



tum ait Posidonium fuisse illo tempore eruditissimum philosophum. non autem est necesse, ut qui appellat aliquem clarum suo seculo, eum viderit. nam seculum est spatium centum annorum. non ergo rectè accepit verba Strabonis Athenæus.

De M. Manilio, qui sub Augusto de Sphæra, & siderali disciplina scripsit. rejicitur opinio Geuartij. Cap. LII.

**A**stronomicorum libros scripsit M. Manilius, cuius optimum exemplar depromptum fuit ex bibliotheca Palatina à F. I. & illustratum observationibus Iosephi Scaligeri, in quibus tamen videtur aliquando se corrigendo, & nonnulla inuertendo gerere, more iam passim recepto. Neq. enim quisquam sperat se posse de aliquo scriptore bene mereri, nisi multa ex proprio etiam iudicio absq. ope manuscriptorum immutet. sed ad rem. Caspar Geuartius vir eruditus in suis collectaneis ad Statium ausus est Manilium ad tempora Theodosij, & Arcadij referre, non dubitans asserere Manilium esse Manlium Theodorum, quem suis versibus ornavit Claudianus. Sed eiusmodi effatum prorsus verisimile non est. etenim si quis accuratè legat totam Astronomiam Manilij, nullum observabit vestigium, quod tempora Theodosiana sapiat. omnia verò concinunt temporibus Augustæis. Statim enim in principio dicit:

Nunc mihi tu Cæsar patriæ princepsq. paterq.  
Qui regis Augustis parentem legibus orbem,  
Concessumq. patri mundum Deus ipse mereris.

Quis



*Quis nescit Augustum appellatum patrem patriæ & nec poeta vocasset Christianum Imperatorem, Deum. saltem hæc verba magis conueniunt Augusto, quam ulli alijs. Iul. finem porrò eiusdem libri primi apertissimè ostendit se vixisse Augusti seculo. nam postquam locutus est de bello Actiaco, deq. bello gesto contra filium Pompeij in Siculo mari, subiicit:*

*Sed satis hoc fatis fuerit, iam bella quiescant.*

*Atq. adamanteis Discordia cuncta catenis*

*Æternos habeat frænos in carcere clausa.*

*Sit pater inuictus patriæ, sit Roma sub illo,*

*Cumq. Deum Cœlo dederit non quærat in orbe.*

*Quæ discordia tempore Theodosij erat compescenda? rectè enim discordiam appellat inter ciues, aut sanguine iunctos nam bellum in externos non vocatur discordia. si allocutus fuisset aut Theodosium, aut vnum ex filijs, debuisset narrare barbarica bella, & subijcere:*

*iam bella quiescant.*

*Nec pronunciaisset Imperatorem Deum esse datum cœlo. an etiam Chaldaorum disciplina, in qua fatum asseritur, tolliturq. arbitrij libertas, oblata fuisset Christiano Cæsari, qui à talibus absq. dubio abhorrebat? vide quæ habet Manilius lib. IV. p. 86. prorsus contraria pietati Christianæ. At inquit, Geuartius, Manlius Theodorus de Sphæra scripserat. sit ita. at non scripsit de Chaldaorum disciplina scrutante euentus hominum ex inspectione siderum. quam diuersum etiam est nomen. noster in omnibus exemplaribus appellatur M. Manilius, ille Manlius Theodorus. quis talia nomina inter se patiatur confundi, cum præsertim non*



præant manuscripti? sed rursus est molestus Geuartius, & ait eum vocabulum, quanti, usurpasse, pro quot, quod inualuit sequiori seculo. verum ex significato unius vocabuli paulo aliter accepti velle dubitare de seculo alicuius, Auctoris imbecillitatis est specimen. Cum enim quantum significet quantitatem continuam mirum non est si translatum fuerit ad significandam discretam, & ipse Manilius seculo quamuis Augusto sic usurpauerit. ipse profecto Ovidius in multis suæ libertati indulgit, quæ tamen in auctoritatem ob vetustum seculum abiit.

Expedita de seculo, quo vixit Manilius, controuersia, transeo ad Epigramma, quo tantum poetam, imò Astronomum prosecutus sum:

Stellarum scrutantem ortus, obitusq. tulerunt  
 Principis Augusti tempora Manilium;  
 Qui casus vitæ aduersos, cursumq. secundum  
 Astris inscribit, sidereoq. polo.  
 Inde etiam virtutis iter, præclaraq. facta  
 Deducit, vitjis quin alimenta petit.  
 Nequicquam. nam pulchra animum sapientia munit,  
 Atq. hominem impellit quo vocat arcta via.

Magnum instar Philosophiæ existimâsse  
 Romanos esse Homerum.

Cap. LIII.

**H**omerum quisquis primus intulit Romæ, nã ille magnum, imò præcipuum instar philosophicæ sapientiæ adportauit, vt nunquam caruisse philosophia dici possit vrbs domi-



domina gentium, postquam cœpit in suo fouere sinu tantum scriptorem. Certè qui supra vulgus sapere conabantur, in primis Homeri scripta sibi cognoscenda existimabant. ipsi Imperatores eum sibi reddiderunt familiarem, ut è re nata sententias ex ipsius poesi depromere possent. Horatius certè lib. I. Ep. II. ait se Præneste relegisse Troiani belli scriptorem:

Qui quid sit pulchrū, quid turpe, quid vtile, quid nō

Planius, ac melius Chrysippo, ac Crantore dicit.

Plutarchus in libro de Homero: deprehendimus philosophiæ initia ac semina Homerum scriptis suis inseruisse.

Prosequitur deinceps multa, ostendit putasse Homerum omnia orta ex aqua, dum dixit:

Præbuit Oceanus cunctis primordia rebus.

Xenophonius Colophonius dum asseruit principia rerum esse aquam, & terram, videtur id hausisse ex verbis illis:

Vos verò in terram cuncti redigamini, aquamq.

Proponit alia non pauca de philosophia Homerica, quæ legi possunt magno cum fructu. Maximus Tyrius in suis dissertationibus philosophicis quam frequenter sua tuetur dicta auctoritate Homerica. quod facit quoq. Themistiſtus, qui sic pronunciauit de diuino viro, ut ipsum appellauerit primum parētem, auctoremq. Platonis & Aristotelis sermonum. Dionysius autem vocat verticem omnium, & quasi scopum, ex quo cuncta flumina, cuncta maria, cuncti fontes. Quintilianus: in verbis, sententijs, figuris, humani ingenij modum excedit: ut magni viri sit virtutes eius nō æmulatione, quod fieri non potest, sed intellectu sequi. Velleius: quod neq. ante illum,



illum, quem ille imitaretur: neq. post illum, qui eum imitari posset, inuentus est.

Apparet Synesio summo viro perquam familiarem fuisse Homerum, ut propterea ab aliquibus Homericus appellatus fuerit.

Paucis dicam. quemadmodum nos Christiani familiares nobis reddimus Sacras litteras, & frequenter eas in ore habemus, ex quibus petimus probationem eorum quæ probatione indigere videntur: Ita Romani, Græci, philosophi, Oratores se tuebantur plerumq. Homerica auctoritate, quod verum esse dubitare non potest, qui hospes non est in scriptis Veterum.

Quod protuli ut intelligeremus, non destitutam Romam philosophia, ex quo cæpit habere, & cognoscere Homeri diuina scripta. quid quod Strabo lib. 1. inter philosophos primum locum tribuit Homero, & Porphyrius scripsit librum quo probat Homerum esse philosophum, etsi liber ille perierit. Eat nunc Tassonus, eat Floretus, eant alij & laxent habenas linguae, conenturq. Homerum, ut ignarum mendicabulum conterere, & explodere.

De Tiberij præceptore Trasyllo. an philosophiæ operam dederit idem Tiberius?

Cap. LIV.

**T**iberius in siderali scientia, quæ euentus hominum scrutatur multum operæ, & temporis collocavit, cum quasi exul versaretur in insula Rhodo. Tunc explorauit, atq. reipsa deprehendit, quantus in huiusmodi disciplina



plina esset Tbrasyllus, ut propterea eum arcanorum suorum deinceps voluerit esse conscium. Sed lubet Taciti verba audire in VI. Annal. interrogatur Trasyllus, an suam quoque genitalem horam comperisset, quem tum annum, qualem diem haberet. ille positus siderum ac spatia dimensus, hæere primò deinde pauescere, & quantum introspiceret, magis ac magis trepidus admirationis & metus, postremò exclamat: ambiguum sibi, ac prope vltimum discrimen instare. Tum complexus eum Tiberius, præscium peritulum, & incolumem fore gratatur, quæquæ dixerat oraculi vice accipiens, inter intimos amicorum tenet. sub quo etiam præceptore profecit in scientia Chaldaeorum tam feliciter, ut Galbæ seram ac breuem potentiam prædixerit. sic enim ipsum est allocutus: & tu Galba quandoque degustabis Imperium.

Paulò aliter de Trasyllo scribit Suetonius in Tiberio cap. XIV. Trasylum quoque Mathematicum, quem ut sapientiæ professorem contubernio admouerat tunc maximè expertus est, affirmantem naue prouisa gaudium afferri eum quidem illum durius, & contra prædicta cadentibus rebus, ut falsum, & secretorum temere conscium, eo ipso momento, dum spatiatur vnà, præcipitare in mare destinasset. hæc ille.

Trasylum inter auctores, atque etiam Medicos memorat Plinius. Iulianus Imperator in Epistola ad Themistium, indicat alia quoque à Trasyllo exarata fuisse, sicque purgasse famam suam à labe, quæ ei poterat aspergi, quasi ambitiosus utque honores adipisceretur, sectatus fuerit crudelem illum



*Tyrannum. quin coactus est cedere tempori, & Imperatori obtemperare, ex qua tamen familiaritate exiguum percepit emolumentum in Thrasyllum sic poetice ludo:*

*Viuida Trasylli solertia templa Tonantis*

*Scandit, & astrifero ducit ab orbe sophos.*

*Dinumerat Stellas, humanos prospicit actus,*

*Fataq., Cœlituum Regia iussa, notat.*

*Hinc Nero, qui astrorum consultos mergit in vndis,*

*Et vafra varios detegit arte dolos,*

*Vnum hunc haud dubitat socium sibi iungere dextra,*

*Et donare arctæ munere amicitiae.*

*Num. vñ philosophiæ dedit operam Rhodi, sideralem scientiam si excipias, Tyberius? hareo, nescius an præter Rhetoras ibi philosophi quoq. profiterentur. sic enim Suetonius cap. XI. in Tiber. Cum circa scholas, & auditoria professorum assiduus esset, moto inter antisophistas iurgio. Sed Sophistæ sunt Rhetores. cap. XXXII. facit idem historicus mentionem Diogenis Grammatici, qui Rhodi docebat, cum ibi moraretur Tiberius. cap. LVI. memorat Tranquillus conuictores Græculos, quibus maximè acquiescebat, agitq. de Zenone relegato Ænariam, & Seleuco grammatico ad mortem adaçto. sic nihil disertè proferre de philosophis licet.*

De Babillo equite Romano, præfecto Ægypti.

Cap. LV.

**N***escio an Babillum ijs accenseam, quibus Romana se iactat philosophia. non enim disertè possum dicere,*



*an philosophus fuerit . fuit tamen cultissimus omni genere  
literarum , præfuit Ægypto , & nonnulla scitu digna lite-  
rarum monumentis mandavit . Eius meminit Seneca per  
honorifice in opere questionum Naturalium his verbis :  
Babillus virorum optimus , in omni literarum genere  
rarissimus auctor est cum ipse præfectus obtineret  
Ægyptum . quando potissimum vixerit , dicere non est .  
sed satis , constat vixisse aut sub Augusto , postquam in pro-  
vinciam redacta est Ægyptus , aut post Augustum , ante ta-  
men Nerone . Scimus enim ab Augusto cæpisse mitti in Ægy-  
ptum non Senatorij ordinis viros sed equites eam ob causam  
quam reperire est apud Tacitum in II. Annalium , quamq. ego  
exposui latius lib. I. mearum expositionum iuridicarum , quas  
edidi Florentiæ typis Sermartellianis . Romanus igitur fuit  
Eques Babillus notus absq. dubio Seneca , cum ab ipso viro-  
rum optimus appelletur . quid verò prodidit de Nilo ipse ? Nar-  
rat Heracleotico ostio Nili , quod est maximum spe-  
taculo sibi fuisse delphinorum à mari occurrentium ,  
& crocodilorum à flumine aduersum agmen agentium ,  
velut pro partibus proelium . Crocodilos ab anima-  
libus placidis morfu innoxij victos . Crocodilis superior  
pars corporis dura , & impenetrabilis est , etiam maiorum  
animalium dentibus , at inferior mollis , ac tenera ; hanc del-  
phini spinis , quas dorso eminentes gerunt , submersi vulne-  
rant , & in aduersum enixi diuidunt .*

lb. 4.

cap. 2.



De Canio Iulio philosophici roboris viro sub  
Caio Caligula. eius mors generosa expen-  
ditur. Cap. LVI.

cap. 14. **T**emporibus quoq. Caij Caligula vixit vir inprimis  
magnus Canius Iulius, de quo agit Seneca de tran-  
quillitate vite. Magnus ideò quoq. quod generosa, & robusta  
philosophia imbutus esset, contemptor propterea mortis, &  
de immortalitate animorum non prorsus male sentiens cum  
Stoicis, qui saltem magnorum virorum animas interitus  
expertes existimabant, cum deberent omnes eximere interi-  
tui cum Platone. Sed vide quam impavidum Canium fece-  
rit sapientia aduersus mortis horrorem. Ludebat latrun-  
culis, cum centurio agmen periturorum trahens, & il-  
lū quoq. citari iubet. Vocatus numeravit calculos, &  
sodali suo: Vide, inquit, ne post mortem meam men-  
tiaris te vicisse. Tale quid refertur ab historicis superioris  
seculi de Magno Principe, cui ludenti cum nunciaretur  
mors, ipse prorsus non turbatus perrexit ludere, mortem  
omniñò contemnens. sed accipiamus specimen Canianæ phi-  
losophiæ. allocutus iam iam moriturus, sic est tristes amicos:  
Vos quæritis an mortales animæ sint. Ego iam sciam,  
nec desijt in ipso veritatē fine scrutari, & ex more suo  
quæstionem habere. sic gerere non dubitârunt se in ex-  
tremo momento vite constituti, vt de immortalitate ani-  
morum loquerentur. id de Iuliano Imperatore refert Ammia-  
nus Marcellinus; egoq. id obseruaui in meo libro de philoso-  
phia Iuliani. aderat enim Imperatori Maximus philosophus.  
sic videtur locutus Thraseas Petus, cum exhalaturus esset,  
ani-



*animam, habens oculos intentos in Demetrium Stoicæ sapientie professorem. Sed pergamus in recensendo exitu philosophico Canij. Philosophus illum prosequens ad locum, cum non esset procul tumulus, in quo Caio quotidie fiebat sacrum de sanguine (ut putō) civium Romanorum; quid, inquit philosophus, Cani nunc cogitas, aut quæ tibi mens est? obseruare inquit Canius proposui velocissimo momento an sensurus sit animus exire se. promisitq. si quid explorasset circumiturum amicos, & indicaturum quis esset status animarum. quæ narratio mihi reuocat in memoriam pactum initum inter Marsilium Ficinum, & Monardum, ut qui prior decederet, rediret, & amico nuntiaret, quis status animarum. obiit prior Monardus, apparensq. Marsilio hæc verba protulit: vera sunt ò Ficine, quæ de immortalitate animarum differebamus. quod factum sibi sumpsit literarum monumentis commendandum vir Magnus Baronius.*

De Philone Iudæo, qui Romæ sub Caio functus est legatione. agitur de eius allegorijs, deq. dogmatibus potius Platonicijs, quam Mosaicis. Cap. LVII.

**Q**uandoquidem legationē pro Hebræis obiuit ad Caium Principem Philo, fas erit eum ad Philosophiam Romanam referre, quoniam ipse Romam vidit, Romæ legatus aliquandiu hæsit. opera non pauca reliquit, in quibus non solum elegantia, copiaq. orationis est suspicienda, sed inprimis indaganda contemplatio philosophica tam se-



via, tam docta, ut quid fieri magis serium, magisq. doctum possit, vix despiciam. in allegorijs quam acutus, quam ingeniosus existit. Sed danda nobis opera est, ne tales allegoriæ extra lineas euagentur, veritatemq. historicam traditam à Mose concutiant, atq. euertant. ipse namq. Gentium doctor Paulus quandoq. allegotarum ansam est amplexus, ut videre est in Epistola ad Galatas, & Corinthios, non interim veritatem ipsam rerum gestarum pessum dedit. at Philo sic excolit allegorias, ut nihil nisi allegoriam in narratione Mosi videatur depræhendere eiusmodi allegoriæ ad Essæos, tanquam primos autores referenda sunt. Neq. enim omnes Iudæi eas sunt complexi. Non Pharisei, non Sadducei, qui tamen apud Iudæos magniscebant. Eò autem usq. sunt progressi nonnulli etiam inter Christianos, ut literam siue sensum historicum putarent supprimendum, resq. gestas insuper habendas. Princeps talium interpretum habitus est Origenes, qui non rectè huc trahit dictum S. Pauli pronunciantis literam occidere, spiritum autem vitam ingerere. intereunte porrò cætu Essæorum videntur prorsus apud Iudæos euanuisse allegoriæ, nam Rabbinæ Cabalæ sectati talia non solent depromere.

Quis porrò non miretur Philonem de Messia, quem Regem fatidici Vates sunt polliciti, nusquam, quod sciam. locutum?

Illud dissimulandum non est de Philone quando agitur eum sic hausisse dogmata Platonis, ut talibus opinionibus imbutus transversam rapuerit Mosaicam sapientiam. Certè ut Iudæi olim reprehensi sunt, quod Gentium more sese gererent, & multa de tali superstitione traherent, id proferri



ferri debet de Philone, qui Mosē ad Platonis Academiam trahere satagit. Nonne psalmo centesimo secundo ait David perituros Cœlos ab initio à Deo conditos? Philo tamen integro libro conatus est ostendere Platonicos secutus, mundum incorruptibilem esse, nunquamq. periturum. quod etiam secundum religionem Christianam asserere non possumus. Christus enim dixit: Cœlum, & terra transibunt. & Iohannes in Reuelatione dicit, se vidisse Cœlum novum, & terram novam.

Quid quod idem Philo videtur satis disertè tradere materiam siue terram rudem à Deo ex nihilo non fuisse creatam, sed Deum ea usum ad condendum mundum, quod dixerunt etiam Stoici, & docuit Hermogenes, qui forte suum dogma de terra increata, deq. materia hausit ex scriptis Philonis. Atqui Tertullianus contra eundē Hermogenem docet ipsam quoq. terram ex nihilo à Deo conditam.

Platonici porrò de Materia satis obscurè locuti sunt, quandoquidem non putauerunt Materiam fuisse ante Mundum, cum tradant mundum ab æterno à Deo emanasse. quamvis apud Plutarchum longè res aliter explicetur secundum Platonicos.

Idem Philo videtur docere solem, atq. astra reliqua Deos esse, intelligentiæ præditos, quod Platonicum est, Mosaica doctrinæ de Deo Uno prorsus contrarium.

Ergo qui legunt Philonem sciant ipsum magis adherere Platoni in multis rebus, quam Mosi, atq. adeo sibi caueant.



De liberalibus studiis Claudij Imperatoris. Cur  
ei nihil profuerint? Cap. LVIII.

**L**iberalibus studiis ab ineunte ætate cum impense addi-  
dictus fuerit Claudius, nemo dubitabit philosophiam  
quoq. ab ipso excultam. sic Suetonius cap. III. in eius vita:  
Disciplinis tamen liberalibus ab ætate prima non me-  
diocrem operam dedit, ac sæpe etiam experimenta  
cuiusq. publicavit. cap. XL. asserit neq. indoctum, neq.  
infacundum fuisse: & liberalibus studiis pertinaciter de-  
ditum. hinc adeò factum, ut valde multa scripserit, in  
quibus necesse est admixta quædam ex philosophia, Ciceronis  
nempe defensionem contra Asinium Pollionem, libros XX.  
Tyrrhenicon, & Carchedoniakon VIII. quæ recitabantur quo-  
tannis in veteri Musæo Alexandria, quod Musæum vide-  
tur fuisse philosophis addi-ctum, ut colligitur ex Adriani vi-  
ta, de qua suo loco agemus.

Scripsit quoq. de sua vita octo volumina, forte æmulatus  
Augustum, de quo Suetonius cap. LXXXV. scripsit ali-  
qua de vita sua, quam tredecim libris Cantabrico te-  
nus bello, nec ultra exposuit. quod exemplum postea se-  
cuti sunt alij Imperatores, inter quos nominare hic licet Ha-  
drianum, & Septimium Severum, & philosophum Mar-  
cum. vita tamen Hadriani, & Septimij perijt, sed quæ de  
se ipso exaravit Marcus adhuc supersunt, dignissima pro-  
fectò quæ nunquam deponantur ex manibus studiosorum,  
ex quibus etiam suo loco, quando de Marco agemus, depro-  
mam. sed dices, in ijs nonnulla periculo non carent, nam ait  
alicu-



*alicubi se prorsus contemnere demonum adiurationes, accusat etiam Christianos, quod ruant temere in mortem, & supplicia contemnant. facilis est responsio. nam quis ex scriptoribus gentilibus non dicit aliqua, quæ lectorem simplicem possint turbare? sed iam cum superstitio antiqua evanuerit, facile talia contemnuntur. nam quod adiuratio Demonum non esset impostura, res ipsa docuit. Christiani enim eiusmodi miraculis errorem gentium praefigarunt, & pro sua religione non dubitarunt sanguinem effundere. hinc concidunt, quæ profert Marcus. sed ad Claudium ut reuertamur, cum ipse stultus fuerit, & ineptus, ea forte de causa censuit Agrippina eius uxor philosophiam imperaturo esse inutilem, imò noxiam, si credendum est Suetonio, ut infra dicemus, hincq. ipsa noluit suum Neronem philosophiæ incumbere.*

*Sed ideò nihil profuerunt liberalia studia Claudio, quòd natura eum inutilem, & mancum fecisset, & prorsus ineptum, quod satis superq. norunt, qui Suetonium legunt.*

De Annæo Cornuto, quem Nero relegauit.

Cap. LIX.

**S***ub Nerone floruit Annaeus Cornutus, cuius amicitia Persius ita usus est, ut nusquam ab eo discederet, à quò introductus aliquatenus in philosophia est, ut referunt glossæ Veteres in eundem Persium. fuit autem Stoicæ sectæ addictus idem Cornutus, de quo hæc apud Dionem in Nerone: Cogitabat (Imperator) de gestis Romanorum versibus scri-*



scribere, quum tamen euolueret magnum numerum librorum antequam aliquid eorum componeret. Quam in re, adhibebat Annæum Cornutum virum illis temporibus doctrina, & eruditione clarissimum: quem tamen parum abfuit, quin interfici iusserit. in insulam certè relegavit propterea quod nonnullis existimantibus, quadringentos libros à Nerone scribi oportere nimium multos esse dixit. quumq. alius quidam obijceret, Atqui Chrysippus quem tu laudas, & imitaris, multò plures composuit; illos vtilis esse vitæ hominum respondit. huius rei causa exilio multatus est. *Si Cornutus imitabatur Chrysippum, profectò Stoicus erat: Et certè Stoica dogmata sapiunt satyræ Persij, qui institutus est à Cornuto. Pauci autem omni tempore extiterunt, qui eruditionē coniunxerint cum philosophia quos inter memorare est Longinum, Porphyrium, & Cornutum. Propterea enim eius iudicium exquirebat Nero; quia norat esse eruditissimum.*

*Dices, non videri fuisse Stoicum, quandoquidem Persius inquit:*

*teneros tu suscipis annos  
Socratico Cornute sinu.*

*Respondendum est, etiam Stoicos è Socratis schola, tanquam ex equo Troiano, prodijisse. nam inter Socratis discipulos Antisthenes: huius Diogenes, præceptor Cratetis Thebani, quo usus Doctore Zeno. adde omnem Moralem philosophiam à Socrate profectam. Ergò Socraticus sinus est institutio in morali philosophia. nunc fortè expectas lector, ut meo more poeticis verbis venerer Cornutum. respondeo*

*tuo*



*tuo voto, si tamen respondeo, qui tam tenuiter scribo.*

Quisquis Principibus iucundum obtrudere palpum

Abnuit, & Verum dicere durus amat,

Exeat ex aula, Regalia limina vitet.

Inclusus Sophien, Pieridasq. colat.

Nam Nero Cornutum cultorem Palladis vrbe

Eijcit, & Gyris consensuisse iubet:

Laudibus in cœlum quod tollere carmina nollet,

Quæ Phœbo haud dextro fecerat ipse mala.

De Alexandro Ægeo Peripatetico præceptore

Neronis. Cap. LX.

**P**æceptorem habuit Nero, qui vocabatur Alexander.  
*de quo Suidas: Alexander Ægæus, philosophus  
 peripateticus, præceptor Neronis Cæsaris, vna cum  
 Cheræmone philosopho filium habuit nomine Cæ-  
 lium. Hic Neronem vocabat lutum sanguine mace-  
 ratum. Malorum discipulorum, vt opinor, peiores  
 fuerunt Magistri: virtus enim doceri, & vitium exco-  
 li potest. Dubitet aliquis an talem præceptorem habue-  
 rit Nero, cum scribat Suetonius cap. LII. quod mater eum  
 auerterit à Philosophia, monens imperaturo contrariam. cur  
 ergo ei admouit Senecam? respondendum Neronem iam vi-  
 rum fuisse, cum ab exilio reuocaretur Seneca. Verba porro  
 apud Suidam: Lutum sanguine maceratum, prolata  
 sunt de Tiberio, narrante Suetonio cap. LVII. Theodorus  
 Gadareus Rhetoricæ præceptor in obiurgando subinde ap-  
 pellans eum: lutum à sanguine maceratum. potest ta-*



men fieri, ut Alexander imitatione Theodori sic allocutus fuerit Neronem.

Sed id, quod subiungit Suidas de Magistris falsum est. nam Neronis præceptor Seneca fuit optimus vir, pessimi Imperatoris Magister. Quid dicam de Quintiliano? de quibus alijs? quis dubitet bene educatum fuisse Commodum, qui tamen prorsus degeneravit à parentis optimi moribus, ut taceam de Caligula præstantissimi patris deterrimo filio.

De Cynico Demetrio, qui vixit sub Caligula, Claudio, & Nerone. obiter de more illustrium virorum, quando sunt morituri. Cap. LXI.

**I**Nfelicia fuerunt tempora, quibus imperavit Nero. non tamen suacauerunt felicitate, quandoquidem magna Virtutum exempla tulerunt, & non pauci ad robur philosophicum generosa indole dignum pertigerunt, quos inter Demetrius Cynicus, cuius sententias ex ore haustas suis scriptis inserit Seneca. lib. scilicet VII. de beneficiis. cap. I. refert ipsum dicere solitum, plus prodesse, si pauca præcepta sapientiæ teneas, sed illa in promptu tibi, & in usu sint, quam si multa quidem didiceris, sed illa non habeas ad manum. eiusdem libri cap. IX. inducit eundem gravissimè differentem, moxq. in principio cap. XI. de ipso subiungit: cum Caius Cæsar illi ducenta donaret videns reiecit, ne dignam quidem summam iudicans, qua non accepta gloriaretur. ingentem rem ab illo se audiuisse inde narrat Seneca, cum miraretur dementiam eius, quod se putasset  
tanti



tanti posse mutari: si tentare, inquit, me constituerat toto illi fui experiendus imperio. *vides sub C. Caligula innotuisse sapientiam Stoicam Demetrii, ad cuius laudem illud referendum, quod est apud Tacitum XIV. Annal. Thraseas scilicet accepto mortis arbitrio, supremæ metam vicinus, maximè fuit intentus Demetrio Cynicæ institutionis doctore, cum quo de natura animæ, & dissociatione spiritus corporisq. inquisiuit. solent namq. viri magni mox obituri lubenter seipsos solari argumento ab immortalitate animæ petito. sic Socrates se gessit, vt expressum reliquit diuinus Plato in Phadone. Et Cato Uticensis vltimus libertatis Romana vindex cum statuisset se occidere ne viuus veniret in potestatem Caesaris, bis Phadonem Platonis legit.*

*Introducitur est in cubiculum Demetrius, postquam accepisset Thraseas Senatusconsultum. doleo autem non superisse narrationem totam Taciti de morte summi viri. desinit enim in hæc verba: Post lentitudine exitus graues cruciatus afferente obuensis in Demetrium.*

*Demetrii quoq. fit mentio apud Philostratum in Vita lib. 4. Apollonij, quando describitur eiusdem Apollonij aduentus Romam tempore Neronis. Narrat historicus cum celebraretur magna pompa dies festus, Demetrium ingressum in templum disseruisse aduersus usum balnearum. ijs enim potius scædari, & pollui corpora, quam lauari hominesq. eiusmodi more fieri effæminatos, & molles. quam sententiam videntur etiam approbasse Veteres Christiani, qui seueritatem professi non ita balnea frequentabant, ne viderentur molliter, & delicatè viuere. Tacitus tradit balnearum*



*inuectum Britannis usum ut frangeretur ipsorum robur, sicq. lubenter Romanum ferretur iugum. Non dissimulat autem Philostratus magnopere offensas fuisse aures populi Romani oratione Demetrianæ habita aduersus balneorum usum, parumq. absuisse, quin à furore concitatae plebis interimeretur. Et si autem euaserit incolumis, non tamen expers pœnæ prorsus fuit, actus in exilium iussu Tigellini ob dissertationem contra balnea.*

De Cœrano, aut etiam Clarano.

Cap. LXII.

lib. 14.

**C**œranus fuit Græci generis philosophus. eius meminit Tacitus in *An.* quando agit de Plauto morituro, cui fuerint auctores opperienda mortis Cœranus, & Musonius. Plinius in indice lib. II. inter scriptores, quos delibauit, recenset Cœranum. incertum an intelligat de isto. Fortè est Claranus, quem tantopere laudat Seneca lib. I. Ep. LXVI. condiscipulum suum, quem vidisse se ait post multos annos, viridem animo, ac videntem, & corpusculo suo colluctantem. apparet fuisse turpi corpore præditum. nam ibidem inquit Seneca, iniqu. se naturam gessisse & talem animum malè collocasse. aut voluisse ostendere posse ingenium fortissimum, ac beatissimum sub qualibet vite latere. subiicit sibi errare videri Virgilium, dum scribit:

Gratior est pulchro veniens è corpore virtus.

Quod si n. ges Claranum esse eundem cum Cœrano, saltem fateberis potuisse, & debuisse enumerari, dum agitur de philosophia apud Romanos.

Stoi-



Stoicum fuisse Thraseam Patum.

Cap. LXIII:

**M**ulta clamant studiosissimum fuisse Stoicorum Thraseam Patum, de quo tam honorificè loquitur Tacitus, ut dicat Neronem cum vellet interficere Thraseam, cogitasse ipsam exscindere virtutem Annal. lib. XVI. Thraseas hic ex libro, quem Munatius ediderat, de rebus Catonis incensus est studio Stoicæ disciplinæ fortiterq. mortuus est damnatus à Nerone. Patavinus fuit. Martialis ad Decianum Stoicum sic scribit:

Quod magni Thraseæ, consummatiq. Catonis  
Dogmata sic sequeris.

Apud Tacitum accusator: ista Secta (Stoica) Tiberones, & Favonios genuit. cum exhalaturus esset animam voluit sibi adesse Demetrium Cynicum, de quo Seneca Epist. LXIII Demetrium virorum optimum mecum circumfero, & relictis conchyliatis cum illo seminudo loquor illum admiror. de laudibus porrò Thraseæ scripsit Iunius Rusticus, appellavitq. virum sanctissimum, non omisso Eluidio Prisco, cuius rei causa à Domitiano interemptus est. O decus immortale Thraseæ, o philosophiæ Romanæ immensum incrementum. triumphat enim sapientia in morte splendidissimi Senatoris de Tyranni perditissimi crudelitāte, & Musa his numeris memoriam inuicti philosophi, imò Herois veneratur:

Æthereo flagrat Thraseas virtutis amore,  
Exultat studijs, Stoicidasq. fouet.

Indo-



Indomitus renuit durum laudare Neronem,  
 Tanta viro probitas, tantus honorq. comes.  
 Ergo etiam potuit crudelem temnere mortem,  
 Pulchraq. Cygneo fundere verba sono.

Seneca aduersus quosdam maledicos defensus.  
 de eius operibus legendis. quam impau-  
 dum se præbuerit in morte.

Cap. LXIV.

**S**eneca adeò notus est, ut de ipso verba facere prorsus  
 superuacaneum foret, nisi nebulones summum virum  
 carperent auaritiæ, & ambitionis nomine. Atunt eum  
 conflasse immensas pecunias, & sænori ipsas exposuisse  
 ambiuisse quoq. imperium. ut ad vltimum respondeam, dico  
 nusquã apparere in historia coniurationis à Pisonè initæ ad-  
 uersus Neronem, Senecam conscium eiusmodi consiliorũ fuis-  
 se. legatur narratio Taciti & calumnia illicò in vêtos abibit.

Pecunias non ipse conflauit, sed accepit à Nerone, quem  
 scimus ut nulla in re, sic nec donando tenuisse unquam mo-  
 dum. absq. præsentis profectò periculo non potuisset Imperato-  
 riæ largitioni repugnare philosophus.

Fœnus porrò intra certos limites receptissimum semper  
 fuit apud Romanos, ut Tirones quoq. norunt. sceneratores  
 certè malè audiuerunt, quod immodicis vsuris reliquos pre-  
 merent. quod si secundum morem Romanum liceret repre-  
 hendere Senecã, reprehendendi fuissent omnes, qui suas ades  
 agros, & alia locassent, accepissentq. inde pensionem. nam  
 fœnus apud Romanos instar fructuum fuit. Sed fœnus  
 legi-



legitimum, à lege pop. Rom. definitum.

Defenso Seneca aliquid proferendum de operibus, in quibus sic Stoicum agit, ut quandoq. libere à secta sua decretis discedat. quod fecerunt ferè omnes philosophi. Annon enim Theophrastus in multis aliter docuit quam Aristoteles? non decet generosa ingenia in ullius hominis verba iurare. quam variè se gerunt Platonici, quamq. multiplici ratione præceptorem interpretantur.

In opere quæstionum naturalium legendo sic proficere licet, ut non solum haurias cognitionem eorum, quæ in superiore regione fiunt, verum etiam non paucas sententias celebrium virorum, quorum scripta interierunt, conoscere mandareq. memoriæ possis.

Illud etiam de Seneca proferre par est, ut sciamus exitum prorsus respondisse professioni, ostendisseq. quam alto pectore haberent præcepta sapientiæ alijs tradita, cum senectute non fucata, & innocentia vitæ coniuncta. quod verbis quoq. expressit, quando impavidus mortis contemptor dixit: ubi præcepta sapientiæ? ubi tot per annos meditata ratio vitæ aduersum imminencia? videnda cætera apud Tacitum. nam proximus morti, & post brachia ferro exsoluta, manante sanguine quadam dictavit. Ego raptus in admirationem Herois Stoici duo Epigrammata scripsi, quorum primum hoc est:

Flet Sophie, pectus plangit, scinditq. capillos;

Dum talem torquet læua cicuta virum,

Qualem vix Tyberis stupuerunt agmina, postquam

Stoicidam excepit maxima Roma gregem.

Al-



*Alterum sic habet.*

Ad Senecam cupidus Sophiæ progressus anhelat,  
 Ad Senecam, ciuem Corduba clara tuum.  
 Ad Senecam, quem sæpe audiuit Roma loque ntem  
 De terra, atq. falo, fidereoq. polo,  
 De fati imperio, cui cedere cogitur æther,  
 Quodq. hominum sæua compede facta ligat.  
 Talia clarauit Stoæ generosus alumnus,  
 Cuius grata libros nunc quoq. Roma colit.

De Senecæ mira temperantia. quibus argumentis  
 ostendant Stoici diuitias non esse bonas.  
 cur Seneca liberalia studia non putet  
 confundenda cum sapientia?

Cap. LXV.

**P**Enquam frequenter Seneca in suis scriptis seuerita-  
 tem ingressus, suiq. seculi mores damnauit, reprehen-  
 sis Peripatericis, qui docebant diuitias ad felicitatem  
 facere. seueritati autem dogmatum visus est præire sua  
 vita suoq. exemplo. in Epistola LXXXVII. sic de se lo-  
 quitur: Cum paucissimis seruis quos vnum capere  
 vehiculum potuit sine vllis rebus, nisi quæ corpo-  
 re nostro continerentur, ego & Maximus meus bi-  
 duum iam beatissimum agimus. culcitra in terra ia-  
 cet, ego in culcitra. ex duabus penulis altera stragulum  
 altera opertorium facta est. vescabatur caricis, quæ in-  
 star pulmentarij erant, quando aderat panis, quandoq. dee-  
 rat panis, & caricæ pro pane erant. quale autem fuit vehi-  
 culum



culum, cuius iam facta mentio? Rusticum. Mula, quæ trahabant vehiculum, vix ossibus hærebant, viuere tamen ambulando se testabantur. auriga mulio calceis carebat non propter ætatem, sed quod putaret Seneca calceos contemnendos mulioni.

Audet contra totum humanum genus vocem attollere, & dicere: insanitis, erratis, stupetis ad superuacua. irridet magnum Calendarij librum, auream supellectilem, quæ diuites in via sequitur, immodicum modum agri suburbanæ, vehicula calata.

inlustratos ostro alipedes, pictisq. tapetis.

Quibus aurea pectoribus dimissa monilia pendent

Qui tecti auro fuluū mandunt sub dentibus aurum.

Inuehitur in trosculos in via diuites, quibus cursores, & Numidæ.

Multis verbis commendat M. Catonem Censorium, qui canterio vehebatur, & hippoperis quidem impositis, ut secum vtilia portaret. O quantum erat (exclamat) sæculi decus imperatorem triumphalem Censorium Catonem vno caballo contentum esse. quem quidem caballum, & canterium putat præferendum obesis mannis, & Asturconibus, & tollutarijs.

Tantum autem abest, ut putet in talibus sitam esse felicitatem, ut pronunciet esse humanæ vitæ impedimenta.

Sed expendantur argumenta Stoicorum contra Peripateticos. Fortuita bonum non faciunt. Ergo non sunt bona. Ut eiusmodi nodum soluant Peripatetici non pauca depromunt, quæ iam examinare non vacat.

Si diuitiæ facerent bonum, non possiderentur à pessimis

T

homi-



hominibus. atqui Chelidon, vnus ex Cleopatraz molli-  
bus, patrimonium grande possedit, nuper Natalis  
tam improbæ linguæ, quam impuræ, in cuius ore foe-  
minæ purgabantur, & multorum hæres fuit, & mul-  
tos habuit hæredes.

Bonum ex malo non fit. diuitiæ fiunt ex auaritia. di-  
uitiæ ergò bonum non sunt.

Dum diuitias consequi volumus in mala incidimus. Er-  
gò diuitiæ bonum non sunt.

Quæ neq. magnitudinem animo dant, nec fiduciam, nec  
securitatem; contra autem insolentiam, tu morem, arrogan-  
tiam creant, mala sunt. à fortuitis autem in hæc impellimur,  
ergò non sunt bona.

Argumentationem porrò istam pro sua non agnoscunt  
Stoici: ex malis bonum non fit, ex multis paupertatibus  
fiunt diuitiæ. Ergò diuitiæ non sunt bonum.

Alia Epistola, nempe sequenti agit Seneca de studijs li-  
beralibus, quæ græcis significantur nomine Encyclopædiæ.  
sapienter discrimen ingens instituit inter studia liberalia, &  
sapientiam, quæ non tam docet, quam facit animum bo-  
num, virtuteq. & robore inuictò instruit mortales. eius-  
modi discrimen præclare constituit, & exposuit ante Sene-  
cam Philo. nam nomine sapientiæ ait significari Saram, no-  
mine autem Encyclopædiæ venire in Genesi Agarem. vi-  
de apud eundem Philonem totam enarrationem de con-  
gressu Abrahæ cum Agare, & de sterilitate Saræ, ut re-  
ctius intelligas Senecæ sententiam.



De statu non admodum florente philosophica-  
rum sectarum, cum floreret Seneca

Cap. LXVI.

**P**ostquam de Seneca locuti sumus, antequam ulterius  
progrediamur, non negligenda sunt eius verba, quæ  
profert cap. XXXII. lib. IV. Natur. quæ 7. Ut magis ac  
magis intelligamus floruisse præ omnibus scitis Stoicos Ro-  
mæ illis temporibus, exiguo autem loco fuisse Pyrrhonios,  
Pythagoræos, atq. alios. sic autem legitur: tot familiæ  
philosophorum sine successore deficiunt. Academi-  
ci, & veteres, & minores nullum antistitem relique-  
runt. quis est, qui tradat præcepta Pyrrhonis? Pytha-  
goricæ illa invidiosæ turbæ schola præceptorem non  
inuenit. hæc ibi. quod porrò subiungit, valde notandum  
ab eo, qui ignorare non vult statum philosophiæ apud Roma-  
nos; ait enim: Sextiorum noua, & Romani roboris se-  
cta inter initia sua, cum magno impetu cœpisset, ex-  
tincta est. de huiusmodi Sextijs nihil fateor mihi lectum,  
nec, si quid legi, memoria iam suggerit. Ad quæstiones  
naturales qui scripserunt notas, nihil proferunt quod nos iu-  
uet. Notus est quidem Sextus insignis philosophus, sed  
ille floruit sub Imperatore Marco, de quo suo loco nonnulla  
proferemus. explicet qui potest qui nam Sextij isti fuerint,  
philosophi apud Romanos, qui tamen citò defecerunt.



## De scelere P. Celeris Egnatij, Stoicam philosophiam professi. Cap. LXVIII.

**N**ihil tam sanctum est, quod pollui nequeat à prauitate hominum, aut nullum institutum adeò rectum, sub cuius specie fallere non soleant quandoq. subdoli callidique homines. dolet sanctitas philosophiæ, quod inuita tracta fuerit ad scelus. Temporibus scilicet Neronis P. Egnatius Celer Soranum deferendo perdidit, qua de re Iuuenalis non sine indignatione scripsit:

Sat. 3.

Stoicus occidit Baream, delator amicum,  
discipulumq. senex.

Impurus testis cliens Sorani emptus ad opprimendum amicum, auctoritatem Stoicæ sectæ, ut scribit Tacitus XVI. *Annal.* præferebat habitu, & ore ad exprimendam imaginem honesti, & exerciti, cæterum animo perfidiosus, & subdolos, auaritiæ, ac libidinem occultans: quæ postquam reclusa sunt, dedit exemplum præcauendi quomodo fraudibus inuolutos, aut flagitijs commaculatos: sic specie bonarum artium falsos, & amicitiae fallaces. oppressus quidem est Soranus, nec tamen impune tulit nebulo Stoicus, ingratißimum caput. nam sub Vespasiano, ut est apud Tacitum eundem in IV. *hist.* inuectus est Musonius Rufus in Publium Celerem, à quo Baream Soranum falso testimonio circumuentum arguebat. subiicit Tacitus: Sorani sancta memoria. Celer professus sapientiam dein testis in Baream, proditor, corruptorq. amicitiae, cuius se magistrum ferebat. adeo magnùm est visum historico scelus, ut

puta-



putauerit repetita detestatione uiendum. Magister est discipulo instar parentis. quis porro pater prodiderit filium? Nec tamen tunc damnari potuit Celer ob aduentum Muciani in urbem. interim hanc supplicium euasit reus interposita mora. nam eodem libro Tacitus narrat placuisse repeti cognitionem inter Musonium Rufum, & P. Celerem; damnatumque Publium, Soranque. manibus satis factum.

Illam ergo tempestate in philosophos animaduvertebatur a magistratibus, nec illos reddebat tutos pallium, pollutum insigni aliquo scelere.

Vide verò quam generosum se præstet Tacitus. nam licet ab alijs miris laudibus fuerit ornatus Demetrius Cynicus, non tamen omittit culpam hominem, qui reum manifestum conatus fuerit defendere. Ambitiosius quam honestius visus est aggredi eiusmodi defensionem.

Licet autem aliquatenus excusare Demetrium, cum videret totam sectam male audire ob unius Celeris scelus, quod ipse Demetrius maxime cupiisset diluere. Sed ut iam audiuius, frustra fuit, & ambitionis se obnoxium reddidit notæ.

Liberè ergo in omni genere hominum reprehendenda sunt flagitia ab historico, ut omnes quicumque demum illi sint, ab ijs perquam diligenter abstinere, reformident historicam libertatem, quæ nulli mortalium obtrudere debet palpum.



Quaratione vulgus Cynicos irritaret, & vexaret.

Cap. LXIX.

**N**eronianis temporibus præter Stoicos, Cynicosq. vix alij videntur Romæ fuisse philosophi. quos tamen valde multi à philosophia et Græcorum disciplinis abhorrentes ludibrio habebant. id testatur Persius Sat. I.

multum gaudere paratus

Si Cynico barbam petulans Nonaria vellat.

Magna scilicet erat rudium Cynicorum ruditas, ut vulgo omnes ijs illuderent, quos etiam percutiebant, varijsq. onerabant contumelijs. quod ne ipsis quidem nolentibus faciebant, cum vati ad gloriam homines, argumento opus haberent, in quo suam illam admirabilem patientiam ostentarēt. apparet namq. solitas à petulantibus hominibus meretrices cum illis committi, unde necesse erat sequi magnum risum omnium eorum, qui talis certaminis spectatores erant. Simillimum est, quod in schola Alexandrina factum aliquando est, nequissimorum quorundam nebulonum conspiratione in Theodorum iuvenem omni iam laude virtutis conspicuum, atq. illustrem. summissum est enim scortum impurum, quod in foro ipsum aggrediretur. hic est qui postea Gregorius Thaumaturgus est dictus, cuius vitam Gregorius Nazianzenus libro singulari est complexus.

Julianus etiam Imperator, quia legerat in Evangelio Matth. V. præbendam esse alteram genarum ei, qui unam percussisset, dandamq. tunicam surripienti pallium, pergendumq. cum angariante ultra quam ipse traheret, taliaq. de ge-



de genere hoc , aiebat non debere conqueri Christianos, si vexarentur, quandoquidem ita voluntati divina facerent satis.

Mirandum porrò non est vexatos Cynicos, nam cum præferrent toruitatem vultus ac dissentientem à cæteris habitum, pessimis moribus, & impura obscenitati incumberebant; ita ergò spernebantur: qua de re legendus est Dio serm. XIV. & alio sermone habito Alexandria.

De baculo, pera, & barba Cynicorum, & tenui victu iuuenum, dantium operam Stoicæ philosophiæ. Cap. LXX.

Cynicis adhuc inhaeremus, quandoquidem ferè sola hæc secta cum Stoicis Neronianis temporibus reperiebatur Romæ, aliquid subiungentes de ipsorum habitu. Etenim peram, & baculum velut insignia deferebant, quibus tamen carebant Platonici. lubet autem ex Apologia Apuleij aliqua de pera, & baculo excerpere. gratum habitum ad contumeliam diceretis rem familiarem mihi peram, & baculum fuisse. Crates profectò arbores frugiferas præ vno baculo spreuit, villas ornatissimas vna perula mutauit, imò laudauit flexis ad hoc Homericis versibus. baculum, & barbam tu philosophis exprobrares? igitur, & equitibus phaleras, & peditibus clypeos. Non sunt quidem ista Platonica sectæ gestamina, sed Cynicæ insignia familia. veruntamen hoc Diogeni, & Antistheni pera, & baculus, quod regibus diadema. hinc ferulas, & virgas salsem mordendo nominauit Sceptra pædagogorum Martialis.

Dio-



*Diogenes quidem Cynicus cum Alexandro Magno de veritate regni certabundus baculo vice sceptri gloriabatur.*

*Hinc etiam se Agamemnonem appellavit. sceptrum enim habeo baculum. dolium aiebat esse regiam, ut non dubitavit S. Hieronymus dolium illud Pratorium Diogenis nuncupare.*

*Hodie mendici, & quidem cæci utuntur baculo. peræ autem non destituuntur pauperes peregrinantes.*

*Baculo, & peræ addenda est barba, quam Cynici promittebant severitatis ostentandæ causâ. hinc Persius:*

*multum gaudere paratus*

*Si Cynico petulans vellat Nonaria barbam.*

*Quod est insultare, contemnere. magnum enim est argumentum contemptus rulsio barbæ. hinc idem Persius:*

*stolidam præbet tibi vellere barbam.*

*Nonariæ nomen denotat impudentem meretricem. nam apud veteres scorta à nona hora prostabant, ne mane ommissa exercitatione illò irent adolescentes, quod observatum est à scholiaste eiusdem Persij.*

*Iuvenes quoq. qui se in disciplinam Stoicorum dabant, victu tenui contenti erant. apud Persium hæc leguntur:*

*iuventus*

*Inuigilat siliquis, & grandi pasta polenta.*

*Quis neget victum esse tenue, polentam, aut panem secundum, & siliquas leguminum, quod pecoris immundi potius quam hominum cibus est? quod videre est apud Lucam cap. XV. Plinius quoq. ait siliquas pecudum esse pabulum gratissimum. Horatius extremam frugalitatem ea voce expressit:*



viuunt siliquis, & pane secundo.

*Iuuenalis Sat. XI.*

Sed laudem siliquas occultus ganeo.

*Prudentius quoq. utitur huiusmodi vocabulo. Sunt porrò siliquæ nihil aliud, quam leguminum opercula, polëta ex hordeo fiebat, quod discere est ex Plinij descriptione lib. XVIII. cap. VII.*

De Stoa, vnde Stoici dicti, digressiuncula excerpta ex prælectione habita ad XVI. annalium Tacit. Cap. LXXI.

**E**T si Stoa, qua dicti Stoici, nequaquam fuerit Romæ, sed Athenis, quia tamen non infrequens mentio Stoicorum in hoc opusculo, nihil vetat aliquid per digressionem subijcere de eadem Stoa, petita ex prælectione, quam habui ad annal. Tacit. lib. XVI. cum perpenderem factum Egnatij, qui assumens auctoritatem Stoicæ Sectæ perdidit Soranum. de Stoa autem agit Persius Sat. III. Æmilius Probus in vita Miltiadis, Diogenes Laërtius in Zenone, Pausanias non uno loco, atq. alij præsertim recentiores. Laërtius igitur in Zenone sic: Vertens igitur se ad porticum variam, quæ & Pisianactios appellabatur. græcè dicta Pæcile, varia. primum nomen huius Porticus erat Pisianactia, sed Phanippo imperante Athenis (fuit enim tunc Marathonium prælium commissum) à picturæ varietate Pæcile nuncupata, ut scribit Aristidis Scholiastes. Laërtius ita: appellabatur ex varia, & multæ scienciæ pictura Polygnoti Pæcile. Concinit Æmilius Probus in Miltia-

V de:



de: In porticu, quæ Pœcile vocatur. *idem traditur à Pausania in Atticis*: pergentibus verò ad eam porticum quæ à picturæ varietate Pœcile dicitur.

*Quid in ea depictum? pugna imprimis Marathonia, decem prætores, qui ad gerendum bellum creati fuerunt. Æmilius Probus*: Namq. huic Miltiadi, qui Athenas totamq. græciam liberauit, talis honos tributus est in porticu, quæ Pœcile vocatur cum pugna depingetur Marathonia, ut in decem prætorum numero, prima eius imago poneretur isq. hortaretur milites, præliumq. committeret. *hæc ille. Persius sic scribit Sat. III.*

Quæq. docet sapiens braccatis illita Medis  
Porticus.

*Medi, & Persæ iidem, licet quo tempore gestum est bellum Marathonium Persæ appellarentur, sed non deerat in exercitu natio Medorum cum Persica conflata.*

*Pugnæ porrò Marathoniæ adscripserunt.*

Pro Græcis pugnantes Athenienses in Marathone,  
Occiderunt Medorum viginti myriadas.

*Quod tamen videtur per iactantiam græcanicam dictum. Cur autem potissimum talem pingi pugnam voluerint Athenienses, facile est discere ex verbis Pausaniæ in Atticis, dum inquit: Nullam fuisse victoriam, qua sint magis Athenienses gloriati quam ea, quam ex Marathonia pugna sunt adepti, hinc præcipuè ut credam adducor.*

*Quis Auctor picturæ? Polygnotus, quod nos docet Laërtius, cuius verba iam sunt prolata. Polygnoti huius facit men-*



mentionem alibi quoq. Pausanias in Atticis : hæc omnia Polygnotus pinxit.

Ignorandum porro non est in hac porticu aliquando interfectos fuisse MCCCCXXX. ciues, quod narrat Laërtius. sed Zeno locum hunc voluit reddere quasi sacrum, tradendo ibi philosophiam. audiamus Laërtium: volens locum illum stabilem reddere, & nullis porro seditionibus violabilem. Certè constat Stoicos solius maiorem illi venerationem tribuere, quam templis Deorum: extabat adhuc temporibus Honorij, & Arcadij Caesarum. non tulit autem Proconsul quidam Achaiae Stoicorum superstitionem deturbauit ergò locum, & tabulas abstulit, eoq. facto superbiorum philosophorum supercilium non parum retudit.

Ceteri tamen philosophi, & ipsi suas scholas putabant esse sacras. nam si quis è Lyceo, Academia pallium, aut ampullam esset furatus, morte pledebatur.

Imponam finem dissertatiunculæ, si prius monuero apud Eleos quoq. fuisse Porticum in Alti, quæ etiam Pœcile appellabatur. sic enim narrat Pausanias: signum est in porticu, quæ in Alti est. ea porticus appellatur Pœcile, à picturæ varietate, qua olim parietes exornati fuerant. adijcit eandem à multis Echus nominari, quod vocis emissæ imago septies, & sæpius reciprocatur.



An & quatenus Cynici, & Stoici habuerint eandem originem? describuntur adhuc mores Cynicorum. rejicitur calumnia Iuliani Imperatoris contra Monachos.

Cap. LXXII.

**D**E Stoa postquam diximus, quandoquidem Cynici à Stoicis parum aut nihil differre videntur, querendum hic? An Cynica secta, & Stoica disciplina idem fuerit initium? idemq. progressus? respondendum est Cynicum institutum ad Diogenem sic referri, ut tamen Zeno non excludatur. Etenim Crates discipulus fuit Diogenis, præceptorq. Zenonis Citiei. Zeno porrò suam disciplinam conflavit ex Platone, Socrate, & Cratete nonnullis immutatis, ut solet fieri, additisq. aliquibus ex propria inuentione. Nam et Plato in Naturali philosophia valde est imitatus Pythagoram, in morali Socratem. sic Zeno in Theoretica sapientia secutus est aliquatenus vestigia Platonis, pauca inueniens ipse, & differens sæpe in nominibus potius, quam in re ipsa.

A Cratete accepit horrificam illam seueritatem, libertatemq. paradoxis miris non destitutã, ne tamen institutum tam rigidum homines à se repelleret, nonnihil molliuit Cratetis dictata, philosophiamq. suam traduci passus est ad ciuitatem, ad coniugium, aliaq. eiusmodi. quam tamen moderationem sunt qui tribuunt non Zenoni, sed discipulis. sic  
ORAT. 6. enim Iulianus Imperator: Citiensis Zenonis discipuli cum ciuitates animaduernerent meram illam nimiamq.



canis hoc est Cynicæ sectæ libertatem auersari, quibusdam illam integumentis inuolucrisq. texerunt, nimirum rei domesticæ cura, opum comparandarum studio, vxoris contubernio, ac prolis educatione. hæc ille.

*Verum non omnibus placuit eiusmodi inuolutio, quin aliqui non passi sese auerti à moribus Diogenis, & Cratetis existimârunt sibi faciendum, vt ad Rempublicam non accederent, à muneribus vitæ ciuilibus abhorrerent, sordes sectarentur, & squalorem, spernerent omnem elegantiam, ferrent peram, baculum, & comam. & isti dicti sunt Cynici non tam ob dogmata, quam sordidum modum viuendi: in hos Cynicos inuerti sunt ipsi Gentiles grauissimè, inprimis Lucianus, & Iulianus Imperator orat. VII. vt nihil dicam de S. Iohanne Chrysostomo. Iulianus sic loquitur: mihi isti Canes latronibus videntur esse improbiore, communia iura naturæ miscentes palam, & in omnium oculis obambulant. sanè pleriq. nunc illorum haud paulò verecundiores extiterunt, cum procaces, ac petulantæ antea extitissent.*

*Longè aliter se gesserunt Diogenes, & Crates. Verbis facta iubebant præire: & qui paupertatem honorabant ante omnes, ipsi sua patrimonia contemnere videbantur.*

*In sequentibus graphicè degenerum Cynicorum describit mores. nam Heraclium vnum ex ipsis sic alloquitur: quid tu dignum Diogenis baculo præstitisti? An hoc magnum tibi videtur fustem capere, comam promittere, vrbes circumire, & comitatus, optimis quibusq. con-*  
uitias



uitiari, pessimis adulari? Mox de alijs quoq. eiusdem farine agens, inquit: vagi ubiq. discurritis, comitatu Principis importuni. ut mirum non sit, si affirmet per tales mores philosophiam esse inuisam.

In dialogo Luciani sic auctor eos reprehendit, ut inducat Cynicum sese defendentem. describitur ibi vita victusq. Cynicorum, quod ut mendici incedant: ut canes quibusq. reiectamenti victitent, & ut feræ nullas certas sedes, nulla habitacula habeant, quod ipsam naturam negligere videantur. sed operæ pretium est quædam ipsius Luciani audire verba ex latina translatione: barbam habes, & comam, tunicam non habes, nudus conspiceris ac sine calceis, delectaris nimirum vaga inhumana, ac ferali vita. nunc huc nunc illuc circumis, in arido præterea solo cubans, adeò ut plurimum etiam sordium tritum istud pallium referat. aquam bibis, comedis quicquid offenderis, gramen tibi sufficit (ad cubile)

Quæ satis ostendunt à Iuliano per insignem calumniam Cynicos comparari Monachis, cum tamen esset magna differentia inter utrumq. genus. Monachi degebant extra vrbes in Cœnobijs, agros colebant, ut inde victitarent, & reliqua pauperibus largirentur, parebant suis præfectis, non discurrebant per vrbes, noctu surgebant ad laudandum Deum, castè viuebāt à Venere prorsus abstinentes, absit ergò ut erronei, vagi, Cynici nusquam consistentes, nullum certum locum habentes, nullius imperio, & iussis obnoxij componantur cū sanctissimis Monachis, qui abdicauerant se omnibus bonis, ut deinceps nihil possiderent, atq. ex opere manuum viuerent,

Sed



*Sed cui ignotum est maximum odium, quo Christianos, & Christianorum omnia instituta prosequeretur Iulianus? discant interim Nouatores nostri temporis, qui Monasticam vitam insectantur, quemnam imitentur, dum Monachos irident, & damnant? Imitantur Iulianum Religionis Christianæ desertorem.*

De aduentu Apollonij Tyanei tempore Neronis Romam. de Telefino consule addicto philosophis.

An iusserit Nero ire in exilium philosophos?

quam parum tuta fides sit Philostrati. Cap. LXXIII.

**D**olendum est non totam narrationem Taciti de imperio Neronis ad nos peruenisse. forte enim haberemus nonnulla facientia ad philosophiæ calamitatem, cuius auctor videtur fuisse saeuus Imperator. Sanè Suetonius nihil de philosophis pulsus ex vrbe magno agmine agit. At non tacet Philostratus libro IV. vbi ait Neronem non permisisse, vt homines incumberent philosophiæ, quam Vanitatis accusabat. accusatosq. non paucos, quod operam nauarent diuinationi. cum porrò Apollonius Romam se conferret incidit in nemore Aricino in Philolaum philosophum eloquentem quidem, sed meticulosum, à quo monitus est, vt maturè sibi consulere, neq. tot socios in exitium duceret, Romæ namq. philosophos admodum vexari. eiusmodi suasionem effecit, vt non pauci discipuli deseruerint Apollonium discesserintq. ex agro Romano. octo tamen ei constanter adhaeserunt. Meminit deinceps Menippi, qui non dubitá-



bitavit Musonium in carcere alloqui, & solari. non omit-  
tit Philostratus Dioscoridem Ægyptium itidem Apollonij  
discipulum.

Deinceps refert narrator congressum fuisse Apollonium  
cum Telesino consule, quem multis commendat verbis per-  
misit namq. ut philosophus liberè pro lubitu inuiseret om-  
nia templa deorum, & si quid emendatione indigeret, cor-  
rigeret.

An verò verisimile sit Demetrium Cynicum sæpe missum  
fuisse ab Apollonio ad Nerone ad tollendam suspicionem vi-  
deat quæso lector. Cur enim Nero ipse non iussisset ad se  
venire philosophum? Cur tam facilis pateret aditus ad Im-  
peratorem superbum misero Cynico?

Cur etiam, si Telesinus ei fauebat consulari præditus au-  
thoritate, ait Tigellinum in exilium misisse Demetrium?  
an etiam verisimile est si Nero tantopere oderat philoso-  
phiam, & philosophos, voluisse tam frequenter Telesinum  
tamq. familiariter colloqui cum Apollonio, & haurire ab ipso  
dogmata philosophica? hoc certè fuisset à benevolentia Nero-  
nis cum summo periculo excidere.

An etiam verisimilia sunt illa, quæ subiiciuntur de Apol-  
lonio accusato, & quod libellus, in quo scripta fuerat accu-  
satio, repertus fuerit expers scriptiois? & quod sibi valde  
metuerit Tigellinus, iusseritq. eum abire liberè, quo lu-  
beret.

Sed non est, quod valde laborem in eleuanda fide Phi-  
lostrati, aut Damidis, cum satis constet quid tam pridem de  
eiusmodi opere scripserint viri sapientes, ne quis sibi patia-  
tur dari verba ab ijs, qui voluerunt tot laudibus exornare  
homi-



hominem magicis artibus infamem, qualem fuisse Apollonium iam nemo dubitat.

Certè vacillare fidem Philostrati in hac narratione de Apollonij aduentu Romam, ex eo colligere licet, quia Dio, Suetonius non nobis memorant exilium tot philosophorum sub Nerone, neq. adeò tragicè exponunt statum philosophiæ.

Nonne verò in eo fallitur Philostratus, dum ait à Nerone occisam matrem in mari, cum constet ex Tacito non submersam mari, quandoquidem non respondit euentus voluntati, sed postea palam interfectam?

De Dionysio Alexandrino, qui videtur floruisse Romæ sub Nerone.

Cap. LXXIV.

**D**ionysium Alexandrinum credibile est Romæ floruisse, quandoquidem testatur Suidas eum à Nerone vsq. ad Traianum docuisse, ac Bibliothecis præfuisse: sed dices, non debere recenseri quando de philosophia agitur, quandoquidem Grammaticus fuit. Responderim, subijcere Suidam non fuisse eum simplicem grammaticum, se philosophum quandoquidem fuit discipulus Chæremonis philosophi, cui etiam Alexandria successit. Grammaticorum nomen profectò cum litteratoribus non est confundendum. nam olim publicè non absq. stipendio interpretabantur Poetas, & fabulosam imprimis enarrabant historiam, ritus veteres exponebant, omne deniq. genus eruditionis studiosa iuuentuti propinabant. instructi autem cognitione antiquitatis, periti librorum variorum nonnulli ex ipsis ulterius suam por-



rigebant diligentiam, quandoq. etiam robur philosophiæ ipsius consecrati. quod præstitit iste Dionysius Alexandrinus Glauci filius, qui meruit præesse Bibliothecis. quis autem ignorat eos, qui Bibliothecarum illustrium sunt præfecti, pollore omnigenæ rerum cognitione, esseq. Criticos, ut de libris, & scriptoribus quibuscumq. iudicium facere possint, Apocrypha à germanis scriptis secernere, egregios auctores commendare, excelsos suspicere, futes reiicere norint? quorum quidem hominum magnum prouentum vidu felicitas superioris seculi, videtq. nostra, postquam caligo præteritorum temporum perquam feliciter depulsa est. si quis porro nosse velit, quales fuerint veteres grammatici, legat Scholiastas græcos in Pindarum, in Aristophanem, in Theocritum, Euripidem, atq. alios, euoluat scholiasten antiquum Iuuenalis, atq. inprimis cognoscat Seruium in Virgilium. Subit autem miserari vices Adolescentum, qui recentiores nescio quos sequuntur: Seruium verò, talesq. interpretes negligunt. Atqui vel solius antiquitatis causa erant longè recentioribus præferendi, cum præsertim non pauca ad philosophiam facientia veteres illi Grammatici enarrent. qualia valde multa sunt apud Seruium, ut propterea aliquando ego editurus sim, deo dante, de Seruiana philosophia commentarium. in Suidæ quoq. collectaneis non contemnenda Veteris philosophiæ fragmenta continentur quæ tamen hætenus prorsus à nostratibus philosophis, qui nihil inspicunt præter interpretes protritotos Aristotelis, neglecta, insuperq. habita fuerunt.



De Heluidio Prisco sectatore Stoicorum,  
reuerſo Romam ſub Galba.

## Cap. LXXV

**E**Xoſcutatur Heluidium Priſcum Romana philoſophia, quod ab ipſo magna fuerit auſta gloria, & impulſa, imò eueſta ad ſplendorem dignitatis memorabilem. Quidni ſe tanto iactaret alumno, qui ingenium illuſtre altioribus ſtudijs iuuenis admodum dedit: non ut pleriq. ut nomine magnifico ſegne otium velaret, ſed quo firmior aduerſus fortuita, Rempublicam capeſſeret. ſic enim de clariffimi Senatoris primis annis loquitur Tacitus in IV. hiftoriarum. Multi enim uerò negotijs impares vacarunt ſapientiae præceptis, & leſtioni librorum, ut expertem negotiorum vitam, inutilemque commendarent. aliter ſenſerunt Romani, quibus recta mens, quamuis immeritò accuſarent Chriſtianos inertiae, nam ipſi excludebantur ab honoribus ob religionem, nauaturos cæteroqui ſuam operam Reipublice. At otium videtur tegere felicitatis nomine Ariſtoteles, dum ait hominis beatitudinem in contemplatione rerum eſſe poſitam. hinc Auerroes non pauca de coniunctione intellectus poſſibilis (ut vocant) cum Agente diſeruit. In aliam ſententiam abibant Proceres Latini, qui putabant philoſophiam ad decus, & emolumentum Reipublicae dirigendam. Cur enim ipſe Ariſtoteles ſummum finem humanæ vitæ penes Politicem collocat? Politice porrò non tam in contemplando, quam in agendo occupatur. Ultimus ergò finis poſitus in eo eſt, ut virtutes, quæ appellantur practi-



ca exerceantur. sed de hac quaestione alio loco agemus, ubi simul ostendemus, cur Architectonicam vocauerit Politicam Peripateticorum Princeps. ad Priscum reuertor, audioq. Tacitum narrantem à Prisco auditos Stoicos, quorum ea capitalis fuit sententia: sola bona honesta, mala tantum quæ turpia. potentiam, nobilitatem, cæteraq. extra animum, neq. bonis, neq. malis annumeranda.

Quæ opinio magno robore videtur instruere mortales aduersus casus aduersos, impellereq. hominem, ut nudus, & expeditus solam virtutem sectetur.

Res ipsa cæteroqui clamare videtur ex bonorum censu non esse excludenda nobilitatem, & eiusmodi alia. Cur enim tanto studio talia comparare pleriq. omnes satagunt? cur paupertatem, exilium, infamiam tantopere auersantur? Neq. est quod dicas, mollescere animos nostros, quando talia audimus. Mortales enim nati, & nudi pluribus rebus indigemus, & absq. ijs vitam non possumus tolerare omneq. animal statim, atq. nascitur satagens est alimenti, vitatq. diligenter, quæ nociura videntur. Mirum autem non est, si Stoici à censu felicitatis excluferint ea, quæ humani generis consensui bona videntur cum alia multa proderint à communi hominum sensu abhorrentia. sed quicquid sit de ea opinione, Heluidius à Thrasea didicit libertatem, intempestiuo sanè tempore, cum imperaret Nero, sub quo nolle seruire, erat exitum sibi attrahere: Heluidius tamen mira felicitate euasit mortem, seq. exul reseruauit ad meliora tempora. Redijt enim sub Galba, accusauitq. delatorem Thraseæ Marcellum Eprum, quam tamen accusationem dubia voluntate Galba omisit, scisso in studia Senatu.



Visum fuisse aliquibus appetentiorē famā, ait Tacitus quod sapientes soleant plerumq. laborare nimia gloriæ cupiditate. nam Tertullianus animal gloriæ vocavit philosophum. Apud Arrianum in Epictetum lib. III. cap. XXIII. habetur dissertatio de ijs, qui ostentationis ergo legunt, & disputant. inducitur ibi philosophus, qui dicit: laudato me homo. quomodo vis laudem? dic mihi, papa, & præclare. subiungit Arrianus: Num aspernanda sunt hæc? absit. Num verò philosophus homines ad se audiendum inuitat? quis medicus rogat, ut aliquis se ab ipso curari sinat? refert ibidem nonnulla quæ dicebat Rufus philosophus: si tantum habetis otij, ut me laudetis, ego nihil dico. Itaq. sic dicebat, ut quisq. nostrum qui assideremus, putaret se ab aliquo criminis cuiusdam reum peragi. sic reprehendebat ea quæ fiebāt, sic mala cuiusq. ob oculos ponebat. schola philosophi medica est. non inde exeundum cum letitia, sed cum dolore.

Causam cur appetentior famā videretur Priscus, eam ait fuisse Tacitus, quod cupido gloriæ nouissima exuitur. id duplici potest intelligi ratione. exuitur enim cupido gloriæ, vel ob satietatem, vel quod ille, qui valde profecit in stadio solidæ virtutis, tandem agnoscat appeti sapientiam debere, & virtutem ambiri, non ut laudemur, & videamur esse sapientes, sed ut simus tales, quales Natura, & Deus nos esse volunt. primo sensu si quis exuat gloriæ cupiditatem non agit omnino philosophum, quandoquidem non ex tota animi sententia eiusmodi desiderium deposuit, sed quod iam tedium inciperet percipere. honore aliqui tandem satiantur, quod quæ toties recurrunt, licet sua natura sint iucundissima, tandem fastidium pariant, aut saltem

non



non admodum appetantur. Ut enim maximè appetuntur, quæ negantur, & absunt, & cum difficultate obtinentur, ita quæ obuia sunt, & facilia, licet ceteroqui præclara, sua copia, suaq. præsentia incipiunt minoris æstimari.

Si quis autem exuat gloriæ cupiditatem, quod virtus ambienda sit non gloriæ causa, ipse philosophum agit, solidiq. sapientis partes implet. sic Lipsius vir profectò sapiens in fine vitæ scripsit versiculos, quibus testatur se parasse famam, sed tandem se animaduertere omnia fumum esse, & umbram & nomen inane.

Hoc difficillimè sibi potuisset persuadere, cum inciperet edere libros. quantopere enim gaudet scriptores librorum quando vident suos fœtus distrahi. si secus res cadat, quam tristes sunt, mœroriq. indulgent. Marcus profectò Imperator in libris de vita sua multus in eo est, ut contemptum gloriæ animis mortalium inserat. Talia tamen facilius est approbare loquendo, quam sentiendo; nescio enim quomodo fiat ut gloria quam maximè animum, mentemq. perurat.

lib. 9.  
Ep. 12.

Sed ad Priscum reuertatur oratio. Plinius de eo sic: Fuerat alioqui mihi cum Heluidio amicitia, quanta potuerat esse cum eo, qui metu temporum nomen ingens pares virtutes secessu tegebat. quod referendum ad tempora Domitiani, sub quo videtur affectus insigni iniuria à Publicio Certo, ut apparet ex eadem epistola. hinc Plinius scripsit librum de ultione Heluidij, cuius ipse meminit in eadem Epistola, & cui non pauca addit.

Illud non omittendum, quod dixit Marcellus apud Tacitum, cum in senatu contradiceret Heluidio: Constantia fortitudine, Catonibus, & Brutis æquaretur Heluidius.



dius. *vides quid sentirent ea tempestate mortales de  
Heluidio, in quem propterea extare volo hoc epigramma:*

Heluidium niueis in cœlum gloria pennis

Tollit, & ambrosiæ non finit esse rudem.

Nam crudele odium effugiens, iramq. Neronis

Deseruit patriam, Romuleumq. larem.

At quando audiuit dirum perijsse Tyrannum,

Se Romæ incolumem, restituitq. suis.

Plurimaq. expedit sancti pars magna senatus

Quæ Tacitus memorat, grataq. fama canit.

Vsq. adeò à primis refert sectarier annis

Virtutisq. tholos, fidereosq. sophos.

De Vespasiano colloquente cum Apollonio  
Tyanæo Alexandriæ. Cap. LXXVI.

**D**E Vespasiano sic loquitur Philostratus, ut dicat cum  
esset Alexandriæ congressum fuisse cum Apollonio, &  
lubenter audiuisse hominem varijs de rebus differentem,  
multaq. didicisse ad imperium facientia.

Nescio autem an verisimile sit Dionem, & Euphratem  
celebres philosophos inuidia flagrâsse aduersus Apollonium,  
& coram Imperatore disputasse de veteri libertate resti-  
tuenda vel non. An enim credibile est prudentissimum,  
cautissimumq. Principem voluisse dare operam talibus ser-  
monibus, cum adhuc cum multiplici colluctaretur difficul-  
tate, neq. exploratum haberet, an esset obtenturus impe-  
rium?

Nescio etiam an Apollonius voluerit eam tueri senten-  
tiam,



tiam, ut negaret esse restituendam veterem Reipublicæ formam, solent namq. favere libertati philosophi.

Mirum autem est, à Tacito mentionem factam non fuisse Apollonij, qui si credimus Philostrato totius mundi oculos in se conuerterat, cum tamen alia enarret, quæ contigerunt, cum Vespasianus Alexandria esset.

Monita porrò quæ ibidem narrat historicus suggesta fuisse ab Apollonio Imperatori, pulchra admodum sunt, sed forte conficta ab ipso historico.

Fac, inquit, ut tibi quoq. imperent leges. auge cultum Deorum. sic educa filios, ut mereantur tibi succedere. voluptates, quibus insanit plebs, paulatim tolle. constat autem ad frugalitatem aliquam reuocatos Romanos auctoritate, & exemplo Vespasiani.

An vero habebimus fidem Philostrato effecisse monendo Apollonium, ut plebs Alexandrina sustulerit ludos Circenses? Vix inueniet historicus, qui hoc credat. Nihil enim magis expetebant tunc homines, quam talia certamina, diuisi in factiones, quas non ipse Imperator potuisset tollere. Certè Iustinianus incidit in maximum periculum amittendi Imperij ludorum Circensium causa.

Fides ergò sit penes Philostratum, & credat qui vult consilio Apollonij desisse plebem Alexandrinam vacare Circo. Sanctissimi etiam Antistites Christiani licet subinde in eius modi ludos inueberentur, non potuerunt tamen eos prorsus abolere.



Iosephum historicum accensendum esse philo-  
sophis apud Romam. digressionem quadam  
defenditur eius historia aduersus ca-  
lumnias Saliani, & Mascardi.

## Cap. LXXVII.

**A** Vespasiano ductus est Romam Iosephus, captus in  
bello Iudaico, vixitq. in Urbe etiam sub Domitia-  
no, magni factus à Patre, ambobusq. filiis. quod verò debeat  
inter philosophos recenseri multa ostendunt. sub finem anti-  
quitatum Iudaicarum ait: promisi etiam me scripturum  
quatuor libros de Iudæorum opinionibus, de Deo,  
deq. eius essentia.

*Enarrat originem creationemq. mundi cum Mose statim  
in principio antiquitatum.*

*Philosophicum in morem multa depromit de Imperiora-  
tionis, quando mortem Machabæorum recenset.*

Ipse testatur in principio suæ vitæ se addictum fuisse  
Pharisæorum placitis, proximè ad Stoicam apud Græ-  
cos sectam accedentibus. & prius se exercuerat apud  
Essæos, qui pulcherrimè philosophabantur, & allegorias ele-  
gantes ad intelligendas Sacras litteras adferebant, de qui-  
bus tam multa Philo, à quibus etiam absq. dubio magnam  
partem suarum expositionum accepit.

Adde Iosephum duro victu esse usum, & se exercuisse in  
solitudine cum quodam Banno trium annorum spatio, do-  
mando corpus mira asperitate, quæ ad philosophiam procul-  
dubio faciunt. nam Sectarij nostri temporis, qui talia sper-



nunt, & irrident, ne pilum quodam ex philosophia censendi sunt habere.

Dices, Iosephus fuit miles. non ergo philosophus. nam quid magis repugnat philosophiae, quam mercede conducere ad occidendos homines?

Respondeo, aliud esse conducere mercede à Principe in militiam aliud arma necessaria pro patria capere, & fortiter aduersus hostes libertatis sese gerere. Iosephus in necessarium bellum tractus est, ut ipse de se scribit, hoc non euerit philosophiam. nam & Socrates militauit, & necessaria defensio iure naturae omnibus incumbit. deliri enim Anabaptistae, qui militiam prorsus damnant, non confutatione, sed risu sunt digni.

Rursus Sallianus aliquis, aut Augustinus Mascardus Sallianum secutus, dicent cum corrupisse Sacras antiquitates, & inuertisse ut adularetur Vespasiano, Tito, Domitiano; imò pleraque omnia & insigniora miracula quae extant apud Moysen aut negasse, aut interpolasse rem facturum gratiam iisdem Principibus. sic ergo indignum esse, qui philosophiae nomine commendetur, cum philosophia generosa sit, & palpum non obtrudat, sed libertate in dicendo Verotatur.

Sed non est difficile defendere Iosephum aduersus impudentiam Salliani, & Mascardi, nam quod veridicus fuerit historicus docent libri de bello Iudaico, qui repositi sunt in publica Bibliotheca Romae, quosque ne ipse quidem Sallianus, & Mascardus, ut falsos reprehendere sunt ausi.

Quod verò in antiquitatibus noluerit adulari ex eo constat, quia non apparet Principes illos valde fuisse sollicitos de



de eiusmodi opere. certe id absolutum est anno XIII. Domitiani. non ergo voluit adulari Vespasiano, & Tito, qui mortui erant: nec Domitianus ipsum impulit ad eiusmodi opus sed potius Epaphroditus, vir insignis, & omnimoda rerum cognitione instructus, cui etiam eas antiquitates dedicavit. nam in prefatione ait sibi obrepisse ignaviam, sed horzatu Epaphroditi perrexisse in texendo opere. & in fine sue vite hæc verba exarat: tibi autem Epaphrodite virorum optime toto contextu antiquitatū dedicato hic in presentiarū scribere desino. falsum igitur est in gratiam Domitiani voluisse corrumpere sacra volumina. nam ei opus non dedicavit.

Tantum abest ut Iosephus evertat miracula Moſis, ut multa alia recenseat, quæ faciunt ad ostendendam divinitatem earundem sacrarum literarum. vide narrationem eius quando agit de translatione S. litterarum sub Ptolomæo Philadelpho. vide quæ habet quando agit de Machabæis, de eversione Hierosolymorum.

Quid quod insigne testimonium perhibuit Domino nostro Iesu Christo, dum dixit eum operatum fuisse miracula. quæ narratio proculdubio non placuit Imperatoribus, præsertim Domitiano, qui S. Iohannem expulit vrbe.

Vsq. ad Salmeronem, & Saliarum non extitit, qui eiusmodi scelus impegerit Iosepho. S. Hieronymus eum recensuit inter scriptores Ecclesiasticos. auctores historiæ Ecclesiasticæ antiqui eum commendarunt. At cæperant videre Salmeron, Saliarum, Mascardus, quod cernere non potuerunt tot sapientissimi viri?

Photius, qui acerrimum agit censorem librorum, talem



accusationem omisit. imò dixit, eum in plerisq. & ferè omnibus concinere Mosi: in quibuldam esse diversum. hoc non est dicere eum insigniora miracula à Mose narrata suppressisse, corrupisse, inuertisse.

Si adeò mendax est Iosephus, cur quæso Ruffinus presbyter eius libros in sermonem transtulit latinum? cur summus Pontifex Gelasius cum recenseret libros Apocryphos, & à quibus debemus abstinere, non numeravit Iosephi antiquitates? Cur eiusmodi liber translatus in Italicum sermonem semper palam in Italia venditus, & lectus est non prohibente, non reclamante Sancta Ecclesia Romana, quæ dat operam ne perniciosi prostent libri?

At, inquit Mascardus, Canus gravissimus Theologus ipsum quoq. accusavit. Respondeo, à Cano defendi non oppugnari Iosephum, ut quilibet potest animadvertere, qui opus Cani inspicit. nam si Mascardus legit Canum, & post lectionem ausus est dicere accusari Iosephum, mentitus est turpiter. Sed credibile est cum Mascardus scriberet de arte historica non vidisse locum Cani; abstinisset cateroqui à recensendo ipso inter eos, qui ut mendaciloquum explodunt, & conterunt Iosephum: aut saltem à confutatione rationum pro Iosepho à Cano allatarum non abstinisset, ne inutilis foret in oppugnando tanto historico, pro quo se exercuit magnus Theologus.

Ut vero magis ac magis evanescat Saliani, & Mascardi calumnia age prodeant verba Cani, quæ eiusmodi sunt lib. XI. cap. ult. Iosephi in historia fidem non Romani modò Principes, sed viri quoq. Ecclesiæ celebrârunt Egesippus bonus in primis auctor, vir probatæ fidei,



ac grauis omninò historicus Iosephum egregiè laudat quod ad historiæ auctoritatem pertinet. Hieronymus non dubitat locum illi inter Ecclesiæ scriptores dare, atq. adeò eius de rebus gestis monumenta inter Ecclesiasticas historias recensere. Eusebius Cæsariensis, Sozomenus, Nicephorus, vt alios omittam miris modis Iosephi historiam commendant. Quin & Iosephus ipse historiam suam grauib. probabilib. rationib. commendauit. Quæ non minorem faciunt fidem quam si eedem ab Hieronymo, aut alio quopiam auctore positæ fuissent.

*Et quia in quibusdam videtur aliter locutus, quam forte videatur res ipsa postulare, vt homo fuit, respondet Canus: Errores fuere ignorantis, non mendacia fallentis, & subiicit: Neq. æquum est paucis è maculis labem toti narra. ionis corpori aspergere. Hæc & plura Canus, cuius auctoritati tantum inest pondus, vt leuitatem Saliani, & Mascardi, qua vsi sunt in historico reprehendendo facile deprimat, & humi affligat.*

*Sed reget Mascardus, Canum eum reprehendisse in libro secundo Cap. XVIII, vbi agitur de sepulchris Patriarcharum. Respondeo, Canum postquam dixit sepultos esse in Sichem, subiungere: quantum verò fidei Iosepho sit in historia habendum vndecimo postea loco demonstrabimus. in quo quidem loco ea depromit, quæ superius transcripsi, quæq. legenda fuerint à Mascardo, & diligenter refellenda. nam arripere testimonium Cani vbi obijcit & non respondet, nec totam suam sententiam de operibus historicis Iosephi aperit, hoc verò est imitari Plessel*



*Mornai temeritatem, qui truncabat testimonia S. Patrum*

*Restat tamen Salius, restat Mascardus, & clamat corruptum esse locum Exod. XXII. ubi Moses dixit non esse maledicendum dijs, quod intelligendum erat de Magistratibus, non de dijs gentium. at Iosephus, ad deos gentium Mosi verba transfert imple. sic enim Mascardus: Qui*

tratt. 2.  
dell'art.  
hist. cap.  
2.

*l'empio istorico il vero sentimento della diuina legge in grazia de' gentili Imperatori corrompe, e dice. si tantopere cupiebat placere Imperatoribus Iosephus, cur quasso ad Idololatriam, & cultum deorum non migravit? Cur edito libro tantopere celebravit Machabæos, qui mortui sunt, cum nolissent parere gentilibus iubentibus, ut desererent Mosaicam legem? Cur doctissimum opus condidit pro diuina antiquitate Mosaicarum literarum aduersus Apionem, aduersusq. omnes Gentiles?*

*Nam ad locum Exodi quod attinet, etiam Philo in libro de Monarchia sic est interpretatus: exæquatis, inquit, honore, iureq. cum alijs ciuibus propter abdicatam superstitionem traditam sibi dudum à maioribus non permittit effræni linguæ petulantia conuitiari Dijs creditis falsa persuasionem aliarum gentium: ne & illæ irritatæ prorumpant in voces nefarias contra Deum optimum maximum nimirum non docti verum à falso discernere propter deprauatam institutionem, & inueteratum errorem. nesc tamen quisquam dixit Philonem Iosepho antiquiorem voluisse verba Mosi corrumpere ut gratificaretur Imperatoribus, cum tam constanter causam Iudeorum egerit coram Caio Caligula, nec eius reformidauerit iram. Credibile igitur est Iosephum talem interpre-*

tatio-



rationem accepisse à suis Magistris, & putasse, licet errando, sic posse exponi. nam Elohim frequentissime significat Deū valde autem rarò Magistratus. nec approbare se existimauit Iosephus religionem Gentilium, quando dixit Moſen vetuisse, ne quis exterarum gentium dijs maledicat. tantum est opinatus non debere, quando quis versatur inter gentes erumpere in conuitia aduersus Numina nationum, ne toti genti magnum malum attrahatur. Ceriè nec nos Christiani, quando versamur Constantinopoli aut alibi apud Turcas palam, & ubiq. asserimus esse impostorem Mahumetem. Ita tamen sentimus, & ita nos sentire sciunt Turcæ, qui propter talem sententiam nulli Christiano facessunt negotium, at si quis in vrbe aliqua Mahumetana clamaret: impostorem esse Mahumetem, præsens exitium non euaderet.

Nonne scimus nos perfidos Iudæos male sentire de nostra Religione, eos propterea non punimus, at puniremus, si quis elata voce, & clavis verbis malediceret Seruatori nostro Iesu Christo. Talia igitur effecerunt, vt opinatus fuerit absq. dubio cum suis Magistris ita explananda esse Moſis verba Iosephus.

Fateor interim, & ipse cum Interpretibus locum Moſis non de dijs gentium, sed de Principibus esse accipiendum.

At cur inseruit verba illa: Nemo peregrina Sacra deprædetur, neq. donaria alicui deo consecrata? absq. dubio eiusmodi additionem itidem à Phariseis accipit. Nam & septuaginta interpretes quadam add. derunt sacris litteris tanquam explanatores libertate quadam vsi.

Voluerunt enim significare Iudæos quando versantur inter gentes, quarum etiam imperio sunt obnoxij, non debere



bere eò prorumpere, vt frangant Idola, aliquid ex templis Nationum subripiant, ne eiusmodi factum in commodum toti cœtui Iudæorum illic degentium. quod verò Moses iussit aras Idololatrarum esse subuertendas, id referendum ad Iudæos in Palæstina dominaturos, qui ideò discesserant ex Ægypto vt ingressi terram Canaan procul ab Idolis colerent Deum. quis porrò nescit longè aliter se gerere eos qui imperium obtinent, quiq. imperio alieno sunt subiecti? Christiani sub Imperatoribus Gentilibus non frangebant Idola, non demoliebantur templa, non impediabant quemquam quominus sacrificaret dijs. at postquam Cæsares Christum cœperunt adorare, proscripta est Idololatria, euersa Idola, humi deiecta templa Deorum.

Rursus est molestus Mascardus, & ait de Iosepho narrante transitum Israelitarum per Iordanem: egli tutte le circostanze di quell'auuenimento dissimula, che possono solleuar l'animo ad ammirar la diuina potenza, ed ad effetto come naturale ascriue il fortunato passaggio. ò effrontem perfrictamq. frontem. adscribantur verba Iosephi lib. V. Cap. I. antiquit. Deus se illis transitum procuraturum promisit fluentis (Iordanis) immunitis. vt verò Sacerdotibus primis vadabile est visum quod & aqua decreuisset, & glarea non amplius vi vndarum volueretur, sed stabile solum exciperet vestigia, omnes iam intrepide vadum transibant, tale redditum cernentes quale Deus promiserat. ipsi egre ssi fluuium liberum ei, & solitum cursum reliquerunt qui confestim auctus ad pristinam aquarum molem redijt. hocne est dissimulare, & silere omnia, quæ excitare pos-



possunt mentem ad suspiciendam diuinam potentiam? hoc est tribuere naturæ transitum illum? Atqui palam ait Iosephus Deum pollicitum se imminuturum vim Iordanis. asserit imminutas undas, & vadabilem effectum fluiuium, cum non esset vadabilis, effectumq. talem, qualem fore Deus promiserat. affirmat egressis Israelitis talem redditum, qualis erat antequam Deus diceret se imminuturum eius undas. nonne clarissimè hic apparet miraculum? namq. absq. Deo si fuisset, nequaquam transissent. in eo tantum superest difficultas, dum videtur Iosephus negare exsiccatum fuisse opinariq. imminutum tantummodo. fac ergò Iosephum non satis pro dignitate rei locutum, atq. in eo deceptum, non propterea dicendus est absolutè sustulisse miraculum, & tribuisse naturæ, quod tribuendum erat Deo, cum non adeò multum videatur referre an fluiuius prorsus fuerit exsiccatus, an tantum imminutus, & quidem diuinitus pro Israelitis, cum antea tam magnus esset, vt vadari nequaquam posset: magis tamen elucet Dei potentia, si dicas prorsus exsiccatum fuisse.

Iterum Mascardus accusat Iosephum, quod peruerterit narrationem de transitu filiorum Israel per mare rubrum. Cur ita? quia nescire se ait diuinitus ne id factum, an sponte naturæ?

Differit ibi Iosephus aduersus eos, qui possent de mari cedente Israelitis dubitare, ostenditq. tale aliquid voluntate Dei euenisse Magno Alexandro. non ergò controuersiam esse mouendam Mosaica narrationi. Ergò agnoscit miraculum in profectione Alexandri, quandoquidem Deus eum deducebat ad puniendos Persas.



Addit Iosephus mirari nos non debere cessisse mare Iudæis qui valde sancti erant simplices, et ab omni prauitate remoti. forte igitur ipsam naturam voluisse eis sese morigeram præbere. quæ verba non omnino tollunt miraculum. nam mirandis motibus naturæ quandoq. Deus utitur ad opem ferendam mortalibus, quod videre est in morbis, in quibus depellendis natura mirabiles sibi quandoq. inuenit meatus, ut tradit etiam Galenus. Nonne prodigia sunt aliquatenus opus naturæ, ipsis tamen Deus utitur ad nos commonefaciendos? Theologi dicerent, & scholastici, aliquid dici supernaturale vel secundum substantiam, vel secundum modum. transitum illum saltem fuisse supernaturalem secundum modum. quando itaq. Iosephus ait, sed de his, ut cuiq. libet, ita sentiat, non permittit dubitare de mari, quod mirum in modum cesserit Iraelitis, sed fert, ut quis existimet naturam quasi consciam probitatis Iudæorum famulatam fuisse, Deumq. eiusmodi promptitudine usum ad transmittendam gentem sibi acceptam.

Atq. hæc prolata sint, dum conor insignem historicum Iosephum tueri, aduersus Sallianum, & Mascardum, impudenter calumniantes, & intemperanter abutentes lectoris patientia.

De immensa rerum cognitione, qua emicuit Romæ

Plinius, Tito Imperatori carissimus.

Cap. LXXVIII.

**P**ronunciamus vel in solo Plinio Secundo temporibus Titi Vespasiani Imperatoris potuisse florere Romæ philosopho-



lofophiam. nam vnus diuina folertia complexus eft, quæ plu-  
rimi fcriptores de rebus naturalibus in fuos comportauerant  
commentarios. Et tamen fuffurabatur tempus, quod hifto-  
riæ naturali componendæ impendebat, cum grauiffimorum  
negotiorum ferie, quam imponebat Imperatoris auctoritas,  
diftrineretur. certè ipfe præ omnibus mortalibus videtur ma-  
ximam habuiffe temporis, quod citiffimè labitur. nationem,  
quam verò carus fuit Tito Principi eruditiffimo. Præfa-  
tio profectò, qua compellat rerum terrarum Dominum, fa-  
miliaritatis plena eft. Cur ita? quia familiariter fecum lo-  
qui, & agere volebat Plinium fuum Imperator. Non enim  
mutatus fuit Titus, quando ad Imperium peruenit, nifi  
vt poffet prodeffe. difcant Principes nequaquam diminui ma-  
ieftatem amica familiaritate, quæ viris egregijs qualis Pli-  
nius fuit, impenditur. fed noftra tempeftate quia philofo-  
phia carent Proceres, cupiunt timeri, difficulterq. ad fe  
doctiffimos homines admittunt. cuius culpæ dignas fanè  
luunt pœnas, hærentes femper in luto infcitiae, & igno-  
rantiae.

De Mufonio Tufco philofopho, qui exulauit sub  
Nerone. notatur error apud Suidam.

Cap. LXXIX.

**M**ufonius fuit filius Capitonis, Tyrrenus Vulfinienfis.  
Tacitus in Annalibus vocat eum Tufci generis.  
habuit prænomen Caius, vt colligitur ex eodem Tacito, &  
Plinio libro tertio Epiftolarum. fuit equeſtris ordinis, vt  
eft apud eundem Tacitum in tertio hiftoriarum. emulatus

14, An.



est Stoicorum placita, studiumq. philosophiae, quod narratur ab illo ipso historico. magna fuit confidentia, & libertate in reprehendendo præditus, quæ res ei valde incommodauit apud Neronem. coniectos enim est in carcerem, ut est lib. 4. apud Philostratum de vita Apollonij, qui Philostratus narrat cupisse Apollonium, cum esset Romæ alloqui Musonium in carcere, sed id non impetrâsse à Musonio, quia sperabat se sic locuturum de sua innocentia, ut dimitteretur liber, scripsit ergo ad Musonium Apollonius, accepitq. responsum, pluresq. exaratae sunt Epistolæ: nunquam tamen sunt congressi, ut intelligas falsum esse, quod aliqui scripserunt Musonium fuisse discipulum Apollonij. falsum etiam est, quod legitur apud Suidam, nempe occisum fuisse iussu Neronis. At constat in exilium iussu eiusdem missum, quod refert Dio Cassius libro LXII. proiectus est in insulam Gyaram siue Gyaras, quod est apud Philostratum libro VII. deportationibus enim infamis erat parua insula, siue scopulus; hinc Iuuenalis.

Aude aliquid breuib. Gyaris, & carcere dignum  
si vis esse aliquid.

Vixit ad imperium Vespasiani, & ex exilio redijt, postquam senus Nero obiit. hæc ferè de Musonio apud scriptores leguntur, licet omitti non debeat egregius locus Taciti, in quo fit mentio Musonij in XIV. Annalium sub Neronis Imperio. Etenim quando agit de Plauti morte ait non deesse, qui ferant à socero nuntios venisse, tanquam nihil atrox immineret, doctoresq. sapientiæ Cæranum græci, Musonium Tusci generis constantiam opperientiæ mortis, pro incerta, & trepida vita suasisse. fuit hæc persuasio digna tantis philo.



philosophis. Etenim notat alibi grauissimus historicus non paucos desiderio viuendi fractos fuisse. adeò vt cum possent constanter, & more fortium virorum mori, dum sibi blandiuntur, & sperant consecuturos veniam molliter cessisse timori, & coactus occumbere absq. ullo honore perinde ac si fœminæ forent, aut homines plebeij. Non ita se gessit Cremutius Cordus sub Tiberio, qui certus mori orauit grauitè, & differuit contra crudelitatem Tiberij, & Seiani quæ oratio recitata est a Tacito, digna quæ legatur, & relegatur, vt Cremutianæ constantiæ splendor magis, ac magis elucescat.

Sed aliquid adhuc de Musonio referendum. nam Philostratus ait tanti habitum inter philosophos tempore Neronis, vt primus censeretur esse post Apollonium. Præditum fuisse corpore admodum robusto. ceteroqui enim in carcere animam exhalasset. quod vero ibidem vocatur Babylonius, id prorsus reiiciendum, cum Tacitus disertè dicat fuisse Tuscum.

Expenduntur quædam, quæ narrantur à Philostrato ad philosophiam Titi facientia. attingitur aliquid de Lepore marino, & Vesuuiano incendio.

Cap. LXXX.

**A**D Titi Caesaris philosophiam refer, quod est apud Suetonium: cognita vtriusq. genitura, imminere pericu- In Tit. cap. 9.



riculum ambobus ( duobus patritijs ) affirmavit. hinc collige Chaldaicae scientiae fuisse peritum, quam quidem scientiam quodam dialogo conatus est defendere Lucianus, cum tamen in alijs dialogis intemperanter inuehatur in philosophos friuolis motus argumentis.

Idem Titus philosophia proculdubio impellente, postquam adeptus est principatum, nullam caedem fecit, & caste vixit, qua de re legendi Dio, & Suetonius. nam quid magis repugnat philosophiae, quam sanguinem fundere? Certè eist sciret sibi insidias parari à fratre, nunquam potuit adduci, ut eum interficeret, quod exemplum sane memorabile Ludouicus XIII. Francorum Rex hoc tempore imitatur, qui toties fratri noua molienti ignouit.

Castitas quoq. decet philosophum, & Titus Berenicem, quam tantopere amabat, factus Imperator dimisit ex urbe. sic Iulianus post obitum uxoris, ut philosophia redundabat omni abstinuit Venere.

lib. 6.  
cap. 13.  
cap. 6.  
Si credimus Philostrato in vita Apollonij, Titus noluit coronari ob expugnatos Iudaeos quod eiusmodi victoria opus Dei foret iram suam contra perfidam gentem ostendentis quae tamen narratio videtur vacillare, quandoquidem teste Suetonio, triumphauit cum patre plus profecto est triumphare, quam coronari. si reuerat Titus coronari, cur voluit triumphare? sic prope innumera videntur reperiri in illa vita Apollonij fabulositati affinia. Philostratus tamen refert epistolam ea super re ab Apollonio scriptam ad Titum, additq. accersitum philosophum, Titumq. ei ostendisse Epistolam Patris qua fateretur Apollonium esse auctorem omnium bonorum, quae ipsi haberent: quod quis credat? An Apollonius

Ves-



Vespasianum fecit Imperatorem? Tult hoc credi de Apollonio Philostratus . frustra . nam id prorsus inuerisimile est, & Eusebius contra Hieroclem id mendacium arguit, propterea q. putat totam illam scriptionem nutare, & conflata ex mendacijs .

Narrat deinceps Philostratus Demetrium Cynicum philosophum à quo edoceretur Titus, traditum ab Apollonio qui quidem Demetrius tunc Romæ erat . huius quoq. narrationis fides sit penes auctorem . Certè qui de Tito scripserunt, nihil tale recensuerunt .

Illud etiam mirum est, quod ait Apollonium dixisse Tito eodem genere mortis moriturum, quo peremptus fuit Viyses . Vlissen perijisse icetum à pastinaca, cuius radius venenatus est, ut propterea eiusmodi piscis abscissa cauda vendatur . Neq. enim tota pastinaca venenata est, ut falsò putavit Rausius Textor . quin edulis est absq. nocumento, ut rectè docet Rondeletius . Tantum eius radius est venenatus, qui abscindi solet, ne obsit emptoribus pastinacæ .

Sed num à pastinaca icetus obiit Titus? Philostratus ait Domitianum usum lepore marino, ad tollendum fratrem . quod tamen non certò affirmat, nec affirmandum certò est . quandoquidem Suetonius nihil de lepore marino profert, tantum febrim memorat . Dio ait: Fama est fratrem ei mortem attulisse. cap. 10.

Quam autem venenatus sit lepus marinus, & quam graua afferat symptomata exponunt scriptores de animalibus, & Medici Aëtius, Paulus Ægineta, neq. enim credendum est tantum pulmonem ulcerari, quod visus est dicere Galenus, qua de re diligenter agit Rondeletius lib.



XVII, cap. XI,

Quæ protuli quod ad philosophiam faciant, cuius philosophiæ peramans fuit Titus, a quo etiam antequam discedam dicam extitisse sub eius imperio incēdium Vesuvinum, quod magnum fuit prodigium, & optimi Imperatoris portendit mortem, calamitatemq. publicam sub Domitiano osore philosophiæ, & philosophorum. Ne quis irrideat significatum talium prodigiorum.

Sed inquires: Arsit superioribus annis Veseus mons? quid mali consecutum? tali interrogatione me pupugit Vir ex numero procerum, cum de prodigialibus signis loquerer. subieci: Nonne calamitosa sunt bella Germaniæ, bella Insuriæ, bella exorta inter Regem Catholicum, & Christianissimum? subest Veseus imperio Hispanico. Nonne ei prodigiale fuit signum Vesuvinum incendium, amissis tot munitis urbibus, quas inter nouissima Perpinianum, deficientibus à Rege Gothalanis, & Lusitanis.

Stipes est, quisquis talia prorsus contemnit. Anno MDCXVIII. concidit mons, & obruit nobilissimum oppidum Plurium. Tunc exorta sunt turbæ in Rætia, & Valtellina, quæ turbæ quas non dederunt clades illi prouinciæ.

Duobus abhinc annis cum Magnus Dux Etruriæ ipso Paschatis die auditurus esset sacram concionem post prandium in templo primario Liburni, contremuit tota moles, & tantum non cōcidit. percussi aulici gladios eduxerunt pro salute sui Principis pugnaturi. respondi id prodigiale esse, & indicare bellum. non multis abhinc diebus pluit plumbum in mari Tyrrheno, & eius aliquot libras Liburnum tulerunt nautæ exploratissima veritate. Nonne iam

omnia



*omnia ad bellum spectant. nonne quotidie causæ diffidiorum  
crescunt, & undiq. milites conuocantur? quibus exposi-  
tis placet memoriæ laudatissimi Imperatoris Titi hoc offerre  
epigramma:*

Cur te Cœlicolæ rapiunt florentibus annis,  
O Tite? cur propero mergeris interitu?  
Si mira virtute micas, si mitis in omnes  
Cæde vacas, sôphien si colis atq. sôphos?  
Cur datur imperium Fratri, quo sæuior vllus  
Non habuit Romam, Romuleosq. viros?  
Scilicethaud facile est lubitum vulgâsse Deorum,  
Et magni abstrusum ius penetrare Iouis.

De Iulio Agricola nimis vehementer in adole-  
scentia incumben i studio philosophiæ.

Cap. LXXXI.

**I**ulio Agricola, Taciti Socero, viro fortissimo sese fere  
obuiam philosophia, heroemq. sui studiosum deducit in  
cœtum eorum, qui amârunt, e genere Romano cum essent,  
philosophari. is adolescens à matre ad excolendum studijs  
philosophicis ingenium Massiliam missus est, locum Græca  
comitate, & prouinciali parcimonia mistum, & bene con-  
positum. Memoria autem tenere se refert Tacitus gener  
Agricolæ, solitum ipsum narrare se in prima iuuenta stu-  
dium philosophiæ acrius vltra quam concessum Rom. ac Se-  
natori hauisse, ni prudentia matris incensum, ac flagran-  
tem animum coërcuisset, scilicet sublime, & erectum in-  
genium pulchritudinem, ac speciem excelsæ magnæq. gloriæ



*vehementius, quam cautè appetebat. mox mitigauit ratio,  
& ætas, retinuitq. quod est difficillimum, ex sapientia.  
modum, de qua sententia iam pridem euulgauit prælectionem  
publicè habitam in Gymnasio Pisano, cum de vita Iulij Agri-  
colæ Tacitum narrantem iuuentuti studiosæ interpretarer,  
explanarem. Nil autem vetat prælectionem augere epigram-  
mate de studijs philosophicis, deq. Virtute bellica ei usdem  
Agricolæ à me composito.*

*Massiliam properat primo sub flore iuuentæ*

*Iulius, vt redeat doctior inde domum,*

*Atq. sagax animum mergat ciuilibus vndis,*

*Noric & armigeris dicere iura viris.*

*Quam benè cesserunt, quæ fecit vota Mineræ,*

*Virtutis rectum quam bene carpsit iter.*

*Vicit enim gelidos dextro Dux Marte Britannos,*

*Atq. auxit spolijs aurea templa Iouis.*

*De Domitiano iubente exulare Roma philoso-  
phos. Cap. LXXXII.*

**E***Xulare iussit Roma philosophos Domitianus, Impera-  
tor crudelis. qua de re Gellius lib. XV. cap. XI. phi-  
losophi Domitiano imperante senatusconsulto eie-  
cti, atq. vrbe, & Italia interdicti sunt, qua tempestate  
Epictetus quoq. philosophus propter id senatuscon-  
sultum Roma decessit. vnde arripuerit occasionem talis  
senatusconsulti condendi, narrat Suetonius in Domitiano  
cap. X. damnauit Iunium Rusticum, quod Pæti Thra-  
scæ, & Eluidij Prisci laudes edidisset, appellaretq.  
eos*



eos sanctissimos viros : cuius criminis occasione philosophos omnes vrbe, Italiaq. submouit. hæc Suetonius. in Tyrannum docta Satyra inuecta est Sulpitia Romana, cum non ferre posset philosophos pulsos Roma. inter alia inquit:

Nosne iubet (Iupiter) tacitos, & iam rationis egenos  
Non aliter primo, quam cum surreximus æuo

Glandibus, & puræ rursus procumbere lymphæ.  
Tuetur autem philosophiam, quia sapientia pacis id est philosophia creuit Roma. diceret qui vellet esse molestus, sapientes quidem fuisse Romanos antiquos, sed nequaquam philosophos, aut edoctos à philosophis græcis. Certè Ennius philosophus non videtur fuisse, quo tamen ait, ut tueatur philosophos, profecisse Magistro Scipionem. eius verba sunt.

Scipio, qui Rudio creuit formante Magistro.  
Potuisset quis etiam defendere senatusconsultū exemplo prolato è temporibus Reipublicæ, quando itidem pulsi fuerunt philosophi, atq. etiam Mathematici.

De Deciano, approbante dogmata Stoicorum.  
Cap. LXXXIII.

**D**ecianum apparet emulatum fuisse dogmata Stoicorum, tempore Domitiani Imperatoris ita tamen, ut non voluerit ambitiosa morte inclarescere, & prudenter vitasse seuitiam Domitiani, ad eum sic scribit Martialis lib. I. Ep. IX.



Quod magni Thraseæ consummatioq. Catonis

Dogmata sic sequeris saluus ut esse velis

Quod fecisse velim, te Deciane facis.

*Mox subiicit:*

Nolo virum facili redimit qui sanguine fama m.

Hunc volo laudari qui sine morte potest.

*Errant, qui putant Decianum improbasse exitum Thraseæ, & Catonis, etsi laudaret dogmata. nec enim verisimile est tantos viros, qui tanti fiebant à Deciano vituperatos. sed sensisse posse aliquem etiã sub sauo Principe sic se gerere, ne cogatur arbitrium mortis accipere, in quam rem planè audiendus est Tacitus in Agricola: non contumacia neq. inani iactatione libertatis, famam, fatunq. prouocabat. sciant quibus moris illicita mirari, posse etiam sub malis principibus magnos viros esse. quibus verbis Thraseam nequaquam perstringit, quem ipsam virtutem appellauit XIV. annal.*

*Laudat tamen Agricolam, qui cum magnus vir esset, potuit sub Domitiano viuere. sic ferè Decianus Stoicus commendatur à Martiali, quod sciret tempora, & nosset obliquare sinus nisi namq. cautus fuisset, exulasset, aut interemptus o. cubasset, quod contigit tot philosophis, qui in exilium abiure. Rusticus autem est occisus, quod laudasset Thraseam.*

*Ramir. de Prado promit quædam ex scriptoribus, ut ostendat nefas esse sibi violentas inferre manus, cum nihil eiusmodi dicat Martialis. tantum probat quod Decianus sub sauo Principe sciat vitare causam moriendi.*

*Interim fateamur secundum religionis nostræ sanctitatem*



*tem non licere vlla de causa sauos incurrere in enses.*

De Traiani affectu erga philosophiam, de Dion  
ne philosopho ab eodem valde amato.

Cap. LXXXV.

**G**Ratissima vice, philosophia, quæ pressa iacebat sub  
Calui Neronis imperio, ad fulgorem reuersa est, pri-  
stinumq. recepit decus imperante Traiano, qui publica Se-  
natus Romani voce, optimus appellatus fuit. Licuit scilicet  
exalibus repetere urbem, honestissimoq. ocio frui. Ait ergò  
Iuuenalis sat. VII.

Et spes, & ratio studiorum in Cæsare tantum.

Quamuis enim videatur tantum loqui de studio poëtices,  
id tamen etiam imò præcipuè ad philosophiam est transferen-  
dum. id suadent verba Plinij in Paneg: quam dignitatem  
sapientiæ doctoribus habes? vt sub te spiritum, & san-  
guinem, & patriam receperint studia, quæ priorum  
temporum immanitas exilijs puniebat, cum sibi vi-  
tiorum omnium conscius princeps, inimicas vitij ar-  
tes non odio magis, quam reuerentia relegaret. At  
tu easdem artes in complexu, oculis, auribus habes.  
Vnde colligere est errare veterem scholiastem qui satyram  
VII. putat à Iuuenali ad Domitianum exaratam fuisse. Com-  
probatur autem beneuolentia Traiani erga philosophos,  
exijs, quæ profert ipse apud Iulianum Imperatorem in Cæsa-  
ribus, vbi alloquens Deos ait: Reueritus sum vestram  
progeniem philosophiam, adde valde ab ipso amatum  
Dionem, de quo hæc Suidas: Dion Pasicratis filius, Pru-  
faen-



saensis sophista, & philosophus, quem Chrysostomum  
 appellarunt magnificentiam ita affectabat ut etiam  
 leonina pelle indutus prodiret corpore tenui, & maxi-  
 mam ætatis partem exegit apud Traianum Cæsarem  
 ut etiam curru Imperatorio veheretur. *Quin non deest*  
*qui asserat etiam Neruæ Cocceio fuisse familiarissimum, &*  
*propterea à Plinio lib. X. Epist. Cocceianum fuisse appella-*  
*tum. nec silent alij eum nobilissimorum Romanorum amici-*  
*tias studiosè coluisse, præsidibusq. atq. proconsulibus vehe-*  
*menter fuisse acceptum, incidit tamen in odium Domitiani,*  
*quod admiratione caret. vixit igitur exul, quamdiù regne-*  
*uit Domitianus. sub Nerua non solum redijt in patriam, sed*  
*& Romam ad Neruam se contulit, ut pro patria orationem*  
*haberet. sed Nerua mortuo id, quod cupiebat impetrauit à*  
*Traiano. Prorsus autem digna sunt lectione, quæ summus*  
*uir Synesius de Dione exarauit.*

*Traianus ergò inter Principes de philosophia benemeri-*  
*tos recensetur talesq. de ipso promantur versus :*

Vlpus aspexit sophien, miserasq. Camenas,  
 Largitusq. tibi est aurea dona Dio.  
 Socratis asseruit cœtum, mystasq. Lycei.  
 Et quos Zenonis porticus vsq. docet.  
 Quid mirum tali si Principe floruit orbis?  
 Et viridis cinxit frondis honore comas?



*Tacitum inter Philosophos posse recenseri, eum  
tanquam Gentilem differuisse, & fuisse  
in communi errore Gentilium. attin-  
gitur censura Famiani Strada.*

*Cap. LXXXV.*

**A**N Tacitum taceam, an Cornelî scripta silendo  
Transmittam, & famæ vertice deijciam,  
Dum Sophiæ memoro mystas, quos prisca tulerunt  
Tempora, Romuleis nobilitata focus?  
Non sinat hoc magni cerebro Iouis edita virgo,  
Non Genius, libros qui perijsse vetat,  
Teq. iubet furuis, Famiane, inuoluier umbris,  
Cum tanti nequeas lumina ferre viri.

*Si quis obstrepat, eatq. inficias debere recenseri Tacitum,  
de philosophia apud urbem Romam quando agitur, quo d  
fuerit orator, caussisq. defenderit in foro, & Galliam  
Belgicam pro Cæsare rexerit scripseritq. historias, conten-  
dam ego inter philosophos quoq. par esse ut Tacito detur lo-  
cus. nam de sedibus Germanorum, deq. situ Germaniæ tan-  
quam Geographus egit accurate, philosophicam autem esse  
materiam Geographiam satis superq. ostendit Strabo sta-  
tim in principio sui operis. qui namq. primi Geogra-  
phiam attingere ausi sunt, philosophi ij fuere Home-  
rum dico, Anaximandrum Milesum, eiusq. ciuem  
Hecataeum, Democritum, Eudoxum Dicæarchum,  
Ephorum, & ætate posteriores Eratosthenem, Poly-  
bium*



bium, Posidonium.

*In VI. Annalium grauitèr disputat de hac quæstione: Casuine obnoxia sint res hominum, an à fato regantur? in qua ostendit se philosophiam hausisse.*

*Historici qui non rem simpliciter, sed addito subinde iudicio, aspersisq. ciuilibus præceptis narrant, philosophorum in censu iuremerito collocantur. Tacitus autem tantum acumen, tantamq. attulit ad eiusmodi tractationem solertiam, ut nemini euaserit secundus, certe quando de aulicæ vitæ arcanis cum fructu indagandis agitur, neminem non post se reliquit.*

*Facile autem est occurrere ijs, quæ in aduersam partem proferuntur. Etenim, & Cicero orauit in foro, & tamen tot, de philosophia composuit libros, alijq. magni viri non solum provincias rexerunt, sed & exercitibus præfuerunt non expertes philosophiæ, quod verum esse hic ipse liber multis ostendit in locis. nam historias scribere, quæ nomen perfectarum mereantur historiæ, philosophi profecto est, qui saltem magnam habeat rerum ciuiliu cognitionem.*

*Deinceps scire cupies, cui sectæ potissimum Tacitus suum dederit nomen? & dices, Epicuræ, nam in VI. Annal. probare conatur omnia esse obnoxia casui, & fortuito res humanas euenire, Multis scilicet insitam opinionem, non initia nostri, non finem, non deniq. homines dijs curæ. hæc Democritea, & ex medio Epicuri horto petita quis neget?*

*In primo historiæ ait, securitatem nostram non esse dijs curæ. hoc itidem impietatem præfert Epicuræam.*

*Putotamen Stoicis valde fauisse Tacitum, quod toties*  
tam



tam honorificè memoret viros Stoicos, & summopere commendet Thraseam Patum, Heluidium, Senecam, aliosq. nec taceat Demetrium Cynicum.

In VI. Annal. tuetur fatum, ita tamen ut non evertat arbitrij humani libertatem, subiungitq. verba prorsus Stoica de beatitudine: neq. mala vel bona, quæ vulgus putet: multos qui conflictari aduersis videantur, beatos, ac plerosq. quamquam magnas per opes misererrimos. quæ merum sapiunt Stoicismum.

In eodem autem libro conatur depellere vanitatem ab Astrologia, siue Chaldaeorum disciplina, ita tamen ut existimet errores professorum non debere ipsi arti tribui.

In vita Agricola præfert Stoicam sapientiam, dum ait: si ut sapientibus placet, non cum corpore extinguuntur magnæ animæ. particula si non ambigit, sed asserit, ut apud Virgilium:

Vestro si munere tellus.

Ergò credita est immortalitas animorum Tacito, sed animorum magnorum, non quorumvis prorsus cum Stoicis, ut in opere de animarum transmigratione uberius exposui.

Quæ autem apud ipsum præferunt Epicureum dogma non ex propria sententia, sed obijciendo proferuntur, ut mox refellantur. nam refert quosdam pro casu sic certare, ut dicant, creberrima & tristia in bonos, læta apud deteriores esse. quæ tamen postea confutat. quæ melius confutasset, si dixisset aliquid de vita beata post hanc, deq. supplicijs malorum. neq. enim rectè soluitur eius modi obiectio nisi affirmemus animas postquam solutæ fuerint à cor-



poribus permanere, & plecti propter vitia, præ ijs affici propter virtutes. qua de re gravissimè, & prorsus sapienter dixerit Plutarchus in libro de Sera Numinis vindicta, sine quo quidem libro nolim esse Procures, & Principes, ut intelligent, cur Deus scelera plectat etiam in posteris, & cur pro patribus sæpe vapulent filij.

Sed erit qui dicat Tacitum Pyrrhonis in modum dubitasse, & suspendisse mentem ab assensu, cum in VI. An. scribat mihi in incerto iudiciū est. addita ratione quippe sapientissimos veterum diuersos reperies. quæ absq. dubio petita sunt ab Arcesila, & Carneade.

Apparet tamen non hæsisse Tacitum in eiusmodi ambiguitate sed obiecisse, ut postea suam exponeret sententiam. Sic & Claudianus in carmine illo, cuius initium:

Sæpe mihi dubiam traxit sententia mentem,  
ait parum abfuisse, quin in barathrum Epicureæ impietatis  
incideret, sed viso supplicio Ruffini à se deos absolutos.

Verum enim verò quid dicemus de verbis illis Taciti I. Histor. non esse curæ dijs securitatem nostram? Respondendum est non Epicureo more locutum, quandoquidem addit: esse ultionem. si dijs est curæ ultio, certè curam gerunt rerum humanarum. Conquestus autem est more Gentilium de dei providentia, & erupit in verba, qualia extant etiam apud Lucanum:

Felix Roma quidem ciuesq. habitura superbos,  
Si libertatis superis tam cura placeret,  
Quam vindicta placet.

Sic apud Statium Lycurgus Rex & sacerdos deflens mortem Archemori Iouem appellat perfidum. Rursus Lucanus  
alicubi



alicubi ait, nos mentiri, dum dicimus regnare Iouem, & Staius conqueritur de Ioue, qui passus sit se vinci, cum recitaret in Capitolio Thebaidem. quid memorem Ovidium, qui ait: sollicitor nullos esse putare Deos.

Apud Homerum Achilles inuehitur in Martem. hac & similia si sua iussisset obuersari memoria Famianus Strada non sumpsisset sibi solum conterendum Tacitum, prætermis-  
sis alijs Gentilibus, prætermisso Lucano, qui talem quere-  
lam ante Tacitum condiderat aduersus Deos quin misera-  
tus fuisset Taciti conditionem tanquam hominis Gentilis  
ipsi communem cum hominibus illius seculi. Non verò in-  
de architectatus fuisset argumentum, ad detrahendam fi-  
dem Annalibus, & historijs Taciti. exclamat tamen Fa-  
mianus: Operueram hominis interpretationem: adeo  
ne impiè quisquam indoctus sit, vt cum seculum  
suum vitiorum feracissimum fateatur indignetur ni-  
hil ominus, si supplicijs hoc est peccatorum pœnis il-  
lud afflicti sentiat. non dolet Tacitus, nec queritur  
quod scelera puniantur, vt tu illi imponis per calumniam.  
sed dolet non æqua lance à dijs distribui præmia ac pœnas,  
quia dixerat bona exempla prodita fuisse ab illo seculo,  
comitatus profugos liberos matres, & quæ alia ibidem  
sequuntur. hinc ratio cinatur Tacitus: si supplicia inferun-  
tur sceleribus. cur desunt præmia virtutibus? Nos Christia-  
ni illustrati vero lumine religionis admiramur abyssum iu-  
diciorum Dei, & scimus superesse aliam vitam post hanc.  
Non omnia hæc scelera plecti, & virtutibus sæpe reserua-  
ri præmia in cœlo, quod nos S. Lucas cap. XVI exemplo men-  
dici Lazari, & diuitis Epulonis docere voluit; Abraham



namq. ait diuiti: Recepisti bona in vita tua. eiusmodi lux si affulisset Lucano, si Tacito, si Statio, si alijs Gentilibus non erupissent in verba impatientiae, imò impietatis non expertia aduersus Numen. Tu autem Famiane intemperanter te geris aduersus vnum Tacitum, & ridiculum in modum conquereris, quod scripta Taciti obesse queant religioni. At nullus non scriptor Gentilis incommodare potest inspice Homerum, Ciceronem, Senecam, Virgilium, Plutarchum, Luuium, & quemcumq. alium, ipsum Platonem, & Aristotelem. Certè nisi quis cautè talia opera legat, sentiet ipse suae pietati, suae Religioni, quam Christus seruator noster docuit diuinitus, damnum, incommodumq. obrepere.

P. 30.

Nec mirabitur Strada hac à me prolata, ne conteratur Tacitus, cum fateatur ipse etiam pro Tacito oblectatum familiarem suum, quem rerum Ciuium non inficetum aestimatorem appellat.

Adde me non vno loco in hoc opere ostendisse, non minus Epicuream, quam aliam quamcumq. sectam potuisse Romae suscipi, & palam defendi, & porrò ad discipulos propagari, quod colligi etiam potest ex autione vitarum apud Lucianum, & ex eiusdem Hermotimo, siue de sectis. Epicurea autem stultitia tota prouidentia spoliabat deos, omnēq. Numini auferebat curam rerum humanarum, inq. tali opinione absq. dubio apud Urbem Romam multi versabantur. quo more si se voluisset gerere Tacitus, more suorum temporum vsus fuisset, & tamen tam grauitè, tamq. sapienter in VI. Annal. Dei prouidentiam tuetur tamquam Stoicus aduersus Epicureos, ut magnam illi iniuriam faciat, quis-



quisquis accuratam disputationem metitur rex pauculis verbis, & non potius, quæ velut in transitu, aut saltem non philosophica dissertatione dicta exigit ad VI. Anal.

Dum autem asserit dijs esse curæ vltiorem, non esse securitatem, non est totus Epicureus, sed aduersus Epicurum intentat metum sceleratis hominibus. docet namq. vindices esse Deos & plectere scelestos, vt qui non ducitur virtutis amore, saltem formidine pœnæ deterreatur à male agendo. Cuius opinionis exemplum videtur præbuisse ille, qui dixit: primus in orbe deos fecit timor. qui profectò non accusauit crudelitatis Deos, nam crudelis dicitur, qui præter modum, præterq. leges parua delicta grauissimis pœnis plectitur, aut etiam supplicijs afficit innocentes, & tamen audet dicere Favianus tribui dijs à Tacito crudelitatem, cum tantum dixerit, Deos plectere scelera.

An crudelis dici debet Magistratus, qui fontes iuxta leges iubet luere pœnas? Nequaquam. id pronunciauit Tacitus de dijs, atq. adeò saltem partem diuinæ prouidentiae contra Epicuream impietatem defendit, quæ defensio tantum abest, vt obfit religioni, vt magnopere conducat: cum maior hominum pars, & præsertim plebs timore ducatur non generoso Amore.



Qatenus Tertullianus appellauerit Tacitum, loquacissimum mendaciorum? an ut adulator sit reprehendendus idem Tacitus?

Cap. LXXXVI.

**P**erstat in accusando Tacito Famianus, & ait ipsum loquacissimum mendaciorum appellatum fuisse à Tertulliano. sequitur vestigia Famiani Mascardus, & ut robur addat Tertulliano eum vocat hominem grauissimum.

Dico ego Famianum, & Mascardum insigniter abuti verbis Tertulliani ad tollendam auctoritatem Taciti in historia, quia quod Tertullianus protulit de Tacito propter ea, quæ narrantur ab ipso de origine Iudæorum, hoc perinde accipit Famianus, ac si depromptum fuisset de omnibus narrationibus Taciti. quod verba Tertulliani debeant restringi ad narrationem de origine Iudæorum, quæ continentur in V. histor. in principio, ipse locus apud Tertullianum in Apologetico inspectus, indicat. Curtius igitur Pichena, vir grauissimus in Epistola ad Cosmum Etruriæ Magnum Ducem, cum in cæteris mirificè commendet historiam Taciti, culpatur eum quando agit de Origine Iudæorum. sic enim scribit: hoc vnum in summis Taciti laudibus excipiendum fuit. ubi etiam fatetur Tacitum communi culpa cum reliquis Gentilibus, Iustino, Plutarcho, alijsq. peccasse.

Quod si verba Tertulliani vniuersim accipienda essent, Iustinus, Plutarchus, alijsq. historici loquacissimi mendaciorum dicendi forent. hinc Lipsius in notis ad V. histor.

Hoc



Hoc de capite asini magno consensu omnes veteres tradiderunt, ne tantopere noster culpetur. Et sanè Strabo, Plutarchus, Democritus apud Suidam multo maiora deliria delirant contra gentem, & libros sacros.

*Quod si loquacissimus mendaciorum dicendus est Tacitus te quidem sic accipiente verba Tertulliani, cur cum hactenus tot viri egregij sudare iusserint suam diligentiam in illustrando Tacito, non inducant cumulum mendaciorum, ut studiosa iuuentus ab ijs posset abstinere? Cur tu tali non es functus opera? cur narrationes eius non contulisti cum Suetonio, alijsq. & significasti, quibus in rebus ipse mentitus tam frequenter scilicet fuerit? Ego quidem, ut verum fatear, cum publicè in scholis utrumq. Tacitum nempe & Suetonium exposuerim, & similia loca undiq. conquisiuerim ex alijs scriptoribus, non potui deprehendere ingentem illum aceruum mendaciorum, quem tu in tanto historico reperiri adolescentibus vis persuadere.*

*Sed urget Tacitum Mascardus, dum vocat Tertullianum grauíssimum hominem. Nos non renuimus habere fidem Tertulliano reprehendenti Tacitum in narratione de de origine Iudeorum. Sed id negamus debere transferri ad vniuersæ historiæ corpus.*

*Quod verò Tertullianus grauíssimus vocatur, id nescio quam grauíter proferatur. nam transfuga discessit ab Ecclesia Catholica ad furorem Montani, & Priscillæ, quo quid leuius fieri potest? recensetur ipse inter Sectarios. non ergò grauíssimus. S. Hieronymus renuit ipsum hominem Ecclesiæ appellare. extant duo libri, quibus Catholicos Tertullianus*



tota contentione oppugnat, ubi etiam gloriatur se discessisse à Catholicis, quos contumelioso nomine Psychicos nuncupat. hocne est grauiissimi hominis munere fungi? adde plerosq. libros, quos hodie legimus aut scriptos, aut saltem ab ipso recensitos postquam deseruit Catholicos, hoc colligo ex eo, quia in plerisq. iacet, & commendat suum Paracletum. Neq. enim Catholicus confugisset ad enthusiasmos Montani, quos laudauit passim sub nomine Paracleti.

Addiderim Tertullianum minus honorificè locutum videri de Tacito, quia Gentiles abutebantur eius testimonio ad oppugnandam veritatem Christianam. sic multi S. Patres inuerti sunt in Platonem, in Aristotelem, in Socratem aliosq. ipse etiam Tertullianus explosit philosophos tamquam hæreticorum Patriarchas, quia tunc vigeat error Gentilium. Postquam autem euauit vetus superstitio Nationum, longè aliter etiam Christiani se ceperunt gere re circa philosophiam, & philosophos, ob utilitatem quæ potest hauriri ex eiusmodi operibus, omissis tamen erroribus, quibus fuerunt obnoxij philosophi tanquam Gentiles. Vide quam honorificè de Socrate, Platone, Anaxagora, Canio, Seneca, Serano deq. tota philosophia loquatur Boetius, heros Christianus, omniq. exceptione maior, quando librum composuit de consolatione philosophiæ.

Argutatur etiam Famianus Tacitum adulatum fuisse Imperatoribus, à quibus beneficijs fuerat affectus. hoc si verum est, non ergo adulatus est Galbæ, Othoni, Vitellio, quos non cognouit nec beneficio, nec iniuria.

Nec sequitur aliquem historicum esse adulatorem, quia  
scribit



*scribit de Principe, à quo beneficijs affectus est; oportet-  
ret ceteroqui etiam Famianum adulatum fuisse Farnesianæ  
Domui, quia Societas Iesu, cuius membrum est Famianus,  
ingentibus est cumulata beneficijs à Farnesiana beneficentia.  
Nec credendum foret Polybio narranti res gestas Scipionis  
Africani, quia comes erat tanti Ducis, eiq. carissimus. tol-  
leretur fides T. Liuij, quia narrat res gestas populi Romani,  
cui ipse absq. dubio plurimum debebat. mendax esset dicen-  
dus Catherinus Dauila, dum bella ciuilia Gallorum refert;  
nam valde fuit obstrictus Reginae Catherinae, & Henrico  
III. Quid referam Pompeium Iustinianum, Bernardinum  
Mendozam, Cominæum, Bembum, Guicciardinum, Am-  
miratum, Polydorum Vergilium, Bonfinium aliosq.?*

*Quod autem beneficijs non se passus fuerit transuersum  
agi Tacitus ex eo quoq. discere est, quia in primo histor. ait  
suam dignitatem à Domitiano longius prouectam. &  
tamen in eum ut subdolum, crudelem malumq. Principem  
iure merito inuehitur sub finem Iulij Agricola. Non igitur  
verisimile est quod voluerit adulari Vespasiano, & Tito.  
Nam quis infitias eat egregios Principes fuisse Vespasianum  
& Titum? legatur saltem Suetonius.*

*Dicet Famianus adulatum Tacitum Vespasiano, quando  
narravit factum de claudio, & cæco accedentibus Alexan-  
dria ad Imperatorem.*

*Sed cum narrationem texeret Tacitus iam mortuus erat  
Vespasianus, ut colligere est ex I. histor. nam inquit: quod  
si vita suppeditet principatû diui Neruæ, & imperium  
Traiani senectuti seposui. Ergo de Vespasiano scripsit sub  
Traiano. An Famiane quisquam adulatur mortuis?*



*Ad factum claudi, & cæci quod attinet idem refertur à Suetonio, qui prorsus non cognovit Vespasianum, quandoquidem floruit sub Hadriano. Veridicum autem esse Suetonium ipse fateris.*

*Dices: An igitur habes fidem Tacito? dicam ego vicissim: an fidem habes Suetonio? idem nodus, qui mihi soluendus proponitur, tibi est expediendus.*

*Malus enim uerò Dæmon illudebat cæcis mortalibus illa tempestate. hinc decepti superstitione non minus Suetonius, quam Tacitus, miraculum ausi sunt tribuere Vespasiano, cum esset impostura mali Genij, qua de re videre potes doctissimos Theologos, atq. inprimis Cardinalem Bellarminum in libro de Notis Ecclesie capite de miraculis.*

*De philosophica sententiarum gravitate, quæ reperitur apud Tacitum, qui lectorem impellit ad generosam virtutem, & auertit à vitijs.*

**Cap. LXXXVII.**

**A***Uam quisquis ingreditur, muniat animum philosophica sententiarum gravitate, quæ reperitur apud Tacitum. sic ipse non difficulter deprehendet callidissimorum hominum fraudes, ab ijsq. sibi cauebit, ipse interim candidus scelerum osor, probitate robusta succinctus veram, & non simulatam sectabitur virtutem, Principi non adlabitur, non faciet candida de nigris, non venalem habebit operam, non blanditijs, non laudatiunculis obrepere conabitur alienæ beneuolentiæ, sed generosus, & magnanimus scelera clare detestabitur, sapientum amicitiam sectabitur, à*



vasfris autem homuncionibus, qui specie sapientia potentiam exercent, sic abhorrebit animo, ut interim cautus eorum apertum odium vitet, atq. declinet.

Inueniri autem in Tacito philosophicam sententiarum gravitatem etsi per se notum sit, tamen quia infelix nostrorum temporum conditio fert, ut pauci se exerceant in legendo tanto scriptore, lubet quasdam hic recensere, quarereq. ex patre Famiano: Antalia dicta sapiant adulatoriam molitiam, an praeferant Epicuream impietatem? imò fatebitur quisq. ipsa quouis Socrate, quouis Platone, quouis Seneca esse dignissima, hominesq. à sceleribus valde detertere, & Dei providentiam egregie adstruere, minimeq. palpum Regibus obtrudere.

XIV. Annal. à Nerone perfecto demum scelere (in occidenda matre) magnitudo eius intellecta est. Cur ita? quia mens sibi male conscia statim velut occultus tortor incipit scelestum hominem vexare, laniare, ut vultur ille Titium, cuius iecur intimum à rostro avidæ avis pererratur. Accedunt furiae, quæ cogunt reum patrati criminis insomnes ducere noctes. sunt furiae mali Demones, quibus Deus impios mortales tradit vexandos. Sic de Nerone loquitur Tacitus ibidem: reliquo noctis, modò per silentium defixus, sæpius pauore exurgens, & mentis inops lucem opperiebatur, tanquam exitium allaturam. Ne Christianus quidem scriptor potuisset melius describere statum Neronis dantis poenas ob occisam Matrem, & sentientis se perire antequam periret.

VI. Annal. postquam recitavit initium literarum Tiberij ad Senatum, quibus testabatur se quotidie perire, seq.



nescire quid scriberet, adait: Adeò facinora, atq. flagitia sua ipsi quoq. in supplicium verterant. Non tacet ex sententia philosophi præstantissimi: si recludantur tyrannorum mentes posse aspici laniatus, & ictus. non omnia transcribo. quæ projecto Stoicorum robur, Stoicam claritatem aduersus malos Principes, perditissimosq. Proceres præferunt, ut propterea Iouem rogauerit Persius, ne alia ratione puniat Tyrannos, quam efficiendo, ut Virtutem videant, intabescantq. relicta.

Idem Tacitus statim in principio eiusdem VI Ann. narrat, cur saxa & solitudinem maris repeteret Tiberius pudore scelerum, & libidinum. quam bene Seruator noster: qui malè agit odit lucem, ne detegantur opera eius.

In primo Historiar. Galba ait Pisonem imperaturum hominibus, qui nec totam seruitutem, nec totam libertatem pati possunt. quibus verbis, & damnat absolutam in Principe potestatem, nec approbat effranem plebis, & populi licentiam. ostendit optimum Reipublicæ genus esse id quod miscetur ex Monarchia, Aristocratia, & Democratia. quam mixturam alibi quoq. Tacitus non obscure cuius regimini præfert, secutus grauissimum scriptorem Polybium. At nostra tempestate scriptores ut adulentur Regibus absolutam potentiam euehant, commendant. quod tamen nec Regibus ipsis, nec subiectis populis conducibile esse res ipsa semper clamauit. Nonne qui male imperarunt apud Romanos, absolutam potestatem conculcatis legibus arripuerunt, ut pro lubitu iuberent quod visum fuisset? lege vitam Tiberij, Caij Caligulae, Neronis, & perpende quem etiam finem



nem sortiti fuerint, saltem Caligula, & Nero. Boni autem Principes non indigent absoluta potestate, nam legum obseruantissimi nullos experiuntur sibi repugnantes, cum imperent animis amati, non terribiles. vide qualis fuerit Titus, qualis Nerua, Traianus, Antoninus Pius, Marcus philosophus, quam familiariter se gesserint erga alios, nec tamen contempti sunt. Nonne Traianus cum traderet gladium præfecto Prætorio dixit: *utere pro me si meruero, aut etiam contra me, si itidem meruero.* Norat optimus Princeps se non recessurum à tramite Romani moris.

Sub finem vitæ Iulij Agricolaë sic loquitur historicus: Si quis piorum manibus locus placidè quiescas, nosq. domum tuam ad contemplationem virtutum tuarum voces. particula si non videtur ambigere, sed affirmare: putauit igitur Tacitus superesse animas postquam solutæ fuerint à corporibus. putauit par esse, ut contemplemur virtutes eorum, qui cum viuerent præclare se gesserunt.

XI. Annal. Lepida suadebat filiæ Messalinæ, ne opperiretur interfectorem, turpe namq. tunc censebatur opperiri eum à quo quis iussu Principis occideretur, suadebat quandoquidem vita transisset, morti decus quærere, sed frustra fuere verba, quia animo per libidines corrupto nihil honestum inerat. excluditur omne decus, omnis honestas à pectore eius, qui se sædis obnoxium reddidit libidinibus. ipsæ enim sic emolliunt, sic deuinciunt animum, ut auelli non possit à corpore, ne voluptate desinat frui, sed qui duram, generosamq. sectantur virtutem, ipsi etiam possunt discedere à vita non absq. decore, quod videre est in sanctissimis nostris Martyribus.



*Erigit ingenia excelsa, & liberalia Tacitus ad colendum bonum Principem, non contumaciam instillat animis, non odium Principatus, quod facit etiam Lucanus, quem frustra aliqui ut contumacem, & refractarium accusant. de testabatur ipse scelera Neronis, & miserabatur statum gementium civium sub crudeli Tyranno, dolebat amissam libertatem, nec tamen Principatum absolute damnabat. quod dicendum quoq. de Tacito, qui fatetur posse egregios viros etiam sub malis Principibus esse saluos, si adsit modestia. Entibi verba eius in vita Iul. Agric. sciant quibus moris illicita mirari, posse etiam sub malis Principibus magnos viros esse.*

*Quod non displicuerit Principatus Tacito discere est ex laudibus, quibus cumulat Traianum. I. hist. sic loquitur, postquam locutus est de imperio Divi Traiani: rara temporum felicitate, ubi sentire quæ velis, & quæ sentias dicere licet. concludit in vita Iul. Agric. durare in hac beatissimi seculi luce, & Principem Traianum videre.*

*Debere Principem cuncta ad famam dirigere, & prosperam sui querere memoriam insatiabiliter monet idem generosus historicus, polliceturq. fore, ut unicuique suum decus posteritas rependat. Nonne hoc est Principes, Reges, Rerum publicarum moderatores potenter inflammare ad colendam virtutem, ad regendum populos secundum leges, ad conciliandam sibi eorum quibus imperant benevolentiam, & amorem? quod si fiat, nonne erunt boni Principes, qui morigeros se præbunt sententijs Taciti? cauebunt pro se sibi diligenter ab ijs, quæ secum adferunt de decus, & igno-*



ignominiam, nec putabunt posse extingui potentia memoria-  
riam temporum, quæ superesse solet in historijs. Audia-  
mus Tacitum IV. Ann. postquam narrauit libros Cremutij  
Cordi summi viri exustos quidem palam per ædiles, man-  
sisse tamen occultatos: Quò magis socordiam eorum, ir-  
ridere libet, qui prætenti potentia credunt extingui  
posse etiam sequentis æui memoriam. Nonne hodie qua-  
lis fuerit Carolus Burgundiæ Dux, etsi tunc potentissimus  
esset, multosq. haberet adulatores, pernotum est ex Comi-  
næo? Nonne scimus quam scelestus, præueq. vaser fuerit  
Ludouicus Dux Mediolanensis, licet historicum conduxis-  
set, qui sibi falsas obtruderet laudes? nihil sanè egregium  
ab eo Principe proficisci potest, qui sollicitus non est de po-  
steritatis iudicio, publicæq. famæ longe lateq. per quam ce-  
leriter vagantis voces spernit.

Parui animi est valde anxium esse de proroganda vita,  
felicitatisq. apicem in eo ponere, ut ad decrepitam pertin-  
gas senectutem. Rebus præclare gestis constat vitæ diutur-  
nitas, non multorum annorum numero. Nam multi ad ex-  
tremam vixere ætatem, qui cum nihil laude dignum præsti-  
terint, prorsus ignorantur, & vicissimi aliqui gloriosi sunt  
hodie, & uiuentq. in memoria temporum, etsi non conse-  
nuerint, sed florenti occubuerint ætate. Quid quod ali-  
qui post decus paratum reseruati sunt ignominie, aut cala-  
mitati grauissima temporum sunt inuoluti, quos satius fuis-  
set mori, antequam talia viderent. Ita Tacitus gratulatur  
Socero, quod erepius ex hac vita non interfuerit crudelibus  
factis Domitiani Imperatoris, dum inquit: festinatae mor-  
tis grande tulit solatium, euasisse postremum illud

tem-



tempus, quo Domitianus continuo, & velut vno ictu Rempublicam exhaustit. Nonne feliciter obiit Seruius Sulpitius summus Iurisconsultus, quod euaserit Triumviralem proscriptionem, quæ neci quoq. dedit eloquentissimum, patriæq. libertatis amantiſſimum Ciceronem?

Librum scriberem, si expēdere luberet totam latitudinem philosophicæ grauitatis, qua Tacitus fulget.

Recensentur, & explanantur quædam dicta Taciti ad intimam rerum ciuiliū cognitionem facientia. Cap. LXXXVIII.

**I**Ntima rerum ciuiliū cognitio, quam Politicē appellamus, à philosopho expectanda est. nam frustra plebeiū aulici putant sufficere experientiam. Tacitus autem liberali prorsus manu nos instruit tanquam summus politicus. ne ergo patiamur ipsum per summam iniuriam excludi ex philosophorum cœtu.

Ciuilis in IV. hist. postquam aduersus Romanos Montano memorauit ingratam militiam, immortalia tributa, virgas, secures, ut eum impellat ad res nouas, ait: Ausos aut libertas sequetur, aut victi iidem erimus. qui duro premuntur imperio eos decet, ut viros fortes, aliquid moliri & tentare, ut iugum excutiat, nam etsi voto non fuerint potiti, deteriori tamen non utentur conditione, nec enim magis poterunt premi in posterum, quam hæcenus pressi fuerint. Eiusmodi tamen verba cautè sunt accipienda, ut prorsus omnia, quæ à seditiosis, aut saltem rerum nouarum cupidis depromuntur, apud historicos. nec enim histori-



*Historicus agens personam talium hominum ex sua sententia absolutè loqui censendus est. Certè tolerabilem subiectionem satius ferre est, quam affectando libertatem, mortem, incendia, direptiones, & alia quæ comitari solent bellum, quod geritur in perduelles, sibi attrahere. quod si qui populi intolerabilem seruiant seruitutem, illis fortè recte dixeris: ausos aut libertas sequetur, aut victi iidem erunt. è numero tamen eorum, qui victi fuerint præcipui supplicijs, exilio plectentur. quam verè male censet nonnemo inter politicos, optandum Principi, ut conspirationes fiant, ex quibus ipse suum fiscum ditare possit. ò tartaream sententiam. Bonus profectò Princeps non gaudet supplicijs, imò si quando aliquis plectendus est, dolet sibi talem offerri occasionem.*

*I. histor. sic loquitur Galba: utilissimus ac breuissimus bonarum malarumq. rerum dilectus, cogitare, quid aut nolueris sub alio Principe, aut volueris. quæ verba videntur referenda ad Principatum, qui electione defertur, cum Galba adoptaret Pisonem. nam ubi Reges tradunt velut hereditatem regnum vix id dici potest, cum sæpe succedant filij adhuc iuuenes, qui nequaquam adhuc iudicium facere potuerunt de ijs, quæ quis in Principe aut nolit, aut velit. quid quod Filij Regum vix dicuntur parere, nam coluntur passim ac si ipsi etiam cum patribus imperarent. qui subsuit, & obediunt ille verè potest dicere, quid vellet in imperante. hinc fit ut vix quisquam magnis muneribus recte fungatur, nisi per inferiorum honorum gradus ad fastigium pertigerit. quod cum perpenderet Aristoteles in politicis vix voluit admittere, ut filius succedat*



patri in regno. loquitur de patre, qui fuerit dignus regno. nam rara avis est filius, qui nondum perfectum usum rerum adeptus succedens tamen patri, qui bene imperavit, & ipse bene imperet, ut pater. Cur ita? quia nescit quid vellet aut nollet in imperante. Iuuenilis quoque. aetas leui negotio princeps datur in vitia ab adulatoribus. Ita legimus valde sollicitum fuisse Marcum Imperatorem de Commodio filio. Nec Hadrianus voluit sibi Marcum adhuc iuuenem succedere, sed adoptavit patrem Marci Antoninum Pium, qui iam habebat magnum rerum civilium usum. optandum saltem in hereditarijs regnis, ut Pater diu viuat, ne filio adolescenti, & imperio artium quibus regnatur relinquat sceptrum. Apud aliquas nationes receptum scimus, ut nec hereditariam successionem respuant, nec tamen careant electione. mixtura quadam regnum temperant. nec enim bene differit qui vocat hereditarium regnum, in quo pater tradidit regnum Filio, & hic vicissim itidem Filio, annuentibus Ordinibus regni, imò filium eligentibus. ubicumque namque electio locum habet, non intelligitur ibi esse hereditaria successio proprie, & absolute sic dicta. qui enim eligit, frustra eligit, si non possit etiam reijcere, aut ante electionem eligendo aliqua pacta aliquaque leges prescribere. Quae omnia, si bene differis, nituntur verbis Taciti, quibus testatur eum posse deligere qui scit iudicare de imperante.

In libello de Moribus Germanorum sic scribit, quando agit de severitate Germanorum maritorum in puniendis vxoribus adulteris: Nec corrumpere, & corrumpi seculum vocatur. Notat eos, qui excusant vitia, quae transierunt in frequentem consuetudinem alicuius nationis. nec enim



enim consuetudo potest efficere, ut quod recte rationi repugnat, vitium non sit: Ratio enim natura hominis est, non opinio falsa, non malus mos. perstringit Tacitus Romanos suos, apud quos tunc frequentissima erant diuortia. Marti leuissimis de causis eiciebant uxores, quæ tamen mox alios viros inueniebant. imo ipsæ mulieres discedebant à viris, & alijs nubebant. quæ de re tam multa Martialis, Iuuenalis, & alij. At priusquam libertas Romana opprimeretur, vix erat audire vllum diuortium, cum primum diuortium inciderit in annum 17XX. ab VC. Tempore autem Taciti frequentiam adulteriorum, multitudinem diuortiorum non deerant qui excusarent, vocando seculum, hoc est seculi morem, quod tamen ipse ut verus philosophus reijcit, cupitq. vigere veterum Romanorum leges, quæ adulteria, quæ diuortia excludebant. Mirum autem non debet videri factam tantam immutationem ea in re, apud Romanos, quia Cæsar, & Augustus mulierum consuetudine valde delectati sunt: quorum exemplo potentiores Aulici, & proceres ipsis cari, Tribuniq. militum, alijq. Principatui velificantes aliorum uxores potuerunt impunè sectari, & impudicas tueri aduersus ipsos maritos. hinc praua consuetudo, quæ semper viguit deinceps sub Imperatoribus. Unde intelligimus leges longè accuratius solere observari sub Rebus publicis, quam Principatibus.

Otho apud Tacitum II. histor. Germanos appellat genus militum apud hostes atrocissimum. Cur atrocissimus exercitus ex militibus Germanis? assueti ipsi frigori, niuib., venationi, duro victui, soliti laudem querere ex morte hostium a teneris unguiculis. asperati regione, & cælo



non tanti faciunt vitam, quanti qui aeris blandam temperiem, terram fertilem & sponte, aut leui labore plurima producentem, qualis praesertim Asiatica, sic tenent, ut non lubenter eam relinquunt. Certè qui asperiores incolunt regionem eo ferè meliores milites, cum militia laboriosissima sit vita. Nec quibus provincia ubertate rerum felix curant mutare cœlum, incolaeq. deteriorum terrarum inuadere. sic Germani ferè transiuerunt Rhenum, vexaruntq. Galliarum melius solum. Non ita Galli tentarunt Germanos. hodie quoq. atrocissimos milites dixeris Germanos. id nos docent tot pugnae aperto in campo ambiguo Marte, in noctem usq. & quidem saepe in nuperis bellis pugnatae, quales vix alibi reperire est in historijs. nec reformidârunt hyberna frigora, quo minus expeditiones urgerent, non intermitterent munitissimarum arcium obsidiones. quæ omnia si eleganti stilo monumentis literarum traderentur, mirarentur posteri talia bella nostris temporibus gesta fuisse.

II. histor. appellat Otho Italiam, & caput rerum urbem senatumq. & populum nunquam obscura nomina, etsi aliquando obumbrentur. id nos docet historia rerum, quæ sub imperatoribus contigerunt. interfecto Casare, à quo nomen Senatus obumbratum fuerat, eluxit auctoritas Senatus, qui acta Caesaris approbavit, & ipsum diuinis affecit honoribus. nonne hoc fuit esse clarum nomen? occiso Domitiano milites dolentes interfectum Imperatorem eum dicere Diuum conati. sed Senatus seni Tyranni damnauit memoriam, ut est apud Suetonium cap. XXII. Nōne idem Senatus hostem Reipublicæ dixit Neronem, apud eundem Suetonium cap. XLIX. longum foret singula me-  
mora



morare. Sed quid tandem tam illustria nomina tenebris inuoluit? Constantinus stravit viam huic rei, quādo migravit Byzantium, nouumq. Senatum instituit, deinceps ad tuendum imperium conducti Gothi; qui infidi rem Romanam pessum dederunt. lege quæ grauissimus vir Synesius orauit apud Arcadium de regno. dolebat scilicet prudentissimus homo militares dignitates ab exteris barbarisq. occupatas:

Nisi mihi redeundum foret ad argumentum historicum de Initio, & progressu Philosophiæ apud Romanos nondum te lector ab exacta rerum civilium cognitione, quam pleno fonte propinat Tacitus, te dimitterem.

De Plutarcho, qui floruit sub Traiano. obiter, an  
Mundus secundum Platonem ab æterno fuerit  
factus, & an deceat philosophum ad  
Rempublicam accedere?

Cap. LXXXIX.

**D**E Plutarcho hæc habentur apud Suidam. Plutarchus Chæronensis Bœotius, fuit Traiani Imperatoris temporibus, & ante. Traianus autem dignitate consulari eum ornauit: edixitq. ne quisquam Illyriæ Magistratum, quicquam absq. consensu eius ageret. Certè ad philosophiæ statum apud Romanos referri Plutarchum nemo mirabitur qui cogitet, quantum philosophiæ nobis in suis opusculis propinauerit. prostant enim eius libri de placitis philosophorum, de procreatione animæ secundum Platonem, ex quo libello non possum non hic pauca adscribere, cum abhorreant à reliquorum Platoniorum sententia,



*tia, nam negant mundum quatenus ornatus est esse æternum. sic ergo Plutarchus: præstat sententiam Platonis sequi & dicere, mundum à Deo esse factum. substantiam autem, & materiam, ex qua factus est, mundus, non natam, sed semper subiectam opifici disponendam se, & ornandam, adq. ipsius similitudinem, quantum eius fieri potest, se ordinandam præbuisse. Non enim ex eo quod nihil esset extitit mundus sed ex eo, quod non pulchrè, non rectè, aut perfectè esset. Fuit nimirum antequam mundus nasceretur materies, non corporis eò, non motus, non animæ expers, sed corpore informi atq. incomposito. omnium capax illa materies magnitudinem, interuallum, spatiumq. habebat: pulchritudine, specie, formarumq. mediocritate indigebat. hæc volui proferre, quia magno consensu Platonici dicunt mundum esse factum ab æterno, neq. existimant fuisse tempus, quando mundus non esset, esset autem materies ex qua factus est mundus. nos autem Mosæicæ historiæ diuino lumine illustrati accipimus à Plutarcho mundum non esse factum ab æterno, sed ei repugnamus quando materiam semper fuisse asserit. nam secundum veritatem Christianam totus mundus etiam secundum materiam à Deo ex nihilo factus est in tempore. Nunc ad rem nostram reuertamur.*

*Quam philosophica sunt illa, quæ tradit Plutarchus non vno opere contra Stoicos, quorum scholæ videtur infensissimus fuisse. Addenda quæ scribit de facie in orbe Lunæ, de oraculorum defectu, de quæstionibus Coniualibus, Naturalibus alijsq.*



Affirmant aliqui præceptorem Traiani fuisse Plutarchum quod nescio an exploratum sit. Traianus certè non fuit eruditus, licet eruditis faueret. Crinitus profect Epistolam ex autore de Institutione Imperatoria, quam dicitur Plutarchus exarasse ad Traianum cum factus fuisset Imperator. sed qui legit eiusmodi Epistolam forte suspicabitur verisimile non esse Plutarchum voluisse sic scribere ad Traianum iam virum qui tot egregijs factis probauerat omnibus suam virtutem.

Quicquid hac de re sit non repugnat Plutarchum fuisse præceptorem Traiani, quandoquidem ipso senior fuit, ut colligitur ex Suida, ex quo etiam discimus quanti merito fecerit tantum virum, quem Consulari potestate ornatum summo cum Imperio præfecit Illyrico. in eum sic lusi extemporali conatu:

Aurea Plutarchi facundia, sic Traianum

Detinet, ut nulli gravior esse queat.

Hinc regit Illyricam tanto pro Cæsare gentem,

Iussaq. mellifluis temperat usq. modis.

Cum autem Illyrici præfecturam à Plutarcho philosopho susceptam dixerimus, querere par est, an philosophum deceat ad Rempublicam accedere de qua questione in utramq. partem multa posse proferri quis nescit? Brutus, Cassius, Cicero, Lucullus, Catones, totq. alij Reipublicæ naua uerunt operam, ut de Solone, de Zaleuco, de Pythagoræis sileam præstò sunt Imperatores Hadrianus, Antoninus Pius, Marcus. nec prætereundus Iulianus, ad quem ea de causa dedit Epistolam Themistius, ut ipsum impelleret magis ac magis ad habenas regni capeßendas. accedit exemplum Plutarchi



chi viri adeo sapientis, ne quicquam de Thrasea Peto; de Heluidio, deq. Seneca depromam. adducitur etiam à Themistio auctoritas Aristotelis, qui videtur vitam actuosam, quæ tot hominibus prodest, contemplatrici prætulisse. Politica profecto si quis inspiciat, forte ibit in sententiam Themistij in exponendo Aristotele.

In aduersam partem sese offerunt exempla Arii, Thrasylly, Nicolai, & Musonij. de Ario testatur Iulianus in eadem Epistola ad Themistium, quod præfecturam Ægypti sibi oblatam recusarit, idq. bis narrat.

Thrasyllo ciuiliū rerum tractatio nihil utilitatis attulit. Cur ergo philosophus accedat ad Rempublicam? Coactus quidem est versari in aulacum Tiberio, qui ipsum magnificiebat. At abhorrebat animus excelsus à familiaritate crudelis, & immitis Tyranni. quod magis intelligeremus, si quæ edidit extarent scripta, quibus etiam famam suam purgavit, quod discere est ex eodem Iuliano.

Nicolaum apparet aliqua administratione rerum floruisse, quam tamen ut nihili contempsit, ratus se ex libris, quos scripsit maiorem splendorem posse consequi.

Musonius forti animo tulit Tyrannicam immanitatem, longeque illustrius nomen patientia philosophica est adeptus quam si magnum gessisset imperium.

Nunc sentiat, quisq. ut vult. Ego profecto ideo lubenter quæstionem proposui, ut simul nonnulla de eximijs philosophis, qui Romæ floruerunt, & de quibus in hoc libro suo loco egimus, depromerem ex Epistola Iuliani, quæ non ita nota est, quamq. si cum ederem libellum de Iuliani philosophia habuissem, indicassem Themistium Imperatori Iuliano fuisse notum.

Plu-



Plutarchum magni fieri debere etiam in philosophia Naturali, sed secundum Platonem. Quædam figillatim ex eo depromuntur, & expenduntur.

## Cap. XC.

**V**ulgus Plutarchum magnificat de philosophia Morali quando instituitur sermo: in contemplatione autem Naturali nullam eius dignatur facere mentionem. Cur itaque quia solum nouit Aristotelem, de Platone Platonisq. non est sollicitum. Platonice autem philosophiæ si quis sit deditus magnum fructum, magnamq. voluptatem ex multis opusculis percipiet.

Sed vulgares homines duo respondent: Plutarchum fuisse gentilem, & multos errores Gentilium in eiusmodi operibus propinare: addunt longè maioris esse faciendum Aristotelem Platone, cum hodie ex scholis exulet Plato.

Gemina obiectione nullo labore diffatur. Nam si spernendus est Plutarchus, & nihili faciendus in philosophia Naturali, quia Gentilis fuit, itidem explodendus erit Aristoteles, reiiciendus Alexander, contemnendus Themistius. Nos tales scriptores æstimamus vsq. ad aras, hoc est, vsq. ad Religionem. nam sanctitas Catholice religionis scit vitabilibus libris, & cauere sibi ab erroribus Gentilium. Altera obiectione sic reiicitur. Non propterea minoris est faciendus Plato Aristotele, quia hoc tempore non explicatur in scholis omnia sunt obnoxia vicissitudini, etiam philosophia. Olim Plato à magnis viris præferebatur Aristoteli. Malo autem



orat. 5.

hac in re sentire cum veteribus, quam cum nostratibus hominibus. Nonne cum ageremus de Panetio, audimus eum præ omnibus suspexisse Platonem? Ciceronem etiam scimus prætulisse Platonem Aristoteli. Iulianus Imperator, magnus quoque philosophus sic scribit: Vniuerse Aristotelica decreta non omni ex parte absoluta esse iudico, nisi cum Platonici illa iungantur. de Isidoro magno itidem philosopho hæc habet Damascius apud ingenium Photium: de Aristotelis philosophia parum sollicitus fuit: ubi autem Platonis sententias gustauit, non iam aspicere dignatus est ulterius. Sed finem consecuturum sperauit, si in Platonis sententiarum adyta penetrare potuisset, & eo omne suum studium impetumque conuertit. Bessario vir sine controuersia doctissimus, & quidem Cardinalis pulcherrimum opus pro dignitate Platonis nobis reliquit, in quo videre quisque potest quam procul abesse putet Aristotelem à sublimi sapientia Platonis. Eousque autem progreditur Bessario, ut non ambigat dicere à diuino Areopagita S. Pauli Apostoli discipulo quædam mutuò sumpta, & in sua opera translata. Sed venio ad Plutarchi quasdam sententias in philosophia Naturali.

In opusculo de Procreatione animæ satagit liberare à quadam repugnantia Platonem, quem quidam aiebant nunc dixisse naturam natam, & non natam. illud protulisse in Timæo, hoc in Phædro. in Phædro vulgatissimum reperiri dictum, quod anima non sit genita, quia seipsam mouet: & quod non sit interitura ex eo quia non sit genita. in Timæo autem disertè videtur dicere Deum esse rerum semper-



placernarum præstantissimum, animam vero factarum optimam.

Nonne hic nodus est, quem difficile est soluere? Plutarchus sic putat se disijcere difficultatem. ortus experiem ait esse eam animam Plato quæ ante mundi ortum omnia vitiosè, & confuse mouit. rursum ortam, & natam eam, quam Deus ex hac, & stabili optimaq. illa natura prudentem, ordinatamq. confecit. Repetit Platonem ab eo longè abesse ut secum ipse palam dissentiat, de rebus maximis. Fateatur autem Plutarchus Platonem iam dixisse animam esse genitam, iam negasse, at semper docuisse ortum, & natum mundum, nunquam autem non natum, nunquam sempiternum pronunciâsse.

Qua tamen in re non concinunt multi Platonici Plutarcho. Proclus profecto octodecim argumentis conatus est secundum Platonem ostendere mundum, & genitum esse, & esse sempiternum.

Aristoteles quoq. sic videtur intellexisse Platonem, nam in libris de Cælo argumentatur aduersus Platonem, & ait: eum qui dicit mundum esse genitum, & esse sempiternum impossibilia dicere.

Quæ argumentatio consentanea est expositioni Plutarchi qui dicit secundum Platonem si mundus sit genitus non esse sempiternum, propterea repugnat plerisq. omnibus Platoniciis asserentibus secundum Platonem debere dici ab æterno mundum esse factum. En verba Plutarchi: communiter hi, & pleriq. Platonis sectatorum timentes, atq. ægrè ferentes omnia moliuntur, viq. peruertunt, putantq. tanquam flagitiosam, & infandam sententiam debere



occultari, & negari, quæ mundum, eiusq. animam non ex sempiternis constituit principiis, neq. infinito tempore talem fuisse affirmat.

*In eodem l. bello refert Heraclitum dixisse mundum hunc neq. à Deorum quocq. neq. homine ullo factum. Opifici re-  
nuit tribuere mundum Heraclitus. Ergò negat habuisse ini-  
tium? Respondendum est, putasse Heraclitum materiam  
mundi, ignem, semper fuisse, & nunquam factam. eius-  
modi autem ignem seipsum promouisse ad ornatum, & ita  
extitisse mundum. sic ipse videtur putasse mundum fortui-  
to extitisse absurda autem est sententia, quæ absq. opifice,  
& causa effetrice existimat mundum extitisse, quæ de re  
videndus Plutarchus, in principio de placitis philosophorum.*

*In libello de Fato oppugnat infinitum hoc pronunciato:  
Neq. lex, neq. oratio, neq. Diuinum quicquam infi-  
nitum esse potest. Aristoteles sumit hoc in physicis: Natura-  
lia esse infinita non posse. Cui sane effato repugnant quæ  
tradiderunt antiquiores philosophi.*

*Aliquatenus tamen esse infinitum fatum asserit ibidem  
Plutarchus his verbis: Manifestum est Fatum esse quo-  
dammodo infinitum, non esse tamen infinitum, sed  
circulus. Nullus circulus est absolute infinitus. fatum est  
circulus. Non igitur est infinitum fatum. aliquatenus ta-  
men est infinitum, quia infinities redibit idem ordo, & fient  
rerum conuersiones infinitæ, ita ut absoluta vna conuersione,  
res redeant ad initium conuersionis. vnde Plutarchus: Cum  
eadem redibit causa, ij ipsi nos eadem ista, eodemq.  
modo agemus idemq. de omnibus hominibus, & om-  
nibus alijs rebus accipe, omnia ut sunt vnica vniuersi  
con-*



conuersione ineundem statum restitutum iri. *hæc & plura ibidem. ex hac sententia, quam putat esse Platonis aliqui interpretati sunt, quod dixit Horatius ante bellum Troianum fuisse foeminam belli terribilissimam causam: & quod est apud Virgilium, quod sint futura alia bella, quod Tiphis diriget Argonautas, & magnus Achilles ad Troiam rursus mittetur. illud quoq. :*

Iam redit & virgo, redeunt Saturnia regna.

Origenes immersus studijs Platonicijs videtur impegisse ad hunc scopulum, quod ego exposui in opusculo de *Comparisonem dogmatum Origenis cum philosophia Platonica. nam talis reditus ad primum statum, quem adstruit Plutarchus ex Platone prorsus debet explodi ex scholis Christianorum, cum præsertim sciamus in Concilio sexto Generali dictum esse Anathema Origeni, eiusq. dogmatibus.*

In eodem libro Plutarchus satagit fatum conciliare cum libertate humani arbitrij. Fatum, inquit, omnia continet, neq. propterea necessario omnia euenient, sed vnumquodq. pro naturæ suæ modo. deinceps valde accurate explicat possibilia, Necessaria, contingentia. possibile quædam nunquam possunt prohiberi, ut ortus, occasusq. cælestium corporum. quædam possunt prohiberi, ut pleraq. humana. sed longum foret omnia expendere, quæ traduntur de Fato, cuius intricatissima ratio, & veteres sapientes, & recentes valde exercuit. legendus est Alexander Aphrodisiensis, quamuis Aristotelei valde pauca, & prope nulla de fato tradant. inter recentiores legendus l. Lipsius in libello de Constantia. Theologi doctissimi nostro tempore post sanctissimum doctissimumq. virum S. Augustinum



*stinum multa tradiderunt de ratione conciliandi Dei prouidentiam, Deiq. gratiam efficacem cum libertate humani arbitrij, quos inter e Dominicanis magnifici Alvarez, quem ego multis abhinc annis noui Romæ.*

*Sed iam tempus est à Plutarcho discedere, ne nimis multa, & cum tædio lectoris ex eius operibus videamur uelle congerere.*

*De Chrysippe nominis celebritate sub Traiano, & deinceps. Cap. XCI.*

**M***agna fuit Chrysippe nominis claritas Romæ per successionem temporum diuturnam. Cur ita? quia ipse in primis Stoicam sectam suis scriptis prope innumeris muniuit. Hinc Persius cum uellet in vrbe nominare insignem aliquem philosophum, Chrysippum nominauit, eiusq. Soritem commendauit.*

*Inuentus Chrysippe tui finitor acerui.*

*Et par erat in aciem educi Stoicum à Stoico. sub Traiano porro Plutarchus duobus in opusculis quam acriter est inuentus in Stoicos, atq. Chrysippum præcipuè conterere sategit. Multa namq. totidem verbis depromit ex eius scriptis ut ostendat Chrysippeas sententias non coherere. Quid referam Galenum, qui floruit sub Antonino? hominem sursum deorsum versat in doctissimo opere de Platonis, & Hippocratis decretis, citatq. non pauca ex eius operibus. Hinc, si Deus benigne annuerit, aliquando de Chrysippeis sententijs librum edam, in quo simul ostendam potuisse à Iusto Lipsio multo plura de Stoica philosophia enarrari, addo & de.*



debuisset . nam multa praterit , quæ sumere poterat à Plu-  
tarcho , à Galeno , alijsq. maioremq. Stoæ lucem scenerari .

De summo sciendi desiderio quo flagrauit Ha-  
drianus . laudatur celsissimus Princeps  
Cardinalis de RICHELEV.

Cap. XCII.

**D**E summo desiderio sciendi , deq. apice philosophico ,  
omnigenaq. rerum cognitione quando agitur omnes  
proculdubio decessores suos visus superare Hadrianus Cæ-  
sar . de quo enim legimus similia ijs , quæ de ipso prodita fue-  
runt à Dione , atq. inprimis Spartiano ? incrementum igi-  
tur magnum accepit philosophia , omnisq. disciplina Romæ ,  
& in orbe Romano , quando Hadrianus ad apicem Cæsareæ  
dignitatis peruenit .


Sed erit , qui ipsum censoria excipiat Virgula , quan-  
doquidem Principem , quem scimus sustinere gravissima  
negotia , par non est assidue versari in libris , & cum philo-  
sophis colloqui . displicuisse passim eo nomine Hadrianum con-  
stat , quandoquidem Græculus meruit appellari .

Defensio adest , de industria Imperatoris in excolendo  
ingenio quando agitur . incredibili enim fuit promptitudi-  
ne , vigoreq. tam corporis , quam animi , ut sufficeret bello ,  
paci , iuri dicendo , philosophiæ , venationi , peregrinationi  
per orbem , alijsq. quæ de re dubitare non possumus dum  
eius legimus vitam traditam ab historicis . venandi fuit cu-  
pidissimus , & tamen teste Dione , nunquam venationis cau-  
sa ea quæ ad Principatum faciunt , & spectant omisit . da-



sum quidem fuit ei vitio, quod magnum studium in inuestigatione rerum poneret, sed quid non reprehendere parata est hominum malignitas acuta? Deploranda autem est eorum Principum, & procerum infelicitas, qui cum nullam operam impendant disciplinis, & earum prorsus sint expertes, excusant sese multitudine negotiorum, ponant sibi ob oculos Hadrianum, quem tamen patior ab ipsis non exprimi totum, sed aliqua saltem parte. sed vetustas tales homines non mouet. intueantur igitur decus admirandum nostri seculi Celsissimum Principem Cardinalem de RICHELEV. quantus enim est in scientijs, & doctrinis, quantus in negotijs amplissimi Regni, in bellicis curis, quibus tamen omnibus sufficit, vt nullo clariori exemplo damnetur inscitia, & ignauia eorum qui ignari, & à doctrina remotissimi obijciunt molem negotiorum. At ipsis missis factis, veneremur epigrammate Heroem, quo saluo salua quoq. sunt doctrinarum studia.

Salue Heros RICHELEV, salue celsissime Princeps,  
 O nostræ ætatis nobile prodigium.  
 Salue doctrina illustris, sophiaq. verende,  
 Eloquio Nestor, consilijsq. Cato.  
 Salue alacer belli præses, tutelaq. iusti  
 Imperij, salue Scipio militia,  
 Et licet immenso splendesca lumine honoris,  
 Hos bonus, atq. hilaris suscipe versiculos.





Apud Hadrianum præ omnibus eminuisse Fauorinum  
philosophum. Cap. XCIII.

**D**E Phauorino loquitur Philostratus, Gellius, Dio, Spartianus in Hadriano. ubi natus? in Gallia Arelate. Gallum appellat Dio. apud Philostratum ipse id profitetur dum ait se Gallum græcificare. quem habuit præceptorem? Dionem. fuit Eunuchus, unde ipse dicebat, se Eunuchum putari mæchum. sophistam appellat Dio. nam Criticus erat, & iudicare poterat de orationibus, hinc eius sententiam de Platonis, & Lysiae orationibus refert Gellius lib. secundo cap. V. scripsisse quædam græcè tradit. idem Gellius, cum nonnulla inde deprobat de Socratis patientia, & tolerantia.

de libris  
Fauori-  
ni vide  
etiã Ga-  
lenū, &  
Laërtiū.

Innotuit Hadriano magniq. factus, eousq. progressa opi-  
nione Imperatoris, ut eum propter præstantiam tanquam  
æmulum haberet odio. hinc solebat dicere se mirari, quod  
viveret cum esset Imperatoris inimicus. statua profectò eius  
Athenis disiecta est. Dio narrat, cum Imperator omnes vel-  
let superare, conatum tollere Phauorinum, & sectatores  
eius perdere. illud est recitandum, quod est apud Spartia-  
num: Fauorinus, quidem cum verbum eius quoddam  
reprehensum fuisset, arguentibus amicis quod malè  
cederet Adriano, de verbo quod idonei auctores vlur-  
pâssent risum iucundissimum mouit. Ait enim non re-  
ctè suadetis familiares, qui non patimini me illum do-  
ctiorem omnibus credere, qui habet triginta legio-  
nes. argutè sanè. Principatum porrò inter omnes, qui phi-



*lophiæ causa familiares erant imperatori tribuit Fauorino idem Spartianus, dum ait: præ cæteris ut multi asserunt eminente Fauorino, quem Herodes Atticus patrem appellare solebat.*

*Non consuluisse suæ dignitati Hadrianum, dum voluit videri superare philosophos.*

*Cap. XCIV.*

**I***D nequaquam in Principe Hadriano laudaueris, quod volebat videri priuatos homines ac imprimis philosophos superare. Dio: multos propterea, quod in aliqua arte, aut facultate excellerent sustulit cupiens scilicet in omnibus ipse omnibus excellere. Spartianus autem hæc habet: in omnibus artibus peritissimus, tamen professores omnium artium semper ut doctior risit, contempsit, obtriuit, cum ipsis professoribus, & philosophis libris, vel carminibus sæpe certauit. hoc vero est de fastigio descendere, quando Princeps certat cum priuatis, pares enim illos facit sibi. nec gloriam reportat. cum satis constet homines non ausuros dicere Principem esse victum. Nero descendens in certamen cum citharædis, cum aurigis, & similibus expectabat sollicitus, ut secundum se pronunciaretur. ob gloriam quoque carminum odit Lucanum, quo ostendebat se vinci in scribendis versibus. nostra ætate libros de Religione in lucem emittere voluit Iacobus Magnæ Britanniæ Rex, quo consilio valde suo offecit fulgori. sed in Hadrianum ego hos versus scripsi:*

*Hadria-*



Hadrianus Imperator  
 Disputando vim sophorum  
 Vsq. pungit, vsq. vexat,  
 Vsq. ceu sophista torquet,  
 Nec filere scit, priusquam  
 Dando dextram se fatentur  
 Esse fusos, esse victos.  
 Adriane rector orbis  
 Tune ducis sic triumphum?  
 Sicne gaudes laureatus  
 Victor à sophis abire?  
 Quis precor, tibi resistat,  
 Quis tibi obstrepat loquendo  
 Ex scholastica caterua  
 Si tibi parent cohortes,  
 Mille turmæ, rot phalanges,  
 Milites in bella prompti?

De philosophis, qui alebantur Alexandria  
 quibus fauebat Hadrianus.

Cap. XCV.

**A**ffectum Hadriani erga philosophiam metire ex eo,  
 quia impensè fauebat ijs, qui alebantur in Musæo  
 Alexandria. Erant ipsi philosophi iam viri, non iuuenes,  
 quibus præerat Sacerdos à Cæsare electus. hinc Philostratus  
 in Dionysio sophista: Hadrianus Imperator Satrapam  
 siue præfectum eum constituit, & adscripsit inter  
 eos, qui in Musæo alerentur. iterum de Polemone: Ha-



Hadrianus eum allegit Musæi conuentui ad Ægyptiam mensam. *Spartianus quoq. de Musæo Alexandrino non silet, dum ait: Hadrianus Alexandriæ in Musæo multas quæstiones professoribus proposuit, aut propositas dissoluit. Itane apex Cæsareus non dubitat tanquam doctior Umbraticus inter professores sedere, & professorio fungi munere? hodie etiam ipsi Proceres longè infra Principes positi putarent aliquid suæ detrabi dignitati, si ingrederentur Gymnasium, audirentq. professorem. quod tamen supercilium ab alijs contemnitur. Nuper profectò Alexander Victorius Senator Florentinus, Magniq. Ducis Consiliarius, præstantissimus Iurisconsultus non dubitauit sua præsentia meam cohonestare prælectionem. Nempe quo quis doctior est, & sapientior, eò humaniori se gerit ratione. ignarissimus quisq. inter Proceres, superbissimus est.*

Quam comem, & assiduum in iure dicendo efficeret philosophia Hadrianum.

Cap. XCVI.

**A**ssiduitatem in iure dicendo, & peritiam legum imputes in Hadriano philosophiæ. hæc enim lumine tali perfundit mentem, ut facili negotio quæuis, quæ faciunt uel vitam civilem, assequatur. peritiam iuris, & assiduitatem in eodem dicendo comitabatur mira comitas, & ciuilitas. Nec enim finit superbos esse Principes philosophia sed reddit aditu, & alloquio faciles, benignitate, imò popularitate exornat. nouit nempe sapientia pulcherrimum esse imperandi genus, si quis virtute præditus imperet animis



volentibus, lubentibus, trahi se patientibus à miti ratione, sed audiamus iam Dionem: quum ei forte mulier occurrisset in via ab eoq. vt se audiret contenderet: quamquam primò sibi esse otium negauit, tamen vbi mulier exclamare cœpit ita: Noli igitur regnare, conuersus eam audiuit. Res verò maximas, & valde necessarias non gerebat, nisi interposita Senatus auctoritate dicebatq. ius vna cum primis ( ciuitatis ) in palatio foro, & pantheo, sæpe etiam alijs in locis pro tribunali. Vide quæ plura sequuntur, Hodie autem quidam nebulones persuadent Principibus non esse ex ipsorum dignitate ius dicere, & è tribunali litibus imponere finem, talia debere peragi à iudicibus. O pestilentem adulationem, quæ maximum affert subiectis populis detrimentum. Atqui Cæsares omnes, qui egregij fuerunt ( fuerunt autem multi ) hunc seruauerunt morem, vt dicerent populis ius, & audirent disceptantes, qua de re suo tempore librum in publicam emit- tam lucem.

De Adriano cupiente persuadere animam  
Antinoi abiisse in fidus.  
Cap. XCVII.

**M** Atheseos, & rei sideralis oppidò cum esset peritus Ha-  
drianus conabatur persuadere sua philosophica aucto-  
ritate animã Antinoi mortui in Cælo receptã abiisse in fidus,  
fidusq. volebat credi nouum apparere. audiamus Dionem:  
fidus etiam Antinoi ipse se videre dicebat libenterq.  
auscultabat eos, qui dicerent verè ex Antinoi anima  
stel-



stellam, quæ tum primum apparuisset extitisset. quid  
 verò sentiebant, qui Hadrianum audiebant talia proferen-  
 tem? tacite irridebant. dices, an ergò nunquam noua sive  
 sidera extiterunt? noua aliquando deprehensa sunt, quæ antea  
 non fuerant obseruata, vt à Conone Berenices coma, nostra  
 tempestate Mediceæ stellæ in orbe Iouis à Galileo. existunt  
 etiam temporaria sidera, quæ intra tēpus aliquod euanescent  
 Seneca profectò in Cælo cometas collocat, eosq. quandoq. du-  
 rare ait vsq. ad sextum mensem. consentiunt scriptores  
 effulsisse sidus crinitum post mortem Cæsaris, quod tamen  
 ad se denotandum trahebat Augustus. Anno MDLXXII.  
 noua stella in Astro Cassiopeæ apparuit, quæ intègrum an-  
 num perdurauit, tandemq. paulatim euauit, & extincta  
 est. fuisse in ætherea regione consenserunt clarissimi qui  
 tunc florebant Astronomi, moti ex paralaxi, quæ solet de-  
 prehendere signa aërea in regione, & non ita celsa collocata  
 subsequētis annis alia quoq. obseruata sunt in æthere, quod  
 nulla esset varietas aspectus, etsi in diuersis viderentur re-  
 gionibus. iam igitur vix est, qui dubitet talia posse exoriri,  
 & exorta esse in ætherea regione, vt mirari liceat virum cæ-  
 teroqui doctissimum viginti fere annorum spatio hoc agere,  
 vt suadeat Stellas eiusmodi, aut sidera crinita fuisse in aë-  
 re, non in æthere. sed vix quemquam in suam potuit trabe-  
 re sententiam. Adrianus autem meritò irridebatur, quia  
 nullum si dūs cum appareret, cupiebat tamen mortales suos  
 decipere sensus. nisi dicas quibusdam Stellis prope Delphi-  
 num, quæ carebant nomine, Antinoi nomen tunc primum  
 impositum. Ego in fletum Imperatoris ob extinctum iuuenem  
 mœrentis ludendo, & iocando exaravi hoc epigramma.

Si-



Siue animam Antinous Pharia exhalauit in vnda,  
 Siue nigræ cecidit victima cæsa deæ  
 Extinctam pueri defles Adriane iuuentam,  
 Vt mulier, dulci quæ viduata viro est.  
 Olabem, ò lacrymas haud tanto Principe dignas,  
 Quæ latio impingunt dedecus imperio.  
 Quin animum reuoca à cura, quin collige mentem,  
 Atq; hilaris nubem disijce tristitiæ;  
 Nam puer haud periit, stygium nec adiuit Auernum,  
 Sed micat ex alto lucida stella polo.

Hadrianum de sua vita scripsisse libros. agitur de  
 Phlegonte liberto. Cap. XCVIII.

**P**Erennitatis, vt fere magni Principes, percupidum  
 fuisse Hadrianum, ex eo cur non pronunciemus, quod  
 libros de sua scripserit vita, qui quidem euulgati sunt? nam  
 Dio in Hadriano ait: vt Hadrianus scribit, quando de An-  
 tinoi agitur morte. noluit tamen quæ de se scripserat sub suo  
 lucem aspicere nomine. audiamus Spartianum: Famæ ce-  
 lebris Adrianus tam cupidus fuit, vt libros vitæ suæ à  
 se scriptos libertis suis litteratis dederit, iubens vt eos  
 suis nominibus publicarent. hæc Ælius Spartianus. sub  
 cuius igitur prodire nomine? Phlegontis prætulere nomen,  
 vt idem tradit. fuit autem Phlegon Trallianus Hadriani  
 libertus. nam non vixisse sub Augusto quis ignorare potest,  
 modò inspexerit Spartianum, qui ait vitam Hadriani sub  
 eius prodijisse nomine? Quæres, cur Hadrianus æternitatis  
 adeò auidus noluerit chartas à se auctore denominare? in  
 prom-



promptu responsum est, ut maiorem inuenirent fidem, nec eleuaretur testimonium de seipso prolatum. nec enim defuerunt, qui assererent fas non esse de suis rebus quicquam conscribere: quod tamen refellitur innumeris prope exemplis. Verba certè Taciti clarissima prostant in vita Iul. Agricola: pleriq. suam ipsi vitam narrare fiduciam potius morum, quam arrogantiam arbitrati sunt. Nec id Rutilio, & Scauro citra fidem, aut obrectationi fuit. adeò virtutes iisdem temporibus optimè æstimantur, quibus facillimè gignuntur. Cur non potuerit fidem inuenire Adrianus, quem historici euehunt magnæ virtutis causæ. Nostra tempestate vir illustris Iac. Aug. Thuanus de sua vita libros edidit sex. Lipsius autem ad auditores direxit Epistolam, qua breuiter vitam, librosq. à se compositos complectitur. quæ à me prolata non video, cur ad philosophiam nequeant referri Hadrianicam.

Adrianum peccasse addendo Philosophiæ  
Magiam. Cap. XCIX.

**Q**uod quandoq. imò plerumq. apud veteres male vulgò audirent philosophi Magiæ nomine, id effecit, quod viderent à philosophis quibusdam adhibitas artes magicas ad cognoscenda futura, aut quod mira effecerint, quæ non nisi effici posse viderentur à Daemonibus. Videnda est vita Plotini, cognoscenda quæ S. Patres de Iuliano monumentis literarum tradiderunt, repetenda valde multa ex Philostrato, dum Apolloniij iter describit. nos interim, quandoquidem de Adriano agimus, cui magicas artes disertè

tri-



tribuit Dio lib. LXIX. referemus videri magiæ causa ab ipso immolatum Antinuum, quem tamen in delitijs habebat, quemq. mortuum febiliter desideravit non dissimulat quidem Dio non defuisse, qui dicerent in Nilo submersum Antinuum. sed ipse eam amplectitur sententiam ut asserat mactatum. sic enim loquitur: siue quod immolatus fuerit, id quod verum est. at Ælius: Antinuum suum dum per Nilum nauigat, perdidit, de quo fama varia est alijs eum deuotum pro Hadriano asserentibus. Dio suam opinionem sic tuetur: Quum Hadrianus maximè curiosus esset tum verò diuinationibus utebatur, & magicis artibus cuiusuis generis. Sed cur immolandus erat artium magicarum causa? quia voluntaria anima opus erat, nam inuitus si quis occisus fuisset, non obtinuisset, quod cupiebat. quibus narratis utraq. narratio de Antinoi morte apud historicos sustinetur. nam si dicas verisimile non esse immolatum fuisse ab Hadriano adolescentem, quem in delitijs habebat, atq. adeo verum esse periisse in Nilo, respondere licebit indignuisse Adrianum anima voluntaria, volens autem Antinous se pro Hadriano addixit morti. quali verò impostura fallebat olim mortales Dæmon, ut se occiderent, aut occidi paterentur, tantum ut futura nossent quæ omnia dissipata sunt a fulgore Euangelico.



De Euphrade philosopho, qui impetrauit ab Imperatore, ut sibi fas foret bibere cicutam.

Cap. C.

**A**D Adriani tempora imò philosophiam refer Euphradem philosophum, qui dicitur mortem obijisse voluntariam, cum ei Hadrianus propter senectutem, & morbum cicutam bibere concessisset, quod relatum scimus à Dione libro LXXIX. Mirum verò est opus fuisse ab Imperatore impetrare, ut liceret filum vitæ abrumperè. scimus supplicio capitali affici solitos milites, qui se conati fuissent interficere, cum iam adscripti militiæ non forent sui arbitrij, sed deberent permanere sub signis vsq. ad completum militiæ tempus à legibus præscriptum; cum etiam constet quosdam ne cogerentur militare, & in numeros referri sibi pollices abscidisse, dictos propterea pollice truncos, unde aliqui putant extitisse nomen poltrone. quod apud Italos significat hominem ignaum. Quis autem audiuit non licuisse apud Romanos pagano, non militi obædium vitæ, ob morbum, à quo quis conualescere non speraret abrumperè vitam vel veneno, vel inedia, aut alia ratione bona profectò eiusmodi hominum, qui se subtrahabant vitæ non abibant in fiscum, quod sciunt Iurisconsulti, nec eorum memoria damnabatur. is tamen qui conscientia sceleris se occidisset, ne scilicet perageretur reus, & damnaretur à Magistratu, habebatur pro confesso, nec bona eius ad hæredes transibant. Cur ergò Dio dicit obtinuisse Euphradem ab Hadriano, ut sibi fas foret cicutam bibere? eiusmodi impetratio, si mores eius

Videnda  
lex Valenti:



alius seculi respicias, non videtur fuisse necessaria, philosophus tamen id impetrare voluit, forte quod adscriptus esset familiaribus Imperatoris, & Hadrianus valde eius sermonibus delectaretur. Ergo sibi faciendum putavit, ut quasi miles obtineret missionem, ne iratus Imperator, quod se in-scio, atq. adeo invito hausisset venenatam potionem, corpus vetaret sepeliri, & bona in fiscum ire iuberet. sic quidem puto Dionis explanandam narrationem.

De Herode Attico viro Consulari, quem audiuit Athenis Gellius.

Cap. Cl.

**P**hilosophia Romana Herodem Atticum sibi vindicat, licet enim Romanus non fuerit sed Atheniensis, bene tamen de Romanis philosophiae causa Athenis degentibus est meritis. nam Gellius eum audiuit, & his verbis laudavit: in oratione Graeca ferè omnes memoriae nostrae uniuersos grauitate atq. copia, & elegantia vocum longè praestitit. Gellianam narrationem esse veram dices, si legeris quoq. Philostratum scribentem vitas Sophistarum. narrat autem Gellius quam de eò idem Herodes Storkos confutauerit, qui non patiuntur nos aut gaudere, aut irasci. Experimur profectò ingruente calamitate naturam percelli, etsi nos maximè repugnemus. idem dicere est de hilaritatis argumento. Censebat igitur Atticus moderandos esse, & scite considerateq. purgandos affectus: ut ea tantum, quae aliena sunt, contraq. naturam videntur, & cum perniciæ agnata sunt, detrabantur. si enim omnes som-

lib. 19.  
cap. 12.



nō imperitiū conuellamus, periculum est, ne eis adherentes, bonas quoq. & utiles animi indoles amittamus. vide plura apud eundem Gellium ad confutandos Stoicos facientia.

De Gellio, qui Roma profectus est Athenas ad philosophos, quorum etiam dicta nominatim recensuit in noctibus Atticis.

Cap. CII.

**S**tatus philosophiæ apud Athenienses facit ad philosophiam Romanam, & fecit præcipuè cum imperaret Adrianus sub quo floruit Gellius, non expers philosophiæ, quod eius scripta testantur. sic autem loquitur lib. I. cap. II. accersebat sæpe nos Herodes Atticus cum apud Magistros Athenis essemus, compluresq. alios nostrates, qui Roma in Græciam ad capiendum ingenii cultum concesserant.

Ita intelligimus Noctes Atticas, quas studijs nauans operam Athenis Gellius est molitus, facere ad progressum philosophicum apud Romanos. discimusq. ad rem nostram pertinere philosophos quos iã memorat, quia docebant studiosos adolescentes Romæ natos.

Ergo operæ pretium est memoriam colere Tauri, Pbaurini, & aliarum. lib. I. cap. IX. ex Tauri sermonibus profere querelam aduersus nouit:os philosophorum sectatores, qui illius pedibus in sacra sapientiæ irruunt. proximo capite narrat,



rat, qua ratione Phauorinus compell'auerit adolefcentem ve-  
tustè nimis, & prisce loquentem. Rursus lib. I. cap. XXVI.  
refert, quid idem Taurus responderit in diatriba quærenti:  
An sapiens irasceretur? lib. II. cap. I. recenset venisse præ-  
sidem Cretæ Athenas visendi, cognoscendiq. Tauri gratia.  
viciissim cap. V. non reticet, quam lepidè designatq. dixe-  
rit Phauorinus, quid intersit inter Platonis, & Lyfæ ora-  
tionem, quod in hoc ipso libro iam notauimus. Talia in ope-  
re nocturnum Atticarum depromuntur, quæ nos accepta feri-  
mus Gellio, qui sapientiæ comparandæ causa Roma se con-  
tulit Athenas, & magnam partem eorum quæ didicit po-  
stea Romæ literis mandauit.

De progressu philosophiæ sub Antonino

Pio. laudantur eius mores.

Cap. CIII.

**D**E philosophia Antonini Pij etsi pauca disertè scripta  
sint, philosophicam tamen laudem tanto Imperato-  
ri tribuendam multa sunt quæ clamant, suis namq. mori-  
bus ad finem vsq. vitæ absolutum expressit philosophum.  
Initium certe principatus illustre reddidit venia, quam  
dedit quibusdam qui puniendi ceteroqui fuissent, vt refert  
Xiphilinus. hinc Pius appellatus est. addit idem scriptor  
inter omnes constare Antoninum virum probum & bonum  
fuisse. sed quæ propius ad philosophicum apicem accedunt,  
refert Iulius Capitolinus Antoninum Chalci de Apollonium  
euocâ se, eiq. Marcum erudiendum tradidisse. Cum au-



tem iussus fuisset idem Apollonius ad Tiberinam domum venire, ut doceret, dixissetq. philosophus: non magister ad discipulum debet venire, sed discipulus ad magistrum, risit primo Imperator, sed deinceps voluit Marcum itare ad Apollonium. quod docet nos eiusdem Marci vita. Ergo videre est quousq. progressa fuerit Roma philosophia, ut Imperator iusserit filium ad domum praeceptoris itare, quodq. factus fuerit philosopho tam magnifice de sua professione loqui, nolletq. ad filium Imperatoris docendum sua domo prodire, cum ceteroqui sciamus fuisse moris, ut procures, & Principes in aedibus suis alerent Magistros, atq. philosophos. legimus tamen philosophum, quem ad se traxit Cato Uticensis, ob senium noluisse amplius Reges conuenire, apudq. ipsos discere. diximus etiam cum ageremus de Pompeio, eum inuississe Possidonium decumbentem in lecto. Iulianus Imperator obuiam prodiiit Maximo, adq. Iamblichum dedit litteras, ac si hominem se maiorem alloqueretur. Narrat quoq. Gellius ad philosophum Taurum Athenas visendi, cognoscendiq. eius gratia venisse clarissimum Praesidem provinciae Cretae, introisseq. aedes, quas incolebat Taurus.

lib. 2.  
cap. 2.

Sed ad philosophiam Antonini reuertor. verba sunt Iulij Capitolini: philosophis per omnes provincias honores, & salaria detulit. An Magistratus eos decorauit? an immunitates tribuit? honoraria constituit? contulit, ut puto sacerdotia, quae conueniebant philosophis, ut est videre apud Eunapium, quando de socio Maximi agitur. inter Senatores recensuit, iussitq. eminere in patria, quod collatum ab alijs Imperatoribus Dioni. quantum autem oportuit esse numerum philosophorum, si per omnes provincias



elias salaria eis constituit. id tamen potius ad prouincias Asiae  
& Graeciam, quam Hispaniam, Galliam, aliasq. aut Afri-  
cam, eferendum: semper enim Syria, Aegyptus, Graecia eius-  
modi hominibus magis abundauit.

Quod si Vita Antonini diligentius perscripta fuisset, absq.  
dubio plura de eius philosophia depromere liceret. facere au-  
tem non possum, quin quales eius fuerint mores philoso-  
pho prorsus digni magis referam ex Maro in Vita sua. tribuit  
ei comitatem, gloriae contemptum, dicit ut tulerit iniuste lib: 6:  
ipsum reprehendentes neq. conuictum his reposuerit, quam  
paucis fuerit contentus, ut domo, lecto, veste, cibo, famu-  
latu. quam tolerans laborum, quam leni animo, ut tempus  
usq. ad vesperam propter victus tenuitatem egerit, haec ibi.  
Nunc prodeant versiculi de virtute Antonini.

Cyrrha Antonini differ per secula nomen,  
Impavidum memora pectus, & ingenium.  
Commenda niueos mores, cultumq. Mineruæ,  
Rectum lauda animum, munificamq. manum,  
Et dic, Romulicūm toto applaudente Theatro:  
Dignus erat talem Marcus habere patrem.

Nec tamen omnia prolata sunt philosophiam Antoninianam  
commendantia. Dio namq. apud Suidam Antoninum  
putat comparandum Numæ. At Numæ natura duce phi-  
losophatus est, condendo leges. Quin addit extraneis adeo  
fuisse admirationi, ut finitimi pleriq. barbari depositis armis  
ad hunc Imperatorem controuersias, litesq. deferrent, eius  
sententia dirimendas. Mortuus etiam est ut philosophus,  
senex



Senex morte dulcissima, somnoq. iucundissimo simili, quod refert Xiphilinus ex Quadrato. Quæ adijcere placuit, ne quicquam possit desiderari, quod ad commendandam Antonini sapientiam facit.

De Boetho Consule, atq. alijs philosophiæ vacantibus sub Antonino.

Cap. CIV.

**I**llustrabit hæc narratiuncula Antonini erga philosophiam affectum, si recensuerit nonnullos egregios homines doctrina præstantes, qui tunc temporis floruerunt Romæ, quando tenuit habenas rerum idem Imperator. prodeat Flavius Boethus Consul Romanorum, qui sapientum hominum oppido delectabatur consuetudine, sicq. mentis aciem ad discendum porrigebat, ut anatomicis administrationibus incumberet. Neq. enim dici potest seipsum nosse, qui non inspexit cadauerum sectionem admiraturus summi Opificis summam sapientiam. At quis profuit eam in rem præclarissimo Boetho? Galenus, ut ipse testatur capite primo libro primo de administrationibus anatomicis. Natus fuit in Ægypto Consul iste, peruenitq. ad consulatum, adeo erat benigna omnium mater Roma, ut peregrinos ciuitate donatos ad apicem ipsum Consulatus non dubitaret euehere. Sed audiamus Galenum, et intelligamus quanto amore Boethus historiam anatomicam prosequeretur: Tam anatomicæ speculationis amore flagrabat, quam mortalium qui vixerunt nunquam, ullus alius. Cui tradidit Galenus de administrandis sectionibus opus libris duobus

com-



*comprehensum. idem testatur se in eius gratiam multas con-  
sectiones ostendisse.*

*Flauio Boetho adnectendus venit Eudemus Peripate-  
ticus, cuius idem Galenus meminit, nec silentio inuoluen-  
dus Sergius Paulus Consul, qui etiam præfectus urbis fuit  
quisq., disciplinis philosophicis per omnia præcipuus  
extitit.*

*Quid referam Alexandrum Damascenum, qui aliquan-  
diu Romæ egit transgressus deinceps Athenas ad professio-  
nem Peripateticæ philosophiæ, si fides habenda eidem Ga-  
leno? Vides autem meritò vocari Damascenum, ne confun-  
datur cum Alexandro Aphrodisio itidem Peripatetico, aut  
cum alio Alexandro sectatore dogmatum Aristoteleorum,  
qui maximus dicitur fuisse, præceptorq. Crassi Consulis pro-  
fecti infelicibus auspicijs contra Parthos, ut sciamus non  
expertem philosophiæ fuisse Crassum, lubenterq. Peripateti-  
cis aures præbuisse.*

De Apuleio Madaurensi, philosopho Platonico.

Cap. CV.

**V***ixit absq. dubio etiam post Hadrianum Apuleius,  
nam alicubi eum Imperatorem Diuum appellat. non  
improbabile est vixisse sub ipso, atq. etiam sub Antonino  
Pio. nam quod non nemo existimauit floruisse sub Christia-  
nis Imperatoribus, id reijciculum est.*

*Accusatus est bis. semel quidem Romæ coram Præfecto  
urbis, qui habebat ut iudex cognitionem omnium delicto-  
rum. Iterum in provincia, quod discere est ex Apologia, quæ*



*copiosissima, & luculentissima est oratio. N q. enim dici debent duæ Apologiae, quemadmodum iam pridem ab eruditissimis viris est animaduersum.*

*Fuisse philosophum Platonicum satis superq. scripta testantur. quamuis autem fuerit Afer, patria Madaurensis, ut propterea se vocauerit seminumidam, & semigetulum postquam tamen Carthagini, & Athenis hausit Musarum crateres multingos, vniuersæ philosophiæ nectar, mox Romæ studiorum latinorum cultor assiduus, & vigilax ad id facundiæ Romanæ fastigium peruenit, ut eloquentissimus, doctissimusq. iuxta conspiceretur. gratulemur tanto viro his versibus:*

*Te quoq. Dardanios, Luci, vidisse Quirites,*

*Et Capitolinum iuuit adire Iouem.*

*Bibliotecarum iuuit venerarier ædes,*

*Magnis cumq. Sophis aurea verba loqui.*

*Nempe patet diæ templum penetrale Mineruæ*

*His, qui longa viæ tædia ferre queunt.*

*An Apuleius putarit Aristotelem scripsisse librum de Mundo ad Alexandrum? notantur quædam in Apuleiana versione eius libri. Cap. CVI.*

*S*cripsit egregium librum Apuleius de mundo, in cuius præfatione ait: nos Aristotelem prudentissimum, & doctissimum philosophorum, & Theophrastum auctorem secuti, dicemus. quæ verba secundum aliquos satis clarè videntur ostendere existimasse Apuleium libri de mundo.



*mundo ad Alexandrum auctorem esse Aristotelem, quod tamen alij negant.*

*Dan. Heinsius in orat. ut reiiciat hoc argumentum ait Apuleium dicere se sequi auctorem, qui secutus sit Aristotelem, & Theophrastum. verba Heinsij sunt: Cum Aristotelem, & Theophrastum non se, sed autorem secutum ait (neq. enim autor sed interpres Apuleius) plane significat neq. Aristotelem, neq. Theophrastum esse autorem.*

*Atqui hac sunt verba Apuleij, quibus disertè dicit se in opere de Mundo secutum Aristotelem: quare nos Aristotelem prudentissimum, & doctissimum philosophorum & Theophrastum auctorem secuti. quis non videt nomen Auctorem referri ad Aristotelem, & Theophrastum?*

*An igitur, inquiet aliquis, putas tu Aristotelem scripsisse de Mundo ad Alexandrum? Ego de hac controuersia satis prolixè ago in meo opere Deambulationum in Lyceo, quod tamen adhuc in scrinijs meis latet. interim dico, nisi repugnātia velimus accusare Aristotelem non oportere nos existimare librum de Mundo ad Alexandrum recensere inter Acroamaticos, sed dicere esse exotericum, ac proinde Aristotelem videri populariter in eo voluisse differere, quod disertis verbis videtur testari ipse cap. VI. eius libelli, dum scribit: λέγοντας μὴ δι' ἀκριβείας ἀλλ' ὡς τυπώδη μάθησιν: dicentes non accuratè sed secundum crassiorē doctrinam. quod nunquam protulisset de libro Acromatico. nam in primo Ethic. sic fere etiam loquitur, cum velit dicere eum qui tradit philosophiam de Moribus cogi crassius minerva & populariter agere, non accuratè, & acroamaticè.*



Nam statim postquam talia protulit verba, dictum promittit more exoterico atq. vniuersa ἐκ θεῶν καὶ διὰ θεῶν ex deo, & per Deum constituta. quod acroamaticè in suo Peripatetico loquendo nunquam protulit, imò contrarium prorsus plurimis argumentis conatus est probare in libris de Cælo, qui sine dubio Acroamatici sunt. probatur etiam ex eo, quia in Acroamaticis nunquā fulcit suam sententiam laudando, citando & approbando Platonem. at in libello de Mundo sub finem inquit; ὡς ὁ γυναιὸς πλάτων φησὶν. vt eximius Plato ait. Quod verò sibi tribuit librū de Mundo id nouum non est. Exempla sunt in Terentio, Plauto, alijsq. Superiori seculo Acciaiolus suum fecit Eginhardum qui scripserat vitam Caroli Magni. Sed reperta, & edita eiusmodi vita deprehensum est, unde Acciaiolus sumpsisset narrationem omisso nomine Eginhardi, qui primus inter Germanos librum composuit. Neq. enim ante Eginhardum ullus Germanus dicitur librum scripsisse.

Libro Aristotelis de Mundo quædam inseruit Apuleius aliunde, non usus solius Aristotelis verbis.

Cap. VI. sic loquitur de rectore quippe omnium non vt ille ait, silere melius est, sed vel parum dicere, vetus opinio est. ibidem paulo post: hanc opinionem vates secuti profiteri ausi sunt, omnia Ioue plena. videtur Virgilij vti auctoritate, apud quem legitur: Iouis omnia plena.

Citat Fauorinum his verbis: Fauorinus non ignobilis sapiens, hæc de ventis refert, quatuor mundi plagas imparem habere ventorum numerum. quod testimonium eò gratius est, quia cum de Fauorino ageremus id omis-  
sum



sum fuit. & ea quæ Galenus de ipso prodit, dum ait scripsisse de Academica ambiguitate ad Adrianum, ubi etiam Galenus destruere satagit suspensionem illam Academicorum, & adstruere disciplinarum certitudinem.

Adducit aliquid ex Catone in originibus: Cato autem in originibus.

Non omittit Ennium: Namq. habitus orantium sic est, ut manibus extensis in cælum precemur, Romanus etiam poeta sic sensit. aspice hoc sublime candens quod omnes inuocant Iouem.

Quandoq. visus Aristotelis sententiam, non prorsus Aristotelicè exprimere. accipe exemplum observatione dignum.

Non fert Aristoteles ullo modo ignitam esse cæli naturam, dum inquit cap. II. Cæli porro siderumq. substantiam appellamus ætherem non quidem ideò, quod πυρώδης ignita flagret ipsa, ut aliqui censuerunt plurimū aberrantes circa potentiam illam maximè ab ignea natura abhorrentem. postea ait æthereæ naturæ quæ mutabilitatis est immunis, & conuersionis confinis est natura, patibilis prorsus, & vertibilis. Statimq. agit de natura ignita, hoc est de elemento ignis. mox de aëre.

Apu'eius tamen ait lunam pascere diuinas, & immortales viuacitates ignium. mox memorat finitimos æthereos ardores. inferius hæc habet: æther vicissim igneque illi immortalis Dei viuacitate flammantur. Nonne hoc est dicere ætherem esse ignitum?

Dices: hæc tamen habentur apud ipsum versa ex Aristotele: Non ut quidam putant, quod æther igneus sit & incensus. Respondeo videri sibi repugnare, aut negare



re ætherem esse igneum, ut ignitus fit aër, de quo postea ait ignis aërea densitate conflatur. quibus verbis non negat dari ignem supra aërem cum Aristotele, sed non Aristotelicè asserit ignes æthereos flammari.

De qua quidem versione, & opinione Apuleij sentiat sanè quisq. ut vult.

Aristotelem apud Apuleium docuisse, licet male, Deum sua substantia esse tantum in cœlo. Cap. CVII.

**Q**uoniam inter recentiores philosophos non deest, qui utens libro Aristotelis de Mundo conatur ostendere Aristotelem existimasse Deum sua substantia esse ubiq. non tantum in cœlo, & esse intrinsecam, & essentialem partem mundi, eiusq. formam, lubet ostendere ex eo libro Aristotelem disertè Deum, quoad substantiam, tantum in cœlo collocare, licet secundum eundem eius vis, regimen, atq. potentia pertingat ad uniuersa. depromemus autem verba Apuleij vertentis Aristotelem. sic ergo Apuleius: nec ambigitur eum præstantem atq. sublimem sedem tenere. mox memorat in arduis arcibus solium consecratum.

Dices, mox ait: Deum per omnia permeare, & ad nos tendere.

Sed verba ipsa, quæ connectuntur ostendunt eum loqui de potentia, de vi, de efficacia. honestius est arbitrari Deum sacratum cœli penetralibus, & illis qui longissimè separantur per se, & per alios opem salutis afferre, ne.



neq. penerrantem, atq. adeuntem specialiter singula nec indecorè attrectantem cominus cuncta. quid clarius fieri potest? plura vel ex verbis græcis, vel ex versione Apuleij proferre supervacaneum est.

Dices, secundum veritatem S. Paginarum Deum cælum, & terram implere, & esse infinitum sua substantia, & ubiq. apud nos etiam sua substantia adesse. Cur ergò talia attinet transcribere ex Apuleio, & ex Aristotele?

Respondeo, verissima esse, quæ de infinitate Dei tradit nostra sanctissima Theologia, interim non est affringenda sententia Aristoteli, quæ Aristotelis non est. neq. enim veritas de divinis attributis auctoritate gentilis philosophi indiget. desinat igitur recentior philosophus vti Aristotelis testimonio, ut probet Deum sua substantia esse ubiq. presentem etiam extra cælum. nam Aristoteles, ut audimus contrarium sensit, licet erraverit, ut homo gentilis.

An author libri de Mundo versi ab Apuleio,  
dum vocat cælum quintam substantiam,  
senserit cum Platone?

Cap. CVIII.

**P**Utant aliqui Platonem & Aristotelem idem sentire de cælo, quandoquidem quod cælum appellat Aristoteles, πέμπτην εἰδίαν, id Plato πέμπτον κόσμον, πέμπτον στοιχείον, πέμπτον χρῆμα vocat. nam ut observat Precius in Timæum, nihil interest, an quis quintum elementum, an quintum mundum, an figuram vocet.

Nihilominus non est confundenda sententia Platonis, &  
Ari.



*Aristotelis de cælo. Cur ita? quia cælum prorsus differt à substantia elementorum, cum dicat cælum esse ingenerabile, & incorruptibile, elementa autem generabilia, & corruptibilia. Non igneum, non terreum, non aqueum, non aereum est cælum secundum Aristotelem, neq. habet qualitates, quibus quatuor elementa prædita sunt. at Plato cælo tribuit elementorum qualitates, aitq. eiusdem esse materiæ hinc cogitur fateri Foxius, qui tamen passim commendat consensionem utriusq. philosophi differre inter se, dum Aristoteles nec eiusdem materiæ, neq. qualitatum, quibus prædita sunt reliqua, particeps esse docet. Vide ipsum Foxium lib. II. cap. II. de natura philosophiæ.*

*Apuleius Platonicus, dum transfert librum Aristotelis de mundo, igneam naturam videtur satis clarè tribuere secundum Platonem præceptorem cælo. Huius, inquit, diuini ignis origine incensi per totius mundi connexa illustribus facibus ignescunt superna.*

*Differt igitur Aristoteles de Mundo scribens à Platone nam dum vocat cælum quintam substantiam, significat prorsus differre ab elementis. sic dissentit à Platone, cuius sententiam de Mundo, deq. cælo explicat etiam Alcinous. nam cap. X. ut probet Deum esse incorporeum, ait, si corpus est ex materia constat. ideòq. vel ignis est, vel aër, vel terra vel aqua, vel aliquid ex ijs conflatum, cap. XII. agens de generatione totius Mundi, cuius pars præcipua cælum, ait: ex singulis quatuor elementis eum compegit integris ex toto scilicet igni, & terra, aqua atq. aëre nulla aliquius parte prætermissa, aut potestate. hac ille. Ne ergò putet quisquam Aristotelem in libro de Mundo, quem*



*vertit Apuleius, sensisse cum Platone de cælo.*

*Ijs quæ prolata sunt, addendum quod est apud Apuleium in libro de dogmate Platonis: mundus omnis ex omni aqua, totoq. igni, & aëris vniuersitate, cunctaq. terra esse factum. nec omittenda verba Alcinoi cap. XII. vbi de Deo condente mundum, dicit: ἐκ τῆς πάσης ὕλης αὐτὸν ἐδημιόργη. quod verti potest: ex tota aut ex omni materia ipsum condidit. si veritas, ex tota significat Deum exhausisse totam materiam, neq. partem reliquisse, quod assererebant, qui ponebant infinitum. si autem veritas ex omni indicat Deum ex omnibus qualitatibus, aut ex omni conditione materiæ condidisse mundum. Materia scilicet erat sed non sine confusione ignea, aërea, aquea, terrea. Talem naturam indidit Deus mundo, vt ipse referret in suo ordine ingenium materiæ, quæ ante ornatum præferebat magnam confusionem. subiicit enim Alcinous: materiam sine ordine vlllo (ἀτάκτως) & temere se mouentem antequam cælum fieret eripiens confusione (ἀταξία) promouit in optimum ordinem ἀρίστην τάξιν. interpres latinus illud ἀταξίαν transtulit disiectam, non satis ex mente Alcinoi. nam significat Alcinous, quod etiam tradit Plutarchus in libro de Procreatione animæ, quod mouebatur antea materia, sed absq. vlllo ordine. sic concinit Plutarcho Alcinous, atq. adeò docet materiam quidem fuisse semper, sed non semper fuisse mundum, sed in tempore Deum exornasse materiam quod tamen frequentiori numero Platoniorum videtur repugnare, quemadmodum etiam obseruavi, quando de Plutarcho egi. & tamen id Alcinous adhuc disertè tradit cap. XIII.*



Quamuis postea cap. XIV. videatur corrigere ex sententia Platonis, quod adeo disertè exposuerat cap. XII. & XIII. verba eius sunt si vertantur latine: quando (Plato) ait mundum esse factum, id non sic exaudiendum est, ac si fuerit tempus, quando mundus non erat, mox ait animam mundi semper fuisse nec effici à Deo, sed ornari.

Si antequam mundus fieret secundum Platonem, ut quoq. tradit Plutarchus, materies movebatur inordinate, & inordinatus motus proveniebat ab anima, mundus cerè hoc est substantia ornata, motus ordinatus animæ, atq. adeo mundi non semper fuit, sed cæpit moveri ordinatè, & cæpit habere ornatum materies, quando Deo placuit ordine donare animam, ornareq. materiam.

Videant Platonici, quomodo Alcinous, imò Plato ex cuius sententia profitetur semper Alcinous se loqui, ab incommodo repugnantia liberari possit.

Apuleius sanè satagit contradictionem detrabere præceptor in libro de Platonis dogmate his verbis: hunc mundum (Plato) nunc sine initio esse dicit aliàs originem habere natumq. esse. Nullum autem eius exordium atq. initium esse, ideo quod semper fuerit. Natiuum verò videri, quod ex his totius natura, & substantia constet, quæ nascendi sortitæ sunt qualitatem. Videndus etiam Sebastianus Foxius in *Timæum*, qui tamen non satis videtur facere ijs, quæ à Plutarcho disputantur in libro de procreatione animæ, cuius iam non semel feci mentionem. nec videntur quæ profert Foxius sufficere, ut nodus, qui reperitur in verbis Alcinoi prorsus solvatur: Cum præsertim eadem difficultas videatur urgere Apuleium, qui sic loquitur



tur in libro de Dogm. Plat. Quæ elementa cum inordinata (male vulgati codices habent ordinata) permixtaque essent, ab ædificatore mundi Deo ad ordinem numeris, & mensuris in ambitum deducta sunt. hæc Apuleius.

Illustratur dictum Apuleij narrantis etiam fœminas sub disciplina Platonis philosophatas.

Cap. CIX.

**N**E quis miraturus sit nos, quando de Plotino agemus, dicturos quasdam fœminas Romæ philosophatas fuisse sub disciplina Plotini, repetendum hic ex Apuleio etiam sub magisterio Platonis mulieres philosophiæ incubuisse. quæ in re se gesserunt more discipularum Pythagoræ. habuit scilicet Pythagoras fœminas discipulas in contemplatione rerum. Nec Cynici caruerunt omninò societate talium philosopharum. Certè Virgo quædam tanto amore incensa est Cratetis, ut dixerit patri, nisi se traderet uxorem Crateti, licet pauperrimo, se non victuram. quod cum impetrasset, more Cynicorum & ipsa solum pallium sumpsit, audacterq. & magna cum alacritate secuta est maritum, huc illuc in erta sede commeando.

Sed ut mihi videtur, præ omnibus mulieribus, quæ philosophatæ sunt, memoranda est Hypatia quam Dēiav diuinam non semel appellat in Epistolis summus vir Synesius, agnoscens se sub ea profecisse in philosophico studio.

Etenim Hypatia ad id fastigium philosophiæ peruenit, ut digna fuerit, quæ doceret publice Alexandria in cathedra



philosophica, & Platonis dogmata, tanquam Ammonius aliquis aut Plotinus auditoribus traderet, quæ tamen à plebe tandem occisa est, & obruta lapidibus, cum reuerteretur ex Gymnasio, id factum odio superstitionis gentilis, cum Christiani, quibus tunc præerat S. Cyrillus Alexandrinus, ferre non possent, ut palam dogmata Gentilium philosophorum in vrbe fere tota Christiana exponerentur.

De libro Apulei, quo descripsit Medicamenta ex viribus herbarum. agitur de antiquitate Medicinæ, & quod Medicina non debeat confundi cum Medicis. Cap. CX.

**A**N Medicum dicemus fuisse Apuleium philosophum? id videtur affirmandum. nam de medicaminibus herbarum librum reliquit, qui ab eruditis legitur. Respondeo, ipsum non expertem fuisse Medicinæ, sed Medicum non extitisse. medicum namq. vocamus, qui medicinam facit ob questum, & inuisit agrotos.

Antu, inquiet aliquis, separas Medicinam à Medicis, & putas esse medicinam, absq. medico? locutus sum præeunte Plinio, summo viro lib. XIX. cap. I. Ceu verò non milia gentium sine Medicis degant, nec tamen sine Medicina, sicut populus Romanus ultra sexcentesium nec ipse in accipiendis artibus lentus, Medicinæ verò etiam auidus, donec eam damnauit. primus sanè Medicus Archagathus Lysaniæ filius Romam venit anno vrbis 13XXV. Vulnerarius ab initio fuit vocatus, mireq. gra-



tus ab initio: mox à sauitia secandi, & vrendi transiit  
nomen in carnificem. vide p'ura ibidem.

Nonne ipse Plinius plurima tradidit de virtutibus her-  
barum, ut possent prodesse, nec tamen Medicus fuit? Cato  
odit Medicos, Medicinam tamen coluit, eaq. feliciter  
est usus. audi verba Plinij eodem loco. Quid ergò? dam-  
natam ab eo rem vtilissimam credimus? minimè her-  
cule, subiicit enim qua medicina, & se & coniugem  
vìq. ad longam senectam perduxerit ijs scilicet, quæ  
nunc nos trademus.

Ego certè si secutus forem consilium Medicorum statim  
ad purgandos humores confugientium, iamdiu mortuus es-  
sem. non tamen carui, aut careo Medicina. non pauca enim  
obseruo in victu, inq. alijs, absq. quibus non diu tradu-  
cerem vitam.

Ergò Apuleius consulere voluit amicis scribendo de viri-  
bus herbarum, ut absq. Medicorum opera possent suæ consu-  
lere valetudini. inquit autem dicimus, medicorum om-  
nes ferme venditationes (sic lego, non vendicationes,  
ut male vulgo legitur) potius esse quam curas. Hos  
etiam homines inertia plerunq. & imperitia enixos,  
certè lucripetas veros nuncupari, qui etiam à mortuis  
mercedes expetunt per occasionem, & faciunt redi-  
tus, dum tempus curationum extrahunt, puto quia sæ-  
uiiores ipsis morbis existunt.

Dices: qui medicus non est, non sciet adhibere herbas  
ad rem, adq. morbum, atq. adeò sibi nocebit. Ergò Me-  
dicina haberi non potest absq. Medicis.

Respondeo, Medicinam videri diuinitus datam à Deo  
ad



ad salutem hominum. Cur enim viribus mirandis instruxit herbas, si non erant profuturæ tanquam medicamentæ? Certè Medicinam puto extitisse cum ipso humano genere, et si nonnulli, sed male, eius initium ad Machaonem, & Podalirium temporibus Troiani belli referant, quos etiam arguantur tantum sciuisse vulneribus mederi. Atqui herbarum vis ad multiplura confert, quam ad vulnera. Helena autem, ut discimus ex *Odyssæ* lib. IV. habebat pharmaca, quæ acceperat à Regina *Ægypti*. repetantur quæso *Homerica* verba:

Talia Iouis filia habebat pharmaca utilia,  
Bona, quæ illi Polydamna præbuit Thonis vxor  
*Ægyptia*, quæ plurima producit fertilis terra  
Pharmaca, plurima quidem salubria mixta multa  
noxia.

Medicus verò peritus unusquisq. supra omnes  
Homines: fanè enim *Pæionis* sunt ex generatione.

Nonne ipsa Helena adhibuit pharmacum *nepenthes* ad exhilarandos conuiuas, quod aliqui *Buglossam* fuisse existimant? vides valde floruisse antiquissimis temporibus Medicinam in *Ægypto*, & plerosq. omnes fuisse herbarum, & pharmacorum peritos. id si verum est, ut certè plurimum debemus deferre testimonio *Homerico*, non est quod dicamus serò inuentam Medicinam. nec assentior *Plinio* putanti temporibus belli Troiani tantum aliquos fuisse peritos medicinæ quæ curat vulnera, nec amplector ex toto animo sententiam *Hippocratis*, qui docet veterem Medicinam tantum habuisse rationem vetus, dum scribit: principiò non fuisset inuestigata ars Medica, si eadem victus ratio ijs  
offe-



offerretur qua qui valent vtuntur. At qui etiam Circe, ut narrat Diodorus Siculus lib. V. nouit potestatem herbarum quamuis ijs abuteretur in perniciem. nam cum ipsa sciret colligere venenatas, oportet illa tempestate facultatem herbarum hominibus notam fuisse.

Dices, antequam innotescerent herbae, Medicina tota posita erat in ratione victus. Sed quis nescit rem esse controuersae plenam, si quis loqui velit de statu primo mortalium (de S. Litteris non loquor, quarum cognitionem non habebant Gentiles) quisq. enim sibi fingit pro suo lubitu statum aliquem, ut faciunt etiam Iurisconsulti, dum aiunt captiuitates fuisse secutas & bella, & aliquos factos seruos. quasi fuerit tempus, quando nullum prorsus in toto terrarum orbe erat bellum.

Ne igitur ambigamus, si lubet sequi Homericam auctoritatem, antiquissimis temporibus, & quibus antiquiora ne quidem Hippocrates ex Chronologia recensere poterit, fuisse in usu pharmaca, atq. adeo Medicinae, quae pharmacis utitur, saltem Aegyptios expertes non fuisse.

Inueniuntur tamen homines, qui inuentionem Medicinae totam tribuunt Hippocrati, qui ipsos confutat, nam eodem libro de Prisca Medicina inquit, ut alia loca apud eundem omittam: At verò iam pridem in Medicina omnia subsistunt in eaq. principium, & via inuenta est, per quam praeclara multa longo temporis spatio sunt inuenta. haec ibi.

Rursus dicent Medici, qui Medicus non est non sciet uti herbis ad profligandos morbos. frustra igitur Plinius, & Apuleius de viribus herbarum scripserunt.

Re.



Respondeo, rem ipsam clamare saepe profuisse herbas adhibitas etiam ab eo, qui non facit Medicinam mercede conductus. quod si contingat quandoq. minus feliciter talia administrari, dicam etiam ignaros Medicos (doctos enim & peritos suspicio) frequenter decipi. quid loquar de concertationibus Medicorum, & dissidio, quando initur consilium de morbo depellendo? hinc ille dixit se turba Medicorum perijisse.

Quam etiam celeriter multi medici prosiliunt ad purgandos humores, qua temeritate non pauci intereunt, qui non interirent. hinc Plinius ait: Nulla præterea lex punit incertitiam capitalem. discunt periculis nostris, & experimenta per mortes agunt. Medicoq. tantum hominem occidisse impunitas summa est. quamvis Institut. de leg. Aquil. §. iniuria sic sanciat Imperator: imperitia quoq. culpæ adnumeratur, veluti si medicus idem seruum tuum occiderit, quod eum male secuerit, aut perperam ei medicamentum dederit. non videmus tamen actionem unquam institui. quod si agendum foret lege aquilia aduersus eum, qui ob imperitiam perdiderit aliquis seruum, esset agendum lege Cornelia de Sicarijs aduersus eum, qui ob imperitiam, & perperam præhendens pharmacum liberum hominem occidisset. sed, ut dixit Plinius, impunitas comitatur medicorum imperitiam.

Serio tamen docti Medici monent, ne temere quis aggrediatur purgationem humorum. ut enim humores degeneres vacuare oportet, sic eos, qui è natura sunt, mouere aut etiam nouare nefas est. ac periclitatur æque is, cui sano aut sine febre catharticum propinatur, atq. si eadem, cum



opus est Medicina non fiat.

Quod si pergant Medici dicere nihil prodesse posse remedia ex herbis recensita à Plinio, & Apuleio ijs, qui Medici non sunt, quia incident in errores, dum volent ijs uti, rogabo ipsos, annon ante Galeni tempora Medici fuerint obnoxij erroribus, ut Erasistratus, Asclepiades, Thessalus, quiq. diuisi in sectas dissidentium præceptorum sequebantur opiniones? cogentur id concedere, si Galenus, cui hoc tempore adherent, rectè impugnauit eos, & potissimum Hippocraticam asseruit Medicinam. non igitur necesse est eum, qui utitur herbis ad pellendos morbos, esse positum extra aleam errandi. Ceteroqui oporteret Medicos, quos profligat Galenus, frustra fuisse. Certè ante ipsum iacebat, aut languebat Hippocratica Medicina: medici tamen medebantur.

De Crescente philosopho Cynico, qui Romæ accusauit S. Iustinum. perpenditur quoddam edictum Traiani aduersus Christianos. Cap. CXI.

**I**am dicendum aliquid de Crescente philosopho Cynico, qui accusauit S. Iustinum philosophum, effecitq. ut è medio tolleretur. quod facinus indignum fuit eo, qui se Stoicum profiteretur, qua de re uidenda quæ iam tradidimus de Egnatio Celere, qui prodidit et perdidit Soranum. Sed de Crescente audiamus Scriptores Ecclesiasticos. Photius in bibliotheca sic: (Iustinus) aduersarium habuit quendam nomine Crescentem de eorum genere, qui Cynici vocantur. S. Hieronymus hæc habet in libro de script. Eccles.



lib. 4.

(Iustinus) cum Crescentem Cynicum, qui multa aduersus Christianos blasphemabat. redargueret, gulosum, & mortis timidum, luxuriæq. & libidinum lectatorem. nec omittenda, quæ traduntur à Nicephoro Callisto histor. Eccles. cap. XXXII. (Iustino) Crescens quidem philosophus vita morumq. æmulatione Cynicus insidias struxit. Cum enim in multis sæpe colloquijs, & disputationibus Crescentem quod pleraq. perperam faceret falloq. in nostram professionem inueheretur criminans Iustinus conuicisset. sed & ipse Iustinus mentionem facit Crescentis, quem appellat arrogantia magis quam sapientiæ amantem, publicè (ipse) de rebus, quas ignorat, videlicet quod Christiani athei sint, asseuerat.

Quod gulosus, & libidini deditus, & ignarus appellatur Crescens, id prorsus consentaneum est non solum ijs, quæ protulimus ex Iuliano Imperatore, quando de Cynicorum instituto egimus, sed & concinunt ijs, quæ inferius de promentur ex Athenæo, apud quem Cynulcus Cynicus viuis coloribus depingitur, valde similis Crescenti, qui insidiatus est, & contradixit S. Iustino.

Querere autem lubet, quæ ratione dicatur struxisse insidias Iustino? nonne enim palam Iustinus transfuerat ad Christianos, & palam tanquam celebris oppugnabat Gentilium errores scribendo, differendo? quibus igitur opus fuit insidijs, ut proderetur, & occideretur?

Respondendum est iam olim de Christianis sanciuisse Traianum, nempe tales inquiri non debere, sed oblatos, hoc est accusatos puniri. in quod tamen edictum, & rescriptum



ut iniquum inuehitur Tertullianus in Apologetico. nam si Christiani merentur puniri i cur non perquiruntur? si non merentur puniri, cur accusari debent?

Traianus tamen sic sancit non quod putaret non esse graue crimen Deorum cultum contemnere, & nouæ religioni adherere, cæcus ipse superstitione Gentili, sed quia videbat valde indies crescere cœtus Christianorum, vsus hoc temperamento, ne prouinciæ, ac præsertim Bithynia, ex qua scribebat Plinius, ad solitudinem redigeretur. quando namq. aliquod crimen valde gliscit, & magna passim multitudo eo se alligat, non possunt singuli puniri, ne solitudo, qua nihil peius fieri potest, in regione fiat. hinc dixit Lucanus:

quicquid multus peccatur inultum est.

Et Iuuenalis ait, quod peccantes, si plurimi sint, tuentur se veluti iunctæ umbone phalanges. apud Romanos veteres sub Republica adulterium grauissimum erat crimen, & valde rarum grauissimeq. puniebatur: postea euersa libertate, & inuecto Principatu cœpit esse adulterium ludus, & iocus propter frequentiam peccantium, ut propterea scripserit Iuuenalis:

vbi nunc lex Iulia dormis?

Quid grauius homicidio? hodie tamen, quia adeò frequenter in Italia peccatur hac in re, vix vnquam videas aliquem extremo supplicio affici, quod alium interfecerit.

Putauit igitur Traianus Christianos non esse inquirendos, sed oblatos puniendos, quasi non ita graue esset esse Christianum. perduelles enim, hostes reipublicæ, parricidas, latrones, incendiarios, & huiusmodi Magistratus perquirunt etiam nemine accusante, & offerente. alios autem non



ita graui a crimina perpretantes non trahit ad carcerem nisi accusentur.

Ergo notus erat Iustinus, quod deserta superstitione gentili, Christianus esset, sed molestia non afficiebatur. Crescens autem homo inuidus hostisq. petulans veritatis Iustinum accusauit, qui accusatus gloriam martyrij est consecutus feliciter.

Quid impulerit Iustinum vt relicta philosophia Platonis, & veteri superstitione transiret ad Christianos? proferuntur nonnulla philosophica ex eius scriptis. Cap. CXII.

**Q**uod S. Iustinus fuerit Platonicius philosophus, antequam Romae transiret ad Christianos, id ipse in prior Apologia testatur, in qua etiam dicit, cur Christianus euaserit. Nam & ipse quando Platonica doctrina delectabar, cum audirem calumnijs appeti Christianos nec mortem horrentes, nec aliud quicquam cæteris terribile cogitabam, esse impossibile tales vitijs seruire. quis enim voluptati deditus aut intemperans, aut suauiter vescens humanis visceribus posset morte gaudere vt priuaretur suis delitijs? ac non potius conaretur perpetuo hic viuere, & Magistratus fallere? quod dictum prorsus illustrat quod protulimus ex XI. Annal. vbi Lepida hortatur Messalinam, decus mortis quærat, cogitet vitam transisse, sed surda proferebantur verba. Cur ita? quia animo per libidines corrupto nihil honestum in-

rat.



rat. si tanta inerat fortitudo Christianis, ut non recusarent pro sua religione mortem oppetere, oportuit omnia esse conficta, quæ vulgo spargebantur de ipsis, quod noctu conuenerent libidinum causa, quodq. vescerentur infantilibus carnibus. deprehensa igitur hac ratione à Iustino Christianorum innocentia, ad ipsos transiit spreta philosophia Platonis, quod videret adeò inter se dissidere philosophos, ut nihil certi posset ab ipsis hauriri. Contradicere namq. sibi inuicem etiam Aristotelem, & Platonem, qui tamen videbantur esse præcipui. audiamus ipsum Iustinum in exhortat. ad gentes: quotquot inani studio suam infamant philosophiam nihil scire conuincuntur, atq. etiam ipsi fateri hoc coguntur non solum dissidijs mutuis, sed & inconstanti, ac varia suorum dogmatum expositione. quod si veritatis inuentio confessione omnium finis est philosophiæ quo iure isti, qui veritatis notitiam non assequuntur, philosophi nominari postulant? hæc ille.

O igitur gloriosum philosophiæ veræ, & non fucatæ, hoc est veritatis Catholicæ atq. Christianæ progressum dum videmus insignem philosophum, Platonica doctrinæ innutritum, Aristotēlicorum dogmatum, ut apparet, peritissimum contempto Platone, insuper habito Aristotele ad Christum veræ philosophiæ fundatorem transire. Gratulor tibi sapientissime Iustine, qui relictis tenebris ad lumen ad solem veritatis tam feliciter, tam fortiter transis.

Cum præsertim sigillatim ostendat idem Iustinus fidem non esse habendam Platoni, & Aristoteli inter se de rebus grauissimis dissidentibus. sic enim scribit in eadem exhort. ad Gentes: quod si & hos discordes comperiemus, facile



cile opinor eorum manifestam ignorantiam damna-  
bimus.

Quando Christiani dicebant philosophos Thaletem, He-  
rachitum, Pythagoram, Empedoclem, Melissum, inter se  
esse discordes, Gentiles respondebant conquiescendum in Pla-  
tone, & Aristotele. sic enim narrat S. Iustinus ut dicat  
Gentiles putasse Platonem, & Aristotelem esse philosopho-  
rum celeberrimos, & absolutissimos, & scire veram  
perfectamq. pietatem.

Obiciebant Christiani, & obicit ipse Iustinus Plato-  
nem quoq. & Aristotelem inter se dissidere. hinc extiterunt  
philosophi Gentiles Ammonius, Porphyrius, & alij, qui co-  
nati sunt omnia dicta Aristotelis, & Platonis inter se con-  
ciliare, qua de re infra suo loco agemus. suscipiebant hunc  
laborem, ut vacillantem errorem Gentilium tuerentur au-  
thoritate tantorum scriptorum.

Sed ostendit Iustinus dissidere tantos philosophos. Pla-  
to clamat omnem animam esse immortalem. Aristote-  
les entelechiam eam nominans, censer mortalem.  
ille in perpetuo motu eam esse dicit. hic immobilem  
ipsam ait esse motus omnis authorem.

Plato summum deum dicit esse in ignea substantia.  
Aristoteles negat ἐν τῇ πυρώδῃ οὐσίᾳ in ignea substantia  
esse Deum fingensq. quintā quandam ætheream, & immu-  
tabilem essentiam, in qua ille degat. citatq. librum, quo Ale-  
xandro Macedoni tradit compendium suæ philoso-  
phiæ. unde colligere licet existimasse Iustinum librum de  
Mundo ad Alexandrum esse Aristotelis. scio conari Dan.  
Heinsium euertere hoc argumentum petatum à Iustino. sed



nescio quam rectè respondeat, & num satisfaciat argum-  
tationi valde valide. nam quomodo possumus concedere li-  
brum illum esse Aristotelis iam diximus in Apuleio.

Quicquid hac de re sit, satis constat Aristotelem in libris  
etiam Acroamaticis collocasse primum motorem in extremæ  
sphaeræ parte conuexa, & quidem orientali. de Platone au-  
tem iterum ait Iustinus, quod in prima, summaq. cæli sphæ-  
ra planetis superiore primum Deum cum Ideis collocet, sed  
Aristoteles post primum illum Deum non Ideas, sed quæ-  
dam Intelligentiarum numina subiungat. hæc & alia  
legi possunt apud doctissimum sanctissimumq. Martyrem,  
quæ valde faciunt ad excolendum ingenium.

De ἀδιαφορίᾳ (lat. indifferentia) Crescentis Cy-  
nici quid scripserit S. Iustinus? plura de  
rebus indifferentibus proferuntur.

Cap. CXIII.

**S.** Iustinus inuehitur in Crescentem Cynicum, quod  
ἀδιαφορίαν indifferentiam inueheret. Verum Cy-  
nico, inquit, qui omisso bono sectatur indifferentiam,  
possibile non est scire aliud, quam indifferens.

Pro indifferentia autem innuit tunc aliquos sic pugnas-  
se ut dicerent: esse diuersas leges hominum, & alijs ho-  
nesta videri quæ apud alios turpia censentur. ipse  
respondet leges malas inductas esse à malis Angelis, qui-  
bus delectantur æquè mali, sed accedere rectam rationem  
cui non omnes opiniones probantur nec omnia placi-  
ta, sed fieri discrimen inter bona, & mala.

Non



Non autem absolutè negat dari indifferentiam in quibusdam rebus, cum varietas institutorum etiam apud populos rectè viuentes semper viguerit. sed non est ulterius quam par, progrediendum in eiusmodi ἀδιαφορία. Aristoteli sane Chius, ut refert Laërtius in Zenone finem dixit esse τὸ ἀδιαφόρως ἔχοντα ζῆν πρὸς τι μεταξὺ ἀρετῆς καὶ κακίας. indifferenti viuiere ad aliquid inter virtutes, & vitia. Cicero in Lucullo: Zenoni summum bonum est, in his rebus neutram in partem moueri; quæ ἀδιαφορία ab ipso dicitur.

Veritatem autem profari, non debet poni inter indifferentia, ut quidem videbatur facere Cynicus Crescens putans non debere quemquam veritatis causa subire periculum, aut mortem, qua tamen in re contradicebat Socrati, moralis philosophiæ præcipuo auctori.

Dices, Crescens fuit Cynicus, ergò videtur cum Zenone ἀδιαφορίαν tantum posuisse in ijs, quæ iacent inter virtutem, & vitium.

Respondeo, indicare Iustinum Crescentem meticulosum fuisse, & cum forte apud se agnosceret veritatis Christianæ vim, noluisse eius causa se dare in discrimen, atq. extendisse ἀδιαφορίαν ad veritatis professionem, quasi possit Sapiens dissimulare, & indefensam relinquere veritatem. longe alia mens Iustino, qui non dubitauit, ut vir generosus Apologiam pro fide Christianorum Cæsaribus offerre.

Ergò negatio veritatis inter simpliciter mala ponenda est.

Quod verò ad felicitatem indifferenti se habeant diuitiæ, & talia disputatur inter Stoicos, & Peripateticos



eos, nec prorsus absurda est sententia Stoicorum, de qua  
suo loco in hoc ipso opere nonnulla protulimus, ubi etiam  
Pyrrhoniam indifferentiam reiecimus, Anaxarcheumq.  
ἄστοργον. quam enim stulte se gerebat Pyrrho μὲν δὲ  
ἐκτρέπόμενος, μὲν δὲ φυλαττόμενος nihil declinans, nihil  
obleruans. unde forte natum est, ut apud Grecos ἀδιαφορία  
sit ferre usq. deq. & negligere quod accidit sicq. fortè quis  
interpretatur ἀδιαφορίαν illam, qua Cicero conclamata Repu-  
blica se solatur in Epist. ad Att. addens ἐυελπιστία: si non  
placeat dicere Stoicè fuisse locutum, ut iam monuimus suo  
loco.

Nec interim opinandum eum qui indifferenter se habet,  
non dolere omninò. Certè viri fortes præsenti animo ferunt  
calamitatem, & aduersos casus, non tamen putant idem esse  
manere in patria cum dignitate, aut dignitate exutum  
exulare, absurdè namq. Pyrrho publicè auiculas porcel-  
losq. vendidit, quin & scropham lauit, teste Laërtio,  
ut ostenderet se esse indifferentem.

Cur ergò, inquires, succensuit aliquando Philistæ Sorori,  
immemor sui instituti? Certè qui ἀδιαφόρως sese habet non  
irascitur.

Huic oblectiōni respondit ipse, & dixit audacter fieri  
non debere ἐπίδειξιν ἀδιαφορίας ἐν γυναιίῳ, in muliercula  
argumentum indifferentiæ.

Dionysius autem Metathemenus appellatus, ut scribit  
Laërtius in vita Herilli quum in oculorum dolorem incidisset,  
eo cruciatus acriter noluit dicere dolorem indifferen-  
tem. nec tamen eius sententia est probanda, quando asseruit  
τέλος εἶναι τὴν ἡδονήν, voluptatem esse finem.



*Illud antequam huic dissertatiuncula finem impinam monebo, licet leue sit, Ciceronem græcorum ἀδιάφορον interpretatum indifferens. Suetonius autem sic scripsit de Casare: circa victum Oppius indifferentem fuisse docet.*

**De veritate Christiana nitente Mosaica antiquitate quid differat S. Iustinus contra gentes? agitur rursus de auctoritate antiquitatum quas scripsit Iosephus.**

**Cap. CXIV.**

**P***Recipuum argumentum, quò utitur S. Iustinus ad oppugnandos Gentilium errores, & asserendam Christianorum veritatem petatum est ab antiquitate Mosis, & sacrarum literarum. Deum namque per Mosem longè ante Platonem, ceterosq. philosophos tradidisse hominibus veritatis dogmata. In secunda Apol. sic loquitur: ut sciatis Platonem hausisse è nostris doctoribus, audite verba Mosis, vatum antiquissimi superioris omnibus scriptoribus Græcorum. in eadem Apol. paulò antea: Plato cum ait, culpa penes eligentem est, Deus verò extra culpam, à Mose mutuatus est hanc sententiam. Moses enim est antiquior omnibus Græcorum scriptoribus.*

*In exortat. ad Gent. Iam tempus est ò Græci, ut persuasi Mosem ceterosq. Prophetas longe antiquiores fuisse omnibus vestris sapientibus, desistatis ab errore.*

*Ex Diodoro probat Mosem esse omnium legislatorum antiquiss.*



eliquissimum, quin docet, nihil Græcos certò prodidisse, quod sit superius Olympiadibus, nec eos habere ullos annales veteres de rebus suis, aut barbaricis sola Mosis prophetæ præcessit historia. quibus non ab- simile est, quod scribit Tertullianus lib. de Pallio: à Nino Beli progenie ( si tamen Ninus regnavit primus, ut autumat superiorum profanitas ferme apud vos stilius non solet.

Hinc Christiani cœperunt tam diligenter contexere Chronologias, ut ostenderent antiquitatem diuinæ, & Mosai- cæ legis, docerentq. omnia Græcorum monumenta longè esse posteriora.

Eustathius Comment. in Hexaemeron ait Clementem, & Aphricanum, & præter hos Tatianum, & ex Iudæis Iosephum, & Iustum proprio quemq. modo litteris prodidisse Moysem temporibus Inachi, qui septingentis annis bellum Troianum antecessit, fuisse.

Mox inherens diutius Iosepho ait eum annorum ordi- nem ratione, & iudicio disposuisse, & enumerasse omnium gentium dominos.

S. Iustinus exhort. ad Gent. ut ostendat Mosem fuisse temporibus Inachi, citat Philonem, & Iosephum Iudæo- rum doctissimos. Mox addit: Certè Iosephus antiqui- tatem suæ historiæ profitetur ipso titulo sic: Flauij Io- sephi de Antiquitatibus Iudæorum.

Quod si Iosephus, ut vult Sallianus, & Sallianum imi- tans Mascardus inuertisset, interpolasset historiam veteris Testamenti, frustra eius testimonio tantum tribuerent scriptores Ecclesiastici.



*At Sixtus Senensis in Bibliotheca sic loquitur de Antiquitatibus Iosephi: Seruatis simul & Sanctarum scripturarum veritate, & historiae legibus quandam veluti paraphrasin in omnes ferme veteris testamenti libros aptauit.*

*Idem Senensis subiungit Iosephum scripsisse aduersus Apionem, Molonem, aliosq. qui veteres & sacras Hebraeorum historias calumniabantur, proferendo tanta ex Phoenicum, Chaldaeorum, Aegyptiorum, & Graecorum scriptis testimonia, Sacris historijs conformia, ut vehementer admiratus sit D. Hieronymus, quomodo vir Hebraeus, ab infantia sacris litteris eruditus tantas externorum autorum bibliothecas potuerit euoluere.*

*Dices cum recentiori Scriptore, si verus est in historia Iosephus ruunt tempora. dices cum eodem fortasse hominem pessimum fuisse Iosephum.*

*Non ego Iosephum eximo omni errori. homo enim fuit. sed miror dixisse scriptorem recentiorem, ruitura tempora, si verus in historia est Iosephus. Cur ergo S. Iustinus nititur auctoritate Iosephi, ut ostendat Mosem esse antiquiorem omnibus legislatoribus, omnibusq. Graecorum sapientibus? infirmo fulchro fulcit sua dicta, quisquis nititur eo, per quem si verus est in historia ruunt tempora.*

*An ruunt tempora per eum, qui teste Eustathio ἡρώδης συντάξιν χρονικῆς καὶ νέως disposuit tempora omnium Gentium? nam qui confundit tempora, efficitq. ut ruant illi non tribueris veram mentem atq. iudicium, sed insaniam, aut etiam prauitatem.*

*Miror etiam à S. Hieronymo inter scriptores Ecclesiasti-*



eos recensitum hominem, fortasse pessimum. debebat recentior scriptor saltem indicare cur putet, aut suspicetur pessimum fuisse Iosephum? nec enim vagandum cum periculo alienae existimationis.

Qui porrò commendādo Iosephum, præferunt multis scriptoribus tam græcis quam latinis, non ita insaniunt, ut puto, ut eum præferant diuinarum litterarum auctoritati, quæ maximo intervallo superat quorumcumq. aliorum scriptorum auctoritatem.

Sed adduci non potest recentior scriptor, ut credat in tanta obscuritate scriptorum, varietate temporum, diuersitate sententiarum, annorum serie veritatem in omnibus κατὰ τὴν ἀλήθειαν Iosephum.

Hæc eadem difficultas quemlibet alium historicum, & Chronologum urget. sic hætenus non prodijt omnibus numeris absoluta temporum supputatio, quandoquidem, quilibet cogitur experiri obscuritatem scriptorum, varietatem temporum, diuersitatem sententiarum, annorum seriem.

Dicet ipse recentior scriptor, non defuisse nostro tempore qui errores Iosephi in historia notauerint. An igitur qui notant Iosephi errores omni errore carent? non puto affirmabit. Qui autem laudat Iosephum non ei, ut mihi persuadeo, detrahit omnem maculam. nam in omnibus rectè dicere, & nunquam dormire hoc est proprium eorum scriptorum, qui diuinitus illustrati nos docuerunt. ceteri, inter quos etiam Iosephus, nihil à se humanum alienum putant.

An verò hinc colligendum est vacillare in historia Iosephi



phi auctoritatem, & usq. deq. habendas eius narrationes: aut affirmandum cum Sallustio, & Mascardo Iosephum antiquitates Veteris Testamenti inuertisse, interpolasse: nequaquam sic ratiocinandum. quin audiendi sunt de Iosepho loquentes tot grauissimi viri, quorum testimonia aliqua saltem ex parte & hic, & suo loco, quando de Iosepho egimus, protulimus.

De disputationibus S. Iustini contra Aristotelem. perpenduntur duo loci apud Aristotelem de cœlo. Cap. CXV.

**D**E S. Iustino sic Photius: est autem vir ille ad Philosophiæ tum nostræ tum potissimum profanæ summum euectus fastigium (ἀνρον) multiplicisq. eruditionis, & historiarum copia circumfluens.

Tradit idem Photius Iustinum oppugnasse Materiam, Formam, priuationem Aristotelis, quantumq. illud corpus motumq. sempiternum, rationibus epicherematicis ac violentis, & densatis, siue conglobatis.

Specimen esto disputationis Iustini contra Aristotelem hoc. nam ipsum repugnantia arguit. in II. de cœlo dicit: cœlum igitur neq. ortum, neq. corrumpi potest. in primo ait: rectè natura videtur id quod futurum erat ingenitum, & incorruptibile exemisse è contrario.

Ne videatur hoc effatum illud euertere, forte putandum est Aristotelem locutum populariter, & exotericè. in secundo autem de cœlo scripsit acroamaticè, ne sibi contrarius deprehendatur. Certe hic modus loquendi: Natura  
exe-



exemit cœlum à contrarijs non est consentaneus germanæ, & propriæ doctrinæ Aristotelis. Nam natura secundum ipsum propriè est tantum forma, & materia. modus autem hic loquendi, Natura exemit denotat subiectum perfectum operans. At forma, & materia sunt partes, & sunt substantiæ imperfectæ.

Præterea, si dicas naturam exemisse à contrarijs cœlum, nonne asseris naturam fecisse cœlum? & nomine naturæ intelligis Deum? hinc colligere erit cœlum esse factum. si factum, cur ait cœlum exemptum à contrarijs, ut foret ingenerabile, & incorruptibile?

V. detur igitur Aristoteles, quando dixit Naturam exemisse à contrarijs cœlum locutus exoterice, & non acroamaticè.

Sed nova nos premit difficultas. an enim in libris acroamaticis (Acroamatici sunt libri de cœlo) loquendum fuit exoterice, cum acroamatica valde differant ab exotericis? Nonne qui iam loquitur ex propria sententia, iam ex sententia populari præbet occasionem errandi? Cum præsertim Aristoteles non dicat quosdam dicere Naturam exemisse à contrarijs cœlum, sed asserat ipse: Naturam exemisse cœlum à contrarijs.

Videant Peripatetici qua ratione sit defendendus Præceptor, nec tam tenaces sint omnium eorum, quæ protulit Aristoteles, quandoquidem tantus philosophus, qualis fuit Iustinus, tam vehementer ipsum oppugnavit.

Perpendant, & illud quod obijcitur à S. Iustino ex primo de cœlo: Necessum est esse aliquod corpus simplex, quod aptum quidem sit circulari motu suapte natura ferri.

Si



Si aptum natum est cælum ferri in orbem, cur indigeat externo motore? Frustra est illa potentia, quæ non reduci-  
tur in actum. Cui bono propensio ad motum in cælo, si se  
ipsam in actum reducere non potest?

Quid quod XII. Metaph. videtur omnia euertere, quæ  
traduntur in VIII. physic. nam si intelligentia mouet ut ama-  
ta, non mouet ut physicus motor. quin necesse est orbem cæle-  
stem amare, & amando sese mouere. quod amat intelligit.  
Ergo mente, & intelligentia sibi insita præditum est cælum.

Atq. adeò in seipso habet principium physicum, pro-  
prium, intrinsecum sui motus, nec mouetur à motore ex-  
trinseco. quod dicitur argumentando ex verbis Aristotelis.

De quadam repugnantia, quam tribuit Platoni  
loquenti in Timæo S. Iustinus. perpendi-  
tur generica diuisio Entis secundum  
Platonem. Cap. CXVI.

**R**epugnantia accusat Platonem S. Iustinus prolatis ver-  
bis ex Timæo, quibus nihil decantatius. *Dij Deo-  
rum, quorum opifex ego: quia generati estis, immorta-  
les quidem, & indissolubiles non estis: nec tamen  
vnquam dissoluemini nec mortis fatum subibitis, cum  
mea voluntas sit vobis pro vinculo, nexuq. validi-  
simo.*

Protulerat antea verba Platonis dicentis: equidem an-  
te omnia differendum censeo, quid sit ens sempiter-  
num, ingenitum, & quid quod gignitur quidem, est ta-  
men nunquam; illud intellectu per rationis indagi-  
nem



nem percipi potest cum semper sit idem : hoc opinione per irrationalem sensum attingi, cum gignatur, & intereat, sit tamen nunquam. *Quicquid gignitur, interit.*

*Omnia præter Deum, qui est prima causa, genita sunt. Ergo etiam dii conditi à summo Deo intereunt : nec potuit eis immortalitatem, & incorruptibilitatem polliceri conditor.*

*Nam quod conditur, conditur ex materia ab Opifice secundum Platonicos. in materiam autem potestatem non habet opifex, quia ipsa æquæva opifici potest ei repugnare, nec potest cogi.*

*Quibus positis ait S. Iustinus Platonem non potuisse. ἐκφυγεῖν τῆς ψευδολογίας ἔγκλημα, effugere crimen mendacij. nam qui ἐναντία ἑαυτῷ εἰσάγει, qui inducit sibi ipsi repugnantia ψευδόλογος mendax deprehenditur.*

*Quam Platonis contradictionem transcripsit Stephanus Gobarus apud Photium in Bibliotheca num. CCXXXII. nam primum hæc ponit :*

*Omne generatum corruptibile est, & mortale, voluntate verò Dei manet insolubile ἄλυτον καὶ ἀφθαρτον & incorruptibile. Et è contrario : natura corruptibile φθαρτὸν (sic malo quam quomodo vertit Schotus corruptum) non potest esse incorruptibile βελήσει θεῷ : Dei voluntate. Contraria enim (sic subiicit Stephanus) docet hoc asserens, καὶ ἀδύνατα impossibilia (Schotus vertit impossibilitatem) χαρίζεται τῷ δημιουργῷ conditori tribuit.*

*Mox producuntur verba Platonis ex S. Iustino. addit Photius confirmans argumentationem S. Iustini : ipse qui-*



dem Martyr Platicum arguens sophisma ostendit Platonem creatorem inducere ἐναντία λέγοντα ἑαυτῷ sibi ipsi repugnare. vel enim necesse est omne generatum corruptibile esse secundum priorem definitionem vel eum dicendo omne generatum corruptibile esse ψεύδεσθαι mentiri.

*De verbis eiusdem Platonis differit S. Cyrillus Alexandrinus lib. II. contr. Iulianum. nam Iulianus ausus fuerat Mosaisca narrationi de creatione opponere Platicam, ac si melior foret. non tamen prolata sunt illic, quæ proferuntur à S. Iustino, quod Ens vel est sempiternum, vel genitum, & quod solum sempiternum intelligitur, genitum verò non, cum nusquam sit.*

*Ad rem ipsam autem pronunciat S. Cyrillus, & inquit immortale quidem, vel insolubile nihil: voluntas autem Dei unicuique creaturæ est natura.*

*Platonis interpretes, dum perpendunt illam diuisionem Entis in id quod semper est carens generatione, & id quod gignitur neq. est vnquam, aiunt Deum, intelligibiliaq. omnia semper esse, principioq. carere, & ex ipsis reliqua pendere: mundum verò sensiliaq. cuncta principio aliquo constare, vereq. non esse, si cum illorum essentia conferantur. itaq. primum potissimumq. verum omnium principium, vnicum, & ratione comprehensum, ac æternum Deum esse: secundum verò in sensum cadens, à primo illo productum esse totius mundi vniuersitatem. talemq. à Platone distinctionem factam esse etiam in Parmenide, cum ens vnum æternum, immobile, indivisibile, infinitum, cunctorumq. principium hoc est Deum, & Ideam in illo sitam posuit, alte-*



alterum autem vere non ens, mutationibus obnoxium, finitum, mobileq. adiunxit, id est inferiorem hanc materiam rerum corporearum.

Obijcies nihilominus mundum ipsum materiam, ac formam nunquam desisse esse, imò secundum aliquos Platonicos facta non esse. Cur igitur sic diuidit ens Plato, ut quoddam sit, quod sit ingentum, nullo constans principio, aliud autem genitum nunquamq. sit?

Responsio admodum difficilis. dicunt nihilominus scholæ Platonice sectatores comparatione facta cum prima causa cætera dici non esse, cum absq. comparatione præstantior sit prima causa ipsa, quæ ab ipsa pendent.

Quod vero aliqui dicunt mundum secundum Platonem non esse factum, id verò quomodo connecti possit cum diuisione prolata ex Platone difficile est docere. Deus enim solus ingentus dicitur, cætera genita, atq. adeò corruptibilia. Nisi ergò mira fingere velimus secundum Platonem, videtur prorsus esse dicendum mundum esse factum, atq. adeò sua natura esse corruptibilem, licet non sit corrumpendus ob Dei voluntatem conseruantis ipsum. soluenda tamen adhuc sunt obiecta S. Iustini de materia ingenta, & Deo æquæua atq. adeò non obnoxia Dei potestati.

Viderit etiam Sallustius philosophus cap. VII. cur mundum ingentum, & incorruptibilem dixerit sicq. ratiocinetur: εἰ γὰρ μὴ φθείρεται, ἔδὲ γέγονεν. ἐπεὶ δὲ πᾶν τὸ γινόμενον φθείρεται. si non interit, neq. conditus est; cum omne, quod interit, conditum sit. & tamen mox subiungit per Dei bonitatem θεῶν ἀγαθότητα mundum esse. si Dei bonitas causa est mundi, mundus factus est



cur ergò illum paulò antea appellavit ingenitum, cum præsertim dicat de Deo: si meliorem (mundum efficiet corrupto priori) impotens fuit (Deus) qui ab initio non produxit quod præstantius est?

Quæ prolata ex Sallustio, videntur addere robur argumentationi S. Iustini, qua conatur Platonem pseudologias falsæ sententiæ arguere, & repugnantia.

Cum porrò ostendat in suis scriptis S. Iustinus adeò sibi esse notum familiaremq. Platonem, & ipse in prima Apol. dicat modeste loquendo se delectatum fuisse, antequam Christianus fieret, Platonica philosophia, non debuit dicere Sixtus Senensis Iustinum fuisse Stoicæ sectæ addictum, nec enim id reperitur in secunda Apologia, ut putat Senensis.

Perpenduntur adhuc verba Platonis: *Dij Deorum,*  
quorum ego opifex prolata à S. Iustino.

Cap. CXVII.

**Q**uoniam millies repetita sunt verba Platonis: *Dij Deorum* quorum opifex ego, & pater hæc attendite, etsi iam aliquid ad ipsa ex S. Iustino annotatum fuerit, lubet tamen adhuc quædam depromere, cum præsertim summus Deus iubeat minores Deos in hunc modum: *Accedite vos ad animalium generationem.*

Prolixè omnia explicat Proclus in commentario, ubi conatur ostendere cur immortales sint *Dij mundani* (θεοὶ ἐγκόσμιοι) nempe quia manarunt ab unitate *δημιουργικῇ*, quoniam prima causa simplicissima est, & prorsus immortalis



calis. hinc fit, ut quaecumq. ipse condit per se, & immediate  
eis conferat vinculum suae substantiae tale, quod à nullo possit  
rumpi, & dissolui, nisi ab eo, qui nexuit, hinc immortalita-  
tem Deorum mundanorum, hoc est mundi colligit Proclus.  
nam quod colligatum est à δημιουργ, id non potest solui, nisi  
ab eo. παντὶ μὲν ἄλλῳ λύειν τὸ πᾶν ἀδύνατον. μόνος γὰρ ὁ πατὴρ  
δύναται λύειν: solus autem pater potest solvere.

Sed subiicit Proclus, quod mirabile est, impossibile esse  
à Patre solui uniuersum, quod reijceret S. Iustinus. Cur  
enim Pater cum sit liberum agens non possit solvere, quod  
colligauit & liberè condidit mundum, liberè etiam posset  
eum in nihilum solvere.

Sed obijcit Proclus: qui colligat bonus est. Ergò qui sol-  
uit malus. καὶ γὰρ τὸ λύειν. Sed Pater bonus est. Non  
igitur potest solvere mundum. hinc S. Paulus: Deus sei-  
psum negare non potest.

Respondere nihilominus licet, Deum quia liberum agens est,  
posse destruere quod construxit, nam non est absolute bonus  
mundus, sed pendet à nutu Dei. qui autem liberè agit, ut  
liberè fecit mundum, cum liceret ei non ipsum condere,  
eadem libertate & usus posset eum dissolvere.

Quaedam autem prorsus repugnant naturae diuinae, ut  
mentiri, seipsum negare, deq. illis rectè dicitur, quod à Deo  
procul absint.

Quid verò dicendum de Deo iubente minores Deos facere  
animalia? si proprie explicentur, sunt reijcienda. nam se-  
cundum Mosaicam narrationem Deus fecit omnia, neq. ius-  
sit Angelos facere hominem, & animalia. reijcimus etiam  
differentiam illam inter summum Deum, & minores Deos



*Condidit quidem Angelos, sed ipsi nequaquam dii sunt.*

*Commodum tamen sensum aliqui tribuere conantur verbis Platonis, dum aiunt, quod quaecumq. Deus facit, voluntate sua, & nutu quasi verbo quodam facit, unde aiunt intelligi primam causam immobilem semper manere, leuissimamq. quasi nutu inferioribus imperare, secundas vero motu, & impulsu prioris incitatas inferiora gignere. Vt in mundo Deus, siue primus motor, voluntate sua coelum mouet: coelum autem, ut pote secunda causa motu suo inferiorem naturam procreat, ac sustentat, unde prima causa cum firma, & immobilis maneat, firmas quoq. ac stabiles res efficit, secunda vero quia motu suo cuncta gignit, infirmas, & inconstantes.*

*Sic illi conantur ad bonum sensum deducere Platonis verba, nam si quis illa propriè utq. sonant accipiat, iam diximus nequaquam Angelos fecisse hominem, aut animalia.*

*S. Cyrillus lib. II. contr. Iulian. quia videt apud Platonem Deum alloqui Deos Iuniores, qui Dii Iuniores secundum eundem Platonem sunt sidera, non permittit mundum esse ratione praeditum, quicquid dixerint etiam Stoici. non fert, inquam, S. Cyrillus Deum propriè alloqui mundum siue mundanas causas, tanquam intelligentia, & anima praeditas, ut iussæ, & propriè exaudientes Dei summi vocem, deinceps faciant hominem, & alia animalia.*

*Iam, inquit S. Cyrillus, quod coelum hoc est mundus, planè non sit animal, neq. animatum omninò, etiam absq. alijs, quos sapientes vocant, ad reprehendendum sufficit Aristoteles qui dixit neq. animatum totum mundum, neq. rationalem neq. mentalem.*

*Hinc*



Hinc colligit S. Cyrillus Deum nequaquam dixisse quod aliquid formare debeant.

Aliqui tamen putarunt mundum esse animatum secundum Aristotelem, sed male. primus quidem motor, & intelligentia rationales sunt, sed hinc non est colligendum dixisse Aristotelem mundum esse animatum. nam nomine mundi intelligimus corpora quæ mouentur. Sed secundum Aristotelem primus motor, & etiam intelligentia immobiles sunt.

Themistius tamen Peripateticus videtur censere elementa esse animata non tamen ait esse rationalia, & aliqui inter recentiores dicunt mundum esse animatum, sed non rationalem.

Philo de mundi incorruptib. ex verbis Platonis: Dij Deorum colligit mundum esse genitum, & incorruptibilem, aitq. sophisticè à quibusdam verba Platonis accipi, quasi mundus dicatur genitus, non quod habuerit generationis principium, sed quod si factus est, non aliter quam dictum est confieri potuisse: quandoquidem partes eius generari, & mutari videmus.

Ipse autem asserit meliorem esse sententiam, quod secundum Platonem mundus sit genitus, quia passim in Timæo Deus pater, opifex, conditor appellatur, mundus autem opus eius, & progenies.

Quod comprobatur quoque testimonio Aristotelis, qui amicus de amico non fuisset mentitus, nec scelus indignum philosopho commisisset. sic ergo Philo confutat eos Platonicos, qui censent mundum esse ingentum, quos inter fuit responsor in disputatione quæ tribuitur S. Iustino.



Vt magis intelligantur verba Platonis prolata à

S. Iustino, quæritur, an & quatenus voluntas Dei corporum mundanorum vinculum sit.

Cap. CXVIII.

**V**erbis Platonis, quæ protulit S. Iustinus, fas quæso sit adhuc immorari, ut sciamus, quare Deus dixerit Dijs iunioribus, scilicet corporibus mundanis: mea voluntas vobis est pro vinculo, nexuq. validissimo. aut ut verba græca habent: voluntas mea maius præstantiusq. est vinculum ad vitæ custodiam quam nexus illi, quibus estis tunc, cum gignebamini, colligati.

Eiusmodi effatum quo βέλνσις voluntas Dei dicitur esse δεσμός, vinculum rerum creatarum, siue Deorum mundanorum videtur habere multiplicem difficultatem.

Nam voluntas Dei est quid extrinsecum, incorporeum, simplicissimum, increatum. qua ratione igitur potest esse vinculum rerum corporearum? vinculum profecto est id, quo duo vel plura nectuntur, & colligantur. quod necesse est, ut sit eiusdem, aut non prorsus absimilis naturæ cum ijs, quæ debent connecti, oportetq. ut cum ipsis habeat proportionem, & affinitatem aliquam. hinc colligere est vinculum, quo colligata sunt sidera, & corpora cœlestia esse corporeum, illorumq. partes intimè tangere, & apprehendere, alioqui vinculi munere nequaquam posset fungi.

Quod ergo assumitur ad describendum nexum Deorum iuniorum, id remoueri debet à voluntate Dei. Quid enim  
est



est voluntas Dei, nisi Deus ipse?

Si dicas, Dei voluntatem esse nexum rerum corporearum, quia eas destruere non vult, hoc non videtur sufficere, nā non propterea quia Architectus domum à se constructam non demolitur eius voluntas est causa cur conseruetur. quin opus est ut habeat interna principia suae durationis. Certè qui construxit Amphitheatrum Romanum, quod hodie aliqua ex parte superest, multis abhinc seculis obiit, moles tamen amphitheatralis non ideò concidit, & interijt.

Philo in libro de mundi incorruptibilitate multis argumentis satagit ostendere mundum habere interna principia suae perennitatis; ait namq. esse expertem senij, nam mundus insuperabili robore præditus partes suas mouet, ipse a nulla earum mobilis.

Mundus secundum Platonem semper fuit, licet factus sit à Deo, ergo non potest corrumpi. nam quod non cæpit esse, non potest desinere esse.

Vnde videtur colligendum nequaquam pendere mundum à Dei voluntate. nam si semper fuit non videtur manasse à Dei voluntate, cum videantur hac inter se stare non posse, semper fuisse, & extitisse Dei voluntate. si mundus non extitit Dei voluntate, eius salus nequaquam videtur ab eadem pendere.

Quæquæso causa mortem possit inferre Dijs Iunioribus? hinc Philo scribit: Corpora quæ morbis lædi possunt aut senio, caloribus, & frigoribus alijsq. contrarietatibus externè infestantibus subuertuntur: è quibus rebus nullum mundo est periculum, quandoquidem inclusis omnibus, foris nulla relinquitur. quod si vtiq.



aliquid est exterius, omninò inane erit, aut ociosa quædam natura, quæ nec agere, nec pati possit. hæc ille.

Respondendum nihilominus est voluntatem Dei non propriè dici vinculum, quandoquidem Dii iuniores colligati sunt vinculo cum cõderentur. illud autem vinculum eis absq. dubio satis est, cum Deus perfectum condiderit mundum. quod autem perfectum est, & perfectè compactum non indiget alio nexu connectente. Monstri enim simile esset, si vincula Vinculis adderentur.

Verba autem Dei loquentis apud Platonem ostendunt voluntatem suam longè superare sua dignitate vinculum quo colligati sunt Dii iuniores quando facti sunt, quodq. absolutè loquendo indigeant magis ad suam perennitatem Dei voluntate quam nexu, quo connexi sunt. Cur ita? Quia cum Deus eos colligauerit, posset dissolvere, vinculumq. rumpere. hinc consequeretur ipsorum interitus. perfecti igitur sunt, & imperfecti. perfecti quidem, quia nisi à superiori agente Deo destituantur, non poterunt unquam interire, imperfecti, quia non sunt simplicissimi, si non sunt simplicissimi, sed colligati, dissolui possunt ab eo, à quo colligati sunt.

Solus igitur Deus absolutè immortalis, quia simplicissimus. res creatæ ipsaq. corpora cælestia non absolute perennia, quia coagmentata sunt.

Hinc vinculum vocatur voluntas Dei, non quod propriè sit nexus quo coherent inter se mundana corpora, sed quatenus habet imperium in corpora colligata, & in ipsum nexū, quo coherent. ita vocari potest plusquam vinculum, & plusquam



quam nexus quod colligere est ex verbis Platonis græcis, quibus voluntas Dei appellatur *μείζων δεισιμὸς καὶ κρυπτότερος*, maius, magisq. potens vinculum. quod latinè forè quis exprimere posset vocando voluntatem Dei non tam vinculum quam plusquam vinculum, cum vinculum, quo connectuntur corpora mundana, imò sunt, & constant à Dei voluntate sit factum, atq. adeò tolli prorsus queat.

Non interim cum Platone, aut Proclo mundi stabilem statum ex eo petimus, quia semper fuerit. nam secundum veritatem Mosaicam in tempore factus est, nec tamen unquam interibit, nisi Deus eum destruat.

Obijcies cum Proclo, quod sit in tempore, non potest semper durare. Ergò mundus seipso interibit, ut videmus interire corpora quæ quotidie oriuntur.

Respondendum obiectioni est, mundum nobilissimo quodam modo in tempore conditum tanquam ab agente rationali. hinc perdurabit, nisi Deo aliter visum. alia est ratio corporum nascentium naturali modo, quæ ut nascuntur, sic etiam intereunt.

Accipimus autem argumentationem Plutarchi contententis mundum si conditus est voluntate Dei, non potuisse semper esse, accipimus, inquam, nos Christiani eiusmodi rationem, quandoquidem dicimus non semper fuisse mundum. licet pleriq. Platonici asserant mundum esse æternum & genitum, quia provenit à prima, & æterna causa. sic enim differit etiam Foxius contra Plutarchum, & Senecam, & Atticum comment. in Timæum.

Quod si motus, quo diximus, voluntatem Dei esse vinculum mundanorum corporum non sat sfaciat, asserere lice-



*hic Dei voluntatem esse vinculum mundi, quandoquidem ipsum conseruat, cum praesertim non desint, qui dicant conseruationem tantum ratione differre à creatione, qua de re videnda sunt, quae traduntur à Theologis.*

*Quid de anima genita, vel ingenita secundum Platonem, imò de mundo vel genito vel ingenito nonnulli protulerint, vt repugnantiae nodum tollerent.*

*Cap. CXIX.*

**C***ontradictionem de mundo corruptibili, & incorruptibili, genito, & ingenito obiectam à S. Iustino Platoni, & aliquatenus tactam suo loco ex Plutarcho quoque. licet sic munire ex verbis in Phaedro: omnis anima est immortalis, quia semper mouetur, est alijs principium mouendi ἀρχὴ δ' ἀγέντων. principium autem est ingenitum. ex ipso namque necesse est oriri, quicquid fit, αὐτὴν μὴ δ' ἐξ ἐνός: ipsum autem ex nullo. tandem colligit, quod si ita est vt non sit aliud quicquam, quod seipsum moueat praeter animam ἐξ ἀνάγκης ἀγέντων τε καὶ ἀθάνατον ψυχὴν αὖ ἐῖν: necesse est, vt sit ingenita, & immortalis anima.*

*Quid disertius fieri potest? nonne absolutè pronunciat animam esse ingenitam, & carere initio, & motum praebere omnibus, ipsi quoque caelo, quod in se inanime foret atque immotum nisi motum acciperet ab anima tanquam intrinseco principio, non extrinseco, vt videtur voluisse Aristoteles in VIII. physic.*

*Adde*



Adde in diuisione illa generica entis apud Platonem ens  
vel esse ingenitum, quod semper est, vel genitum, quod  
interit, & quodammodo nusquam est; quis autem non  
videt animam cum semper fuerit, semperq. sit debere  
referri ad prius membrum diuisionis, atq. adeo esse ingeni-  
tam? nam posterius membrum diuisionis videtur satis clarè  
complecti ea, quæ absolute *διὴ τὰ* sunt, à secundis causis  
prolata multiplici operatione, non *ἐν χρόνῳ ἀνισχυρῶν*, quæq.  
oriuntur in tempore, & occidunt, ut rursus alia nascan-  
tur.

Cum autem Plato ex eo colligat animam esse immortalem  
& interitus expertem, quia ingenita est, doceatq. immor-  
talia esse corpora cœlestia, quæ ipse appellat *θεοὶ ἐν νοστίαις*,  
inde colligendum erit mundum esse ingenitum. Nec enim  
occidunt sidera. si non occidunt, ut res ipsa testatur, erunt  
ingenita.

At Totius Deus appellatur pater, opifex, & in Timæo  
disertis verbis agitur de animæ generatione, dum inquit  
Plato, animā à Deo ante corpus procreatam, his etiam utens  
verbis: opifex, tam generatione, quam virtute prio-  
rem, antiquioremq. anima corpore constituit, utpote  
quæ obediens corpori esset imperatura, deinceps sigil-  
latim describit, quomodo animam condiderit.

Nonne hæc magis ac magis repugnantiam Platoniam de-  
tegunt? hinc ipse Foxius Comment. in Tim. p. 112. hæc  
protulit: partim æternam vocat animam Plato, & in-  
genitam, partim verò genitam. fatetur deinde à D. Au-  
gustino lib. X. de CD. reprehensos Platonicos, quod ani-  
mam æquè æternam cum Deo faciant, mox subiicit, Plato-



nem dicere animum esse aeternum, & Platonicos omnes id de ipso asserere, at non tacet genitam animam ab eodem Platone appellari.

Difficultatem quam experimur dum sermo instituitur de anima agnoscit Plato in Timaeo, dum fatetur nos multa tanquam *μητέχοντες ἀποστυχόντες καὶ ἰκτὴν* fortuito, aut temere, & inconsiderate effutire. hinc ait Proclus interpretans Platonem animā nostram ad rerum intelligibilium cognitionem caligare, propter sensuum naturam errantem.

Quae confessio Platonis videtur omnem certitudinem de eiusmodi dissertatione tollere, atq. ad id ostendere nos non posse habere fidem Platoni caliganti, & ceco tramite incedenti in tantarum rerum peruestigatione. si igitur perplexè locutus est Plato in Timaeo, inq. Phaedro atq. alibi, magis ac magis videtur muniri obiectis S. Iustini, quod sibi pugnantia protulerit. nam qui non recte rem aliquam assequitur, vult tamen eam explanare, ferè incidit in scopulos repugnantiae.

Tentarunt tamen etiam Christiani scriptores eiusmodi nodum solvere, ne sibi contrarius deprehendatur Plato, de quibus quidem solutionibus sentiat sanè quisq. pro lubitu.

Beatus lib. V. de Consol. Philosophiae prosa VI. sic scribit: Non rectè quidam, qui cum audiunt visum Platoni mundum hunc nec habuisse initium temporis, nec habiturum esse defectum, hoc modo conditori conditum mundum fieri coaeternum putant. Aliud est enim per interminabilem duci vitam quod mundo Plato tribuit: aliud interminabilis vitae totam pariter complexam esse praesentiam, quod divinae men-



tis proprium esse manifestum est.

Deinceps profert verba, quæ profectò in schola Christiana non exiguum negotium facessere videntur: Neq. Deus conditis rebus antiquior videri debet temporis quantitate, sed simplicis potius proprietate naturæ. An ergò ab æterno factus est mundus? quod videntur etiam dicere voluisse aliqui, qui non ex tempore, sed ab æterno aiunt dici Deum Dominum.

Nedum  
formali-  
ter sed  
realiter  
etiam.

Tertullianus dixit ex tempore Deum vocatum Dominum, quia non ab æterno, sed in tempore condidit mundum.

Boetius videtur satisfacere difficultati, quam præferunt eius verba, dum postea inquit: Deo est semper præsentarius, ac æternus status: scientia quoq. eius omnem temporis supergressa motionem in suæ manet simplicitate præsentis, infinitaq. præteriti ac futuri spatia complectens omnia quali iam gerantur in sua simplici cognitione considerat. sic intelligi quoq. potest quatenus dominum, quod Deus habet in res à se creatas æternum sit. Nec enim propterea quia semper omnia veluti præsentia intuitus est Deus dicimus ab æterno conditum fuisse mundum.

Sed Platonis sententiam de mundo vel condito, vel etiam æterno amplius explanat, quasi excusando Boetius, dum ait ibidem: si digna rebus nomina velimus imponere, Platonem sequentes, Deum quidem æternum mundum vero dicamus esse perpetuum.

Bessario in secundo libro pro Platone cap. V. non patitur secundum Platonem dici mundum Deo coæternum, licet  
ext-



existimet, & ipse docuisse Platonem mundum semper fuisse, & esse æternum. plurimum, inquit, inter æternum causans, & æternum causatum. deinceps vulgari-  
bus exemplis utens ait: si vestigium pedis æternum foret non tamen coæternum cum pede vestigium diceretur.

Et paulo ante docuit maximè differre æternum illud quod omnem simul infinitudinem entis comprehendit, qualem Plato statuit Deum, ab eo æterno, quod suum esse non absolute sed cum fluxu generationis connexum habet, & ut perpetuum esse possit, aliunde acquirit, qualis, Platonis sententia, est mundus.

2. de coel.  
tex. 123.

Obiecit quidem Aristoteles in libris de Cælo id quod semper est, non posse dici genitum τὸ ἀεὶ ὄν & γινόμεν. & tex. CXII. supponit genitum dici, si quod non erat prius, posterius sit, aut si generatio ipsius sit ex eo, quod non est. Sed debebat meminisse motum in sua schola semper fuisse ob æternitatem motoris, & tamen motus provenit à motore, & est causatus à Motore. Ergò non repugnat aliquid semper fuisse, & tamen habere causam.

Nonne secundum ipsum sol est ingenitus? absq. dubio. si sol semper fuit, & fieri non potest ut non habeat semper comites radios, comitemq, splendorem sol, dicere est semper fuisse splendorem solis, cum tamen fluat à sole.

Aliqui, ut Bessarion adversus Aristotelem proferunt, quod materia sit æterna secundum Peripatum, & tamen Deus sit causa materiæ. sed nescio an hæc obiectio solida sit cum secundum Aristotelem materia sit ingenta, neq. eius causa sit Deus. longè melior est ratio, quam construximus de motu

cæli



coeli, qui motus semper fuit, et tamen habet causam primum motorem.

Supereſt tamen adhuc difficultas ex Phædro, ubi anima dicitur ingenita, nam quod ingenitum eſt causam nullam habet. Cur ergo in Timæo multis verbis animæ generationem enarrat Plato?

Plutarchus, ut suo loco tradidimus, dixit ingenitam dici animam in Phædro, quod motrix eſſet inordinata, & inordinatè moueret mundum, Deum autem prorsus non eſſe causam animæ inordinatæ: sed dici genitam, quod motu ordinato Deus eam donauerit. Anima igitur ut substantia inordinata non habet Deum causam, sed ut ordinata, & secundum ordinem. in quam rem proferuntur verba ex ipso Platone: cum omne quod visibile recepisset minimè tranquillum, sed inordinato quodam, & tumultuario motu agitatum, ad ordinem ex inordinatione redegit.

Nonne hæc verba indicare videntur non eſſentiam rerum atq. naturam eſſe à Deo conditam, sed ordinem duntaxat, atq. ornatum datum à Deo rebus: atq. aded in tempore non ab æterno mundum eſſe factum, nec dici debere æternum, niſi ratione materiæ, animæq. inordinatæ?

Huic argumentationi ferè viſus eſt dare manus Foxius & cedere ijs, quæ Plutarchus habet toto libello de Animæ procreatione, quæ tamen ſi vera forent in ſchola Platonis, tota eius doctrina ſatis diſertè expoſita in Timæo ſubuerteretur.

Sed audiamus Foxium non admodum Platonice, ut videtur, loquentem: ſubiectum ipſum, & eſſentia mundi



æterna est, & initio quasi rudis deformisq. fuit: postea tamen cum à Deo est in ordinem redacta, informataq. generata esse dicitur, quo fit, vt nihil aliud sit mundum generari quam formam denuò ordinemq. accipere. nam ante factum cœlum substantia vniuersa erat, licet inculta, & inordinata: tempus quoq. minime distinctum, determinatumq. tunc extrabat. Generato verò mundo, & tempus vnà cum cœlo est ordinatum, & motu eius distinctum.

*Quæ sententia videtur etiam fuisse Philonis in libro de Opif. Dei, dum scribit: si quis causam, quare vniuersum hoc creatum sit, velit exquirere, non errabit, si id existimabit quod quidam ex veteribus protulit, bonum esse creatorem. Erat sua ipsius natura inordinata, informis, inanimata, varia, incongrua, inconcinna. Addit Creatorem substantiã inordinatã in ordinem formasse.*

*Vbi tamen in eo contradicit Plutarcho, dum ait substantiam illã inordinatam, fuisse expertem animæ. putat namq. Plutarchus animatam fuisse, sed motu inordinato, citatq. Phædrum, in quo anima dicitur ingenita.*

*Nonne autem est hoc improprietatem impingere Platoni, quasi anima dicatur tunc genita, quando donata est ordinato motu? nam gigni est produci non ordinari.*

*Quod si quis Platonem loquentem de Deo redigente in ordinationem ad ordinem ad sensum ipsi, vt apparet, magis conuenientem reducere velit, forte dicet cum Bessarione non accipienda verba prout sonant, sed explicanda sic, vt sciamus voluisse Platonem in re tam remota ab humanis sensibus loqui modo humanis auribus conueniente. nam & Moy-*  
ses



ses nostræ imbecillitati aliquid tribuit, quando creationem rerum enarrauit.

Quod verò in Phædro animam ingenitam appellauit, quodq. diuisio illa Entis Platonis in Timæo videtur significare mundum secundum Platonem debere dici ingenitum, id forte ita exponendum fuerit, ut sciamus Platonem quandoq. vocasse ingenitum, quod semper fuit, neq. oritur in tempore, ut animam mundi, & mundum distinguat ab ijs rebus, quæ prorsus mortales sunt, & caducæ quæq. dicuntur condi à Dijs iunioribus, & quotidie oriri, & interire.

Quam explicationem consentaneam esse scholæ Platonice ex eo discere fortasse licet, quia in Phædro docet animam non habere principium, neq. cœpisse moueri, sed semper habuisse suum motum: ne eam facias caducam, ut caducæ sunt res quas nos ipsi videmus habere ortum sui motus, & eundem intra certum temporis spatium amittere. hinc dixit in diuisione Entis generica, illa, quæ genita sunt, nusquam esse. Cur ita? quia si consideres æternitatem, & cum ea conferas breuem durationem rerum caducarum videntur nunquam nusquam esse.

A censu talium rerum. caducarum excluduntur illa, quæ ab Opifice ipso vna simpliciq. operatione genita sunt, quæ cum semper fuerint, nunquamq. occidant, quandoq. ingenita à Platone appellata sunt, quod maximè distent ab ijs rebus, quæ in tempore gignuntur, & intra certum temporis spatium intereunt.

Sic anima, & mundus collata cum Opifice, quamuis semper fuerint secundum Platonem, dicuntur genita, si autem conferantur cum ijs, quæ manant à secundis causis, quas



Deos iuniores dicit Plato, ingenita vocantur, quod nullum fuerit tempus, quando non erant, in schola quidem Platonis.

Quibus si quis nolit acquiescere, recipiat sane sese ad S. Iustinum, & cōtendat nō prorsus inter se cohærere dicta Platonis, quando quidem ipse fatetur in eiusmodi rebus adeo difficilibus fieri, ut aliqua fortuito, & non prorsus consideratè proferantur.

De argumentatione S. Iustini, qua colligit Aristotelem docuisse animam esse mortalem.

de ἐντελέχειᾳ non pauca proferuntur.

Cap. CXX.

**P**erpendenda est argumentatio S. Iustini, qua colligit Aristotelem docuisse animam esse mortalem, non esse immortalem, quia scilicet dixit eam esse ἐντελέχειαν.

Εντελέχεια est forma, quæ cum materia constituit compositum. Ex physicis autem eiusdem Aristotelis constat ipsum docere formam esse inseparabilem, & ex Metaph. formam quatenus est in composito esse fere ut accidens est, quod interit intereunte composito.

Cum igitur, anima sit forma corporis, intereunte composito, & ipsam interire necesse est secundum Aristotelem. Nonne enim anima in brutis est forma, siue ἐντελέχεια secundum Aristotelem? Atqui eiusmodi forma perit, pereunte bruto. Certè Aristoteles passim ἐντελέχειαν opponit δυνάμει siue potentia, & pro ἐντελέχειᾳ solet etiam dicere ἐνέργεια. Actus autem nullus est rei quæ perit. Adscribamus aliquot locos ex libris de Anima Aristotelicis. lib. II. cap. V. tex.



**LVII.** Salus magis eius quod est potentia ab eo quod est ἐντελέχεια actu, & simili sic, ut potentia se habet ad actum ὡς δύναμις ἔχει πρὸς ἐντελέχειαν. speculari enim fit habet scientiam. & in actum εἰς ἐντελέχειαν aut alterum genus alterationis est. *Aristoteles comparat animam scientiæ. sed scientia interit intereunte composito. scientia autem est ἐντελέχεια πρώτη speculatio est ἐνέργεια & ἐντελέχεια δεύτερα, secundus actus.*

**Tex. LV.** ait diuidendum de potentia & actu, πρὸς δύναμιν καὶ ἐντελέχειαν.

**Tex. LIV.** utitur vocabulo ἐνέργειας, & id opponit δυνάμει, quamvis quod sciam Aristoteles nunquam actum primum appellauerit ἐνέργειαν. dicit autem motum esse actum ἐνέργειαν, quamvis sit imperfectus. Mox subiungit: omnia patiuntur, & mouentur ὑπὸ τοῦ ποιητικῆς καὶ ἐνέργειας ὄντος, ab actiuo, & actu existente. ubi illud actu ἐνέργεια existere idem prorsus est, quod ἐντελέχεια εἶναι. atq. ita ἐνέργειαν videtur accipere Aristoteles pro actu primo, quod tamen in reliquis videtur vitasse. Neq. enim diceret ipse animam esse ἐνέργειαν πρώτην primum actum. Cur ita? quia ἐνέργεια est vocabulum valde receptum apud alios quoq. scriptores, nec tamen unquam aliter accipitur quam pro operatione. ἐντελέχειαν autem Aristoteles à se confictam ausus est transferre ad significandam formam, quæ est ἐντελέχεια πρώτη. quod igitur trito vocabulo non tribuit, tribuit suo, quia minus poterat apprehendi nouitas insolens significationis in nomine à se constructo.

**Tex. LXL.** eiusdem libri II. de anima: lumen est actus (ἐνέργεια) perspicui, ut perspicuum est. mox



ait lumen esse actu ἐντελέχεια perspicuum ab igne. vides promiscuè hic accipi ἐνέργειαν & ἐντελέχειαν, quia agitur de operatione, cum lumen intelligi nequeat absq. illuminatione.

Quod si lumen est qualitas secundum Peripateticos, & qualitas accidens est, accidentis autem esse est inesse, nemo non videt sublato perspicuo corpore tolli etiam lumen siue ἐντελέχειαν hoc est actum ipsius perspicui. igitur apud Aristotelem ἐντελέχεια est inseparabilis.

Sed aduersus argumentationem S. Iustini regerere licet.

Nam Cicero apud Aristotelem legit ἐνδελέχειαν, quod significat perennem quandam, & continuatam motionem. si anima est perennis & continuata motio, immortalis dicenda est secundum Aristotelem. Verba Ciceronis sunt in primo Tusculanarum questionum: quintum genus adhibet vacans nomine, & sic ipsum animum ἐνδελέχειαν appellat nouo nomine, quasi quandam continuatam motionem, & perennem.

Accedit, quod Deus alicubi ab Aristotele ἐντελέχεια dicitur. Cur igitur non voluit dicere animam esse immortalem appellando entelecheian? XII. Metaph. cap. VIII. sic scribit Aristoteles: ipsum verò quid erat esse primum non habet materiam, cum actus sit ἐντελέχεια γάρ. cap. VII. tribuit Deo vitam sempiternam, æuumq. continuum. & eodem capite inquit, εἰς ἁν πρώτην primam substantiam esse κατ' ἐνέργειαν secundum actum.

In III. de anima agnoscit in Mente aliquid immortale, & separabile. igitur anima humana immortalis est.

Occur-



Occurrere tamen licet his ne S. Iustinus frustra videatur  
 architectatus talem argumentationem. Nam lectio illa Tul-  
 liana prorsus reiicienda. An enim Aristoteles unquam vo-  
 cavit cœlum ἐντελέχειαν cum præditum sit perenni latione?  
 Nonne omnis anima in genere apud Aristotelem habet nomen  
 ἐντελέχειας? An anima plantæ tribues perennem lationem?  
 Audiamus Aristotelem in secundo de Anima tex. XXXVII.  
 ipsum autem vivere viventibus est esse, causa autem  
 & principium horum anima. amplius autem actus eius  
 quod potentia est, ratio est. ubi utitur nomine ἐντελέ-  
 χείας. lumen est actus ἐντελέχεια perspicui. An tribues  
 perennem motionem, & continuatam luminis? nequaquam.  
 incredibile autem est, cum toties utatur Aristoteles nomi-  
 ne ἐντελέχειας in suis operibus, & hodie legatur sic, non  
 autem ut Cicero legit, quod in in omnibus illis depravata sit  
 lectio.

Quod obijcitur Deum appellatum ἐντελέχειαν de eo cer-  
 tant interpretes, qua de re ad exercitationes Scaligeri scripsi  
 dico interim, si Aristoteles vocavit Deum ἐντελέχειαν vo-  
 casse ideo, quia ipsius substantia est purus actus, & est sua  
 operatio, quod dici de anima non potest. Nec fas est Cicero-  
 ni secundum Aristotelem tribuere Deo perennem motionem,  
 cum immobilis sit Deus, secundum eundem Aristotelem, qui  
 cum in libris de Anima contenderit aduersus Platonem osten-  
 dere animam esse immobilem, plane ostendit in sua schola  
 non posse cum Cicerone vocari animam ἐντελέχειαν, quasi  
 continuata, & perenni motione foret prædita.

Obiter autem dixerim me nescire an ad soluendum argu-  
 mentum Platonis quo vult ostendere animam moueri, quia  
 ipsa



*ipsa mouet corpus, sufficiat dicere pulchritudinem mouere, licet sit immobilis, nam pulchritudo mouet ut amata, non ut physicum agens. anima autem mouet physicè corpus.*

*Ad III. quod obijciebatur, dico me iam nolle disputare de intellectu Agente, ne prolixus minus euadam. Tantum innuo iam notum esse, quid Alexander, quid Themistius, & ipse Auerroes de intellectu agente tradiderint, de quorum etiam expositione hic altercari nihil attinet.*

*Hoc non omitto, ut obseruem absq. dubio diligenter S. Iustinum considerasse ea, quæ traduntur ab Aristotele in tertio de anima, & tamen pronunciaſſe ipsum ideò videri docuisse animam esse mortalem, quia eam entelechiam appellauit.*

**Non pauca alia de Entelechia Aristotelica, de qua præcedenti capite prolata est argumentatio S. Iustini, depromuntur.**

**Cap. CXXI.**

**S***I S. Iustinus perpendendo sententiam Aristotelis, quia vocat animam ἐντελέχειαν collegit eum putasse esse mortalem, ut præcedente capite exposuimus, liceat quoq. nobis magis ac magis excutere definitionem animæ traditam in secundo de anima tex. VI. his verbis: Anima est actus primus corporis naturalis organici potentia vitam habentis. aduersus quam insurgunt omnes hæc difficultates.*

*Cur enim ut definiret animam hoc est clarissime doceret quid ipsa sit, excogitauit, & finxit ipse nouum vocabulum cuius significatum necesse est esse obscurum. Certè suspectus est,*



est, quisquis non potest indicare, quid de re aliqua sentiat  
verbis communi usu comprobatis.

Cicero profectò licet esset græcè doctissimus, non potuit in-  
telligere, quid sit ἐντελέχεια. hinc eam in ἐνδελέχεια mu-  
tauit, ut nosset quid sibi vellet Aristoteles. Sed deceptus  
est eiusmodi immutatione, ut precedente capite ostendimus.

Vocabulum ἐντελέχεια apud ipsum est valde ambiguum  
nam iam significat substantiam tex. 4. in II. de anima  
ἡ ὁσία ἐντελέχεια substantia est actus, huiusmodi igitur  
corporis actus. En tibi ἐντελέχεια in prædicamento sub-  
stantiæ. at alibi, ut in tex. 58. utitur hoc modo loquendi:  
ἐκ ἐντελέχειαν ἄγον ἐκ δυνάμει ὄντος: in actū ducens ex po-  
tentia existente.

Quem duplicem significatum exposuit ipse tex. V. dum  
dixit ἐντελέχεια dici dupliciter, vel ut scientiam, vel  
ut speculari.

In tex. autem 69. lumen appellat ἐντελέχεια lumen au-  
tem qualitas est. hinc discere est Aristotelem multos signi-  
ficatus indere vocabulo à se constructo. qua quaeso auctori-  
tate? Etenim si cupit intelligi, debet indicare verbis rece-  
ptis quid sibi velit. quod si fas unicuique sit architectari no-  
ua vocabula, eaq. valde homonyma, tolletur commercium  
inter homines.

Mirabile porrò est idem vocabulum transferri ad signi-  
ficanda illa, quæ sunt in tribus diuersis prædicamentis, in  
prædicamento scilicet substantiæ, qualitatis, & actionis.  
Cui nescio an in linguis simile possit reperiri exemplum.

Magnum autem coacti sunt exanilare laborem, qui la-  
tine voluerunt explicare ἐντελέχεια Aristotelicam, quæ dif-



*ficultas manauit ex nouita te vocabuli.*

*Aliqui non verterunt latine, cum nescirent, quale esset vocabulum, sed simpliciter retinuerunt græcum. sic apud eos qui verterunt Aristotelem apud Auerroem legimus in II. de an. tex. II. est autem materia quidem potentia, species autem entelechia alter Interpres itidem scripsit: est autem materia quidem potētia, species verò entelechia.*

*Hoc verò non est vertere, sed fateri se nescire, quid significare voluerit Aristoteles nomine entelechia. nonne autem se propinaret ridendum, qui volens vertere narrationem Mosis de creatione, sic inciperet: in principio creauit Elohim cœlum? nam lector imperitus linguæ Hebræicæ nesciret quid sit Elohim.*

*Alij entelechian reddiderunt perfectionem, ut est videre apud Auerroem: & materia est illa, quæ est in potentia, forma autem est perfectio.*

*Sic materia repellitur à perfectione, cum tamen materia secundum Aristotelem sit substantia, & ex ipsa vna cum forma fiat tertium, nimirum perfecta, & completa substantia. per materiā tanquam partem alteram completur substantia. Ergò etiam ipsa perfectio potest appellari.*

*Alij omisso perfectionis vocabulo actum vocauerunt ἐντελέχειαν. imò ijdem interpretes apud Auerroem, quod paulò ante appellauerant entelechian, mox vocauerunt actum tex. III. Qui autem verterat tex. II. perfectionem, idem vocabulum retinuit in tex. 3.*

*Velim autem scire, vnde acceperint vocabulum actus, ut verterent entelechian? Actus certè apud latinos nunquam significauit aut substantiam, aut qualitatem, sed sem-*



Semper significat, id quod est in prædicamento actionis. Ergo valde abutitur vocabulo actus, qui eo significat aliquid, quod est in prædicamento substantiæ, vel qualitatibus. nam quis latinè loquens unquam dixit anima est actus, aut lux est actus? superiora secula quadringentis abhinc annis tales locutiones nobis pepererunt.

Actus rectè exprimeret ἐνέργειαν. cur ergo Aristoteles non dixit animam esse ἐνέργειαν? sed hoc non potuit dicere, quia apud græcè loquentes non potuisset torquere id vocabulum ad significandam substantiam: ridendumq. se præbuisse, si asseruisset animam esse ἐνέργειαν πρῶτον. Et tamen in XII. Metaph. intelligentias appellavit ἐνεργείας, quæ intelligentiæ sunt substantiæ. quid igitur impedit quo minus animam vocaret ἐνέργειαν πρῶτον? Cur etiam formam nunquam est ausus appellare ἐνέργειαν, si intelligentias, quæ substantiæ sunt ἐνεργείας appellavit? qui autem audit Mentes motrices appellatas ἐνεργείας quomodo id dicet latinè? formas vocabit. Ergo forma quælibet quæ cum materia cōstituit compositum poterit sic dici. Cur ergo Aristoteles formam nunquam dixit ἐνέργειαν? quia norat græcè loquentes valde procul abesse, ut substantiæ tribuant vocabulum ἐνεργείας.

Sed cur Aristoteles non posuit in definitione animæ δύναμιν, potentiam? cum audiuerimus ipsum alicubi sic loqui ut dicat ἀγειν ἐκ δυνάμεως εἰς ἐντελέχειαν deducere à potentia in operationem. nonne qui incipit loqui, cum non loqueretur, exit à potentia in actum? Ita est. at locutio est actus proveniens ab anima. Igitur rectè potuit Aristoteles relinquere nomen ἐντελέχειας, & uti nomine δυνάμεως. apponamus quæso verba Aristotelis in secundo de anima tex.



LIII. quoniam autem sentire dicimus dupliciter, potentia & audiens, & videns, & quod iam est operans. ubi græcè inter se opponit δύναμιν & ἐνέργειαν. At principium quo constitutor in eo, ut sentiam, audiam, videam est forma.

Melius igitur fecisset Aristoteles, si in definitione animæ posuisset δύναμιν, vocabulum receptum, quam ἐντελέχειαν nomen prorsus nouum, & ignotum scholis philosophorum.

Dices nomen δυνάμειος significat qualitatem, non substantiam. sed anima substantia est.

Respondeo, imò δύναμιν siue potentiam apud Aristotelem significare etiam substantiam, nam materia est substantia, & tamen dicitur esse δύναμις. Ergò potentia potest significare etiam substantiam.

Omisit tamen δύναμιν in definitione animæ Aristoteles non una de causa. nam vsus fuerat nomine potentie ad indicandam materiam. Ergò non potuit id vocabulum tribuere formæ siue animæ.

In definitione animæ erat collocaturus corpus δυνάμει potentia habens vitam. ne igitur bis in eadem definitione poneret potentiam, & quidem diuerso significato illam omisit. rectissimè tamen dicere est, animam esse principium, quo quis in eo constituitur, ut intelligat, sentiat, moueatur.

Sed placuerit sanè Aristoteli appellare animam ἐντελέχειαν, formam, perfectionemq. quandoquidem tex. II. in II. de anima postquam appellauit partem illam quæ cum materia constituit compositum μορφήν, καὶ εἶδος formam, & speciem, subiungit τὸ εἶδος ἐντελέχεια, forma autem perfectio. hinc quero, si anima est perfectio, & ἐντελέχεια



cur in tertio de anima tex. XVII. sic loquitur de anima, ut  
in ipsa reperiat aliquid tanquam patiens, & aliud tanquam  
agens, aliquid tanquam materiale, & aliquid tanquam for-  
male & cum præsertim cap. IV. tex. I. pollicitus fuisset se velle  
agere de parte animæ, qua cognoscit anima, hoc est de flore ut  
sic dicam ipsius formæ, & ipsius entelechiæ. sed proferendus  
est textus ille XVII. quoniam autem in omni natura est  
aliquid hoc quidem materia unicuique generi. id autem  
est, quod potentia omnia illa. alterum autem causa, &  
factivum, quod faciendo omnia quod ars ad materiam  
passa est, necesse & in anima has existere differentias.

Anima est perfectio, est forma, est principium operandi  
ἀκτίον, καὶ ποιητικόν operationes enim proveniunt à forma  
Et tamen in hac forma, scilicet anima Aristoteles deprehen-  
dit materiam, deprehendit δύναμιν, quam tamen cum vel-  
let dicere animam esse ἐντελέχειαν prorsus remouit ab ipsa,  
tribuendo illam materiæ. An forma, quæ perfectio est potest  
habere differentias huiusmodi, ut in ipsa sit aliquid pas-  
sivum, aliquid activum? sicne ipsa transit in naturam ma-  
teriæ?

Sicne anima, ut intelligat mutila & manca est, indi-  
getq. à quodam extrinseco perfici? & ipsa est παθητικὴ,  
passiva, extrinsecum autem illud πάντα ποιῆν?

Omnis profecto forma sic informat ut perficiat compo-  
situm in ordine ad operationes.

Sed anima est forma. perficit igitur hominem. Cur ergo  
ad operationes aduocandum fuit agens quoddam extrinse-  
cum, & separabile?

Respondent doctissimi viri, ut dissipetur talis nebula.

& ne



Et ne quisquam impingat, in anima ab Aristotele non poni veram materiam sed quandam (ut sic vocem) potentialitatem, cum non sit actus simplicissimus, ut est Deus ex pers non solum materiae, sed etiam cuiuscumq. potentialitatis.

Sed misso loco ex Tertio de anima, videtur superuacanea diligentia usus Aristoteles collocaſſe in definitione animae instar generis ἐντελέχειαν, cum haberet alia vocabula ad idem significandum, quibus saepe suam sententiam exposuit nam formam, quam primus inuenit iam εἶδος, mox μορφήν, quandoq. etiam, ut in libris de caelo ιδέα vocauit. Cur igitur non dixit animam esse εἶδος, μορφήν, ιδέα corporis? Certè aut vocabula noua non sunt construenda, aut valdè parcè est vtendum tali licentia. Aristoteli autem non satis fuit ad nouum significatum traxiſſe vocabula ista μορφή, ιδέα, εἶδος, nisi nouum prorsus & græcis auribus non auditum, ἐντελέχειαν nempe conformaret.

Quod verò animam dixit esse πρῶτην ἐντελέχειαν primam perfectionem, aut primum actum, prorsus non est transmittendum absq. animaduersione, nam ab animae essentia remouit omnem motum, omnem operationem, omnem actionem: quasi anima fingi possit substantia seorsim ab omni actu, siue operatione, longè melius Cicero perennem, & continuatam motionem putauit esse de essentia animae. Plato etiam omnem motum tribuit animae, & αὐτοκίνητον disertissima sententia censuit esse, hoc est habere principium motus à seipsa.

Quod si floccifaciant Peripatetici auctoritatem Platonis, & nihili putent esse dictum Tullij, contendam ego aduersus ipsos inseparabilem esse operationem ab anima. posita enim anima absq. dubio ponitur vita, sita autem est in ope-



operationibus vita. Non igitur fingi potest expers operationum anima. Non desunt tamen inter recentiores aliqui, qui miseram animam quandoq. alligant corpori sic, ut sita quidem praesens, nihil autem operetur; fatentur interim animam informare corpus. An hac informatio absq. operatione est? an corpus animatur absq. ulla actione? Atqui Aristoteles docuit animatum ab inanimato differre motu, & sensu: si igitur alicubi collocetur anima absq. eo, quod qui anima praeditus est habeat ullum motum, erit animatus. ~~Set~~ inanimatus, animatus quidem quia praeditus anima, inanimatus carens sensu, & motu.

Quaero etiam ex recentioribus philosophis, qui non negant, ut puto, animam esse superstitem dissoluto composito, an possit anima separata a corpore nihil agere? Atqui secundum Aristotelem incorporeae substantiae sunt ἐνέργειαι & οἰα hoc est in ipsis identificatur (ut sic loquar) substantia & operatio. qui igitur separat operationem ab anima, eius destruit substantiam.

Superesset plura in definitione animae Aristotelica gemina suspendere lance, sed nimis prolixa euaderet dissertatio. quapropter omitto alia, quae suo tempore alibi in aciem prodibunt, non quod putem me posse facessere negotium doctissimis nostri seculi Peripateticis, sed ut mihi eam summam libertatem, quam semper omnibus largita est philosophia ut de cuiusvis hominis dictis, fas sit suam promere sententiam.



Exemplo S. Iustini exercentis se in examinandis  
opinionibus Aristotelis expenduntur quæ-  
dam, quæ proferuntur tum ab Aristo-  
tele tum Auerioe de terræ magni-  
tudine. Cap. CXXI.

**C**um nobis ob oculos versetur exemplum S. Iustini, qui  
non segniter legens Aristotelem quædam in eo obser-  
uauit, quæ accurato veritatis indagatori non videntur pror-  
sus satis facere, dabitur mihi venia, si vestigia tanti viri  
secutus itidem quædam annotem, ut aliorum diligentiam  
potius excitem, quam ut fastigium tanti philosophi ex tota  
animi sententia oppugnem.

In II. de Cæl. tex. CXL exponit quam parua sit terra,  
ostenditq. admodum esse exiguam. probationem tamen hesi-  
tante, & non prorsus alacriter profert, ait enim eos, qui  
συνάπτουσι coniungunt τὰς ἡρακλείδους στήλας τόῳ τῷ περὶ  
Ἰνδὸν herculeas columnas loco Indiarum, quiq. putant  
vnum esse mare, μὴ λίαν ὑπολαμβάνειν ἅπασα δοκεῖν,  
non videri prorsus incredibilia dicere. loquitur hesitant  
quia tunc spatia terrarum non erant exactè nota, Geogra-  
phiaq. exiguis limitibus continebatur. Alexander Ma-  
gnus multa patefecit, sed in oriente, non in occiduis, &  
meridionalibus partibus, quapropter minus sciebat Aristo-  
teles, quo spatio distaret columna Herculis ab India. hinc  
suspiciatur non magna esse spatia maris sese porrigentis ab  
Herculeo freto ad Indicum oceanum.

Cum autem suspicionibus indulgeat nec certa cognitione  
nita-



nitatur Aristoteles, ut ostendat exiguam esse terram, discamus ipsum, etiam in acroamaticis scriptis non semper niti certis rationibus, & demonstrationibus, sed uti quandoq. argumentis, quæ ne quidem probabilia sunt, aut si probabilia sunt imbecillitate laborant. hic certè Aristoteles de rebus sibi incompertis loquitur, & tamen vult colligere terram esse parvam. quam procul autem distant Indi ab Herculeis columnis. Quid verò diceret Aristoteles, si nostri temporis nauigationes legeret, si perpenderet spatia prope immensa Atlantici maris? nō amplius pronūciaret adeò esse parvam. parua quidem ipsa est, si conferatur cum vniuerso sed magna, si à nobis consideretur qui adeò pusilli sumus.

Apparet etiam, quam parum profecisset in Geographia Auerroes, qui tamen vixit anno post Christum millesimo centesimo, siue post exortum falsi Maumetis anno 12XXX. ut scribit ipse ad hunc locum Aristotelis. quisq. profectò animaduertit Geographos veteres ab ipso lectos non fuisse, cum ne quidem videantur translati in Arabicam linguam. exiguam igitur eruditionem, exiguam historiarum notitiam ad exponendum Philosophum ipse attulit.

Ait autem, ut explicet tex. CXI horizontē loci terræ in quo sunt Idola Herculis id est finis occidentis istius partis habitabilis esse propinquum orizonti primi loci habitabilis habitabilium locorum orientalium. quod an veritati sit consentaneum quisq. iudicare potest. noluit autem censuram exercere in Aristotelem tum quod Geographiæ vix vllum haberet usum, tum quod nollet, vlla in re reprehendere præceptorem, quem alibi ait nihil vnquam protulisse absq. solida ratione.



*Sed lubet audire Auerroem loquentem de Herculeis columnis. putat ipse fuisse Idola, hoc est statuas referentes Herculem, positas in ripa siue in porta, qua diuiditur Africa ab Europa. ut autem putaret non fuisse columnas, quod peruulgatum est apud Geographos & apud Aristotelem ipsum, fecit interpretes, quo usus est, qui dixit sic: locus qui dicitur Idolium Herculis. qui etiam putauit unam fuisse statuam, non duas. ut verò pro columna verteret interpretes Idolium fecit nomen Herculis; nam sciebat Gentiles solitos ponere statuas Dijs, quas etiam tanquam Deos adorabant, hinc vocauit Idolium.*

*Sed signa ista non fuerunt posita ab hominibus Herculi; sed ipse memoriae causa erexit columnas, ut indicaret terminum suorum itinerum, suaeque peregrinationis.*

*At, inquires, fuisse Idolium hoc est statuam erectam in honorem Herculis oculatus testatur Auerroes his verbis: unum istorum Idolorum erat in ultimo occidentis Hispaniae, quod dicebatur Idolium Indiae & ego vidi ipsum eleuatum. deinde fuit corruptum in praelio quod creuit inter Barbaros, & homines illius insulae in anno 15XXX. à praedicatione Maumeti à quibusdam erigentibus se super quasdam regiones maris in illo tempore.*

*Sit fides penes Auerroem, aut penes eos, qui ei dixerunt quoddam signum esse columnam Herculis, cum olim etiam esset controuersum quid nomine columnarum Herculis intelligi deberet, cum non deessent qui existimarent duos montes Calpen scilicet & Abylam esse columnas Herculis. quae de re videnda sunt quae tradit non solum Nonius in descriptione Hispaniae sed ipse Strabo. poterit quis etiam exercita-*



tionem meam inspicere, quam Etrusco sermone edidi, & inscripsi: Del Regular i Confini.

Non igitur est verisimilis narratio Auerrois putantis sua quoq. etate visam fuisse vnam ex columnis Herculeis.

Videamus iam qua ratione adhuc probet Aristoteles exiguam esse terram, & Indos non valde distare ab Hispanis petit probationem à generatione Elephantum, qui sunt *ἐπι αὐφορέας τὰς τόρας τὰς ἐχάρας ὄντας*, circa vtraq. loca extrema existentia. Ergonè apud Gaditanos, ut apud Indos gignuntur Elephantes? Minimè gentium. hinc colligere est terram non esse adeò exiguam, si Hispania caret animalibus, quibus abundat India. imò si Elephantes mas, & foemina illuc deportarentur, non gignerent coeundo Elephantem. Valde igitur distant à se inuicem Hispania, & India. necesse profectò est valde calidam esse regionem, qua ferat Elephantes, cum adeò sint magna animalia vivantq. ducentos & plures annos.

Auerroes fatetur ingenuè in Hispania non esse Elephantes, suspicatur autem esse apud Æthiophes negat etiam esse in terra Barbarorum. quod si nomine Barbarorum intelligat Mauros, & incolas Mauritaniae fallitur. En tibi verba Plinij lib. VIII cap. XI Elephantes fert Africa, vltra Syrticas solitudines, & in Mauritania ferunt Æthiopes, & Troglodytæ sed maximè India.

Cum autem occidens careat Elephatibus, quibus abundat India videat Scaliger qua motus ratione aduersus Cardanum ausus fuerit orientem occidenti postponerè. Certè vel vnum hoc argumentum petitum ab Elephantibus sufficit confutando Scaligeri paradoxo. qualem enim decet esse regionem, qua-



lem enim decet esse regionem, qualem cœli vim, quæ profert  
eiusmodi animal, de quo admiranda referuntur, sed & vi-  
sa sunt aliquot abhinc annis ab Italis, cum Anglus unum  
circumduceret. sufficiat recitare verba Plinij lib. VIII. cap.  
I. Maximum (inter terrestria animalia) est elephas pro-  
ximumq. humanis sensibus quippe intellectus illi ser-  
monis patrij, & imperiorum obedientia, officio-  
rumq. quæ didicere memoria, amoris, & gloriæ volu-  
ptas.

Quod si Elephas proximè accedit ad humanos sensus fa-  
teamur necesse est præstare ingenia orientalium hominum in-  
genijs occiduorum, quandoquidem cœlum illud profert Ele-  
phantem, qui absq. comparatione superat omnium nostrorum  
animalum solertiam. Cur non liceat à solertia animalis illius  
argumentari ad ingenium hominum illa loca incolentium?

De versione LXX Interpretum, qua vsus est in  
suis operibus S. Iustinus, non pauca notan-  
da depromuntur. CXXII.

**P**Ræsidium suæ cognitionis in quo collocavit authore S.  
Iustinus, postquam relicta Platonis Academia ad  
scholam Christianam transiit? in Deo, authore S. Litte-  
rarum, quæ antiquitate longè antecedunt, & superant  
quemcunq. Græcorum scriptorem. sed qua editione est vsus  
S. Iustinus? hebraicane, cum absq. dubio, in Samaria na-  
tus, hebraicè sciret? imò Græcam LXX adhibuit, tan-  
quam verissimam. in exhortatione ad Gent. narrat qua ra-  
tione poscente Ptolomæo Rege Ægypti S. Litteræ in græcum  
ser-



*sermonem translata fuerint. non silet LXX græce hebraicæq. fuisse doctos, & separatim in singulis cellulis positos prorsus concinuisse, & in eadem etiam verba conuenisse. Scio narrationem de cellulis à quibusdam reijci, at Iustinus testatur Gentibus se nihil fingere, inquit enim: Nihil hic fingimus viri Græci, nec narramus fabulam, sed quod ipsi vidimus Alexandriæ, vbi cellularum Phariarum vestigia spectauimus, ex indigenis rem à maioribus per manus acceptam audiuius, quæ & vos ab alijs potestis discere.*

*Philo non memorat quidem cellulas lib. II. de Vit. Mo- sis, sed ait eos cum consedissent solitarij prophetasse, & admirando consensu eadem ad verbum protulisse. nec præterit anniuersariam letitiam, quæ instituta fuit eiusmodi versio- nis causa, quæq. peragebatur etiam tunc quando Philo scri- bebat.*

*Iosephus lib. XII. antiquit. cap. II. de prophetantibus LXXII Interpretibus nihil habet, narrat autem domum om- nibus simul assignatam, in qua conferentes inter se, & ver- tentes, perfundæ sunt labore spatio LXXII dierum, nec omittit perfectam versionem approbatamq. communi con- sensu, ne deinceps quicquam ei vel detraberetur, vel ad- deretur.*

*S. Hilarius enarrat. in secundum psalmum paucis rem complectitur & ait: perfecta horum septuagin- ta interpretum autoritas manet, quod ante aduentum corporalem Domini transtulerunt, nec adulatio inter- pretandi adhibita tēpori arguitur, tanto anteriores in- terpretationis ætate: dehinc quod illi ipsi principes do- cto-*



doresq. Synanogæ, & præter scientiam legis, per Mo-  
sem quoq. secretiori doctrina perfecti non potuerunt  
non probabiles esse arbitri interpretandi, qui certis-  
simi, & grauiissimi erant autores docendi.

*An igitur, inquiet aliquis, Cabalam in S. Scripturam in-  
uexerunt LXX. Seniores, qua Cabala se superstitio, & in-  
scitia perfidorum Iudeorum iactat?*

*Respondendum, S. Hilarium tantum significare LXX  
Seniores, cum à maioribus suis didicissent, qua ratione es-  
sent exponendæ S. Litteræ, sic peregrinasse versionem, ut om-  
nia concinerent doctrinæ inter ipsos receptæ. videre autem  
est in eiusmodi versione nequaquam apparere fabellas re-  
centiorum Cabalistarum. somnia namq. quæ occuparunt li-  
bros delirorum Rabbiorum non sunt antiqua, nec attingunt tempora LXX Seniorum. quin puto esse recentiora  
temporibus Philonis, & Iosephi. nam ipsi fabellas, quas  
nobis nugacissimi Rabbini obtrudere satagunt, tanquam pro-  
fectas ab instructione secretiori Mosis, prorsus non refe-  
runt. unde discere est excogitatas fuisse post tempus, quo  
illi floruerunt. nam si tunc tales narratiunculæ in usu fuis-  
sent, absq. dubio earum aliquam fecissent mentionem vel  
eas approbando, aut refellendo.*

*Valeant igitur cum suis recentibus somnijs Cabalistsæ,  
& auscultent LXX Senioribus, audiant Philonem, præ-  
beant aures Iosepho.*

*Sed plura suppetunt, præter prolata, quæ inseruiant  
asserendæ authoritati LXX Seniorum, quos secutus est S.  
Iustinus, quosq. tantopere commendauit.*

*Nam tota Ecclesia Catholica vsq. ad tempora S. Hie-  
rony-*



onymi nulla alia editione vſa eſt tanquam authentica, præter græcam LXX vt quilibet nouit: Latini namq. non ex Hebraica lingua ante S. Hieronymum, ſed ex LXX Seniorum Verſione græca ſuas verſiones compoſuerunt.

Non audire tunc erat, qui prouocaret ad Hebraica, contemptis græcis, vt noſtri temporis Nouatores tertio quoq. verbo Hebraica, hebraica ingeminant, & putant ſe tunc eſſe ſe doctiſſimos theologos, quando aliquid ſciunt hebraicè legere.

Certè in Concilio Oecumenico Nicæno primo nemo reiecit verba LXX Seniorum: cum tamen de verbis maximi momenti ex cap. VIII prouerborum ageretur, in quo ſapientia dicit: ὁ θεὸς ἐκτίσεν με ἀρχὴν ὁδῶν αὐτοῦ: Deus creauit me initium viarum ſuarum. ſi verſio LXX Interpretum ſperni debet, cur tunc tot ſanctiſſimi, doctiſſimiq. Patres non prouocarunt ad hebraicas litteras?

Nec propterea Verſionis Vulgatæ Latine minuitur auctoritas: cum nihil prohibeat S. Litteras hebraicè, græcè, & latinè reperiri authenticas.

Certe hodie pſalterium in editione Vulgata Latina non habetur niſi ex Verſione LXX.

Dicunt aliqui & obſtrepunt Verſionem LXX corruptam fuiſſe, & hodie non haberi integram.

Sed dicant, qui talia promunt, quando, & qua in re corrupta ſit verſio LXX? ſi conferatur verſio, quæ hodie eſt in manibus noſtris, cum dictis quæ citantur à ſanctis Patribus græcis atq. Latinis inuenientur eſſe eadem, & non eſſe contraria.

Antequam autem huic diatribæ finem imponam, addam



*ex S. Iustino paucula quæ magis ac magis nobis Lxx Seniorum laborem commendant.*

*In disputat. cum Tryphone Iudæo, ait Iudæos negare LXX Seniores interpretis officio rectè functos apud regem Ptolomæum. addit Iudæos secus interpretari conari, & multas scripturas prorsus sustulisse ex LXX Seniorum versione. vides quæ fuerit sententia S. Iustini de Lxx, & quæ Iudæorum.*

*In eodem Dialogo etsi agnoscat aliter legere locum quendam Gen. XLIX Iudæos hebraicè, aliterq. vertisse Lxx, non tamen reijcit versionem græcam. Verba eius sunt ex versione latina: possum enim vobiscum contendere de huius loci lectione, cum vos legatis: ἕως αὐτὴ ἐλθῇ ἣ τὰ ἀποκεείμενα. donec veniant quæ reposita sunt ei, quoniam non ita verterunt LXX, dicentes dictum esse: ἕως αὐτὴ ἐλθῇ ἣ ἀποκεῖται. donec veniat cui repositum est.*

*Observa quæso dicere S. Iustinum, se si suo iure uti velit, posse dicere locum Geneseos accipiendum, non ut legébant Hebræi, sed secundum versionem Lxx. adeò ut apud S. Iustinum fuerit tutior versio Lxx, quam lectio secundum Iudæos.*

*In eo ipso Dialogo non reformidat præsentiam Iudæorum citando Lxx Seniores. quæ fatetur palam, se Lxx citare, non Hebræica verba, quamvis tota disputatio ipsum natum in Syria hebraicè scire ostendat. ait autem: Amici nunc in scripturis citandis LXX interpretes secutus sum, nam prius vestrum contextum adhibendo prætentaram, quomodo affecti sitis.*

*Receptui canam si dicam maximi debere fieri Lxx interpre-*  
pre-



pretes, quandoquidem S. Iustinus, qui hebraicè doctus poterat uti hebraica editione, in suis operibus semper usus est versione LXX

Perpenduntur quædam quæstiones propositæ  
Gentilibus philosophis a quodam autho-  
re inter opera S. Iustini.

Cap. CXXIII.

**N**on dubitavit Crescens Cynico philosopho proponere quæstiones S. Iustinus, ad quas cum non posset rectè responsum dare, prodidit suam inscitiam Canis ille. audiamus narrationem Iustini ad ipsos Imperatores: volo sciatis me cum Crescente congressum in hoc quæstionum genere, & coarguisse hominis ignorantiam.

Eiusmodi autem disputatio hodie non extat inter opera S. Iustini, licet quæ tunc disputata fuerunt inter Crescentem & S. Iustinum videantur tradita literis, cum præsertim scribat S. Iustinus in Apolog. puto ad vos peruenisse nostrum colloquium. quod si notæ sunt vobis illius responsiones meis scitationibus redditæ.

Dices, videri eas esse, quæ dicuntur quæstiones Christianæ ad Gentiles, nam valde doctæ sunt, & philosophicæ. respondeo, non posse dici esse illas ipsas, cum toties faciant mentionem Manichæorum, qui ebulliuerunt anno Christi CCLX, aut ut alij censent CCXL sub Aureliano, aut sub Probo. S. autem Iustinus floruit anno fere CLX.

Quamuis verò S. Iustino tribui nequeant, merentur legi, & perpendi. quod ego quoq. præstare conatus sum,  
R r                      eiusq.



*eiusq. opella exiguum specimen hic exhibere.*

*Agitur in ijs de Deo mundi conditore: nam querit autor quæst. qui fieri possit, ut Deus sit qui nihil fecerit? ita interrogat, quia secundum Aristotelem mundus est ingenuitus.*

*Cupit etiam scire si Deus operatur quia est, non quia vult, hoc est operatur ut ignis, tanquam natura determinata, qui potest fieri, ut diuersarum substantiarum sit conditor? nam à causa eodem modo se habente non videntur posse emanare diuersi effectus.*

*Si mundus genitus est secundum Platonem, interrogat Author, quomodo Deo coæternus esse possit? cum impossibile videatur, ut qui antea non erat, & postea est, sit coæternus ei, qui semper est. de qua quidem quæstione videre etiam est quid scribat Boethius, qui conatur explicare sententiam Platons asserentis mundum quamuis genitum semper fuisse.*

*Qui porrò legit quæstiones quarum iam fecimus mentionem, scire cupiet, cur autor quæst. nunc urgeat Gentiles tribuendo eis sententiam quod mundus sit genitus, ut in quæst. secunda, nunc supponendo eos docere mundum esse genitum, ut in quæst. IV. An quisquam potest tradere mundum, & esse ingenuitum, & esse genitum?*

*Respondeo in secunda quæstione interrogari Peripateticos, qui dicunt mundum esse ingenerabilem, & incorruptibilem. in quarta proponi interrogationem alijs. Varietas igitur loquentium de mundo inter Gentiles peperit varietatem quæstionum apud Auth. quæst. hinc dixit in quæst. secunda: si mundus est ingenuitus, ut quibusdam videtur*

*sal-*



*saltem Peripateticis. quibus etiam verbis videtur innuere communio-  
rem sententiam fuisse inter Gentiles, quod mun-  
dus sit genitus, cum præsertim Aristoteles scribat omnes di-  
cere mundum esse genitum.*

*Sed Platonici nunc dicebant genitum, nunc ingenitum  
mundum. Responsor profecto ait, mundum esse ingeni-  
tum, licet antiquiores docuissent esse genitum. Mox ta-  
men non negat dari causam exemplarem, & effectri-  
cem mundi. imò contendit ideò mundum esse ingenitum,  
quia exemplar, & effectrix causa mundi est ingenita.*

*Quod oppugnatur ab auth. quæst. deducendo aduersa-  
rium ad incommodum repugnantia, adq. nodum difficulter  
soluendum, qui modus est βίαιος, violenterq. vrget. qui  
enim fieri potest, ut quod habet causam effectricem sit inge-  
nitum? si absurdum est, inquit, dicere ingenitam ge-  
nerationem absurdum etiam est dicere ingenitum ge-  
nitum. si quia opifex est ingenitus, etiam opificium  
est ingenitum, eodem modo necesse, fabricatum esse  
opificium, est enim infabricatus opifex. quod si hoc  
absurdum est, absurdum etiam est dicere mundum in-  
genitum.*

*Vide verò, quæ vicissitudo exerceret Gentiles. nam Ari-  
stoteles, qui docuit mundum non esse factum, prorsus siluit  
de Deo opifice, de causa effectrice, & exemplari mundi.*

*Platonis autem sectatores, qualis videtur esse responso-  
r iam aiebant mundum esse genitum ob opificem, ob exem-  
plarem causam, mox tamen ingenitum appellabant mun-  
dum, non tamen negando dari eius causam exemplarem,  
& effectricem.*



316 De Philosophia apud Romanos

*Aliam proponit responsionem author quæst. de Deo degente in cælo secundum Platonem, & Aristotelem. nam si cælum non est factum, Deus degit in re non sua.*

*Eadem quæstione aliqui urgent Peripateticos, qui docent cælum esse ingenitum, & tamen moueri à primo motore. an enim mouet rem alienam? unde accepit, quo largitore, cælum mouendum primus motor?*

*Ad rem ipsam quod attinet, Deus cælum condidit ex nihilo, diciturq. in eo habitare, non quod eius substantia cælo includatur, cum Deus sua etiam substantia sit ubiq. sed quia magis eius gloria illic emicat, ibiq. beata animæ, reliquiq. cælites degunt. hinc etiam responso non male explicat Homerum, qui cælum Dei domicilium dixit quod sit receptaculum nobilissimarum actionum Dei.*

De duobus principijs Manichæorum quid tradatur ab autore quæstionum, quæ reperiuntur inter opera S. Iustini?

Cap. CXXIV.

**A** Zoroastro absurdissimam opinionem petiuerunt Manichæi, quod sint duo principia sibi inuicem opposita, vnum quidem Bonum, alterum malum. id si esset, nec Deus ipse perturbationis esset expers, & molestia propter oppositum summum Malum.

*Responsoris in quæst. Christian. ad Gentiles, quæ tribuuntur S. Iustino hæc sunt verba: μέγιστον κακὸν ἔσθ' ἡν.* summum malum nullum est. nam si inter Bona summum locum obtinet Deus, si ponatur summum malum



lum εὐρεθήσεται ἑτέρα ἀρχὴ ἐναντία τῷ Θεῷ, dabitur alterum principium contrarium Deo, ut absurdè asserunt Manichæi. absurdum namq. foret, si Deus non completeretur omnia, & non omnia sua bonitate illustraret. καὶ γὰρ ἀτοπον τὸν Θεὸν μὴ πάντα καταλαμβάνειν, μὴ πᾶσι τὴν ἑαυτῆς ἀγαθότητα ἐπιλάμπειν.

Obijcies, Auctorem quaestionum statim dicere: τῷ μεγίστῳ ἀγαθῷ ἀντίκειται μέγιστον κακὸν: summo Bono summum malum opponitur. Ergò dantur duo principia, quorum unum Bonum, alterum malum.

Respondere est, auctorem quaestionum loqui de malo in qualitate deq. malo non totius vniversitatis, sed hominum, scribit namq. summum Malum hominibus esse ignorare Deum, ut summum Bonum est cognoscere eundem: μέγιστον ἐν ἀνθρώποις ἀγαθὸν γινῶναι τὸν ὄντως ὄντα Θεόν, μέγιστον κακὸν τὸ τῆτον ἀγνοεῖν.

Hinc ait author quaestionum: nos summum Malum scilicet secundum substantiam non posuimus cum Manichæis. & κατὰ τὰς Μανιχαίους μέγιστον κακὸν ἐδήκαμεν ἀλλὰ μέγιστον κακὸν κατ' ἐννοίαν εἵπομεν, τὸ κατὰ τὴν Θεῷ ψεύδος. dicimus summum malum secundum opinionem, nempe mendacium contra Deum.

Sed cur inquit postea de responsore, quod sustulerit duas species δύο εἶδη τῆς μεγίστης κακῆς? An Manichæi posuerunt duas species summi mali? Atqui ipsi posuerunt duo principia, unum Bonum, alterum Malum.

Susplicari licet voluiss. dicere authorem quaestionum. Responsorem rectè sustulisse alteratram speciem duorum Principiorum, quæ ponebant Manichæi nempe rectè fecisse, dum  
euer-



euertit summum Malum, quod ponebant Manichæi secundum substantiam.

Aut dixit duas species summi mali positas à Manichæis sublatas quia & ponebant summum Malum secundum substantiam, & tuebantur absurdissimum eiusmodi dogma, quod pessima res debet censeretur inter homines. has duas species explicat ipse postea dum ait: si summum malum non est in hominibus, cur reprehendisti Manichæos, quod malè dicant quæ dicunt? Malum autem istud secundum Manichæos, adeò malum est, ut nullum reperitur maius.

Quod si verè dicimus malè loqui Manichæos, verè magnum malum est in hominibus εἰ μὴ κατ' εἰσίαν, ἀλλ' ἐν ὑποθέσει καὶ δόγματι, si non secundum substantiam, saltem in opinione.

Ut porro Manichæi absurdè ponebant duo Principia contraria, ita duo genera animarum profitebantur esse, ut tradit S. Augustinus libro vno de duab. Anim. contra Manichæos. duo genera esse dicunt animarum, vnum Bonum, quod ita ex Deo sit, ut non ex aliqua materia, velex nihilo ab eo factum sed de ipsa omninò eius substantia pars processisse dicatur. alterum autem malum, quod nulla prorsus parte ad Deum pertinere credunt.

Ideò illud summum Bonum hoc summum malum esse asserunt. cuius absurdi dogmatis confutationem legere quisq. apud eundem S. Augustinum potest.

Apud S. Epiphaniū hær. LXVI. hæc legimus de duobus principijs Manichæorum: Manes inducit duo principia



cipia principio carentia, semper existentia, & nunquam deficientia. esse autem & constare ex his duobus principijs vniuersa. habere autem hæc duo principia in mundo substantias.

*At negat S. Epiphanius malum habere substantiam. substantia, inquit, carens reperietur malum, & nullam radicem habens, sed vsq. ad opera tantum actiue humanæ operationis effectiuum est. hæc S. Epiphanius.*

*Cum errore absurdissimo Manichæorum dicit aliquis habere affinitatem aliquam opinionem itidem falsam Chaldeorum, qui stellis tribuunt causam malorum, dum quasdam, vt Saturnum, & Martem maleficas appellant.*

*Contra quos Chalcidius differt comment. in Tim. nam si mala, inquit, ab his prouenirent, vtrum ne ipsis volentibus, an inuitis? si volentibus, stellæ erunt maleficæ. sed maleficas esse in illo sancto, & pleno bonitatis loco quatenus conuenit? Cumq. sidera omnia plena sint cœlestis sapientiæ, & malitia nascatur ex dementia, quid peruersius dici potest, quam stellas esse maleficas?*

*In quibus verbis Chalcidij, non est recipiendum secundum religionem Christianam stellas esse sapientia præditas.*

*Aliqui omnia mala in materiam retulerunt. nam posuerunt duo principia rerum etiam secundum, vt putant, Platonem, Deum scil. & materiã. de qua materia Proclus lib. II. in Timæum ait, quod sicut Materia prorsus est ἀίδιος καὶ ἀθεός hoc est æterna, & expers Dei, ita Deus est πάντη αὔλος, καὶ ἀπλῆς : prorsus immaterialis; & simplex.*

*Addunt ideò mala fieri quia Materia semper molitur corruptio-*



ptionem, neq. Deum posse impedire talem vim Materiae, cum ipsa non sit facta, neq. subsit eius potestati.

Sed eiusmodi opinio prorsus reiicienda est. nam nos persuasimus Deum etiam materiam ex nihilo fecisse: atq. adeo eam Deo parere, qui non est author malorum.

Vnde igitur existunt mala? aut loquimur de malis culpa hoc est peccatis, aut malis poena, incommodisq. vitae humanae.

Mala culpae proueniunt ab hominibus, qui libertate arbitrij praediti defleunt à tramite legis Diuinae.

Mala poena incommodaq. vitae humanae, aut corruptio quarundam rerum habent rationem boni, quatenus puniunt peccata, aut non sunt ex consilio naturae, sed existunt per consecutionem quandam ut aegritudines & morbi. aut mala non sunt absolute mala, sed minora, & imperfectiora bona, & per vicissitudinem quandam contingentia efficiunt, ut bonum magis elucescat, intereuntibusq. indiuisis species perpetuae sint.

Centum, & quadraginta sex responsiones ad orthodoxos non esse Iustini, nec quandam expositionem fidei. Cap. CXXV.

**Q**ualia sint opera S. Iustini Martyris discendum ex Photij Bibliotheca, cuius verba nihil iam necesse est transcribere.

Cum autem mentionem non fecerit CXLVI. responsionum ad orthodoxos, suspicari licet id opus non esse Iustini. cum praesertim id iam pridem Sixtus Senensis in sua Bibliotheca



theca tradiderit. nam in eo opere citantur Irenæus, & Origenes, qui vixerunt post Iustinum. Origenes sanè non semel citatur, tanquam peritus hebraicarum literarum.

Quæst. IV. fecit mentionem pœnarum, quibus afficiuntur hæretici, ne ipsorum sermo, qui cancro similis est, serpere pergat. Certum autem est pœnas contra hæreticos sancitas fuisse à Christianis Imperatoribus, qua de re videri possunt, quæ traduntur in Codice Iustiniano. Sanè tempore Iustini potestas gladij erat penes Gentiles, non penes Catholicos Christianos.

Alia omitto. etsi autem non sint Iustini, sunt tamen antiqui scriptoris, multa q. continent quæ augere queant thesaurum sacra cognitionis.

Expositio etiam illa Fidei, cum tam clarè agat de Trinitate, & reiiciat errores Arii, & Macedonij de Filio, & Spiritu Sancto, vix existimanda est esse S. Iustini. etsi namq. tempore, quo ipse floruit, mysterium SS. Trinitatis rectissimè crederetur, non tamen adeò diserte eiusmodi mysterium exponebatur, ut postea expositum est ad compescendam hæreticorum temeritatem. Certè nomen ὁμοούσιον tempore S. Iustini non ita in usu erat, & tamen expositio ista, quæ tribuitur S. Iustino diserte in inscriptione habet eiusmodi vocabulum. nam narrat S. Ambrosius occasione cuiusdam scripti propositi ab Ario, & eius socijs nomen ὁμοούσιον positum fuisse in confessione à S. Episcopis Catholicis, ut quandoquidem Ariani professi fuerant non esse Filium ὁμοούσιον Patri, ipsi palam dicerent Filium esse Patri ὁμοούσιον.

Certè si S. Iustinus edidisset tam disertam expositionem



322 De Philosophia apud Romanos  
fidei de Trinitate, eiusmodi testimonio clarissimè confutâs-  
sent Arium.

Repetuntur verba quædam ex Timæo Platonis  
facientia ad repugnantiam de mundo ge-  
nito, & ingenito, quam obiecit ei-  
dem Platoni S. Iustinus.  
Cap. CXXVI.

**N**on ab re erit verba ad repugnantiam Platoniam de  
mundo genito, & ingenito constructam à S. Iusti-  
no prolata p. CCLXXXIX repetere ex Timæo, videreq.  
quid super his scripserit Aristoteles, quidq. Simplicius vir  
doctissimus existimauerit: Cum omne quod visibile re-  
cepisset minimè tranquillum sed inordinato quodam  
& tumultuario motu agitatum ad ordinem ex inor-  
dinatione redegerit. Arist. primo de Cælo tex. 106.  
hec habet: ἐξ ἀτάκτων γὰρ ποτε τεταγμένα φασὶ γενέσθαι  
ex inordinatis enim aliquando ordinata facta esse di-  
cunt. de Platone loqui Aristotelem censent Interpretes ob  
verba prolata ex Timæo. Platonem autem sic puto locutum  
quod Phisici ferè omnes ita visi fuissent sentire Heraclitus,  
Thales atq. alij. difficile porrò est modos novos dicendi inue-  
here cum aures hætenus assueverint talibus sermonibus, ta-  
libusq. sententijs.

Accipit verò verba Platonis Aristoteles perinde ac si  
secundum Platonem fuisset tempus, quo omnia essent inordi-  
nata, ut ab inordinatione redigerentur ad ordinem, hinc  
sic ratiocinatur contra Platonem: ἅμα δὲ τὸ αὐτὸ τεταγμένον  
εἶναι.



ἔναι καὶ ἄτακτον ἀδύνατον : simul autem inordinatum esse, & ordinatum impossibile est, sed necesse est generationem esse separantem, & tempus.

Quod profert, quia Plato, & Platonis discipuli sic explicabant rem totam, ut non assererent fuisse tempus, quando inordinatus motus cuncta obinebat. Verba Aristotelis text. 104. sunt ista: Auxilium autem, quod quidam eorum conantur asserere sibi ipsis qui dicunt incorruptibilem quidem esse sed factum, non est verum. similiter enim dicunt ijs, qui διαγράμματα designationes describunt, & seiplos dixisse de generatione non tanquam generato aliquando, ἀλλὰ διδασκαλίας χάριν sed doctrinae gratia.

Quod videntur dixisse aliqui prater Platonicos, ut Heraclitus, & Empedocles, qui tamen asseriebant esse genitum mundum, sed fore incorruptibilem. id enim tradit de ipsis Aristot. text. 102. lib. 1. de Cælo. ubi etiam pronunciat omnes dicere (scil.) phisicos mundum esse genitum eodem textu.

At in VII physic. text. X narrat Aristoteles omnes philosophos prater Platonem docere tempus esse ingenitum, & sigillatim de Democrito inquit, quod monstrat ἀδύνατον πάντα γεγονέναι, τὸν γὰρ χρόνον ἀγέννητον ἔναι impossibile esse cuncta esse facta. tempus enim ingenitum esse.

Quin & Platoniorum non pauci dixerunt semper tempus fuisse, licet nō semper fuerit mundus. nam semper fuisse motum inordinatum, & tempus metitum fuisse eiusmodi motum, postmodum omnia ad ordinem redacta fuisse. quod legi possunt verba Procli in Timæum lib. 11. p. 84.



85. Πλάταρχος μὲν καὶ Ἀἰτικὸς καὶ ἄλλοι πολλοὶ Πλατωνικῶν κατὰ χρόνον τὴν γένεσιν ἤκασαν. *Et dicunt esse questionem an mundus secundum tempus sit inginitus an genitus. esse enim ante conditum mundum inordinatum motum cum motu autem semper est tempus, ita ut fuerit tempus ante mundum. Cum mundo autem factum tempus, quod est mensura motus totius mundi, sicut idem tempus ante factum mundum fuit mensura inordinati motus.*

*Quod Anaxagoras putaverit tempus fuisse antequam esset mundus, Et Mens omnia ordinaret, tradit Aristoteles VIII phisic. tex. XV nam postquam dixit, fortassis Et unum principium facientes, ut Et Anaxagoras, sic utiq. dixerint, subiungit: infinito autem tempore quiescente postea motum esse aliquando. huius autem nullam esse differentiam: quare nunc potius, quam prius, neq. rursus aliquem ordinem habere non amplius naturæ est opus.*

*De Democrito vix videtur dubitandum, quin senserit semper fuisse tempus, semper atomos motas fuisse, non tamen semper fuisse mundum hunc. nam Lucretius ex sententia Epicuri multis argumentis conatur ostendere mundum non semper fuisse, sed extitisse tandem.*

*Sanè si omnes Physici præter Platonem, ut tradit Aristoteles, dixerunt tempus semper fuisse, esseq. inginitum, mundum autem genitum adstruxerunt, necesse est, ut tempus fuerit, quando mundus non erat.*

*Ad Platonem tamen quod attinet satis constanter tradit Proclus ex Crantoris, Plotini, Porphyrii, Iamblichi expositione, et si idem Plato dixerit tempus esse factum cum cælo*  
mun-



*mundumq. esse genitum, id tamen sic accipiendum, ut docuerit semper fuisse. Et mundum, Et motum, Et tempus, Et cælum, facta tamen dici, ut ait Proclus ὡς σύνδετον, καὶ ἄλλων αἰτίων πρὸς εἶναι δεόμενον, tanquam compactum, & alijs causis, ut sit, indigentem.*

*Nec potuit materia prima, cum careat corporea magnitudine, proprie fluctuare, Et inordinata esse: siquidem nihil incorporeum fluctuare, Et inordinatum esse potest, cum hec corporum compositorum accidentia sint, materia verò accidentibus sit nuda.*

*Ergò Plato tradidit factum esse mundum inordinatione ad ordinem redacta, non quod verè inordinatio illa præcesserit, sed quia res magis sic intelligitur, si ad explicandam totius compositionem, partium inter se diuersarum resolutio fiat.*

*Sed lubet audire Simplicium scribentem ad primum de Cælo tex. 104. 105. & 106. Xenocrates & Plato mundum genitum dicentes, generationem non tanquam ex tempore aut oportere intelligere, sed ex suppositione dictam doctrinæ gratia ordinis eorum quæ in ipso priorum q. & magis consistorum. sicut in descriptionibus Mathematicis naturam eorum inquirentes composita in simplicia resoluunt, & quomodo ex illis fierent, siquidem à principio facta fuissent considerant.*

*Sed quid dicemus de alijs antiquis Physicis? an Et ipse censendi sunt docuisse semper fuisse mundum, neq. tempus præiisse, Et extitisse antequam hæc moles existeret?*

*Simplicius non prorsus est certus Physicos sic sensisse, pro-*



nunciat tamen ita videri exponendos, præsertim Empedoclem, & Anaxagoram. ex suppositione namq. locutos, faciendoresolutionem apparentium compositorum ad simplicia nam in quibus semper existunt ea ex quibus generatio dicitur in his semper est possibile ex suppositione accipere simpliciorum præexistentiam, & temporalem generationem.

Nonne & ipse Aristoteles quando egit de motu cæli, eiq. assignavit principium in oriente, ex suppositione locutus est?

Adde ipsum loqui de generatione, & corruptione quatuor elementorum, de materia ingenita, de forma deq. priuatione, cum tamen talia semper fuerint secundum ipsius opinionem. Ergò sermonem habuisse videtur ex suppositione eorum, quæ ex tempore generantur.

Quæro etiam an putet Aristoteles unquam materiam fuisse nudam formis? etsi informitas, ut sic dicam, conveniat naturæ materiæ, non tamen fuit ullum tempus, quando ipsa non fuerit particeps ordinis, & specierum.

Ergò quæcunq. tradit Aristoteles de Materia quod sit neq. quid, neq. quale, neq. quantum, ea profert, non quod unquam extiterit sic spoliata Materia, sed doctrinæ causa ad enarrandam naturam rei sic d'sseruit.

Hinc quis putaverit similiter exponenda, quæ Empedocles, Anaxagoras, & forte alij de principio univèrsi discipulis expediuerunt.

Ex quibus sequeretur Aristotelem frustra oppugnasse Anaxagoram VIII Physic. tex. XV negaret enim se dicere Mentem quievisse tempore infinito, & demum accessisse ad construendum mundum.



*Minus etiam rectè dixisset Aristoteles Antiquos physicos docuisse tempus semper fuisse, sed non semper fuisse mundum. nam utrunq. dixissent, licet asseruissent mundum esse genitum, quod haberet causam.*

*Viderit lector, an hæc rectè proferantur ad defensionem Antiquorum, & legat diligenter Simplicium.*

De verbis quibusdam, quæ obijcit Aristoteli  
S. Iustinus, in quibus agitur de natura  
cœli. Cap. CXXVII.

**I**Nter illa, quæ obijcit Aristoteli S. Iustinus sunt etiam verba in secundo de cœlo tex. XLI. ut enim ignea dicentes esse ob hoc dicunt, quia id quod sursum est corpus ignem esse dicunt.

*De quo loquitur Aristoteles? de Platone, qui tamen sic exponendus est, ne quis putet eum docuisse cœlum esse elementum ignis, cum asserat compositum ex quatuor elementis, esse tamen naturæ igneæ, ita ut ignis ille purissimus diuersusq. ab inferiori isto sit, quatenus summam formæ perfectionem habet: lucidusq. omnino, & aspectabilis sit.*

*Nam ut ignis splendor in idea artificis est: ita in cœlo positus visibilis fit, inferioremq. mundum illustrat. Cui sententiæ Numenius, Plotinusq. in libro de cœlo assentitur ait enim hic, idcirco à Platone dici mundum sive cœlum ex igne, terraq. componi, quod multum habeat igneæ naturæ. Videmus siquidem magnam stellarum cœliq. lucem emicare quæ ex ignea natura provenit. sic Trismegistus asserit solem esse igneæ naturæ.*



*Ipse Aristoteles forte in Exotericis docuit esse cœlum igneæ naturæ, cum id testetur Plutarchus de Placitis philosophorum.*

*Simplicius in secundum de Cœlo tex. XLI. quamvis apud ipsum ponatur tex. XXVIII. ait Platonem totum mundum ex quatuor elemētis consistentem dicere, cœlum autem ex summitatibus elementorum, & sicut in corporibus hic ex quatuor elementis & ipsis consistentibus, extremis autem existentibus prædominatur elementum extremum scil. quod terreum, ita & diuinis corporibus ex summitatibus consistentibus prædominatur primi elementorum summitas scilicet ignis. scribit igitur in Timæo: Diuini quidem igitur plurimum speciem ex igne condidit, ut quod fulgentissimum ubiq. & pulcherrimum esset.*

*Hinc Nonnus ætherem πυρώδην igneum appellauit. vnum ex equis solis Pyroem dixit Ouidius. de iisdē equis legimus quod ignem elatis naribus efflent. apud Lucretium hæc leguntur:*

flammescere cœlum,  
ardescunt cœlestia templa.  
secretiq. ætheris ignes.  
*æther* multos secum extulit ignes,  
inde æther ignifer ipse.  
diffusilis æther.

*Lambinus explicat de aëre. sed nescio quam bene. nam ætheris natura si ignea est, estq. lucida subtiliorum est partium, & subtilitate superat aërem. & loqui Lucretium de cœlo, siue ætherea regione constat ex antecedentibus; nam dixerat:*



primus se sustulit æther

Signifer, & multos secum levis abstulit ignes.

¶ postea subiungit:

Hunc exordia sunt solis, lunæq. secuta.

*Et quod natura cæli sit ignea apud eundem Lucretium hæc  
eundem ostendunt:*

inq. dies quanto circum magis ætheris æstus  
& radii solis.

inde mare, inde aër, inde æther ignifer ipse.

*vides distinguere aërem, ab æthere.*

Mox: & liquidissimus æther

atq. leuissimus aëreas super influit auras  
nec liquidum corpus turbantibus aëris auris  
commiscet

ipse suos ignes certo fert impete labens  
nam modicè fluere, atq. vno posse æthera nisu  
significat Ponti mare.

*Ad quæ notat Lambinus Epicurum, & Lucretium velle  
æthera esse igneum, & ex ignibus liquidissimis constare,  
quod idem putabat Zeno, & Anaxagoras qui aiebant stel-  
las esse igneas. ex Stoicorum sententia sunt illa M. Tullij ll.  
de Nat. Deorum hunc aëra rursus amplectitur immen-  
sus æther, qui constat ex altissimis ignibus. ex æthe-  
re igitur innumerabiles flammæ siderum existunt. sic  
Virgilius ll. æneid.*

Sustulit exuras vinclis ad sidera palmas

Vos, æterni ignes, & non violabile vestrum

Testor numen ait.

*Manilius non est omittendus lib. I.*

Tt

Ignis



330 De Philosophia apud Romanos

Ignis in æthereas volucer se sustulit auras,  
Summaq. complexus stellantis culmina cœli.  
Flammæ vallo naturæ mœnia fecit.

*Nec agnoscit aliud Manilius quam aërem, ignem, terram,  
& Mare, ut sit mundus perfectus.*

Hoc opus immensi constructum corpore Mundi  
Membraq. Naturæ diuersa condita forma  
Aëris, atq. Ignis, Terræ, pelagiq. iacentis  
Vis animæ diuina regit.

*Adde quod nisi dicatur esse naturæ igneæ cælum, difficile est  
explicare, quomodo calor manet à supera regione. hinc S. Iu-  
stinus; si id, quod motum calefacit alia, non potest  
hoc efficere nisi prius seipsum motu suo calefaciat,  
quomodo cælestis globus, & quæ in eo sunt sidera  
motu suo calefaciunt aërem, cum ipsa non calegant?*

*Namq. interpretes magnam experiuntur difficultatem in  
exponendo Aristotele dum ait tex. XLII in secundo de cælo:  
Calorem generari ab astris attrito aëre ab illorum la-  
tione, addita ratione: nam natura aptus est motus ignire  
& ligna, & lapides, & ferrum. Certè Alpinos vertices  
si conscendas etiam tempore æstiuo aërem longè minus cali-  
dum deprehendes, quam in imis locis. imò refocillaberis  
non parum relietis vallibus quas radij calefaciunt. oportet  
autem, si ratio Aristotelis vera est semper deprehendi  
calidior aërem, quò vicinior est cælo. sed legatur Sim-  
plicius ad verba illa Aristotelis.*



Nouissimè cum S. Iustino obijciente Aristoteli  
perpenduntur duo loci ex Tertio de cœlo  
tex. I. Cap. CXXVIII.

**A** S. Iustino tandem ad alios gradum transferemus, si  
prius perpenderimus argumentationem, qua impe-  
dit Aristotelem, tribuendo ei quandam velut repugnantiam,  
prolatis verbis ipsius ex tertio de cœlo tex. I. dico autem  
substantias quidem simplicia corpora, & quæcumq.  
ex his καὶ ὅσα ἐκ τέτων οἶον τὸν τε σύνολον ἔρανόν, ve-  
luti totum cœlum. ex quibus verbis sic ratiocinatur:  
quomodo nunc ait ex iisdem elementis constare cœ-  
lum, ex quibus, & plantas, & animalia?

Obijcit etiam verba illa, quæ leguntur in eodem textu  
primo: περὶ μὲν ἐν τῇ πρώτῃ τῶν στοιχείων εἴρηται de pri-  
mo igitur elementorum dictum est. ita autem colligit  
S. Iustinus contra Aristotelem: si elementum est ex quo  
fit quod fit insitum ipsi, quî fieri potest, vt idem sit, &  
elementum & ingenitum? nam in hoc in tertio libro tex.  
XXXI. tradit Aristoteles quid sit elementum: est illud in  
quod corpora dissoluuntur & sunt in eo aut potentia  
aut actu. unde scribit Auerroes ad tex XXXI. elementū  
est aliquid in actu, cum compositū dissoluatur in ipsam  
sed ipsum non dissoluitur in alia existentia in actu græcè  
S. Iustinus loquens usus est verbo Aristoteleo ἐνυπάρχον.  
nam elementum ab Aristotele sic græcè definitum est: εἰς ὃ τὰ  
ἄλλα σώματα διαίρεται ἐνυπάρχον δυνάμει ἢ ἐνεργείᾳ.

Vt autem agamus de primo loco, in quo videtur Ari-



Aristoteles dicere cœlum esse compositum ex quatuor elementis more Platonico, sciendum in versione qua usus est Averroes sic legi: intelligo per substantias quatuor corpora simplicia, ut terram, & ignem, & duo corpora alia simplicia, & quod fit ex eis, ut animalia, & plantas. Vides quam parum fido interprete sit usus Averroes, ut prorsus digni sint magna reprehensione philosophi nostræ ætatis, qui contemnentes linguam Græcam, Aristotelem non possunt audire in sua loquentem lingua, necesse namq. est eos quandoq. impingere non inspecto græco fonte. Nec tamen laudo audaciam Francisci Vicomercati, qui cum esset peritus sermonis Græci non pauca correxit ex proprio iudicio & immutavit. quem morē nonnulli etiam notant in Antonio Fabro, ingenioso Iuriconsulto. qui tamen passim inuertit Iuriconsultorum verba, & corrigendo ausus est aliò contorquere. Cuius culpæ non desunt qui dicant non esse immunitatem ipsum Cuiacium. Certè Ed mundus Merillus vir imprimis eruditus ostendit in multis debere retineri lectionem Pandeetarum, ex Florentina editione, quæ absq. dubio optima omnium est. sed ad rem.

Et si admodum disertè Aristoteles videatur dixisse cœlum esse compositum ex quatuor elementis, quod ei obijcit S. Iustinus, interpretes tamen recentiores conantur præceptorem suum à repugnantia incommodo liberare, de quo quidem conatu liberum esto lectori iudicare.

Nam Simplicius nodum non videtur voluisse solvere, aut enim scribit: ignem & terram cum dixisset, adiecit, & coniugata his alia tria dicens simplicia scilicet quintum, & aerem, & aquam. hoc autem & quæcumq.



cumq. ex his composita omnia significat, quæ consequenter nominat scilicet totum cœlum dicens æthereum omne, & partes eius.

*Diacetius vir doctissimus ex patritia nobilitate Florentinorum in sua paraphrasi sic rem totam composuit, ne Aristoteles videatur asserere cœlum esse compositum ex quatuor elementis: sunt autem, inquit, corpora naturalia, quatuor elementa, quæq. ex his coagmentantur. præter hæc totum cœlum eiusq. partes, animalia, & stirpes. ita nodum relinquit insolutum.*

*Lucillius Philalthæus egregius professor Peripateticæ philosophiæ sic se gessit, ut scripserit cœli nomine intelligi mundum, qui constat ex quinq. corporibus. mundana enim coagmentatio ex cœlo, & elementis conficitur atq. aliter vniuersum constat ex elementis, & corpora mixta: nam mundus ex his constat velut è partibus perficientibus molem eius sine permixtione horum inter se, & mutua alteratione.*

*Fatetur tamen nonnullos putasse cœlum intelligi quintum corpus cœleste solum. idcirco admirati sunt, cœlum componi ex elementis, & pueriliter censuerunt id dici ad opinionem Empedoclis. interpretes sanè, quo usus est Auerroes turbatus tali effato prorsus omisit, quod tamen reperiebatur apud Aristotelem. hinc Auerroes ipse nihil planè protulit, quod faceret ad dissipandam nebulam. tantum scripsit per substantias intelligi corpora simplicia mobilia, quæ sunt quatuor elementa, & composita ex eis, ut animalia, & planta. Mox subiicit Naturalem considerare de corpore cœlesti, quod tantum non est ex quatuor, neq. ex composito*



sito ex eis. Atqui Aristoteles in græco exemplari, cui prorsus standum, videtur contrarium asserere. Viderint admiratores Auerrois, an fas sit absq. hæsitatione eius premere vestigia in exponendo Aristotele. Ego profecto, si Deus vitam dederit, suo tempore ostendam, quam mutila & sus fuerit versione Auerroes.

Ad Philalthæi expositionem quod attinet, etsi non negandum sit cælum quandoq. accipi pro toto mundo, quo significatu accepit ipsum Plato in fine Timæi, & Aristoteles in inscriptione librorum de Cælo, tamen in verbis prolatis apparet non debere sic accipi, nam fit mentio elementorum, plantarum, & animalium, & cæli. quod si nomine cæli intelligeretur totus mundus non singillatim nominaretur cælum quasi distinctum à quatuor elementis, à plantis, & animalibus, quæ composita sunt ex elementis. Valeat igitur Philalthæus cum sua expositione.

Et si autem nullum viderim, qui mihi satisfaciat, puto tamen facile posse solui nodum, modò rectè collocentur verba, & ut collocatio requirit legantur. sic verba habent; dico substantias simplicia corpora, ut ignem, & terram  $\delta\iota\omicron\nu\ \pi\acute{\upsilon}\rho\ \kappa\alpha\iota\ \gamma\eta\nu$ , & quæ sunt eiusdem cum his ordinis  $\kappa\alpha\iota\ \delta\omicron\sigma\alpha\ \sigma\acute{\upsilon}\sigma\omicron\iota\chi\alpha\ \tau\acute{\epsilon}\tau\omicron\iota\varsigma$  id est quæ sunt partes mundi hoc enim indicat  $\sigma\acute{\upsilon}\sigma\omicron\iota\chi\omicron\nu$  quasi coelementum id est simul pars mundi. subdit:  $\kappa\alpha\iota\ \delta\omicron\sigma\alpha\ \epsilon\kappa\ \tau\acute{\epsilon}\tau\omicron\nu$  & quæcumq. ex his hæc referuntur ad illud quod dixerat: & quæ connexa his scilicet quatuor elementis. deinde enumerat singillatim, quæ sint connexa quatuor elementis, & loquitur de toto cælo, hoc est de octo sphaeris, siue omnibus corporibus cælestibus, quæ rectissime dicuntur  $\sigma\acute{\upsilon}\sigma\omicron\iota\chi\alpha$  quatuor  $\sigma\omicron\iota\chi\epsilon\iota\omicron\iota\varsigma$ . nam statim  
post



post elementum ignis reperitur corpus cœleste.

Illā autem verba ; & quæ ex his , non sunt coniungen-  
da cum toto cœlo, & eius partibus , sed referenda ad anima-  
lia, & plantas , quæ componuntur ex quatuor elementis .  
Vitaretur autem omnis ansæ errandi si quis legeret hoc mo-  
do verba Aristotelis : dico substantias simplicia corpora ,  
& quæ sunt eiusdem ordinis vt totum cœlum, & eius par-  
tes , & quæcumq. componuntur ex elementis , vt plantas ,  
& animalia . qui inspexerit perpenderitque verba græca  
absq. dubio statim mihi assentietur .

Supereſt, vt intelligamus qua ratione interpretentur in-  
terpretes Aristotelem vocantē cœlum primum elementorum.

Nam quod inexistat cœlum animalibus videtur ex eo  
posse colligi , quia Aristoteles alibi dixit, semini inesse ali-  
quid respondens elemento stellarum. vides hic nomina-  
ri elementum stellarum , vides aliquid reperiri in semine ,  
quod est à stellis . calorem cœlestem vocant interpretes. Er-  
gò videtur elementum stellarum esse igneum à quo profici-  
scitur calor . isq. calor videtur redire ad stellas , si dissoluto  
composito vnaquæq. pars redit , & resoluitur in suum ele-  
mentum , à quo manauerat .

Simplicius sic scribit : Elementum autem cœleste vt  
simplex vocat , quia non mundi elementum est , vt ait  
Alexander, sed pars magis. Nam elementum per to-  
tum id , quod elementis constat penetrat . & his quæ  
cum ipso elementis simul commiscetur . primum di-  
xit ( πρῶτον στοιχείον ) tanquam & positione , & tempo-  
re , & ratione causæ ,

Diacetius simpliciter ait cœlum dictum elementum ,  
quia,



34<sup>5</sup> De Philosophia apud Romanos

quia pars mundi præstantissima est.

Philalibæus differit vocatum cælum elementum, quia pars est vniuersi, & elementum pars totius dici solet, cœu litteræ partes syllabarum elementa vocantur. reprehendit Simplicium, quod dixerit appellatum elementum ob simplicitatem.

Cælum est elementum non permixtum, sed efficientia sua & potestate miscet, & opportunum est ad perficienda omnia. Ergo saltem virtute & potestate adit mixta. Sol & homo generant hominem. vis ergo cœlestis necessaria est ad permutationem corporum.

Auerroes innuit sed non disertè dicit dici cælum elementum, quia corpus simplex.

Quod si dixisset in precedentibus verbis Aristoteles cælum componi ex quatuor elementis, non potuisset postea ipsum appellare primum elementum.

Sed quid dicemus de calore cœlesti, qui reperitur in semine, & respondet elemento stellarum? efficitur eiusmodi calor, non autem manat tanquam pars aliqua ab elemento stellarum. hinc ait vim illam respondere hoc est affinitatem habere cum stellis. qui modus loquendi improprietatem denotat. nec stella propriè sunt elementum, sed ob vim, quam exerunt in inferiora corpora, inq. animalia prolifica dicuntur elementum eo ferè modo quo Aristoteles appellauit cælum elementum.

His interpretationibus si quis velit repugnare, contendereq. non esse satisfactum S. Iustino, me quidem non inueniet morosum molestumq. altercatorem.

Potuiſſet ſanè Ariſtoteles abſtinere ab eo loquendi modo  
quo



quo cœlum, elementum primum vocavit, ne quis putaret  
ipsum docere cœlum commisceri corporibus inferioribus, &  
venire in compositionem, cum contenderit esse quintam sub-  
stantiam toto genere distantem ab igne, aere, aqua, &  
terra.

De ijs qui prauo more architectati sunt opinio-  
nes ex S. Scriptura male intellecta, & de-  
torta philosophia, Romæ se infe-  
rentes. Cap. CXXIX.

**A**Ntequam Christianam fidem amplecterentur Impe-  
ratores, & conuocarentur concilia generalia, ma-  
gna licentia vsi non pauci ex ijs, qui cupiebant incl are-  
scere, & magnifici, dogmata architectabantur, quam vis  
Christianos se vocarent, & Christi nomen profiterentur.  
Nempe Gentiles Imperatores, & præsides non ponebant  
differentiam inter veros Catholicos Christianos, & reliquos  
qui proprias opiniones excogitabant, nam promiscuè omni-  
bus Romani Magistratus aut præstabant securitatem, aut  
etiam sub communi nomine Christianorum facessabant nego-  
tium. ita mirum non est si tam multiplex ante Constantini  
tempora prauorum sectariorum genus extiterit, neq. dubitâ-  
rit in ipsa Roma suas nugas spargere, cum non præstò esset,  
qui illos cogeret parere Catholicis dictatis.

Pleriq. autem omnes à philosophia mutuo sumebant, quæ  
interpolata, & obducta detortis S. Scripturæ dictis in vul-  
gus spargerent. qua de re dubitare non possumus, quando  
legimus Tertullianum, qui disertè ait Philosophos esse hæ-



reticorum patriarchas ; pluraq. in eandem sententiam depromit.

Ita fanatici homines neq. veri erant Christiani Catholici nec veri germaniq. Philosophi gentiles, sed mixtura quadam perquam inepta ex male intellecta S. Scriptura, ex male prolata philosophia monstra sententiarum construebant, in quã rem legi possunt veteres S. Irenæus, S. Epiphanius, atq. alij. Quis nescit magnum philosophum fuisse Origenem discipulum Ammonij, & condiscipulum Erennij, Plotinij, laudatũ summopere à Porphyrio? is igitur, si credimus S. Epiph. lib. II. tom. I. har. XVIII. Mortuorum resurrectionem reiecit, Platonicos proculdubio secutus. Christum creaturam, & Spiritum Sanctum introduxit, teste eodem, impingens in ea, quæ tradit Plato de summo Deo, de Mente, deq. mundi anima. sed missis ijs, qui Romæ sese intulerunt, reiecti tamen à Sanctissimis Pontificibus Catholicis. Ita explosus est Novatus Romanus. de Carpocrate sic Epiphanius: Huius fuit Marcellina illa in Roma. imagines fecit occultè Iesu, & Pauli, & Homeri, & Pythagoræ, ipsisq. suffitum faciebat, easq. adorabat. idem de Cerdone: Cerdo ex Syria Romam digressus, prædicationem suam exposuit, in temporibus Hygini Episcopi. duo autẽ principia hic prædicat inter se contraria. Marcion sic describitur: quum Romam adijisset, & pœnitentiam, ac veniam petijisset ab his, qui illis temporibus isthic erant, & affecutus non esset, elatus est contra fidem, & tria principia induxit, ac docuit, Bonum, & Iustum, & Malum. Tatianus Marcionem est secutus. de Severo narrat quod libros apocryphos introducit. Aduersus autem tenebriones abutentes ad suas nugas philosophia scri.



*scripserunt Plotinus quoq. & Amelius, imò & Porphyrius. lubet autem transcribere, quæ idem Porphyrius ea de re narrat in vita Plotini: Erant Christiani (non veri sed pseudocatholici) eo tempore multi, tum alij tum ex antiqua philosophia egressi hæretici, Adelphij, Acyliniq. sectatores: qui Alexandri, Lybici, Philocomi, Demonstrati, Lydi, plurimos libros circumferebant, & reuelationes quasdam Zoroastris, Zostriani, Nichotei, Allogenis, Mesi, aliorumq. eiusmodi palam ostendentes, & deceperunt multos, & ipsi decepti iam fuerant: asserentes Platonem intelligibilis essentia profundum minimè penetrâsse. quamobrem Plotinus multas in disputationibus suis in eos argumentationes intulit: scripsitq. contra eos librum, quem contra Gnosticos nos inscripsimus, nobisq. reliqua discutere, & iudicare commisit. Amelius autem libros quadraginta composuit contra librum Zostriani. Ego verò Porphyrius argumentationibus multis ostendi librum Zoroastri ab illis inscriptum adulterinum, nouumq. esse, & ab eis confictum, qui struebant hæresim, vt institutiones suæ esse Zoroastris crederentur. Gnosticos porrò seipsos appellauerunt Valentiniani, ante quos erant primi Gnostici, turpissimè contaminati finxerunt ipsi Euangelium Philippi, vt tradit idem Epiphanius. sic minimè mirum est, si confixerunt etiam reuelationes sub nomine Zoroastris, & aliorum.*

*Quod autem de Carpocratianis protuli adorantibus philosophos cum Christo, id confirmatur etiam testimonio S. Irenæi lib. I. cap. XXIV. Vnde & Marcellina, quæ Ro-*



nam sub Aniceto venit, cum esset huius doctrinæ (*Carpocratis*) multos exterminavit. Gnosticos se autem vocant, etiam imagines quasdam quidem depictas, quasdam autem, & de reliqua materia fabricatas, habent, dicentes formam Christi factam à Pilato illo tempore, quo fuit Iesus cum hominibus, & has coronant, & proponunt cum imaginibus Mundi philosophorum, videlicet cum imaginibus Pythagoræ, & Platonis, & Aristotelis, & reliquorum.

De Marci Antonini summa diligentia in discenda philosophia. agitur de eius præcepto-ribus. Cap. CXXX.

**I**ncomparabilis profectò videtur fuisse Marci Antonini erga philosophiam, & philosophos propensio. Iulianus in *Cæsaribus* memorat Marcum philosophiæ nomine dum inquit: Audiamus hunc Stoicum quid ex illis paradoxis, & mirabilibus opinionibus proferet. rursus hæc leguntur apud Iulium Capitolinum: philosophiæ operam vehementer dedit, & quidem adhuc puer. Nam duodecimum annum ingressus, habitum philosophi sumpsit. & deinceps tolerantiam cum studeret in pallio, & humi cubaret, vix autem matre agente, instrato pellibus lectulo accubaret. usus est Commodi Magistro. usus & Apollonio Chalcideno Stoico philosopho. Tantum autem studium in eo philosophiæ fuit, ut adscitus iam in Imperatoriam dignitatem, tamen ad domum Apollonij discendi causa veniret. Audiuit & Sextum Cheronensem Plutarchi

Ne-



Nepotem, Iunium Rusticum, Claudium Maximum, & Cinnam Catullum Stoicos. peripateticæ verò studiosus audiuit Claudium Severum, & præcipuè Iunium Rusticum, quem & reueritus est, & sectatus, qui domi militiæq. pollebat, Stoicæ disciplinæ peritissimum, cum quo omnia communicauit publica, priuataq. consilia.

Ita scimus pallium græcanicum sine tunica assumptum fuisse philosophiæ causa à Marco. nam eiusmodi pallium absq. tunica cōmunis fuit habitus omnium philosophantium. Principum quoq. liberi induebantur eiusmodi habitu, quando versabantur in studio philosophico, quod tradit de Iuliano Marcellinus.

Pallio addidit humicubationem quia tanquam philosophus vitam delictiorem spernebat. Certè veteres contemnentes delicias vel superduro silice, aut nudo solo dormiebant. vel stoream aut psiathum, aut pelliculas substernebant.

Nec silendus est lectulus pellibus stratus. nam si humicubabat, cur utebatur lectulo? Mater nempe impellebat, ut quandoq. accubaret studiorum causa lectulo. notum enim est antiquos habuisse lectos lucubratorios ut vel locus Persij nos docere potest, dum ait: & quicquid deniq. lectis

Scribitur in citreis.

Quos porrò professores, præceptores Marci memorauit Capitolinus, eos in vita non excepit silentio ipse Marcus, ut intelligamus quanta gratitudine profecutus sit Magistros suos diuinus discipulus.

Quis verò fuit Sextus Chæronensis? an Sextus Empiricus, cuius extat opus? Philostratus appellat Sextum ex Bæotia philosophum. hic si credimus ipsi Imperatori non pau-



ta excogitavit, quibus augeret philosophica dogmata. At Sextus Empiricus totus in eo est, ut sententias receptas destruat atq. euertat. Quare non est putandum Sextum Empiricum fuisse Marci Praeceptorem. sed dissimulandum non est pugnare inter se Iulium Capitolinum, & Suidam de Sexto Chæronensi quando agitur. Etenim ille Sextum Stoicis accenset, hic Pyrrhonijs. sic enim loquitur Suidas: Sextus Chæronensis, Plutarchi ex sorore vel fratre nepos, philosophus, M. Antonini temporibus, Herodoti Philadelphæi discipulus Pyrrhoniæ sectæ, in tanta apud Imperatorem auctoritate, ut vnà cum eo ius diceret. putarim tamen Stoicum fuisse Sextum ob summam familiaritatem quam habuit cum Marco, qui planè Stoicus fuit. at reclamatur Suidas, qui ait sceptica ab eodem Sexto cōscripta fuisse. viderint igitur eruditi, quæ opinio melior.

Omittendum porrò non est, quod recenset idem Suidas, post obitum Commodi Imperatoris, extitisse quendam, qui diceret se esse Sextum, atq. adeò petiisse successionem opum & dignitatis, qua usus est, cum viueret verus Sextus. ut mendacio fidem inueniret multa rogatus à multis, non inscitè respondit: sed cum Pertinax Imperator de rebus Græcis eum percontaretur, quarum ille rudis erat; grauissimè impegit, cum verba ipsa non intelligeret: vsq. adeò vultu quidem natura, cætera verò studio illi similis erat, doctrina vero eadem exultus non erat.

Vnde obiter colligas eruditum fuisse in historia, atq. etiam, ut videtur, in philosophia Pertinacem Imperatorem, quem scimus à Senatu ad Imperium promotum, & appellatum



latum sanctissimum senem, quem Prætoriani ob severitatem, & studium antiquæ disciplinæ cū ferre non possent, interemerunt. Hauserant enim corruptelam disciplinæ à moribus Commodi, at Pertinax absq. dubio sub Marci Imperio laudatissimo artes, quæ facerent ad Imperium, induerat. Tanti porrò sceleris dignas dederunt pœnas perditissimi Prætoriani, cum Septimius Severus ad fastigium Cæsareæ Maiestatis pertigisset. Sed hoc forte est digredi; redeo ad Marcum, cuius nomini paruum epigramma inscriptum volo.

Candida simplicitas, generosi pectoris ardor,  
 Lucida mens, probitas, ingenuusq. pudor,  
 Cognitio Veri, Superùm sapientia cultrix,  
 Socraticæ chartæ, doctificusq. labor,  
 Pluraq. circumdant prælustri nomine Marcum,  
 Imperij fulcrum, Rômolidumq. patrem,  
 Qui terras placidus tranquilla pace beavit  
 Et traxit promptos in sua vota Deos:  
 Aurea quinetiam; mandavit dicta papyro,  
 Quæ probat, inq. sinu dia Minerva gerit.

Quantus in philosophia fuerit Marcus Antoninus,  
 quantus item in gerenda Republica.

Cap. CXXXI.

**I**N summo fastigio honoris tunc fuit philosophia, quando Marcus Antoninus regnavit Romæ. usq. adeò enim ipse Philosophiam complexus est, favitq. philosophis, ut philosophus meruerit dici. de eo Iulius Capitolinus talia profert: sententia Platonis semper in ore illius fuit, flore-



re ciuitates, si aut philosophi imperarent, aut Imperatores philosopharentur *alibi*: apud multas (provincias) philosophiæ vestigia reliquit. Apud Ægyptios ciuem se egit, & philosophum in omnibus studijs, templis, locis, *illam sententiam*: omnia fui, nihil expedit, quam Seuerus protulit inseruit libris de vita sua in qua etiam ait se à Sexto philosopho didicisse disciplinas propter se ipsas discendas. libro autem IV. refellit eos, qui negarent claritatem nominis, quæ contingit post mortem, bonum esse. lib. V. laudat orationem ad Deos simplicem, & liberalem, quæ opponitur emaci, sic enim vocatur apud Persium. Quid verò præclarius his fieri potest lib. III. Assuefacere te debes ea solum cogitare de quibus si quis te repente interrogat, quid nunc cogitas? liberè possis atque statim respondere, hoc & illud: vt ex ijs continuò fiat manifestum, omnia in te simplicia esse & mitia, & animanti ad communionem nato conuenientia: qui omnia spernat ad voluptatem spectantia. Quæ autem didicit & scripsit probitate expressu, quod testatur Herodianus lib. I. solus Imperatorum sapientiæ studium, non verbis, aut decretorum scientia, sed gravitate morum, vitæq. continentia usurpauit. Nec propterea spreuit labores bellicos, quin sibi ipsi vim fecit, nec passus est se abripi à voluptate quam in philosophando experiebatur ad negligenda Reipublicæ commoda. Iulius Capitolinus satis superq. testatur, quantus fuerit in bello, quamq. assiduus in militaribus expeditionibus. Gentes omnes ab Illyrici limite vsq. Galliam conspirauerant. Magno igitur labore etiam suo, gentes asperri-  
mas



mas vicit, accepitq. in deditionem Marcomannos.  
 Amici frequenter suaserunt, vt à bellis discederet,  
 Romam veniret, sed ille contempsit, ac perstitit:  
 nec prius recessit, quam omnia bella finiret. pernix  
 nequaquam euasit, & suæ sententiæ non multum tribuit,  
 quin lubenter in omnibus consilio amicorum acquieuit. quod  
 mirum videri debet. Nam scientia superbi multi in ò ple-  
 riq. euadunt. ipse autem planè robusta succinctus philosophia  
 summam moderationem animi, & modestiam est adeptus.  
 Eant nunc contemptores philosophiæ, Procures ignari, qui  
 putant se tunc conspicuos esse nobilitate, si literarum om-  
 niumq. artium expertes sint. sileant etiam illi, qui clamant  
 cognitione disciplinarum homines euadere ad negotia,  
 adq. rempublicam ineptos. quid namq. in Antonino, tanto  
 philosopho desiderari potest? summa certè cum laude gessit  
 bella, hostes profligauit, Rempublicam beavit, nihilq. in se  
 passus est desiderari, quod ad imperium è dignitate Maie-  
 statis Romanæ gerendum faceret. hinc mihi rursum lubet sic  
 Marcum extollere:

Induperatorum illustrem superare nitorem

Virtutis radijs, gloria Marce tua est.

Gloria Marce tua est, contingere Palladis arces,

Inq. apice excelsam constituisse domum.

Gloria Marce tua est, perfundere ne stare mentem,

Inq. Iouis mensa pascier ambrosia.

Marce tuum est, Verum dictis augere sophorum,

Stoicidq. nouas condere diuitias.

Gloria Marce tua est, Germanis dicere leges,

Et constrictum Istri perdomuisse gelu.



Parthorumq. dolos generosis frangere turmis,

Ne deinceps repleant Itala castra metu.

Ergò quam volupe est te, te memorare canendo,

Qui ceu sol dulci lumine cuncta beas.

Valde multos sub Antonino assumpsisse formam  
philosophorum, vt ditescerent.

Cap. CXXXII.

**Q**uandocquidem tantopere philosophari amabat Antoni-  
nus, multi viri sapientes ea floruerunt tempestate,  
sic enim Herodianus: Quo factum est, vt ma-  
gnum sapientum virorum prouentum ætas illa tulerit.  
solent enim plerumq. homines vitam principis emu-  
lari. non pauci etiam vt ei placerent, philosophi speciem  
assumpserant, vt sua comoda promouerent: hinc scripsit  
Iulius Capitolinus: Fama fuit sanè, quod sub philoso-  
phorum specie quidam Rempublicam vexarent, &  
priuatos, quod tamen ipse emendare non distulit. quamuis  
verba prolata possint intelligi non de præfectis, præsi-  
dibusq. sub forma philosophica latentibus, & in regimine po-  
pulum onerantibus, sed de ijs, qui prauis religionibus vul-  
gi animos inficiunt, vt sæpe ad rerum nouarum molitionem  
impellant. de hoc genere hominum editam fuisse constitutio-  
nem à Marco testis est Modestinus lib. 1. de pænis: si quis  
aliquid fecerit, ait, quò leues hominum animi super-  
stitione numinis terrerentur, D. Marcus huiusmodi  
homines in insulam relegari rescripsit. *Ulpianus lib.*  
*VII. de officio proconsulis*: Diuus Marcus eum, qui de  
motu



motu Cassiano vaticinatus erat, & multa quasi in tin-  
ctu Deorum dixerat in insulam Scyrum relegauit. pos-  
sit quis etiam accipere verba Iulij de ijs, quos multos nume-  
ro valde ditauit Marcus, teste Dione, quibusq. tanquam  
philosophis largitus est immunitates, cum onere aliorum.  
Certè peccat Princeps, quando ingentem numerum hominum  
imò partem non exiguam in ciuitate donat immunitate, fit  
enim vt reliqui intolerabilem in modum onerentur. quod ho-  
die euenire passim omnes viri boni, & prudentes deplorant  
sed frustra. Videndus autem est Lucianus, qui in pseudo-  
philosophorum greges inuehitur aculeatis dictis.

Nonnulla ex libris Marci Imperatoris de vita  
sua depromuntur, & explicantur.

Cap. CXXXIII.

**A**D alios philosophiæ vel fautores vel mystas transfi-  
rem nisi me detinerent libri, quos Marcus de sua  
exarauit vita. Etsi namq. tres aut quatuor sententiæ ex  
ipsa depromptæ fuerint in præcedentibus, cum tamen liber  
ille non ita vulgò proftet in bibliothecis, præsertim Italicis,  
non carebit forte commendatione labor, qui ex ipso aliqua  
dicta depromet, eisq. aliquid imponet lucis.

Libro primo plurima bona accepta fert Numini, inter  
quæ illud recenset, quod magnas in Rhetorica, poetica, reli-  
quisq. studijs progressus non feci; quæ me fortasse deti-  
nuissent, si me feliciter proficere sensissem. quod de poe-  
si id proferat mirum non est, cum iam superius dixisset, se  
à Rustico præceptore didicisse, poesi esse abstinendum. Cur



ita? annon aliquot egregij imperatores poeticam attigerunt? quia sciebat Rusticus apud poetas multa legi, quibus mores boni possunt corrumpi, praesertim si legantur ab adolescentulis. apparet autem non abstinuisse prorsus à poesi Marcum, quia ait se non fecisse magnos progressus in poetica. nam de Rhetorica quoq. dixerat Rusticus, quod ipsa sit abstinendum. Et tamen in eiusmodi studio fatetur se aliquatenus profecisse. quod videtur ad Astrologiam quoq. transferendum, à qua tamen narrat itidem se auocatum. Marcus opera Rustici. Cur verò gaudet quod non adeò magnos fecerit progressus Marcus? Nempe quia ad huiusmodi studia tanquam ad sirenios scopulos haesisset. Videnda quae in hoc ipso libro tradidimus superius, cum de Iulio Agricola, Et Heluidio ageremus ex Tacito. quo referendum illud apud Persium:

non ego curo

Esse quod Arcefilas.

Id est nolo multis philosophari, sed paucis, ne ad vitam civilem evadam ineptus.

Quam verò minimè suspiciosus fuerit Marcus ex eo satis superq. discere est, quia acceptum Numini fert, quod Vxorem ita obsequentem, mei amantem, ac simplicem habui. fuit quidem generosa femina Faustina, at impudicam fuisse, libidiniq. magna indulgisse libertate non sinunt nos ambigere annales. An igitur, inquires, suspicionibus debent indulgere mariti? Respondere est, nec oportere esse suspicaces maritos, nec prorsus negligentes in notandis ijs, quae geruntur ab uxoribus. fallax enim est Et subdolum foemineum genus, ac praesertim in libidinem pro num.

Quid verò recitat de somnis Marcus? ait enim sibi data



*in somnis remedia contra sanguinis excreationem, ac contra vertiginem. ignorandum non est illa tempestate apud Gentiles cognitione veri Dei destitutos vixisse opinionem, qua putabant in somno immitti somnia, quibus indicarentur remedia contra morbos. hinc scribit lib. V. dicimus Æsculapium huic equitationem, illi lotionem in frigida, alteri ut nudis pedibus ambulet iniunxisse hoc est ordinasse, ob respectum ad sanitatem. Tali superstitioni mirum non est, si indulset Marcus. At, inquires, præstò erant Medici. dixissent ipsi, frequenter decipi Medicos, quod maxima sit corporum varietas prorsus singularis, adeò ut quæ prosunt uni, alteri potius ob sint, vixq. humanum ingenium idoneum esse ad explorandam conditionem singularem cuiusq. corporis. Ergò Gentiles in templis captabant somnia. ut à Dijs discerent remedia morbi, qua de re diligenter egi in meo libro de somnijs, quem Deo dante aliquando publicæ committam luci.*

*Numini quoq. acceptum fert quod cum animum ad philosophiam adiunxisset, non inciderit in sophistam, nec in scriptoribus defederit, vel in syllogismis dissolvendis doceretur, aut in meteoris tractandis.*

*Annon consilij nostri est præceptorem eligere? imò opus est felicitate ut inuenias præceptorem verè sapientem. quam multi enim evasissent doctissimi, si habuissent egregios doctores. Sæpe enim fit, ut adolescentes ijs maximè fidem habeamus quibus minimè oportet. Ego autem Deo quoq. gratias ago, quod mihi puero voluerit dare præceptorem per eruditum Petrum Menghinum, & in Germania cum ulterior cultus ingenij esset capeffendus habuerim magistros*

*Oibo-*



Othonem Gryphium, Paulum Bimbergerum, & Christophorum Vilcouerum. recensenda quoq. felicitas est, quia Rōma incidi in eruditissimum hominem Antonium Quaren-  
gum, quem quotidiano comitatu sectatus sum quinquen-  
nij integri spatio.

Sed quid de meteoris dicit Marcus? annon fas est de Me-  
teoris agere? forte gaudet, quod non magnam temporis par-  
tem tribuerit Meteoris cognoscendis, sed potius appulerit  
animum ad philosophiam moralem, quæ bonos efficit viros  
qua in re imitatus est Socratem, qui apud Ciceronem dici-  
tur philosophiam à cœlo deuocasse. Seneca porrò videtur con-  
temnere philosophiam naturalem, cum parum aut nihil ad  
nos faciat scire, cur fluat, refluatq. mare. ipse verò qua-  
si sui oblitus composuit libros *Quæstionum naturalium*, qua-  
rum tamen lectio non soluit omnes nodos quibus Metera in-  
uoluuntur. Aristotelei etiam multa promunt tanquam ve-  
ra, quæ nescio an solido nitantur fundamento. ipsi scilicet  
sciunt quomodo fulmen generetur. de cometis habent omnia  
explorata, quos non dubitant omnes gigni infra lunam,  
quamuis sit inter ipsos aliquis ex recentioribus, qui pu-  
tat esse quosdam cometas supra lunam. quod si cometa  
gignuntur in ætherea regione quid fiet de Aristotelis doctri-  
na quæ non patitur ullam fieri in cœlo generationem, aut  
corruptionem?

In V. libro hæc leguntur verba: Mens quæ mundū gu-  
bernat, societatis rationem habuit: itaq. & inferio-  
ra præstantiorum causa effecit. præclara sanè verba.  
Nam Stoici docebant cum Platone effecisse mundum, nec  
assentiebantur Aristoteli, qui negat à Deo manasse mundum  
sed



*sed ipsi Stoici commiscebant cum mundo Deum, ac si eius forma foret. Et aiebant Deum esse corpus, Et ex materia rudi, quæ creata non foret, condidisse hanc machinam, Nos ex nihilo dicimus conditum mundum, Et Deum intimè sua substantia adesse rebus creatis, ita tamen ut non commisceatur, nec sit pars, nec confletur. interim verba à Marco prolata, si nihil ex nugis Stoicorum assuatur, optima sunt Et veritati prorsus consentanea.*

*Genium si quis cupiat sibi enarrari à Marco, dicet lib. V. datum à Ioue suæ quandam particulam naturæ unicuique præsidem ducemque nimirum mentem atque rationem. Quæ partim Stoica, partim Platonica sunt. Stoicum est quod δαίμων Genius sit ἀπόσπασμα Iouis, aliquid quasi excerptum à Ioue. Horatius mentem appellavit diuinæ auræ particulam. Platonici genius est præstantissima pars animæ, quod tradit quoque Imperator probabilius tamen est secundum eosdem Platonicos Genium non esse partem animæ, sed ei assistere, Et esse aliquid distinctum ab anima, imò Et à mente. Christiana sanè religio Angelum Custodem non confundit cum anima. sed iuvat de Genio audire alibi loquentem Marcum libro nempe secundo: philosophia in hoc consistit, ut genium, qui in te incontaminatum conserues, atque illæsum voluptatibusque & doloribus superiorem. appellat græcè ἐνδοῦν δαίμονα. quæ ostendunt putasse Marcum esse Genium nihil aliud, quam mentem animæ, Et rationem, cæteroqui cur iuberet nos eum conseruare illæsum, Et incontaminatum?*

*Multa de fato profert Marcus, quæ quis putet etiam ad Aristotelicam siue, ut melius dicam, Alexandream accede-*



re sententiam, nihilq. aliud esse, quam nexum causarum naturalium. in quo nexu homini, cum ratione utatur, relicta est potestas abstinendi ab ijs, quæ verè mala sunt, hoc est à vitijs, atq. adiò virtuti operam dare. sunt dii, inquit, & rerum humanarum curam gerunt, & ut ne homo in ea, quæ reuera mala sunt, incideret, id quidem in eius potestate posuerunt: in reliquis rebus si quid mali inesset utiq. & hîc ei prospexissent, ne omninò in malum incideret. sic tueretur Stoicum decretum, quod sola virtus bona sit, vitium malū, reliqua nec bona nec mala. Cur ita? quia non est positum in nostra potestate vitare paupertatem, morbum, & talia. Ergò mala non sunt. nam si mala forent, dii dedissent homini ea vitare.

Quod autem dii sint, & quod curent res humanas probat, quia ceteroqui quid attineret vivere in mundo, Deum ac providentiæ vacuo? absurdum scilicet est dicere nos frustra hic esse, & nullius finis causa. Valeant ergò Athei, abeant in malam maximam crucem Epicuri de grege porci.

Sed si persusum est Marco Deum esse, & humana curare, cur ait vniuersa sita esse in opinione, quod ait patere ex ijs, quæ Monimo Cynico disputata sunt? alibi ait neminem esse certum se quando assensum præbet non errare. sed eiusmodi effatum cum grano salis est accipiendum, ne euecat, quod alibi tanta cum contentione adstruit. Stoici profecto nequaquam Pyrrhonij, & Arciselaï. Ergo de sententia quod omnia sita sint nuda in opinione sic inquit: perspicua est eius, quod dictum est utilitas, si quis eate-nus eius suauitatem admittat, quatenus veritati congruit. Non absolutè igitur accipiendum est eiusmodi axioma.

Quæ-



*Querit lib. XII. cur di nonnullos homines apprimè bonos semel fato functos non reducant? respondet Deum aliter instituturum fuisse, si aliter fieri expeduisset. dolendum est Marco gentili ignotum fuisse de resurrectione dogma, quod tamen apud Iudeos Sadducei reijciebant. At Phariseorum sententiam asserunt S. Literæ, & ipse Servator eiusmodi arcanum reuelavit.*

*Plura recensere supersedeo, ne institutum deferere dicamur.*

De Arriano, qui composuit Enchiridium Epicteti.

Cap. CXXXIV.

**G**loriare Nicomedia clarissimo ciue Arriano, cuius laudes quis queat digna complecti oratione? An memorem ipsum ob facundiam, & elegantiam sermonis meruisse dici nouum Xenophontem? magna sanè gloria ex æquari Socratico discipulo quem aliqui putant ne ipsi quidem concedere Platoni. At Arrianus cum eloquentia coniunxit seueritatem philosophicam, & probitatem morum excelsam, cum diligenter adhæserit decantatissimo Epicteto, cuius aurea dicta non est passus interire, sed conflata in exiguum librum vocataq. Enchiridium commisit publicæ luci. Cum autem videret ambabus manibus ab omnibus exceptum aureolum libellum, illum ipsum putauit vberiori expositione illustrandum, ne breuitas cuiquam officeret cupienti pertinere ad verticem Stoicæ sapientiæ. Accedit, quod Simplicius, qui diu post Arrianum vixit, explanandum idem opusculum suscepit, ut magis ac magis, intelligamus quan-



ti sit faciendus Arriani labor. Sanctus profectò Carolus Borromæus, cuius sanctitas vniuersum Christianum orbem superioribus annis traxit, sui profectus non ultimam causam fatebatur fuisse assiduam Enchiridij Epictetæ lectionem. ò igitur memorabilem operam Arriani, qui moribus hominum corrigendis, imò perficiendis, tam feliciter velificatus.

Multa alia monumentis literarum mandauit ad res gestas, & Geographiam facientia quæ licet non sint Stoica, à philosophia tamen non abhorrent, cū historia & descriptio orbis terrarum videatur esse philosophia, quæ de moribus agit, appēdix.

Gratulandum porrò est Arriano, qui incidit in tempora sanè fauentia philosophicæ sapientiæ; claruit namq. sub Adriano, Antonino, & Marco laudatissimis, & sapientissimis Imperatoribus, à quibus tanti constat factum Arrianum, vt ad fasces euectus fuerit consulares. Quæ porrò pluribus verbis de Arriano dixi, ea Epigrammati includere sum conatus:

Aurea cum veteris describam tempora Romæ,  
 Et memorem fastos dia Minerua tuos,  
 Haud fas est ingens Arri transmittere nomen,  
 Aut tanti sophien transfuisse viri.  
 Pellæi Iuuenis narrauit gesta secundo  
 Mercurio, terras dixit & Oceanum.  
 Gnauus Epicteti libauit candida dicta,  
 Sedula apis flores carpit vt Hybla tuos.  
 Hinc adeò felix immensa in luce Quiritum  
 Floruit, & Consul fascibus emicuit.  
 I nunc insipidum vulgus, calcaq. Lycæa,  
 Si Sophus æterna Consul in vrbe fuit.

De



De Arnuphi philosopho, vel Mago rejicitur quædam narratio, quæ reperitur apud Suidam.

Cap. CXXXV.

**A**Rnuphis Ægyptius philosophus apud Suidam dicitur sub Marco Imperatore philosopho floruisse, qui Suidas hæc quoq. addit: Cum aliquando, Romani siti laborarent, effecit, ut subito nubes obscuræ existerent, & ingentem pluuiam effunderent, cum tonitruis & fulguribus crebris. alij dicunt, Iulianum Chaldæum hoc miraculum edidisse. vides qualia sæpè sint Suidæ collectanea, debuißet enim subiungere quid Christiani scriptores ea de re tradidissent, ut mendacium de Arnuphi confutarent. Dio sanè Cassius, ut refert Xiphilinus, scripsit famam fuisse Arnuphin Magum (forte apud Dionem legabatur philosophum) Ægyptium, qui cum Marco erat, Mercurium præsertim illum, qui est in aere, aliosq. dæmonas quibusdam artibus Magicis inuocasse, ac per eos pluuiam eliciuisse. quem mentiri mox tradit Xiphilinus, quum non posset ignorare, legionem militum quæ fulminatrix appellatur proprio nomine ex nulla alia causa, quam ex eo, quod in bello contra Quados accidisset. quæ causa tunc etiam Barbaris exitij, Romanis salutis fuit, non Arnuphis ille Magus, quum nusquam memoriae proditum sit Marcum magorum societate, aut præstigijs delectatum fuisse. in sua vita certè quæ scribit satis ostendunt se impostorum, & præstigiatorum artibus nequaquam addictum fuisse.

Xiphilinus porrò rem totam deinceps narrat, quæ petita



est tum ex Iustino, tum ex Eusebio, quæ cum notissima sit, & passim apud omnes eos, qui de veteribus Christianis agunt, proster tali repetitione abstineo. Eius interim volui meminisse, ne cuiquam narratio inserta collectaneis Suida negotium facefferat, molestiamq. creet.

Non parum Romæ auctam philosophiam opera Galeni. quando his floruetit?

Cap. CXXXVI.

**E**T si Galenus medicus fuerit, & de medicina plurima scripserit in patriam postquam rediit, (Pergamenus namq. fuit) tamen quia etiam philosophia excelluit, multa philosophica suis operibus inseruit, & aliquandiu floruit Romæ non semel ad urbem accedens, quandoq. etiam illuc vocatus ab Imperatoribus, non est præter rem, si referatur ad dissertationem de statu philosophiæ apud Romanos. Vixit autem narrante Suida sub Marco, Commodo, & Pertinace. ipse profectò in libro de proprijs libris ait se cum secundo Romam venisset, recuperasse nonnulla ex suis opusculis. testatur ibidem se amico cuidam Platonico dedisse libros, & dedicasse opus de Voce viro consulari Aristotelicam philosophiam sectanti. peroravit in urbe publicè contra Martialem, cumq. tribus præterea annis Romæ fuisset versatus, docendo publicè, & monstrando, ingruente magna peste, confestim urbe excedens in patriam properavit; agebat tunc septimum, & tricesimum ætatis annum.

Narrat porrò eiusdem libri de proprijs libris cap. II. licentia sibi reddita, quibus evocabatur ab Imperatoribus, &

non



non pauca profert de Vero, de Antonino, & de eiusdem Antonini profectioe, relicto Commodo, aduersus Germanos, cui expeditioni cum diutius immoraretur ipse scripsit libros de Hippocratis, & Platonis dogmatibus. Ne verò diutius Galenica vitæ incumbam sufficit dicere non parum accessisse Romæ ornamentis, & incrementi philosophiæ, cum Galenus suam omnibus probaret diligentiam.

Nunc fert animus versiculis eximium virum prosequi. ipsi ita habent:

Applaudit Galene tibi, quicumq. vetustam

Amplexus sophien aurea dicta legit.

Nam Capitolinam bis terue profectus ad urbem

E latebris verum visus es eruere,

Aduersusq. vafros bellum gessisse sophistas,

Dardaniæ læto Palladis auspicio.

Hinc etiam liber hic merita te laude recenset,

Dum Latiae memorat fulcra verenda domus.

Merita Galeni magis hodie agnoscerentur in philosophiam, si extarent omnia, quæ exarauit monumenta. at perierunt pleraq. philosophica, perduraruntq. libri ad facultatem Medicam facientes.

Inprimis multa ad Demonstrationem spectantia composuerat, vniuersamq. logicam illustrantia, quorum quædam perierunt quando templum Pacis conflagrauit, vt ipse narrat in libro de proprijs libris, vbi non pauca leges, ex quibus cognosces quantus fuerit in Dialecticis, quamq. gnauiter Methodum in illustri luce collocare sategerit.

Ex quibus etiam intelliges non putasse Galenum à solo Aristotele petendam Logicam, ipsumq. vnum esse Logicæ paren-



parentem, cum Galenus in alios quoq. scriptores Logice suam exercuerit diligentiam. At hodie vulgares homines putant soli Aristoteli tribuendam laudem, quando de Dialecticis instituitur sermo.

Nonne enim disci tē fatetur se conscripsisse commentarios in libros syllogisticos Chrysippi, & aliorum Stoicorum?

Enumerat ibidem opera quae composuit spectantia ad moralem philosophiam, quorum pleraq. interciderunt.

Nec fileat Velificantia Platonica philosophiae, & Aristotelica, imò Stoica. quid quod ait se euulgasse duos libros de felici, & beata vita secundum Epicurum, & alia iidem conscripta secundum Epicuream sectam.

At, quæret aliquis, qui hæc audit: Cuius sectæ in philosophia fuerit? alicuius ne aut nullius? quod omnium sectarum voluerit cognoscere dogmata, & fundamenta quae iam iam protulimus ostendunt, ostendunt etiam opera quae adhuc hodie in manibus nostris versantur. Nescio enim an ullus mortalium extiterit avidior Galeno, adeò gnauiter incubuit ijs omnibus, quæ quomodocunq. possunt hominē erudire, & doctiorem facere. Existimauit profecto debere eum qui velit esse optimus Medicus, esse philosophum, & pecuniam contemnere, ut tradit in libello: Si quis optimus Medicus est, eundem esse philosophum. philosophiam autem tribuit Medico ter geminam logicam scilicet, physicam Ethicam. apparet etiam eum non compellere intra angustias philosophiam, aut uni Aristoteli addicere, sed latissimè velle patere, ut complectatur vastam rerum diuinarum humanarumq. cognitionem, qualis quidem in ipso emicuit.

Hinc colligimus eos, qui Medicinam faciunt ea præcipuè



puè de causa ut dicescant, & ut ipsorum phrasi utar, ex stercore agrotorum aurum parent, non posse esse optimos Medicos. Cur ita? quia pecuniæ inbiant, & philosophi non sunt. Mirum autem non est, si nonnulli ex ipsis non Medici sint sed venefici. verba Galeni diserta sunt: si quis arte Medica vsurus sit, ei philosophia opus est, cum non desint, quos tam pecuniarum cupidos sæpe videamus, ut venefici, non medici sint.

Quam multos vero ignari, & auari homines interficiunt. statim enim profiliunt ad præbenda pharmaca, statim arrepto calamo, agroto vix viso, in chartula scribunt quæ petenda sint à seplasiario, & non sine risu, & gestulatione sanitatem, vires decumbenti spondent perinde ac si sanitas amissa vix ullo negotio ad pristinum statum reuocari posset.

Quæ dum proferuntur non interim culpatur Medicina, nec docti probiq. Medici reprehenduntur. Tantum mone-mur ne temere nostram valetudinem committamus ignaris quibusdam barbaris, garrulisq. Medicis, non Medicis, quos videas per urbem non incedere, sed cursitare, ut eadem die plures agrotos inuisendo marsupium onustum domum re-ferant; cum non sint solliciti de salute aliena, sed de proprio emolumento.

Culpandi verò etiam sunt, qui tales Medicos consulunt nam multi suam vitam decurtant, dum eam prorogare absq. modo cupiunt; qui enim ob ætatem, ob labores exantlatos in aliquem statum incidit qui non prorsus respondet animo suo, & illi statui, quem iuuentus & virilis ætas præbebat aduocat Medicum, creditq. se exhaustis pharmacis ad athle-  
ticum



elcum rediturum robur, ut possit pro lubitu cibo, potui, Veneri alijsq. indulgere. Atqui debebat nosse mortales nos esse & quotidie nostris viribus aliquid detrabi. Ergo satius est qualiquali potius uti valetudine, quam affectando, quæ haberi nequeunt, omnia in corpore nostro conturbare, & se tandem perdere.

Gula, & Veneri imperandum, si quis nolit immatura morte abripi. labores ne nimij sint. ex usu diuturno memoria repetendum quid sibi proficiat, quid cuiq. incommodet est enim cuiusq. corporis singularis conditio, quæ non est explorata penitus nisi tibi ipsi. Nam non potest Medicus exactè, & singillatim nosse ex vna atq. altera interrogatione qualis sit corporis tui constitutio. hinc contingit etiam egregios ceteroque Medicos decipi, quia quedam ipsis latent quæ tamen egroto cognitissima sunt. quibus observatis sæpe tu ipse absq. Medico facili negotio occurrere potes morbo imminenti longè melius, quam si à nutu penderes Machaonio, quod ego sæpe ac sæpius sum expertus: cum nature ipsæ sint morborum medicatrices, ex vulgari sententia Hippocratis. quam quidem naturam si iuves detrahendo, aut addendo, ut tibi videtur postulare status corporis tui, in portu collocatum te videbis, & letaberis. Hinc Tiberius, ut est apud Tacitum. Iudebat Medicorum artes eosq. irridebat qui post tricesimum ætatis annum ad internoscenda corpori suo utilia vel noxia, alieni consilij indigerent. quæ verba cum publicè aliquot abhinc annis interpretarer, non pauca protuli forte profutura, si cum alijs meis recitationibus in eundem Tacitum aliquando in publicam prodeant lucem.



Ad latitudinem autem philosophicam Galeni ut reuer-  
tar quæro ex nostratibus Medicis, cur Galeni quem admi-  
rantur exemplum non sequantur cognoscantq. omnium se-  
ctarum philosophicarum hypotheses, & argumentationes?  
Cur in philosophia nihil nosse velint, nisi quod adolescentu-  
li audierunt ab ijs qui Logicam, & physicam Aristotelis  
exponunt? Ergo Galenum quidem vocetenus extollunt,  
re ipsa autem deserunt, atq. contemnunt. nam ipse ex om-  
nibus sectis sumpsit, quod videbatur probabilius, & suo  
Marte multa excogitavit, & defendit parum sollicitus de  
Peripateticorum decretis; nec ullius scholæ voluit esse di-  
scipulus, iam vir factus, nullamq. sectam prorsus sibi pla-  
cere palam ostendit.

Refertur, & aliquatenus reijcitur sententia  
Galenī de pulchritudine.  
Cap. CXXXVII.

**I**gnoscat lector, si ad ea, quæ superius protuli de Galeno,  
addam aliquid, quod ut facerem effecit sermo, habitus  
nuper cum deambularemus ad Arnū aliquot ex numero pro-  
fessorum, verba namq. commutata sunt de pulchritudine,  
quam dicebamus in viro esse dignitatem formæ, & in ge-  
nere esse proportionem partium cum venustate coloris. su-  
biunxi ego, non videri Galenum rectè meritum pulchritu-  
dinem operatione. sic enim scribit lib. I. cap. IX de Vsu  
partium: Vere pulchritudo nihil aliud est, quam con-  
stitutio optima, quam actionibus indicabis, Hippo-  
crati credens, non albedine, non mollitie, vel id ge-



nus alijs per quæ non nativa, non vera, sed fucata, & adulterina pulchritudo ostentatur, quò fit, vt alia quidam corpora mango, alia Hippocrates laudaturus sit. paulò post pulchritudinem rursus ad actionis bonitatem, & virtutem existimat referendam. Communis autem hominũ sententia, & opinio de pulchritudine videtur repugnare Galenicis verbis. Nam corpus quadratum, valde masculum, mediocris stature, non procerum, potius infra quam supra mediocritatem constitutum, aptius est in viro ad obeundos labores, præsertim militares, taliaq. fere erant corpora veterum Romanorum, qui corpora admodum proceræ & excelsa Germanorum facile contemnebant, imò superabant. Nemo certè negabit magis sana esse corpora virorum mediocria, quam quæ valde oblonga, & excelsa sunt. scriptores tamen consentiunt ad formæ virilis dignitatem, atq. adeo pulchritudinem valde facere proceritatem. hinc ille de Turno:

& toto vertice supra est.

Et nota sunt quæ de Xerxis pulchritudine referuntur, nec nos latent verba Plinij in Panegyri. quibus ait humerorum proceritate suspiciendum fuisse Traianum.

Candorem genarum ad pulchritudinem facere nemo sane mentis negauerit, præsertim in fœminis, robustiores tamen censenda sunt illæ, quarum cutis non ita candida est, quam Itali appellant aut olivæstræ, aut bronzina.

Cutis mollis itidem sub pulchritudine continetur. fatetur autem Galenus mollitiem non conducere ad robur, ad virtutem, & actionis bonitatem. ubi dissimulare non possum novæ difficultati inuolui Galenum. nam qui cute subtiles, & mol.



Et molles sunt, ingeniosi sunt, atq. adeò ingeniosæ & bonitatis habent operationem. ijdem tamen in becilliores sunt, & non ita apti ad obeundas operationes corporis. Ergò Galenus videtur tantum habuisse rationem operationis corporeæ, non ingeniosæ. quod tamen sit obiter dictum.

Repugnat Galenus Homero, qui quendam ex ijs qui proficiscebantur in bellum Troianum dixit fuisse omnium pulcherrimum, cūdem tamen minus aptum ad obeundos labores militares, & pugnandum. quod etiam videtur pronuntiandum de Paride.

Supercilia, vt ornent oculos non oportet esse densa, cum densitas illa toruum faciant hominem, sed debent esse varia, & pilis valde tenuibus. quod si quis habeat densa supercilia, & quidem constantia pilis crassioribus robustior apud omnes censebitur esse, non item pulcher.

Ad pulchritudinem fœminei corporis facit, si habeat corpus gracile, procerum, rectum, iuncumq. qua de re nullus superest ambigendi locus. sed longè robustior erit, & aptior ad operandum si breuior sit, si musculosa, multa q. carne prædita, si ossa non ita subtilia. nam partes solida, & præsertim ossa in corpore humano quo maiora sunt, magis resistunt ingruentibus malis, & morbis. da mihi corpus molle, tenerum, gracile, quale est illud, quo pulchræ puellæ prædita sunt, vel vna periodo febrili valde concutiuntur, & conteruntur. quod de corporibus densis, crassis, solidis, firmisq. dici non potest.

Subtiles, & oblongi digiti in manu puellari ad pulchritudinem manus conducunt, sed non conducunt ad robur firmamq. apprehensionē. quod si digiti non ita sint longi, sed ma-



gis ossi, & latiores, siue crassiores longè melius apprehendent,  
& apprehensa tenebunt.

Laudatur in puella brevis, & exiguus pes, ut dicatur pulcher. at si latio, oblongiorq. sit magis conducet ad sustinendum corpus, & ad iter obeundum. singula non memoro, quæ ostendunt pulchritudinem corporum. hoc dico Medicorum non esse proprium munus de pulchritudine iudicare, sed eorum qui amant, quiq. diu in obseruandis pulchris corporibus se exercuerunt.

Adde neminem negare optimos Milites peti ex agro. Cur ita? quia ipsorum corpora durata sunt laboribus, cum tulerint æstum, frigus. hinc adeò fit, ut aptissima sint obeundis muneribus militaribus, ipsa tamen rudia existunt, minimeq. pulchra. At corpora ciuiliu hominum, quiq. semper degerunt in urbis mollia sunt, si comparentur cum corporibus rusticorum. Eadem pulchra sunt, sed minus apta bello. quæ magis ac magis confutant Galenicam de pulchritudine sententiam.

### An Medicina sit scientia, & quidem secundum Galenum? Cap. CXXXVIII.

**D**E Medicina definienda qui differunt aliqui putant etiam secundum Galenum eam esse scientiam propriè sic dictam. contra quod effatum, cum nuper exortus esset ea de re sermo, has architectatus sum argumentationes absq. multa mora, sed animi causa.

Omnes nationes semper habuerunt Medicinam, teste Plinio. non tamen habuerunt scientiam, cum multi populi sint exper-



expertes scientiarum. Non ergo Medicina est appellanda scientia. si dicas falsum esse viguisse apud omnes populos Medicinam, quandoquidem non omnes habuerunt Medicos. Certè antiqui Romani, & quidem etiam tempore Catonis Censorij caruerunt Medicis, qui valde serò admissi sunt in urbe.

Respondendum est, aliud est carere Medicina, aliud Medicis. videtur enim posse esse Medicina absq: Medicis. Medici namq. propriè illi sunt, qui lucri causa inuisunt ægros, & præscribunt pharmaca. Plinius ergo putat viguisse Medicinam apud populos, etsi non essent Medici.

Serui & liberi apud Romanos exercebant Medicinam, & Medici erant. Carebant tamen scientia. hinc consequitur Medicinam non esse scientiam.

Empiricorum secta in Medicina erat secta tolerabilis, ut testatur Galenus, & empirici vere erant Medici, faciente Galeno, & tamen carebant scientia. sic asseres non debere connecti scientiam cum Medicina. dices, si Empirici erant Medici veri cur eos Galenus passim oppugnat? dico, Galenum putasse sectam Rationalium esse optimam Sectam hoc est preferendam alijs cuius sectæ in Medicina, non propterea negat Medicos alterius sectæ esse Medicos. nonne valde vexat Erasistratæos, cum tamen Erasistratus, qui floruit paulò post tempora Alexandri tantam famam sit adeptus, ut Hippocratis gloriam fere funditus euerterit, teste eodem Galeno, quamvis sat agente eodem Galeno non parum labefacta fuerit secta Erasistrati, & cœperit denuò maiores fieri Hippocratica. Etenim testatur Plinius nullam disciplinam, tanta varietati fuisse obnoxiam ut fuit Medicina



*cina . fecit igitur Medicinam Erasistratus , & habuit successione non interruptam suorum sectatorum serie aliquot seculorum . quis ergo neget Erasistratæos fuisse Medicos , & quidem egregios , quibusq. meliores vix censebantur esse tunc? quod protuli , ut ostenderem Empiricos fuisse Medicos etiam secundum sententiam Galeni ; ipsi tamen carebant scientia . quid deducis ex meis dictis? Medicinam non esse scientiam .*

*Medicina est detractio , & additio , ut fatentur omnes . non ergo est scientia . nec est , quod dicas non sic definiri Medicinam . hoc est repugnare veteribus . non enim definitiones censenda sunt mala , et si forte non semper congruant cum Logica Aristotelis ; cerè Hippocrates multa definiuit absq. legibus Aristoteleis , cum ante ipsum vixerit . Ridiculum quis neget esse velle metiri dicta Hippocratica ijs , quæ post ipsum excogitavit Aristoteles ?*

*Hippocrates in libro de Natura humana ostendit vanam esse subtilitatem , quæ exercetur cum philosophis , quando de Medicina agitur . sic videtur existimasse Medicinam non esse scientiam .*

*Antiquissima Medicina habebat rationem victus , & in morbis confugiebat ad frugalitatem , aut ceteroqui aliquid immutabat in cibo , & potu . Hoc si verum est Medicina non est appellanda scientia .*

*Ipsa animalia habent Medicinam , ut videre est in canibus , felibus , cervis , hirundinibus alijsq. feles quando prodire non possunt ut sumant herbam , quæ ciet vomitum , instar herbe decerpunt virgarum extremas particulas , quibus irritatus ventriculus superfluum humorem protinus eijcit ,*



*ejcit, & ita melius habet. Animalia carent scientia, non ca-  
rent Medicina, Medicina igitur scientia non est.*

*Quæ omnia subijcio lubenter doctissimorum Medicorum,  
quales aliquot habet hoc Gymnasium censura, & iudicio.*

Denuo quædam de Galeni omnimoda cognitio-  
ne depromuntur. Notantur aliqui Medi-  
ci, qui Galenum iactant. agitur de  
cognitione linguæ Græcæ,  
& aliarum linguarum.

Cap. CXXXIX.

**R** Epetenda sunt adhuc quædam ex Veteribus in lau-  
dem Galeni, ut inscitia Critices, philologiæ, hi-  
storiæ, qua multi Medici laborant, qui tamen pleno orè  
se Galenicos profitentur, castigetur. Suidas sic: Galenus ce-  
leberrimus Medicus Pergamenus, qui sub Marco,  
Commodo, & Pertinace Imperatoribus Romæ fuit  
filius Niconis Geometræ, & architecti. Multa scri-  
psit non tantum medica, & philosophica, sed etiam  
Grammatica, & oratoria. Si Galenus, ut evaderet per-  
fectus Medicus, tantum profecit in philologia, & omnige-  
na eruditione, cuius adminiculo quam multa exposuit in  
Hippocrate, & quandoq. ut non Hippocratica reiecit,  
quod videre est in commentario in Aphorismos eiusdem Hip-  
pocratis, nonne deploranda est eorum Medicorum conditio  
qui Græce ne quidem legere sciunt, & tamen Galenum pu-  
tant se optimè interpretari? Quicquid ipsi arguentur, mu-  
tili sunt in Medicina, græcæ linguæ ignari. Certe doctissi-  
mi



in nostra aetate Medici eruditione conspicui fuerunt, & græcè docti. Tales fuerunt Gorraeus, Duretus, Rondeletius, Mercurialis, Guastavinus, Heurnius, Hofmannus, Septalius, atq. alij.

Videamus iam quid præter Suidam aliquis alius antiquus prodiderit de multiplici rerum cognitione, qua prædictus fuit Galenus. Athenæus, qui floruit sub Marco inter didymosophistas recensuit Galenum. omnes autem conuiuæ, quos induxit fuerunt variarum rerum peritissimi siue Iurisconsulti essent siue Medici. de Galeno sic epitomator. ex Medicis præsentibus fuerunt Galenus Pergamenus, qui tot editis voluminibus philosophiam Medicinamq. locupletauit, ut superiores omnes à tergo reliquerit & κατὰ τὴν ἑρμηνείαν interpretationis claritate, & eloquentia nulli antiquorum postponendus. Sed, inquit, cur non sit mentio scriptorum Galeni philologicorum, & tantum philosophicorum, & Medicorum sit mentio? suspicaberis cum eruditissimo Casaubono addenda φιλολογικά. sed in epitome mirum non est omissum. Certum alioqui est philologica emanasse à Galeno. Tales libri erant de dictionibus Atticis libri XLVIII. Nominum πολιτικῶν politicorum, quæ apud Aristophanem libri V. eorum quæ apud Cratinum libri duo. de vocibus quæ sunt Comicis propria liber singularis, & alia eiusdem generis.

Iam interpellat me aliquis non peritus linguæ Græcæ, & ait Galenum tantum Græcè fuisse doctum. Ergò sufficit ut quis sit Medicus, si vnius linguæ sit peritus.

Sed eodem modo argumentandi colligeres, Medicos non indigere cognitione linguæ latinæ, quia quilibet Medicus loqui.



loquitur aut Italice, aut Germanice, aut secundum alium morem suae patriae.

Indiget lingua Graeca Medicus hodie, quia debet interpretari Hippocratem, & Galenum, aliosq. omnes Graecos, si Graeci non fuerunt latine docti, potuerunt carere eiusmodi linguae notitia, quia ipsi non indigebant lectione librorum latinorum, cum non foris quaerere necesse haberent, quod domi habebant. hinc factum ut Graeci, qui Romae floruerunt etiam postquam Latini praecellosos libros ediderant, non sint dignati latinorum auctorum facere mentionem, quia Latinos nequaquam putabant cum Graecis comparandos. Galenus nunquam meminit Plinij, & aliorum. Strabo prorsus praeteriit Catonem de Originibus, nec ex Virgilio quicquam inferere voluit. Athenaeus ex innumeris prope scriptoribus multa adducit, Plautum tamen, Terentium, Virgilium, Plinium omittit ignoratq. puto etiam tales Graecos ne quidem voluisse loqui latine, cum quamlibet linguam praeter Graecam contemnerent. Nec nunquam quicquam ex latino in Graecum vertere voluerunt. quod magis mirandum tam Italos multa ex Gallico transferre in Italicum sermonem, quo modo agendi palmam in re litteraria videntur Transalpinis concedere. Verterent saltem bonos, & non ineptos scriptores, quos inter quis non exprobat Petrum Matthaeum indignum qui inter historicos recensetur? & tamen vulgus apud Italos non solum auide tales nugae excipit, sed, & extiterunt non pauci ex ijs, qui literati volunt dici, qui ineptas sententias, & intolerabile cacothesis imitati sunt, & longè latèq. propagarunt magni cum damno verae eloquentiae.



Veteres igitur Græci spreuerunt cognitionem multarum linguarum, quod se am græcam tantum mirarentur. Latini etiam hanc superbiam sibi sumpserunt, ut Punicam, Ægyptiam, Syriacam, Hebraicam, aliasq. insuper haberent. hinc Galenus scripsit in secundo, de differentiis pulsuum: δίγλωττός τις ἐλέγετο πάλαι, καὶ θαῦμα τὲρ ἦν. Bilinguis olim quidam dicebatur: eratq. res miraculo mortalibus, homo vnus duas exactè tenens linguas.

At nostri temporis homines forte plus æquo incubuerunt, & incumbunt linguarum cognitioni, sæpe rerum ipsarum cognitionem negligendo. Cum enim aliqui possent tempus impendere legendis Aristoteli, Platoni, Plotino, Theophrasto, Galeno, Hippocrati, Plinio, Straboni, alijsq. qui pleno fonte robustam scientiam propinant, malunt etatem impendere discenda lingua Gallica, Italica, Germanica, & similibus. lingua ipsa, ut lingua, te nihil ferè docent, nisi res coniungas.

Sunt etiam, qui putant se vertice cælum tangere, quando Hebraica norunt, quæ non sperno, quæq. & ipse in Germania adolescens didici, ob S. Litteras V. T. hebraicè scriptas. At nescio an operæ pretium sit tot insignes scriptores Græcos, atq. latinos missos facere, ut consenescas, dum rursus paris inepta glossemata, ridiculas fabellas Rabbinorum, negligis interim Historiam Ecclesiasticam, S. Augustinum, Tertullianum, Synesium, Origenem, & similes, à quibus posses doctissimus discedere. hæc nempe opinio iam viget apud aliquas nationes Europæ, ut si quis aliquid ex Hebraicis, Syriacis, Chaldaeis, & Arabicis suis libris inserat, ille videatur esse apex, & punctum omne ferre. aliqui etiam



valde, & mirè sibi placent, quando gemino sermone Græco, atq. latino citant testimonia scriptorum. At veteres non ita se gerebant, qui tamen doctissimi erant, & disciplinarum præcipui Antistites, imò conditores.

De causa dierum Criticorum quid protulerit Galenus? An Aristoteles videatur numeris tribuisse aliquam vim?

Cap. CXL.

**D**E causa Criticorum dierum, & numeri, in quem ipsos incidere videmus, quando instituitur sermo, aliqui fatentur sibi eiusmodi causam prorsus latere. quis enim dicat cur potius dies quartus, quam quintus, aut septimus, quam octauus sit criticus? Ita Aristoteles, ut aliqui referunt, desperavit se posse scire causam motus Euripi, qui quidem Euripus septies quotidie recipitur. hinc philosophum se in eum coniecisse, his prolatis verbis: quia ego non capio Euripum, Euripus capiat me, aiunt.

Galenus ex eo colligit causam dierum criticorum, quia Natura omnes suas actiones certo ordine instituit, quod videre est in generatione, in natiuitate, incrementoq. hominis, ut reliqua omittam, quæ miro ordine peragi in vniuersitate rerum res ipsa, & sensus clamat.

Sed huiusmodi responsio non satis esse videtur. Cur enim ordo potius incidit in quartum, septimum, undecimum diem, quam in quintum, octauum, duodecimum? huius rei nullam causam incidat Galenus. Ergo non prorsus soluit difficultatis nodum.



Pythagoræi putarunt numeris inesse vim, eosq. propterea valde commendârunt. videtur enim conditor rerum sic res instituisse, ut quando iteratio incidit in hoc potius quam illud momentum exerat suas vires. Aristoteles in primo de cælo visus est commendare Pythagoræos commendantes ternarium numerum, ad quem ipse quoq. confugit, ut sciret causam trium dimensionum, quæ constituunt corpus, Cur ergo alibi numeros Pythagoræorum irridet? profecto si numero, ut numerus est, nulla inest vis, eius argumentatio pro tribus dimensionibus nulla est.

Dices, est saltem aliqua, probabilis scilicet. Respon-  
do: si tantum probabilis est, Aristotelem peccasse in suam methodum. nam libri de Cælo Acroamatici sunt. Ergo videntur excludere probabilia argumenta, quæ sunt dialectica, & Rhetorica, & scientiam non pariunt. sed libri Acroamatici scientifici sunt. Viderint Peripatetici.

An sit consentanea doctrinæ Galenicæ diuisio  
Medicinæ in Theoricam, & Practicam?

Cap. CXLI.

**A**Ribes nonnulli Medicinam diuidunt in Theoricam, & Practicam, eamq. diuisionem non dubitant aliqui, Arabum hac in parte defensores, tribuere Galeno.

In contrariam partem sic ratiocinabar nuper cum Amico Medicinæ professore. Non potest fieri, ut una eademq. disciplina sit Theorica, & Practica, nam Theorica est de obiecto non operabili, non producibili. Practica est de obiecto ab homine producibili. Sed obiectum producibile, & non produci-  
bile



bile, maximè differt, neq. potest esse vnum. Medicina autem vna est. Unitas porro eius debet peti ab Unitate obiecti.

Medicina sua natura refertur ad medendum, ad depellendos morbos, quique Medicinæ dant operam, id faciunt, ut medeantur. hinc Galenus cū videret se contemni Romæ à nonnullis, quia tantum differebat, et domi docebat discipulos, non autem opere ipso agris suppetias ferebat, contulit se mox ad faciendam Medicinam, ut maledicis hominibus os occluderet. Ergò existimauit frustra tradi præcepta Medicinæ, nisi opere ipso exerceatur.

Dices, olim fuisse quosdam Medicos, qui etiam physici dicebantur, alios Clinicos, qui inuisebant agrotos. primi illi non medebantur, ergò Theorici, Theoricaq. professores Medicinæ. Talem fuisse aliqui dicunt Cornelium Celsum, qui tam doctè scripsit de Medicina, nec tamen exercuit Medicinam.

Respondendum est, physicos apud Veteres nequaquam fuisse Medicos, etsi peritissimi essent rerum naturalium herbarum, partium corporis humani. Talis fuit Democritus, qui peritus quidem fuit Medicinæ, à nullo tamen Medicus est appellatus. breuiter dicam: Nego vllum fuisse dictum Medicum apud veteres, qui non mederetur.

Certè si Cornelius Celsus non fecit Medicinam, Medicus non fuit. hinc Plinius eum non recenset inter Medicos, sed simpliciter inter auctores.

Quæ à me animi causa sunt prolata, non vi negotium facessam ijs, qui contrarium sentiunt.



De Laurentio imitante Luculleam magnificen-  
tiam in excipiendis Viris doctis sub Mar-  
co Imperatore. Cap. CXLII.

**A** Pud Romanos cœnas philosophis instituisse primos sci-  
mus Lucullum, & Catonem Uticensē, quæ de re  
suo loco egimus. Talem morem sub Marco Imperatore re-  
stituit, & perquam magnificè est imitatus itidem Romæ  
Laurentius, quem valde laudat Athenæus iuxta ea, quæ  
referuntur ab Eclogario. Honoris etenim gloriæq. studio  
apparatu magnifico doctrina nobiles viros in ædes suas  
vocabat, quos non ferculis tantum, verum etiam colloquijs  
ac sermonibus reficiebat, adeò ut quæstionum subtilitatem,  
ac inuentionem mirarentur omnes. idem à Marco Impera-  
tore præfectus est immolando victimis. fuit peritus mo-  
rum non minus græcorum, quam patriorum. gnarus linguæ  
græcæ atq. latinæ. calluit exactè leges Romanas perspectis  
antiquis senatusconsultis, edictis prætorijs, & plebiscitis.  
quarum quidem legum collectionem confecit non eam, quæ  
confecta est à Triboniano iussu Iustiniani, sed aliam, quæ  
tamen non videtur prodijisse in lucem; quandoquidem Tribon-  
ianus ex ea nihil transtulit, neq. eius mentionem fecit. non  
absimilem Laurentio Romano noui ego Romæ Alexandrum  
Marchionem Pallavicinum, eiusq. filium Sfortiam,  
qui itidem amabant viros proficentes doctrinas & lute-  
ras frequenter inuitare ad ædes suas, & perquam hilariter  
cum ipsis colloqui de omnibus prope, quæ inter eruditos in  
sermonem venire queunt.



Habuit etiam Laurentius instructissimam Bibliothecam, ut ex illa pro re nata à Dipnosophistis possent codices peti, qua in re dicitur superasse omnes qui bibliothecas paraverunt Polycratem Samium, Pisistratum Tyrannum Atheniensem, Nicocratem Cyprium, Pergami Reges, Euripidem Poetam, Aristotelem philosophum, & Nileum.

Vnde obiter collige, quam splendide mentiti sint nonnulli, qui dixerunt Aristotelem combussisse libros veterum philosophorum. nam si Bibliothecam instruxit, non tradidit Vulcano praeclara monumenta.

De Athenæo scriptore dipnosophistarum. enumerantur aliquot conuiuia. de ijs, qui adstant Principibus cœnantibus.

Cap. CXLIII.

**Q**Uicumq. multa rerum cognitione est instructus, cum honor collocat iure merito in cœtu philosophorum. Dipnosophistæ, hoc est docti conuiuia valde multarant cum voluptate audienda in cœnis Procerum philosophiae fauentium. Quandoquidem ergo suscepimus tractationem de progressu philosophiae apud Urbem Romam, postulatur hoc à nostra diligentia, ut Dipnosophistas Athenæi, qui conuiuia agitarunt Romæ, memoria nostrorum temporum reponamus. præ omnibus dicendus est ipse Athenæus, cuius tamen iam mentionem fecimus, quando egimus de Augusto fauente philosophis. Naucratis dicitur fuisse vixisse tempore Marci Imperatoris. Etsi autem Grammaticus fuisse dicatur apud Suidam, scripta tamen, quæ Timocrati inscripsit,



psit, ostendunt plusquam Grammaticum fuisse, si potuit sermones doctissimorum, & eruditione ingenti insignium Dipnosophistarum tam præclare referre, & recensere. philosophi profectò munus est Dipnosophisticas collationes reponere. Nonne Plato conuiuium, hoc est, Phædram exhibuit, & Xenophon? ut sileam conuiuium Epicuri, nam de Macrobio inferius agam. nostra tempestate homines perquam docti, & perquam eruditi materiam de Conuiuijs expedierunt, Vilhelmus Stuchius Heluetius, I. Lipsius in Saturnalijs. Petrus Ciaconus de Triclinio. aliqua etiam tradidit Mercurialis in sua Gymnastica, I. Caesar Bulengerus decessor meus in cathedra Pisana. quid referam Iohannem Vno-uerium multa eruditè annotantem ad Petronij Satyricon?

Ambigendum autem non est, inter Veteres aliquos Conuiuia descripsisse licet nonnulli prorsus ignorentur hodie, aliqui non ita sint noti. Nam qui splendida conuiuia agitando magnificentiam exercebant, sine dubio etiam cupiebant talia litterarum monumentis mandari. Ego aliquot hic perstringam ex Suida. Alexander Magnus navalis prælio victis Lacedæmonijs, muro Piræum circumdedit, hecatombem immolauit, omnibus Atheniensibus epulum præbuit, Alcibiades cum olimpia vicisset, totum conuentum conuiuio excepit. Idem & Leophron fecit Olympiæ victor, & Empedocles Agrigentinus, qui cum Pythagoricus esset, & animalibus abstineret, bouem è thure, myrrha, & pretiosis aromatibus confectum, inter eos qui ad ludorum celebritatem conuenerant, liberaliter distribuit. & Ioh Chrus, cum Tragœdiam Athenis vicisset, unicuique Atheniensium dedit vasculum Chij vini. Tellias Agrigentinus homo ho-  
spi-



Spitalis, cum aliquando 13 equites hyeme apud eum diuer-  
tissent, unicuiq. dedit tunicam, & vas vini. Epichar-  
mus Syracusius ad singula conuiuiorum fercula versiculos,  
& adagium adiecit. Id carmen Clearchus Solensis Dipno-  
logiam, alij Opsologiam, Chrysippus Gastronomiam nomi-  
nibus ab epulis, delicijs, & ventre factis, alij luxuriam  
vocant.

Cum Dipnosophistis affinitatem habere censendi sunt,  
qui litteris instructi adstant Principibus prandentibus, &  
cœnantibus, respondentq. interrogati, & colloquuntur cum  
ipso Principe, & alijs iidem doctrine deditis adstantibus  
Talis fuit Bryerinus apud Franciscum Primum Maximum  
Galliarum Regem. hinc egregium opus de Re Cibaria edi-  
dit. Nec silendus Iohannes Bodinus apud Henricum Ter-  
tium Valesium. Margarita Valesia filia Francisci, Soror  
Henrici II. incomparabilis Heroïna dum cibum sumeret ha-  
bebat suos philosophos adstantes cum ipsa erudita admodum  
esset. Philippo II. potentissimo Hispaniarum Regi consu-  
uit adstare doctissimus Franciscus Valesius. Cosmus II. Ma-  
gnus Etruriæ Dux optimus & liberalissimus Princeps de-  
lectabatur I. Guastauino Genuesi, B. scilio Florentino,  
atq. alijs.

Ego iam tot labentibus annis meam operam naue Ferdi-  
nando II. Cosmi filio.

Memini autem cum Romæ essem ab Andrea Bugiotto  
quatuordecim Conuiuijs paratum prandium, quorum nomina  
hæc sunt: Antonius Quarengus, Hier. Alexander, Abbas S. A-  
mandi Gallus, Vilhelmus Setonius Scotus, Michael Angelus  
Tontus Romanus, M. Antonius Capellus Estensis, Ferrantes



Caroli Parmensis, Henricus Spondanus, & alij, quorum nomen iam non suppetit. quibus & ego ad fui. non veniente autem Spondano nostra minuta est hilaritas, quod ab omnibus probitatis & doctrinae causa amaretur.

De Vlpiano Tyrio dipnosophista sub Marco.

deq. alijs tribus Vlpianis.

Cap. CXLIV.

**P**RAE reliquis inter Dipnosophistas apud Athenaeum emicuit Vlpianus Tyrius, dignus profecto qui laudetur, quod de Philosophia apud Romanos agitur. nam omnes vexabat assiluis questionibus, quas in vijs, ambulationibus, balneis, librariorum tabernis proponebat qui illustre nomen Citucitu est adeptus, quia nihil cibi in conuiuio gustare soleat, quin interrogaret, ubi nam eius cibi nomen extaret dicendo πρὸν κείνου, vel ὄπτε κείνου.

Apparet ipsum maximum habuisse usum librorum, praesertim poetarum, atq. inprimis Comicarum, & philologia valde excelluisse, valuisseq. inprimis memoria. Nostra aetate Demestianus Graecus inclaruit eo more in Italia. vocatus enim ad conuiuium valde feliciter de ijs, quae apponerentur recitabat dicta ex Plinio, Athenaeo, & similibus.

Audimus laudari Vlpianum ab Athenaeo, quod questionibus amicos exerceret fallendi temporis gratia. Cur ergo vicio id mihi nonnulli homunciones verterunt, quod non patiar esse otiosos eos, quibus cum confabulor, quibuscum de ambulo in Gymnasio, ad Arnum, aut quibuscum in Bibliopolijs sto aut sedeo? Nempe qui ignari sunt, agrè ferūt, quando-



*de vident in apertam lucem trahi suam inscitiam.*

Nec interrompo, quando in rheda sum Procerum, aliorum sermonem, tantum aliquando sermone intercedo eorum, qui cum valde docti sibi esse videantur, subinde plebeias quasdam, & vulgares effundunt, & propagare satagunt cogitationes sepe cum errore, & ignorantia coniunctas.

Quia Vlpianus fuit Tyrius vixitq. sub Marco suspicari licet ex eius familia fuisse postea Domitium Vlpianum celeberrimum Iurisconsultum, qui fuit summa praeclitus auctoritate apud Alexandrum Severum Imperatorem, quem subinde nostrum Imperatorem vocat.

Fuerunt alij duo Vlpiani, unus, imò tres, prater duos recensitos. Vlpianus Emesenus Sophista scripsit de patria Emesa, de Heliopoli, de Bosphoritis, & alijs plurimis, Progymnasmata, artem Rhetoricam.

Alius Antiochenus itidem sophista. alteruter horum duorum Demosthenem illustravit,

Alius Vlpianus fuit frater Isidori philosophi ingenio promptissimo ad disciplinas Mathematicas. in reliqua philosophia nihil magnopere praestitit. fuit modestus, & a gerenda re publica prorsus abstinuit, qua in re reprehenditur apud Suidam. Quae enim in media Republica versatur virtus: civilibus muneribus, & sermonibus exercet animum ad fortitudinem: & confirmatur magis per experientiam: quod in ea sanum, & integrum est: quicquid autem adulterinum & fucatum latitat in vita hominum: id omne coarguitur, & paratius efficitur ad emendationem. Iam quanta est utilitas, & beneficentia in gubernatione? fiducia, & constantia quan-



ta? quapropter in angulo sedentes eruditi, & multa grauer admodum de iustitia, & modestia differentes res aggredi coacti turpiter se dant. nam omnis oratio, si res abfuerint, vanum quiddam videtur, & inane hæc ibi. quæ redarguunt Peripateticos in contemplatione præcipuè collocantes felicitatem, & adstruunt quod Iurisconsultus Vpianus dixit æquitatis Sacerdotes veram & non simulatam philosophiam affectare.

De Masurio Iurisconsulto, qui floruit sub Marco, fuitq. dipnosophista.

Cap. CXLV.

**I**nter Laurentianos Dipnosophistas fuit Masurius, legum Interpres, in omnibus disciplinis versatus diligenter. quilibet videt hunc Masurium non esse confundendum cum Masurio Sabino, unde Sabiniani sunt dicti cuiusq. mentionem facit Persius illis verbis: Masuri rubrica. inò quem memorat Pomponius ff. de orig. Iuris §. 47. dum inquit: Ateio Capitoni Masurius Sabinus successit & Labeoni Nerua adhuc eas dissensiones auxerunt. Masurius Sabinus in equestri ordine fuit, & publicè primus scripsit. floruit sub Augusto, ut colligitur ex eodem Pomponio.

Cum autem Masurius alter, qui floruit sub Marco dicitur fuisse versatus in omnibus disciplinis, cum esset Iurisconsultus, cur pleriq. ex nostratibus Iurisconsultis non putant se posse esse Iurisconsultos, nisi reliquarum disciplinarum sint imperiti? Intueantur quæso Cuiacium, Balduinum,

Gi-



Gisanium, Hottomannum, Alciatum, Pancirolum, Massimium, aliosq. & aliter incipient sentire. Nanne Seldicius, Grotius, Merillus, Salmasius ingenti eruditione hodie præstant, & tamen egregij sunt Iuris antistites? ne prætermittam amicitia coniunctissimum mihi M. Aurelium Galuanum Ferrariensem, qui nunc magna cum laude proficetur in Patavinæ Gymnasio.

Resipiscant igitur indocti tantis exemplis excitati, si excitari possunt.

De Cynulco Cynico philosopho, qui tanquam  
Dipnosophista interfuit cœnis Laurentianis. Cap. CXLVI.

**D**E philosophia apud urbem Romam qui scribit, cur omittat Cynicos, qui convivijs Laurentianis interfuerunt? Cynici namq. philosophi sunt, quorum etiam mores, institutum iam in hoc libro descripsimus. Nomen porro præcipui Cynici Dipnosophistæ si quis scire velit, is novit Cynulcum appellatum ab Athenæo, qui etiam habuit secum duos Socios. qua de re Epitomator Athenæi sic ait: adfuit (Philadelphus) cum vno philosopho Cynico, Cynulcum autor nominat, quem non solum vt Telemachum concionatē ignavi duo canes comitabantur, verum etiam multo plures, quam Actæonem.

Dicet aliquis non debuisse interesse Conviviali hilaritati ominosum Cynulcum, sunt enim ominosi Cynici, quia sordibus, pædore obsiti, nudi pedibus, maledici, mendici, importuni. Convivium autem totum tendit ad hilaritatem,

à quo



à quo proinde abesse debere videntur gibbosi, claudi, cæci, lufci, strumosi, similesq. omnes ominosi, ut videtur significare communis hominum sensus. Certè quæ malum significant, id ipsum ferè efficiunt, teste experientia, & clamante consensione illa mirabili partium omnium vniuersi, qua de re suo tempore accuratius. videtur igitur Laurentius, qui Cynicos ad suas admisit cœnas, peccasse.

Respondere est, videri Cynulcum istum paulo ciuiliorem fuisse. nam Demetrium quoq. Cynicum scimus familiariter versatum cum Proceribus.

Adde augendæ hilaritatis causa debuisse adesse Cynulcum, quia non erat expers eruditionis, eratq. daturus materiam magnam ridendi Dipnosophistis. hinc enim factum ut multa iocularia deprompta fuerint ab Vlpiano aduersus non tantum Cynulcum, sed vniuersum cœtum Cynicorum. quorum etiam aliqua transcribere lubet, ut magis ac magis illustrentur, imo comprobentur ea, quæ de Cynicis hoc ipso in libro exposita sunt.

Lib. III. Magnus, facetus & urbanus homo vocat Cynicos illotos pedibus, humi cubantes, sub dio habitantes, impuros, gulosos, alienarum facultatum aduentitios, cœnatores, narratq. Cynicæ disciplinæ primum conditore eum cum audius in cœna placentiam vorasset, interroganti quidnam comediasset, respondiisse, panem se mandere scitè confectum.

Rursus ait Cynicos patinarum strangulatores albis, aqualiculis suspiciendos alios loqui non sinere, nec unquam esse quietos, donec ut catellis panem, vel ossa aliquis impigerit.

Cum multa deblaterasset contra Vlpianum Cynulcus,  
ipse



ipse comitèr subridens, dixit: ne oblatrato amice, nec canina rabie incitatus efferator amice canicularibus præsertim his diebus, quibus magis æquum est conuiuis abblandiri, placidumq. ac commodum se præbere.

Quam verò multa protulit superius Cynulcus ex bonis scriptoribus, & quam falsè inuectus est in Vipianum, & in alium quendam.

Reprehendit autem Vipianum tanquam nominum fictorem, & nouatorem, prolatis verbis Platonis in libris de Republica: De rerum nominibus ne multum labores: si vitabis, prudentia locupletior ad senectutem peruenies. hæc ibi.

At Vipianus antea iusserat Cynicos tacere, & ossa tanquam canes rodere, esse enim canes & gloriari tali nomine. obijcit ipsis, quod propterea quia inter pocula mutua colloctione se inuicem exhilarare nequeunt ob inscitiam, conducant magna mercede tibicinas, cum nusquam apud bonos probos, & eruditos conuiuas saltatrices, fidicina, tibicina videantur.

Excanduit ad hæc Cynulcus, multa q. per iram, & iracundiam effudit in Vipianum nominando eum ventrosum, qui nihil sciat fusa oratione recitare, sed subinde ex alijs percontari, ubi hæc vel illa dictio legitur.

Valde letantur aulici, & ciuiliores homines, quando alium non ita peritum vitæ ciuilis excandescere vident, cum ira multa absurda facere, & dicere cogat. hinc risus. Iracundi scilicet simplices sunt, & præbent alijs materiam ridendi. quando ergò queritur, an in conuiuiis liceat se inuicem conuiuijs petere, & lacerare: respondendum, si adsit ab-  
sur.



furdus aliquis homofas esse ipsum false perstringere, ut irascatur. nam eiusmodi ira præbebit materiam se exhilarandi conuiuiis.

Notare autem est differentiam inter Cynicum, & Vlpianum, nam Vlpianus comiter subridens respondet, ac Cynicus excandescit.

Quicumq. autem ponit pedem in aula, cum ceteroqui frequentat Procerum palatia, hoc diligenter obseruet, ne sinat se abripi ad iram, nisi velit suam dignitatem minuere, & imperitus haberi. Sed adulatores Aulici homines pusilli id quoq. obseruant, ne cuiquam vnquam vlllo verbo contradicant, veriti, ne eum offendant. parum autem pensi habent Aulici veritatem, modo sua commoda promoueant. sed de his alibi.

Cur porrò non debeas irasci, ea causa est, quia putant Aulici vitandos esse homines iracundos, & non esse aptos, quibus Princeps curanda negotia mandet.

De Medicis inter Dipnosophistas Laurentianis. An & quatenus in conuiuio liceat de Morbis loqui? Cap. CXLVII.

**P**Ræter Galenum Dipnosophistarum numerum auxerunt Daphnus Ephesus, & Rufinus Nicaeus. de primo ait Epitomator *ἱερός τῆς τέχνης*. Dalecampius transfert: diuinos honores ob artis suæ peritiam meritis. fortè non bene. sed vertendum: diuinus in arte Medica, & moribus. non erat purus Medicus, sed Academicorum præcepta, & opiniones valde bene assecutus.



Argutabitur aliquis: inter conuiuias non debere dari locum Medicis, quia videntur ominosi, cum agant semper de morbis. Et qua quæso de re loquentur ipsi? an de febribus, de urinis, de apoplexia, epilepsia, de hæmorrhoidibus, talibusq? Atqui scimus iure merito reprehensum fuisse Epicurum, qui in suo conuiuium agit de Febris. Veteres dabant operam, ne in mensa vlla mentio fieret rerum sua natura malarum, putantes talem mentionem esse inauspicatam.

Respondendum nihilominus est Medicis eruditione excellentes, & non meros Empiricos, aut puros putos Medicos debere adhiberi conuiuali hilaritati, quia sciunt ipsi de vinis, de facultate alimentorum, de fructibus terra, de elementis loqui, multasq. quæstiones naturales melius norunt soluere, quam philosophi, cum valde multa obseruent dum morbos profligant; quia etiam facultatem medicamentorum callent, sit ut de plantis, talibusq. valde bene loquantur.

Ipsi interim ut prudentes vitabunt sermones de rebus ominosis, ut morbis, & quæ ad morbos faciunt. Ita Stephanus Rodericus Castrensis, & Iulius Gæstauinus duo insignes Medici cum viuerent valde erant accepti Magno Duci Etruriæ Ferdinando II qui nunc imperat, quia adstantes præsenti de qualibet re potius, quam Medicinalo-quebantur: eiusmodiq. sermonibus ego aliquot annorum spatio interfui. Nam vel solum opus Galeni prorsus doctum de usu partium corporis humani, quam multa suppeditare potest Medico, grata futura conuiuiis.

An igitur dices, non licebit ne vrbis quidem loqui de morbis? Nonne contingit, dum cibum sumis Princeps, ut



dicatur hic vel ille obiisse, aut animam agere, aut grauius decumbere? Nonne sermo mox illuc ducitur, ut sciatur causa mortis, aut quo morbo decumbat? Ita non videntur posse prorsus vitari verba de morbis.

Respondendum est, si eiusmodi sermo incidat, debere eum censerim minus auspicatum. Contigit aliquando, ut cum adstarem Magno Duci multa proferrentur de febribus, & disputaretur praesertim: An hectica in multos annos possit porrigi, ut aliqui docent. ego apud me cogitabam talem materiam minus facere ad eiusmodi locum.

Si igitur aliquid attingatur de morbis praeter voluntatem, paucis verbis agendum, moxq. omissa inauspicata materia colloquium ad alia est transferendum.

Ego sane semper lubentius usus sum consuetudine Iuriconsultorum profissorum, quam Medicorum. nam facile est cum, qui prope quotidie colloquitur cum Medico, ut ipso suadente ad ad pharmaca sumenda, ad purgandos humores transfiliat, & quae non male habebant, aut saltem non ita male, mox turbato corpore, & facta violenta inuolutione peius habeant.

Quantopere autem dolui cum hinc anno praeterito discederet eruditissimus Iuriconsultus M. Aurelius Galuanus valde enim quamdiu vixit in hac Academia delectatus sum eius consuetudine, quod admodum peritus esset omnis Antiquitatis Romanae, nec expertus prorsus philosophiae. sic licebat cum ipso deambulare, & in multas horas de moribus aureis Romanorum colloqui, talique colloquio ad vesperrum deducere diem.

Romae autem praecipuam temporis partem transigebam



aut apud sapientissimum Ant. Quærengum, aut Marcio-  
nem Vincentium Iustinianum, omnium eorum quibus vita  
civilis constat peritissimum, cum præsertim eius ades fre-  
quentarentur à Comite Horatio Carpinio, ab Asdrubale  
Montacuto, à Theodoro Amydeno eximio causarum patrono  
alijsq.

Ob Dipnosophisticam materiam commenda-  
tur Martialis, & quædam ex iplo repe-  
tuntur, & illustrantur.

Cap. CXLVIII.

**A**Utor sum ei, qui Dipnosophistica vult mentem in-  
struere supellectile, ut Martialem in consilium vo-  
cet, legat, sibiq. notum non minus quam digitos suos faciat.  
Vix enim credi potest, quanta sit in Epigrammatario isto  
poëta varietas, qua quidem varietate, ut Spariam ornet,  
quis nescit indigere Dipnosophistam, cui consilium ca-  
piendum in arenâ nam præter expectationem nunc de hac,  
nunc illa materia sermo mouetur. Difficile vero non  
erit ei, qui scriptorem omnigeno rerum apparatu in-  
cundissimum in succum, & sanguinem verterit, illicd  
aliquid depromere, quod ad rem faciat, de qua Conuivæ cœ-  
perunt loqui, voluptatemq. conciliare toti cœtui. lubet au-  
tem hic nonnulla ex poëta, quem publicè inuenturi iam pri-  
d m & quidem non semel sum interpretatus, transcribere,  
dum prodeant meæ in eundem annotationes laboris non ex-  
potes, si tamen proditurae sunt, cum non amplius videatur  
indigere interprete explanatus non tantum à Domitio Cal-



derino, sed alijs viris eruditis recentioribus.

Romani tandem non solum uxores, sed & amicas puellas ceperunt appellare Dominas blandiendo, & adulando hinc apud Italos decurtato vocabulo factum, ut qualibet mulier vocaretur Donna; quasi Domina. Sed Donna non prius facta est, quam pronuntiaretur apud Latinos iam degenerantes Domna. hoc inde colligere est, quia Itali ex *mn* latinorum faciunt *nn*, cum lingua Italica, si comparetur cum latina sit *fr. et*, mollis, minimeq. sapiat robur in loquentibus. Qualis autem est oratio, talis ferè animus. An enim compares nostros Italos cum antiquis Romanis, ceterisq. Italiae incolis? N. quaquam. sed de Domina proferantur verba Martialis lib. X. Ep. XXIX.

Quam mihi mittebas Saturni tempore lancem,  
Misiſti Dominae, Sextiliane, tuae,  
sic lib. V. Ep. LXII.

Nescio quid Dominae teneram qui garrat in aurem  
Sermo est de quodam Crispulo, qui erat adulter uxoris Mariani, cum tamen maritus putaret esse procuratorem. Ego etiam novi non unum, qui volebat videri litium causa frequentare aedes pulchrae foeminae & viduae; amoris causa ipsam conueniebat. nec mala coniectura visus est niti Martialis, quando collegit Crispulum esse adulterum, quia teneram garrabat in aurem. Etenim amantes sibi inuicem solent in aurem garrere, cum sit argumentum magnae familiaritatis. familiaritas autem cum foemina quae non sit sanguine iuncta, suspicionem iure merito inijcit. nec profecto honesta & pudica mulieres aut garrunt in aurem, aut praebent aurem cupienti in eam garrere.



Ut verò reuertamur ad nomen Domina, sciendum Romanos stante Republica valde auersatos fuisse nomen Domini, nec se inuicem honoris causa sic appellasse. labente libertate saltem Imperatorem voluerunt ita nominare, quod tamen non permisit Augustus, ut notum ex Suetonio. Tandem eò res progressa est, ut priuati quoq. se inuicem Dominos dicerent. adeò degenerarunt à veteri libertatis amore, ut propterea dixerit Tiberius: ò homines ad seruitutem natos. audiamus iam Martialem lib. V. Epigr. LII X.

Cum voco te Dominum, nolo tibi, Cinna, placere,

Sæpe etiam seruum sic resaluto meum.

Hodie nil frequentius in ore omnium hominum, quam ut se inuicem seruos, & quidem deditissimos, deuinctissimos, obstrictissimos appellent: illudq. subinde addant: osculor tibi manus. quod est argumentum submissi seruitij. Amici apud Romanos osculabantur se inuicem in ore. nos profite-mur nos osculum porrigere manui. Nunc etiam Hispani, quando Principem aliquem alloquuntur, aiunt osculor tibi pedes. Itali paulo ciuilius: osculor tibi vestem. Famuli etiam, & pueri Nobiles apud eosdem Hispanos quando alloquuntur suum Dominum vnum ex Proceribus procumbunt in genua, aut saltem flectunt genua.

Ijdem Hispani quando alloquuntur Amicam, non aliter quam è geniculis eam compellant. Tantam vim imperij amant mulieres Hispanæ exercere in amantes. Quicquid verò Domina iubet hoc est amica etiam apud Italos, id illico faciendum, nec vnquam vel verbo repugnandum Dominae. Rusticus enim habetur quisquis humili ratione nō blanditur puellæ amica. hinc apud poetas Italos receptissimum est,



est, ut amica vocetur Idolum, Dea, diua, sol, stella, thesaurus, & quæ alia sunt vocabula, quæ tamen serijs hominibus non possunt non displicere.

Prandebam ego aliquando cum nobili pulchraq. muliere aderat maritus, aliusq. amicus satis familiaris utriq. sub finem prandij, ut solet fieri, cæpit bibi saluti atq. felicitati huius, illiusq. Fœmina petijt, ut biberemus felicitati Regis, quem iam dicere nolo, dixi id nequaquam à me posse fieri, causamq. etiam exposui, satis grauem, ut mihi videbatur. illa contra instare, urgere, tandemq. minari, se fore mihi inimicam, nisi parerem. Ego multis verbis me excusare deprecari eius iram, petere ne talem mihi imponeret necessitatem. sed surda loquebar. nec tamen cessi. Ita tandem discessum ex prandio amicitia ferè conclamata. quod retuli ut intelligant, qui morum Italicorum non sunt usq. adeò periti, nimium coli hodie pulchras fœminas in Italia.

Quod dixi superius de consuetudine offerendi osculum passim, & obuijs multis apud Romanos, id confirmatur, ut alia emittam, Epigr. Martialis XCIX lib. XI.

Effugere non est, Basse, basiatores,  
Instant, morantur, perlequuntur, occurrunt,  
Et hinc & illinc, vique quaq. quacunq.  
Et æstuantem basiant, & algentem.  
Non te cucullis asseret caput tectum,  
Non consularus ipse, non tribunatus,  
Sæuiq. falces, nec superba clamosi  
Licetoris abiget virga basiatorem.

Quod est remedium aduersus improbitatem basiatorum?  
respondet Martialis:

Fa-



Facias amicum, basiare quem nolis.

*Quasi basia non exigerentur ab amico. adeo scilicet inualuerat consuetudo basiandi, ut inciperet esse testimonium amicitiae non basiri; quae tamen per hyperbolem prolata sunt à Martiali. nam vere basium ferè amicis, notis, & caris offerebatur. hinc intelligimus, cur S. Paulus iubeat Christianos se inuicem osculari in Ep. ad Rom. ob mutuum, & fraternum amorem. inualuitq. mos basiandi inter sacra cumq. sacra Eucharistia perageretur, cuius rei superest hodieq. vestigiũ, dum celebratur sanctũ Missæ sacrificiũ solenni more.*

*Epigr. lib. XIV. n. LXVII. memorantur muscaria pavonina. superbus est pavo, cogitur tamen suas pennas concedere conficiendis flabellis, quibus abigantur muscae. Cur hodie ex alia materia conficiuntur flabella, & quidem longè viliori? quia pauci admodum aluntur pavones. at olim pessim habebantur in villis, imo comedebantur. Vix credi potest quam multa olim rus dominis suppedicaret. hodie friget, & iacet agricultura. lege quæso Varronem, Catonem, Columellam, nostramq. miraberis negligentiam.*

*Appetente hyeme in Germania porci prope innumeri occiduntur, quod eorum caro multiplici sit usui mensarum. Romani mense itidem Decembri mactabant miseros sues, ut saturnalia mensæ essent instructiores. Martialis lib. XIV. Ep. LXX.*

Iste tibi faciet bona Saturnalia porcus

Inter spumantes ilice paltus apros.

*Singularis autem fuit ratio reddendi sues gratioris saporis apud Romanos. nam alebantur in sylvis inter apros. sic fiebant gratioris saporis, & maioris æstimationis. Germani*  
fur-



furfure eos pinguefaciunt.

Queritur porro, cur Petronius dixerit Iudæum porcinum numen adorare? cum tamen addat quod aduocet cæli puras auriculas. dicendum, fingere Petronium apud Iudæos instar Numinis haberi porcum, quia Iudæi nunquam possent adduci ut occiderent porcum, cum nefas illis sit vesci carne suilla. Nam & Ægyptij allium & cepe inter Deos venerabantur, proculq. aberant ab eo, ut ea comederent. Sed quis nescit Iudæos ob Dei præceptum vetans abstinuisse à suilla carne, non quod putarent suam esse Numen? Tacitus fingit Iudæos detestari suam, quia porrigine laborare quandoq. solet, fingitq. ob eiusmodi morbum Iudæos Ægypto expulsos. alij dicunt Iudæos accepisse hunc morem ab Ægyptijs, qui non occidunt sues, cum inuertant rostro terram, & sint instar aratorum. alij alia prodiderunt.

Exercitatio Dipnosophistica: Antestamenta  
sint iuris Gentium, an Ciuillis?

Cap. CLIX.

**D**ipnosophistam oportet inspexisse libros quorum auctoritate sua dicta inter conuiuas vult munire. Et tamen reperiuntur aliqui Iurisconsulti, qui non solum publicè profitentur leges, verum etiam libros edunt, qui contenti sunt recentiorum citationibus, neq. ipsi vident & legunt scriptores, ex quorum narratione dependet veritas. hoc autem est negligentæ & supinæ argumentum. An enim, o homo, scis recentiorum Transalpinum ad rem adducere Gellium, Tacitum, Macrobiū, Platonem, & alios, qui non



non legisli? decetne d. ctorem, & antecessorem niti aliena fide, videre peregrinis oculis? dies me deficeret, si vellem exempla proferre falsarum citationum, quæ iubent ire præcipitem lectorem in errorem, coguntq. cum semper esse puerum contentus ero exemplo celebri apud Iurisconsultos, qui quærent an Testamenta sint ex iure Gentium an Ciuili? vix tamen nominatim carpam eos, qui adduxerunt scriptores, ut ostenderent ex iure Gentium esse. qu/sq. enim qui hanc diatribam leget, animaduertet quis hac in re se negligenter gesserit.

Quod igitur sint Iuris Gentium testamenta probant Doctores. nam quo iure omnes gentes viuuntur, est ius gentium. Instit. de Iur. natur. S. 2. omnes autem populi consueuerunt condere testamenta. in Veteri Testam. Abraham totam suam substantiam reliquit Isaco, filijs concubinarum dedit munera.

Isaac prætulit sub finem vitæ Esauo Iacobum. Iacob benedixit Filijs suis singillatim, & cuiq. reliquit aliquid singillatim benedicendo, & prophetice prædicendo; Iudæ scilicet regnum, alijs alia.

Esaias dixit Ezechie IV. Reg. cap. XX. præcipe domui tuæ quia morieris.

S. Paulus ad Gal. III. & IV. & Hebr. IX. ostendit olim in veteri lege fuisse testamentum. hinc nihil tritius est, quam ut dicamus Testamentum vetus, & testamentum nouum. testamentum vetus fuit conditum, quando dixit Deus: ecce ancillam, & si ium, neq. enim erit heres filius ancillæ cum filio libera Gen. XX.

Dauid quoq. condidit Testamentum moriturus, & iussit regnare Salomonem, filium Bersabeæ ex. lusis alijs filijs,

D d d

atq.



atq. in primis Adonia II l. Reg. cap. I. & II.

Cyrus quoq. apud Xenophontem condit testamentum lib. VII. & instituit Cambysem regem, alteri autem filio quandam ditionem relinquit.

Tacitus ut rem singularem refert de Germanis, quod carerent testamentis.

Tot philosophorum testamenta recensentur apud Laërtium. leges Aiticae non pauca statuebant de Testamentis. nec ipsa praetereuntur à Platone lib. XXXIV. de legibus.

Attalus Rex Pergami instituit heredem populum Romanum, ut refert Strabo lib. XIII.

Micipsa quoq. condidit testamentum in Africa, ut legere est apud Sallustium in principio belli Iugurthini.

Alexander Magnus moriens mandata, & annulum dedit Perdicæ, ut est apud Curtium lib. X.

Nonne hæc sufficere possunt, ut intelligamus testamenta esse iuris gentium? cum praesertim accedant secundum quosdam etiam Lacedæmonij cum suo Lycurgo.

In aduersam nihilominus partem dicere est primum auctorem Testamentorum extitisse Solonem, ut est apud Plutarchum in eius vita. nam ante Solonem Athenienses non condebant testamenta. quia putabant, ut est videre apud Platonem lib. XI. de leg. bona non esse testantis, sed gentis & familiae.

A Solone Romani acceperunt usum testandi, ut est videre apud Pomponium l. verbis legis, ff. de verb. signif. & Ulpianum l. lege obuenire ff. eodem, ut omittam alios nec transcribam, quæ iam pridem sunt vulgata.

Et sanè ante tempus latarum XII. tab. nullum reperitur testamentum apud Romanos, ut nullum conditum fuit



fuit Athenis ante Solonem.

Igitur omne testamentum apud Romanos descendit ex XII. tab.

Quæ testamenta condita sunt à philosophis, de quibus agit Lærtius, à Solonis lege manauerunt. An dicemus id esse iuris gentium, quod tantum Athenienses acceperunt à Solone, & Romani ab Atheniensibus? Quæ iuris gentium sunt, adeò sunt antiqua, ut eorum initium non possit ostendi. Cur ita? quia praequæ observata sunt apud omnes nationes, & à diuina providentia instructa sunt. si omnes populi condiderunt testamenta olim, cur Athenienses & Romani certo tempore, & quidem serò cœperunt testari? An Romani debuerunt discere ab Atheniensibus, quod ubiq. apud omnes populos observabatur?

Cur etiam Homerus, qui nobis exactè descripsit mores Heroicorum temporum nullam testamentorum fecit mentionem?

Sed obijcitur Lycurgus. Miror potuisse quenquam dicere consueuisse Lacedæmonios testari proferatur quæso testimonium alicuius veteris scriptoris, quo probent qui sentiunt testamenta esse iuris gentium, Spartanos solios testari.

At saltem Iudæi testabantur. id si verum est, cur Philo, cur Iosephus nihil de testamentis tradunt? Cur Moses nihil de re tanti momenti sancivit?

Quod Abraham reliquit substantiam suam Isaco id fecit ab intestato, cum reliqui essent filij ancillarum, atq. adeò non possent succedere patri.

Erant enim Vernæ. Seruus profectò incapax est successionis. propterea dixerat Deus: Non eris heres filius ancillæ



cum filio liberæ. quando ergò dicit Moses, quod Abraham reliquit substantiam suam Isaco tantum significat eum se gessisse more nationum, apud quas absq. ullo testamento si q. succedebant fratribus non habita ratione Vernularum.

Beleictio Isaci fuit quid singulare, & quasi propheticum. aut duendum Isaacum debuisse inducere, quem vellet esse Principem, ne oriretur controuersia, & bellum inter filios. fecit igitur hoc ut Princeps aliquis, qui tradit vni regnum cum id diuidi non possit. dispositio autem siue iussum necessarium ad tollendum bellum in re tanti momenti non est testamentum. quæ ratione explicandum quod refertur de Dauid tradente regnum filio Salomoni exclusis alijs, quodq. narrat Xenophon de Cyro iubente succedere maiorem natu filium.

Dices, notum fuisse maximum natu debere succedere. Cur ergò iubet eum succedere, si res explorati iuris è quo videtur voluisse condere Testamentum.

Respondendum est, antiquissimis temporibus rem fuisse prorsus incertam.

Nam cum ob virtutem deberet deferri sceptrum, ut tradit Iulianus consueuisse nationes præstantissimum promouere ad regnum, non præferebatur necessario maximus natus. hinc sæpe factum est, ut regnum vel alternis vicibus fuerit administratum, vel exortum fuerit bellum, vel à patre æquè vni atq. alteri relictum fuerit regnum, aut prælatus maximus natus, quod iam haberet rerum usum, & experientia valeret.

Romulus, & Remus augurio rem permiserant, ut noscissent cuius deberet esse regnum, aut saltem à quo deberet nominari.



minari Roma, licet dici possit fuisse geminos; quamvis è geminis ille censeatur esse maior natus, qui prior ex utero prodijt.

Annibal cum transiret Alpes discordiam duorum fratrum Allobrogum de regno certantium sustulit, quia ambigebatur: an maximus natus deberet imperare.

Eteocles, & Polynices pactum iniuerant, ut alterni regnarent Thebis, nec prælatus est maximus natus.

Micipsa instituit in regno heredes æquo iure filios, nec unum alteri prætulit.

Cyrus iussit succedere Cambysem. Cur quæso?

Audiamus Xenophontem, siue potius Cyrum loquentem apud facundum Xenophontem: decet me relinquere regnum declarando (quis debeat regnare) ne si sit ambiguum, negotium vobis facessat. ait autem se προτερον relinquere τῷ προτέρῳ γενομένῳ ei qui natus est prius, & πλείων ἐμπείρῳ qui habet maiorem usum rerum. vides non tam habuisse rationem ætatis, quam prælentia, quam iam adeptus erat Cambyses præfratre.

Si dicas, maximos natos solere communi consensu nationum præferri, cum Hispani, Galli, Germani, aliq. populi præferant maiores natos.

Respondebo, morem hunc non esse adeò antiquum, nam Primigenij Hispanorum inuecti sunt à Gothis barbaris. Feuda instituta sunt à Longobardis, præter morem Græcorum, & Romanorum, apud quos quidem Romanos talia semper sunt ignorata, cum tamen nobilitas nulla unquam fuerit clarior, & maior quam Roma.

Feuda scilicet, & Fideicommissa perpetua, & iura pri-



ingeniorum, præter quam quod iniuriam faciunt minoribus qui nati sunt ijsdem parentibus, non permittunt transferri in ipsos maiores natu verum dominium, & perfectum, cum non possint bona immobilia & alia alienare, sintq. tantum domini fructuum. non ergò in præcipua ratione dominij succedunt patribus.

Adde per feuda, fideicommissa perpetua, iura primogeniorum, domos, agros, villas, lacus, & talia poni maxima ex parte extra commercium, cum vendi, emiq. nequeant. quod quis non videt valde incommodare Urbibus, & felicitati civili: apud Romanos autem pleraq. omnia erant in commercio, ut norunt Iurisconsulti.

Quod si omnia, quæ protulimus ostensuri Cyrum testamentum non condidisse, non adhuc satisfacerent, posset quis dicere nequaquam talia dixisse sub finem vitæ Regem, sed sic narrata fuisse à Xenophonte. docti namq. viri dixerunt Xenophontem non prorsus historicè se gessisse, sed descripsisse Regem, qualem decebat esse. Moribus autem Atheniensium post Solonis leges testamenta condebantur. Ergò Xenophontem voluisse Cyro factionem testamenti tribuere, licet verè non testatus fuerit.

Prosequamur iam reliqua quæ prolata fuerant ad ostendendum testamentum esse iuris gentium. Iacobus non condidit testamentum, cum peregrinus nullum patrimonium in Ægypto haberet. tantum tanquam Vates bene precando prædixit quædam filiis suis. quod autem circumfertur testamentum Patriarcharum apocryphum est.

Ezechias monitus est, ut præciperet domui suæ, quia morituri quædam solent mandare commendando famulos, &

ami-



amicos, iubendo aliquid de funere. sic Iosephus cum moreretur praecepit, ut suum corpus transferretur in Palestinam. res autem ipsa loquitur Ezechiam non condidisse testamentum. Ergo de testamento non est locutus Esaias, quando dixit praecepe domui. Cur enim cum S. Scriptura referat de morte tot Regum nullius testamenti facit mentionem? quod Attalus, Micipsa, imò Ptolomæus Rex Aegypti testati sunt, secuti sunt Romanos, qui cum ferè totum occupauerint orbem, hinc adeò factum ut testamenta videantur coepisse esse iuris gentium. postquam enim Romani longè lateq. dominati sunt, etiam persuaferunt nationibus, ut testarentur. Ergò signum libertatis fuit in Germanis, quod non testarentur, quia eiusmodi in re non se gerebant more Romano.

Quod S. Paulus profert de duobus testamentis, id proculdubio per similitudinem quandã dictum est, ut & illud Rom. VIII. quod simus heredes Dei, coheredes Christi. nam Deus non moritur, atq. adeò regnum cœlorum hereditas stricte loquendo vocari non potest.

Ergò cum Deus mori non possit, quando dicitur testamentum instituisse in Mosaica lege id per quandam similitudinem prolatum est. ne dicam Exod. XXIV. non vocari testamentum sed fœdus, quod adhibitis victimis sancitur à Mose. sanè διαθήκη, quo vocabulo utitur S. Paulus æquè fœdus, ac testamentum significat. quamvis fatear in Epistolis S. Paulum locutum de testamento, quia facit mentionem heredis, & quod debeat interuenire mors testatoris, ut ratum sit testamentum. quæ omnia prolata sunt non ex Gentium, sed ex iure Romanorum, quod tunc vigeat etiam



etiam apud Iudeos, & notum erat, propter imperium eorundem Romanorum.

Qui hæc audit forte colliget, quædam quæ orta sunt ex iure civili, posse redigi in numerum eorum, quæ sunt iuris gentium. nam pleræq. omnes nationes susceperunt morem testandi. dicendum nihilominus, plura alia regnantibus Romanis suscepta fuisse à populis, quæ non propterea dicuntur esse iuris Gentium. Quicquid enim ortum habet ab una natione, id non potest dici iuris gentium, licet ad multas nationes propagatum sit. nam quæ iuris gentium sunt à diuina prouidentia constituta sunt, neq. eorum potest reperiri initium.

Ne miremur interim si aliqui ob memoriam sibi ponentes populos, qui didicerunt testamenta condere à Romanis dixerunt testamenta esse iuris Gentium. quod non affirmassent, si altius rem repetentes perpendissent populos ante legem Solonis, anteq. imperium dilatatum à Romanis nequaquam vsos testamentis. Poteram finem imponere dissertationi, attamen lubet adhuc quædam attingere, quæ ad hanc rem faciunt.

Profertur ab ijs, qui putant testamenti factionem esse iuris gentium l. Verbis legis ff. de verb. signif. quæ ita habet: Verbis legis XII. tab. uti legasset rei suæ ita ius esto, latissima potestas tributa videtur, & hæredes instituendi, & legata, & libertates dandi, tutelas quoq. constituendi.

Respondet recentior Iurisconsultus non aliunde, quam ex gentium moribus eam propositionem legem confecisse.



At quis nescit XII. tab. in plerisq. omnibus confectas ex legibus Solonis? Solon autem primus factionem testamentorum introduxit in urbe Athenarum, cum antea testamenta in illa Republica in usu non essent. quod confectum ex legibus Solonis, id confectum non ex iure Gentium, sed Ciuili.

Seruus est capax eorum, quæ iuris Gentium sunt ff. si id quod ff. de condict. indeb. at incapax testamentaria factionis. Ergo factio testamenti non est iuris gentium.

Huic argumentationi est qui occurrit dicendo seruum nullo iure, nec ciuili, nec gentium testari posse. quod frustra dicitur. nam cum controuersum sit an testamenta sint iuris gentium, non est confugiendum eò ut dicas seruum iure gentium non posse testari.

Deportatus ea retinet quæ iuris gentium sunt l. sunt quidam ff. de pœnis, nec tamen condit testamentum, vel ex testamento aliquid capit l. eius §. in Insulam ff. qui testament. facere poss.

Non deest qui respondet deportatum non posse testamentum facere, quia cum testamento coniungitur ius ciuile.

Sed si testamenta sunt iuris gentium, cur non potest fieri talis separatio, ut qui non potest condere iure ciuili, saltem condatur iure gentium?

Obijcit: Deportatum ex testamento militis capere posse l. neq. ff. de testament. milit. Ergo testamentum militis conditum est iure gentium.

Respondere est, beneficium hoc concedi deportato non ipsius causa, sed intuitu militis. Militum autem priuilegia absq. dubio sunt ex iure Ciuili. vide ff. de test. milit. l. l.

E e e

Absq.



*Asq. dubio enim ante Iulium Cæsarem miles non poterat instituere heredem aut deportatum, aut fere quemlibet alium, qui testamenti factionem non habet. colligitur id ex l. 1. ff. de testam. mil. & l. neq. S. deportati, eodem.*

*Quod si factio testamenti foret iuris gentium potuissent milites ante tempora Iulij Cæsaris tales heredes instituere.*

*Concessum autem hoc est militibus, ut possent suam gratitudinem, suumq. affectum manifestum facere erga quoslibet absq. discrimine. cum enim pugnando, & periculum vitæ adruendo pro Republica adepti fuerint bona, par visum est esse, ut possent in quemcunq. conferre talia bona testando, & heredem instituendo.*

Alia exercitatio Dipsosophistica, in qua agitur de  
diffidio nationum in aliquo more, ut intel-  
ligamus quænam dicantur esse iuris  
gentium. Cap. CL.

**I***uris gentium cum dicantur esse illa, quæ apud omnes populos observantur, Civilis autem quæ sibi quisq. populus sigillatim constituit, cuius iuris dicemus esse ea, quæ in usu sunt apud aliquot nationes, apud alias ut contraria rationi damnantur? quid dicendum in eiusmodi diffidio? exemplo res manifesta fiat. apud Ægyptios, imò apud Assyrios, ut aliqui tradunt, moris erat, ut fratres in uxores ducerent sorores. id testatur Dio, quando agit de Cleopatra, quæ nupsit fratri Ptolomæo maiori, & eo mortuo minori, ut taceam de Berenice. hunc autem morem non inuenerunt Ptolomæi Ægypto, sed inuentum ibi & ipsi cœperunt obseruare.*



ware: nam Philo sic de specialib. leg. Ægyptius permisit  
licentiam ducendi sorores, siue per alterutrum pa-  
rentem, siue per vtrunq. cognatas, ne gemellis qui-  
dem exceptis. de Atheniensibus Cornelius Nepos in præ-  
mio: Cimoni non fuit turpe sororem germanam ha-  
bere in matrimonio, quippe cum ciues eius eodem  
vterentur instituto. idem in Cimone: Atheniensibus li-  
cet eodem patre natas vxores ducere. sic differant  
ab Ægyptijs, qui eadem etiam matre natas ducebant.  
Lacedæmoniorum legislator, teste Philone de leg. spe-  
cial. vterinis non interdicit connubio, sed solis eodem  
patre genitis.

Quin non defuerunt, qui dixerint apud Iudæos quoq. fas  
fuisse nuptias inire cum sororibus, adducto exemplo Abra-  
hæ, & Saræ, & alio exemplo ex libris Regum, vbi soror  
compressa ait: poteras me petere, & ipse Rex forte annui-  
set tuo desiderio. sed reclamat de Iudæis Philo: deinceps  
præcipitur apud Mosem ne sororem quidem esse du-  
cendam. Mox ait Mosem omnibus modis prohibuisse con-  
cubitum cum sororibus.

Coniugium igitur cum sororibus saltem nititur consensu  
trium nationum (vt Assyriam taceam) Ægyptia, Spartana,  
& Attica, quæ nequaquam fuerunt barbaræ, ac proinde  
videntur optimè nouisse quid sit consentaneum rationi.  
Aliæ autem nationes eiusmodi coniugium reiecerunt. Ergo  
lex de connubio inter fratres, & sorores nec est ciuilis, quia  
non vnius populi, nec iuris gentium, quia aliquot tantum  
nationes consueuerunt coniungere fratres cum sororibus.  
Quid respondendum? dubitandum non est tales concubitus



prorsus esse damnandos, licet apud Gentiles, & Poetas Iuno soror Iouis sit eius quoq. coniux. nam magno consensu reliquæ nationes eiusmodi congressum reiecerunt.

Hinc autem saltem colligere licebit definitionem iuris Gentium sic accipiendam ut quandoq. id sit iuris gentium, quod pluribus nationibus, placuit licet etiam tres aliqua in re contradicant, quod patet ex superiori exemplo.

Ad superiorem diatribam appendix, in qua agitur de populis qui spreuerunt coniugia cum peregrinis.

Cap. CLI.

**A**liquot nationes damnarunt coniugia cum mulieribus peregrinis. de Iudeis Philo de leg. special. Ne alienigenam quidem uxorem finit Legislator in thalamum recipi ne quando maritus ab ea seducatur, oblitusq. pietatis defleat ad auia.

Athenienses quoq. auersabatur coniugia cum peregrinis. peregrinus non poterat ciuem Atheniensem ducere. accusabatur, & conuictus vendebatur. peregrina itidem vendebatur. nec licebat cum illa, quæ peregrinitatis fuerat damnata rem habere, nisi vellet mille drachmas pendere.

Pronunciabant igitur Athenienses, ne ciuis peregre nuberet, ne inquam, ciuis Attica externo nuberet.

Quid memorem Romanos, de quibus dixit Vlpianus connubij ius non esse inter ciuem Romanum, & peregrinam? hinc dixit Virgil.

Sequiturq. (nefas) Ægyptia coniux.

Spar-



*Spartani absq. dubio etiam coniugia cum peregrinis spernebant, quandoquidem ne quidem ad urbem admittebant peregrinos. nisi certis diebus hinc Theophr. Inst. lib. I. Lycurgus peregrinos expellebat ne mores ciuium deteriores fierent. alijs nationibus aliter visum.*

De Commodo contemptore philosophiæ,  
Cap. CLII.

**A**d mouerat Marcus Imperator doctrina illustres viros erudiendo filio Commodo. teste Herodiani. lib. I. Commodum, Marcus magna cura educavit accitis vndiq. viris doctrina claris, maximaq. proposita mercede, vti mores pro se quisq. filij, ingeniumq. excolerent.

*Sed filius mortuo Patre corruptus ab adulatoribus vitijq. prorsus deditus philosophos expulit aula, teste eodem Herod. neminemq. non ab limine velut insidiatorem submouebat, quemcunq. aut probitas, aut disciplina vlla etiam mediocris illustraret.*

*Quantum ergò floruit sub Marco philosophia, tantum sub Commodo languit, quod annotavi, ut intelligamus optimè conuenire philosophiæ cum bonis sapientibusq. principibus, eandem verò valde inuisam esse Tyrannis, degeneribusq. Regibus.*

*Cur enim philosophiæ valde fauit Marcus? quia sapiens erat, & probus. cur ipsam contriuit contempsitq. Commodus? quia vitiorum erat mancipium. perstringamus osorem sapientiæ his versiculis:*

De-



Dedecus Æneadûm, nec auiti nominis hæres,

Commodus, obliqua luce Lycea videt.

Increpitat Sophien, Sapientum commoda calcat,

Dediscit Patrem, iussa q. temnit aui.

O miserum, atq. iterum miserû. nam vertice regni

Deiectus flebit, suppliciumq. luet.

De Maximo Tyrio, eiusq. dissertationibus.

Item de Alcino. Cap. CLIII.

**A**N igitur prorsus exclusa est vrbe Roma omnis philo-  
sophia, quia philosophis non ascoltabat Commodus?  
Non ita canclamatus est status sapientiae etiam sub Tyrânis  
vt non aliqui tunc philosophentur. Respice Tiberium, Ca-  
lum. non defuerunt tunc qui philosopharentur. Sic sub Com-  
modo vixisse Maximum Tyrium non ambigit, qui legit Sui-  
dam. apparet autem non semel adiisse Romam, & disces-  
sisse Maximum, quod indicant eius dissertationes. consue-  
uerunt profectò peregrinari philosophi, qua de re non pauca le-  
gere est apud Dionem Prusæum. non absimilia reperiuntur  
apud Ciceronem. inspicite vitas philosophorum, statim occur-  
rent peregrinationes. Plato ter adiuit Siciliam, iam discen-  
di, mox docendi causa. Quid memorem Anacharsim, qui  
Scythia matre græca natus Athenas se contulit, congressu-  
rus cum Solone, quod ex animi sententia obtinuit? Sic exi-  
stimamus fuisse sub Marco Maximum, cum ipsius in sua  
vita mentionem fecerit. Cuius sectæ fuerit si scire cupias,  
veteres manuscripti Platonicum appellant. quod etiam osten-  
dunt dissertationes doctæ simul, & elegantes dignissimæq.  
Aca-



*Academia Socratica. subinde enim multa ad Academiam veterem facientia promuntur, quæ magna cum laude auctoris versantur in manibus studiosorum. Videtur tamen magnæ libertati indulgere, ut Carneadem aliquem referre videatur. Eius morem ferè hodiè imitantur Itali in cætibz eruditorum Iuuenum, qui extra scholas publicas conveniunt in adibus Viri alicuius Patritij, ut recitent orationes & carmina. Magni nominis est hodie adhuc Academia Furfuraceorum apud Florentinos, & Humoristarum Roma, quibus quidem ego cum iunior essem adscriptus fui.*

*Maximo Tyrio addo Alcinoum, cuius reperitur introductio ad Doctrinam Platonis, opus sanè dignum, quod diligenter euoluatur à studiosis doctrinæ Platonice. an ipse vixerit tempore Maximi dicere non possum; apud Suidam sanè nihil de ipso reperi. quando floruerit, dicat qui observavit. Ego cum iam nihil aliud suppetat hominem refero ad seculum Commodi. erit qui forte melius ad posteriora referat tempora. in Maximum porrò & Alcinoum, qui vno circumferuntur volumine sic lusi:*

Qui cupit optatum contingere dogma Platonis,  
Socraticoq. grauem pellere fonte sitim,  
Maximo, & Alcino impendat noctemq. diemq.  
Quin memori euoluat grandia verba stylo.  
Sic erit, ut gemina plestat sibi fronde coronam,  
Doctrinæ radijs, eloquijq. micans.



De Septimij Seueri doctrina . quod de vita sua  
scripserit commentarium .

Cap. CLIV.

**I**mperatorum doctrina non expertorum, quiq. orbi Roma-  
no, Romaq. praefuerunt auget numerum & censum Se-  
ptimius Seuerus, armorum gloria imprimis magnus, philoso-  
phia etiam non ignobilis, licet in bellis, quae multa feliciter  
consecit, gerendis occupatissimus. fuit quidem ferox, &  
vitae durae, laboribusq. insuetus, Afer genere, Pannonicis  
imperans militibus, Matthesin tamen litterasq. non negle-  
xit. futurorum praesagia medius fidius obseruare, & di-  
scernere sciebat, ut propterea in maximam spem obtinendi  
imperij erectus fuerit, quae omnia recensentur accuratè ab  
Herodiano lib. II. histor.

Praesagia autem futurorum ipse annotauit, & digessit  
in libris, quos de vita sua conscripsit.

Etsi autem natus fuerit in Africa in urbe Lepti, maiō-  
res tamen eius equites fuere Romani. latinis graecisq. li-  
teris eruditissimus fuit, teste Spartiano. Romam venit  
studiorum ergò, Athenas petijt eorundem studiorum causa,  
quod idem historicus narrat, qui de philosophiae cognitione  
non tacet dum ait: philosophiae, ac dicendi studiis sa-  
tis deditus, doctrinae quoq. nimis cupidus, vitam suam  
priuatam publicamq. composuit. o fortunatum Princi-

Plinius pem, qui rara felicitate, res à seipso gestas literarum com-  
lib. 6. Ep. mendauit monumentis. nam si beatos putamus, quibus  
16. Deorum munere datum est, aut facere scribenda, aut  
scri-



scribere legenda, beatissimum dicere licebit Septimium,  
cui vtrumq. contigit, & simul reijcere insaniam eius,  
qui non ita pridem asseruit nemini fas, præter prophetas,  
& fatidicos viros, de seipso scribere, & historiam com-  
ponere. inspexerat, puto, vitam Iosephi grauissimi scripto-  
ris, ab ipso eodem compositam. cum autem Septimius armo-  
rum gloria addiderit decus sapientie, nos ei hoc offerimus  
epigramma:

Septimium duplici circundat munere lauri

Ætherei Virgo vertice nata Iouis.

Nam bello insignis Romano reddidit orbi

Castrorum leges, militiæq. decus.

Ingens doctrina despexit sidera cœli,

Et rerum causas eruit è sinibus.

Hinc etiam duplici nos illum laude vehendum

Dicimus, ob sophiam, militiæq. decus.

De Iulia vxore Imperatoris Seueri fauente phi-

losophis. extemporalitatis otores, ho-

munciones obscuri, & ignari in

ordinem rediguntur.

Cap. CLV.

**S**eptimio Seuerophilosophañt rara laude addi debet Iu-  
lia vxor, quæ & ipsa philosophiæ fuit perstudiosa, &  
multos philosophos in suo habuit aluitq. comitatu. Quod  
Iulia fuerit vxor Seueri, concinunt historici; at an fuerit  
Antonini Caracallæ mater, non consentiunt scriptores. ali-  
qui affirmant, alijs asserentibus fuisse eius nouercam, quod

F ff

ip.



primis traditum scimus ab Ælio Spartiano, qui etiam narrat, quæ ratione idem imperator Caracalla ipsam cum pulcherrima esset, licet Nouercam in uxorem duxerit, magno inæstus crimine, quod non potuit excusari illa sententia: Imperator leges dat, non accipit.

Sed ad Philosophiam Iuliæ accedat oratio. Philostratus de vita Apollonij Tiani sic scribit: Damidis commentarios quidam familiaris nondum editos Iuliæ Reginæ notos fecit in cuius aula cum frequentissimè versaret (erat enim Rhetoricæ facultatis studiosa) ut transcriberentur mandauit.

Idem Philostratus in vita Philisci Sophistæ hæc habet: Philiscus lite contestata apud Imperatorem (qui Antoninus erat philosophi ex Iulia filius) Romam missus est, ut sua disponderet. Ibi cum in Geometras ac Philosophos Iuliæ incidisset.

Dixerat Iuliam fuisse Rhetoricæ studiosam, hoc est sophisticam, & Sophistarum, qui sophistæ etiam philosophi poterant dici, nam eloquentiam cum philosophica rerum cognitione coniungebant. En tibi verba Philostrati, in præfatione vitarum ad Consulem Antonium: Eos qui sub sophistarum nomine philosophiæ incubuerunt; qui initium suum referebant ad decantatissimum Gorgiam Leontinum, de quo Cicero in II. de finibus: E numero sophistarum primus est ausus Gorgias Leontinus in conuentu poscere questionem id est iubere, qua de re quis vellet audire. audax negotium: dicerem impudens nisi hoc institutum translatus postea ad philosophos nostros esset. quodq. Sophistice suo sinu oratoriam & philosophiam



completatur asserit denuò Philostratus in principio libri primi de vitis Sophistarum: priscam sophistarum artem esse Rhetoricam philosophiæ deditam putandum est. Nam & de his, de quibus philosophi disputat. Mox subiicit: prima Sophistarum ars philosophica sibi subijciens, ea longius & prolixius prosecuta est. Profitebantur autem iidem Sophistæ extemporalem promptitudinem, extemporalem orationem, cuius initium aliqui retulerunt ad magnū Periclem, alij ad Byzantiū Pythonem, nonnulli ad Æschinem. Constantior sententia extemporalitatis agnoscit auctorem primum Gorgiam, qui cum in Atheniensem prodisset theatrum, proponite quodcumq. libuerit, dicere ausus est, teste eodem Philostrato.

Hinc adeò factum, ut ubicunq. docebatur Rhetorica, siue Athenis, siue Rhodi, siue Romæ, extemporales declamationes locum haberent. Philostratus profectò dum enarrat vitas Sophistarum, extemporalitatem non omittit. loca transcribere nihil attinet, cum quisq. ea per seipsum inspicere possit. apud Petronium habes venisse quendam in porticum ab extemporalis declamatione. S. Hieronim. præfat. in librum Esther. quæ dici poterant, & audiri sicut solitum est scholaribus disciplinis sumpto themate excogitare. D. Augustinus VI. Confess. Cum medio die Alpidius cogitaret quod recitaturus erat sicut exerceri scholastici solent. Iacobus Gaudensis lib. III. ararij: extemporales dicebantur oratores, qui responderent, ac si meditati essent. de Augusto Suetonius cap. LXXXIV. Mutinensi bello declamasse quotidie traditur. subiungit: non defecisse eum ad subita extem-



porali facultate. Nero profecerat sub Seneca, eloquentiamq. promptam hauserat. hinc apud Tacitum XIV. annal. ait ipse, dum respondet præceptori: quod meditatae orationi tuæ statim occurrā, id primum tui muneris habeo, qui me non tantum præuisa, sed subita expedire docuisti.

Valuisse Iulianum Imperatorem tali facultate exploratum est, cum etiam una nocte doctissimam, & prolixam orationem, quæ exeat composuerit. de Tito Imperatore sic loquitur Suetonius cap. III. latinæ græcæq. linguæ vel in orando vel in fingendis poematibus promptus, & facilis ad extemporalitatem usq. quam admirandus in eiusmodi calore fuit Statius. nec celeritate destitutus fuit Sidonius Apollinaris, ut nouit, qui eius epistolas non ignorat. Quintilianus lib. X. cap. VII. docet quemadmodum extemporalis facultas pareatur, & contineatur ubi audeat pronunciare, maximum studiorum fructum esse, & velut præmium amplius longi laboris, ex tempore dicendi facultas, quam qui non erit consecutus, mea quidem sententia ciuilibus officijs renunciabit. hodie tanta regnat inscitia, ut ne quidem sciant, Veteres extemporalis valuisse facultate. Mos declamandi quotidianus prorsus est omissus. quod antiqui referebant ad magnam laudem si quis polleret extemporalitate, id obscurissimi quidam homunciones, quos quotidie videmus, culpant & vitio vertunt. si quem velint reprehendere, dicereq. eum non bene orare, non bene scribere, aiunt eum celeritate uti. quid igitur fiet tot celebribus scriptoribus, qui multa admodum nobis reliquerunt ingenij monumenta? Neq. enim tot libros

eul-



evulgassent si celeriter eos non compressissent. Respondeant, respondeant habetes semihomines, qui aliorum promptitudine in sua tarditate metiuntur. Nam nec etas nostra prorsus caruit ceteribus ingenijs, hominibusq. qui extemporali facultate orandi scribendiq. valerent. Tales fuerunt in hoc nostro Gymnasio Mazonius, Dempsterus, & Bulengerus. Tales sunt multi in Gallia, quæ regio nullo non seculo habuit viros facundos. sileant igitur deinceps calumniatores, tardigradi detractores, nec in alijs culpent quæ ipsi otio, & vitijs dediti præstare nequeunt. definant meis laboribus detrabere apud Principes, & Procures. Nec enim nego mihi, & in Germania, in Insubria, Roma, atq. alibi, & hic præsertim usurpata extemporalitatem, contemptis insulissimorum nebulonum, & ignarissimorum tenebrionum latratibus.

Oportet autem magnam rerum cognitionem sibi comparare, si quis velit ex tempore aut dicere, aut scribere: quid autem est multiplex rerum cognitio? Philosophia, ut tradit Strabo libro primo. hinc rursus Philostratus suos Rhetoras non auellit à philosophia. nam dicit: Dias Ephesius philosophiæ quidem suæ fundamentum iecerat ex Academia. Mox de Carneade: Carneades Atheniensis inter Sophistas scribitur. philosophica enim mente præditus fuit, & orationis vim ad summam euexit gravitatem. de Philostrato quod philosophatus fuerit cum Regina Cleopatra, Sophistaq. appellatus. de Phauorino sic: Phauorinum philosophum eloquentia inter Sophistas prædicavit. Ergò meritò de Iulia Imperatrice dixit, quod habuerit philosophos in suo comitatu, & Rhetoricæ fuerit  
 stu.



*Studiosa. cui etiam acceptum debemus referre Commentari-  
um Philostrati de Vita Apollonij, quem non potuisset sim-  
plex Rhetor componere cum tam multa petat ex philosophia  
non ego excuso fabulositatem eius libri, quando auctor mul-  
ta videtur cum suo Damide fingere de impostore Apollonio,  
ut suo loco latius exposui, negare tamen non possumus  
quod in eo multa utilia contineantur ad Philosophiam facien-  
tia, si quis ea secernere sciat à fabulositate, quod sigillatim  
iam indicare non possum, cum sit res alterius argumenti. Cur  
verò qui Philosophiam profitentur talem librum non legunt?  
Novi causam, suum Aristotelem solum cognoscunt, & ab  
alijs auctoribus, per quos proficere possent, diligentissime  
abstinent.*

*De Alexandro Aphrodisiensi. aliquid ad-  
ditur de Oppiano poeta.*

*Cap. CLVI.*

**A**lexandrum Aphrodisiensem memorat Suidas, nec  
reticet Phorphyrius in vita Plotini. legebantur sci-  
licet eius commentarij Romæ sub Plotino, tanquam optimi  
interpretis Aristotelis. floruit sub Septimio Severo, & Bassia-  
no Antonino Caracalla. nam octodecim annorum spatio re-  
gnarunt simul hi duo Imperatores. ad eos dedit Epistolam  
Alexander, quum eis offerret librum de Fato, ubi dicit:  
cuius philosophiæ (Aristotelicæ scilicet) præfectus sum,  
vestro testimonio doctor illius pronunciatus. Mox su-  
bijcit: si autem per ocium operam dantibus vobis li-  
bro, oportere videbitur dictum fuisse aliquid clarius,  
peto



peto ad me scribere de quæsitis . hæc ille .

Tanti porro interpretis opiniones hac tempestate videntur à plerisq. postponi Auerroicis glossematibus , nescio qua de causa , cum præsertim doctissimi sint viri , deq. philosophia Peripatetica non male meriti , matinq. Auerroista , quam Alexandrei appellari . sed quis non miretur mentem Aristote'is lauisse Alexandro adeo antiquo , & innotuisse tandem & tam serò Arabi Auerrois Meum non est hic de huiusmodi vicissitudine Peripateticorum axiomatum disputare . hoc interim ausim pronuntiare multa visa ab Auerroë excogitata , additaq. de quibus nihil cogitauerit Aristoteles , quod meum effatum ostendet suo tempore liber de Auerroica Peripatetica d. & inæ extensione . mihi namq. placet Alexandrum longè Auerroi præferre . quod testor iam his versiculis :

Quisquis Alexandrum , quem florida secla tulerunt  
Auerroi postponere

Haud dubitas , ferri à recta ratione videris .

Nam quis Pelasgo præferat

Mollem Arabem , aut Maurum , quem barbara natio  
iactat ?

Quin dignus aure Cæsaris

Regnet Alexander , doctum det iura per orbem ,

Sileatq. Arabs Auerroes .

Cum Seuero non occurrisset pater Oppiani poëta , eum in insulam relegauit . filius composuit insigne poema de piscibus quod mortuo Seuero obtulit Caracallæ , à quo donatus est ingenti pecunia , ut de Patre reuocato ab exilio nihil dicam , dicta propterea sunt carmina illa aurea .

Quid



Quid hæc recensere attinet, inquires, quando de philosophia agitur? philosophus profectò fuit Oppianus, qui de piscibus tam doctè potuit differere.

De Heliogabalo persequente eos, qui Alexandrum in disciplinis erudiebant.

Cap. CLVII.

**F**Anaticus fuit homo pseudantoninus Heliogabalus, de quo videnda, & prorsus indigna dictu narrant historici. Mammaea Alexandri mater, quem adoptauerat Heliogabalus, filium à fœditate omni vindicare sat agebat. quæ ratione? submittendo philosophos viros doctos. sic enim Herodianus: submissis clam doctoribus omnium disciplinarum, græcisq. eum pariter, latinisq. literis instituens. quid ad hæc Heliogabalus? Magnopere indignabatur, iamq. adoptionis, imperij participati pœnitebat, quapropter omnes illius doctores aula exegit, quosdamq. illustriores, partim morte, partim exilio affecit ridiculas allegans causas, quod filium ipsius corrumpere, neq. agitare eum choros, atq. ebacchari sinerent, sed ad modestiam componerent, & virilia officia edocerent. hinc in Heliogabaleam insaniam, quæ valde imperium afflixit Romanum sic ludere placuit:

Solisne mystagogus

Vocaris imperator,

Qui feruidus baccharis,

Ceu Mænas mentis impositus

Colisne solis orbem,

Ve-



Velut peculiare  
 Numen tibi q. gratum;  
 Procul interim Sophum vim,  
 Qui splendent solis instar,  
 Procul iubes abire?  
 Ne quis graui furori,  
 Quo te videt perire,  
 Opem adferat, & medelam,  
 Ergo peri furendo,  
 Poenasq. da furoris  
 Deiectus arce Regni,  
 Exutus ipsa vita,  
 Dum cœtibus sophorum  
 Infers furendo damna.

De Mammæa, quæ filium Alexandrum sapientia  
 præceptis curauit imbui.

Cap. CLVIII.

**B**Eat nos philosophiæ Romanæ progressus. quandoquidem veridica narratione illuc nos deducit, ut sciamus Mammæam existimasse ope sapientiæ posse effici, optimum Imperatorem filium Alexandrum, ijsq. instructum artibus, quæ regna, & nationes sine sanguine in pacata tranquillitate regunt iuxta legum sanctissima iussa. Etsi verò alias quoq. fœminas habeat memorare philosophia, illisq. suam augere gloriam, nescio tamen an ulla mulier cum Mammæa comparanda promouerit sapientiam, tantumq. ipsius profecerit auspicijs. laudamus matrem Agricola, quod

Ggg

filium



filium Massiliam miserit ad capeffendum ingenij cultum sub disciplina philosophorum. at ille Dux tantum extitit belli contra Britannos, non præsuit orbi Romano. Admouit philosophum erudiendo filio Agrippina, scelesti ceteroqui, & pessimis artibus infamis, pudenda prorsus philosophia. custoduit libros patris filia Pythagoræ, sed egestate pressa non potuit amplius de sapientia bene mereri. Audierunt Plotinum mulieres nonnullæ Gemina mater, & filia, Amphidia, sed sibi vacauerunt, neq. magnopere fructum, qui ex philosophia percipitur vberimus, ad alios porrigere potuerunt. Hypatia docuit Alexandria, discipulumq. præter alios magnum Synefium habuit, sed vmbatica tantum fuit magistra, lapidibus tandem misera à furente plebe obruta. Mammæam autem in lucem, inq. splendorem immensum produxit philosophia, qua sic curauit imbui filium, ut euaserit Romanorum imperator omnibus numeris absolutus. Ergo gloriam Mammææ comitentur versiculi quos obseruantia in tantam fœminam plenus effudit, calore extemporali, quorum tenuitati si lectus non succensuerit faciet rem suam humanitate dignissimam. Neq. enim nobis licet esse tam felicibus, ut de rebus arduis scribes soluta oratione, mox mentem, calamusq. ad sublime possimus transferre carmen.

Mammæam Aoniæ victuro extollite Diuæ

Carmine, Mammæam Phœbus & ipse vehat.

Induperatricem, qua non præstantior vlla

Exitit, haud repens dicere debet epos.

Nam Natum genitrix primis instruxit ab annis,

Vt rectum haud segnis carpere vellet iter.

Quo



Quo vocat excellas animas Tritonia virgo,  
 Quo sophie inuitat, sanctaq. iura trahunt.  
 Candida quò virtus signato tramite ducit,  
 Quò ciues latia lege Quirinus agit.  
 Artibus his fretus Cæsar se more probauit,  
 Quem rigidus Censor, vel prober ipse Cato;  
 Imperioq. regens populos tria lustra peregit,  
 Qualia Saturni secla fuisse ferunt.  
 Ergò Mammæam, generosam Heroida, Musæ  
 Dicite, Mammæam Phœbus & ipse canat.

De Alexandri Seueri philosophico studio. quod  
 coluerit Apollonium Tyanæum, de  
 quo plura proferuntur.

Cap. CLIX.

**A**lexandro Seuero absq. dubio cari fuerunt philosophi.  
 nam Lampridius ait eum cum conuiuaretur adhi-  
 buisse doctos homines. legebat libros Platonis de legibus  
 eodem teste, & Ciceronem de Officijs, & Republica, ha-  
 buit etiam præceptorem in prima adolescentia, seu pueritia  
 philosophum Stilionem, in Larario suo habebat animas san-  
 ctiores (inquit Lampridius) inq. eis Apollonium; sci-  
 licet Tyanæum; quem profectò Gentiles, ut diuinum homi-  
 nem, & plusquam hominem venerabantur. sic enim Eu-  
 napius in præmio: Apollonius Tyanæus non iam phi-  
 losophus, sed mediæ inter Deos ac mortales naturæ  
 particeps: quippe qui Pythagoreæ disciplinæ Secta-  
 tor, illius diuinitatis famam, dignitateniq. adauxit:



de quo atnè perscripsit Philostratus Lemnius, editis libris, quibus titulum fecit: vitam Apollonij, cum debuerit verius inscribere, Accessum Dei ad homines. Narrat Flavius Vopiscus Aurelianum de evertenda Tyana cogitasse, sed Apollonium Tyaneum, celeberrimæ famæ, auctorisq; sapientem, veterem philosophum, amicum verum Deorum, ipsum etiam pro lumine frequentandum recipienti se in tentorium ea forma, qua videtur subito adstuisse, atq; hæc latine ut homo Pannonius intelligeret dixisse: Aureliane si vis vincere, nihil est, quod de meorum civium nece cogites. Aureliane, si vis imperare, à cruore innocentium abstine. Aureliane, clementer te age, si vis vincere. Norat vultum philosophi Aurelianus. Cur ita? quia eum in multis templis viderat. ergò Gentiles effigiem, Apollonij collocabant in templis perinde ac si Deus foret, aut Heros. Subijcit Vopiscus Aurelianum mox mutasse propositum evertendæ Tyanæ, imò & imaginem, statuas, templum pollicitum. quod ait se legisse in bibliotheca Vlpie libris. Mox exclamat: quid illo viro sanctius? venerabilius, antiquius? diuiniusq;. & ille mortuis reddidit vitam. ille multa ultra homines, & fecit & dixit.

Sic scribere Vopiscum non miramur. nam cum Gentiles viderent quotidie magis ac magis propagari Christianam veritatem, & adorari Servatorem nostrum, Christum Iesum, ipsi in furorem acti passim Magum, & impostorem illum Apollonium, ut diuinum, imò ut Deum commendabant. Sed frustra fuisse, res ipsa docuit. hodie enim Apollonius prorsus negligitur, & inter magos recensetur.



*setur: Christus autem va virus Deus, & eterni Patris filius adoratur ab omnibus ferè Nationibus.*

De Gordiani Imperatoris philosophia. de Sammonico Sereno, patre & filio, quorum hic fuit præceptor Gordiani.

Cap. CLX.

**G**ordianum Seniore deditum fuisse philosophiæ affirmamus præeunte Iulio Capitolino, qui sic loquitur: Hic enim vita venerabilis cum Platone semper, cum Aristotele, cæterisq. veteribus agens, alium quam merebatur exitum passus est. nam cum vidisset interfectum filium in prælio, seq. imparē Maximini viribus in Africa, laqueo vitam finivit, vitamq. cum imperio amisit.

Mirum autem non est dedisse operam seniore Gordianum, ut nepos quoq. philosopharetur, nam ei dedit præceptorem Q. Serenum Sammonicum. qua de re iterum Iulius Capitolinus: In studijs grauiſſime opinionis fuit, memoriæ singularis. Sereno Sammonico, qui patri eius amicissimus fuit nimis acceptus, & charus vsq. aded, ut omnes libros Sereni Sammonici patris sui qui censebantur ad LX. & duo millia Gordiano minori moriens ille relinqueret, quod eum ad cælum tulit. siquidem tantæ Bibliotecæ copia, & splendore donatus, in famam hominum literatorum decore peruenit.

Vides duos fuisse Serenos Sammonicos, patrem, & filium, & filius quidem paternam bibliothecam reliquit Gordiano Iuniori. Qui vitam Q. Sereni Sammonici con-

scri-



*scripsit confudit patrem cum filio, nam dixit Q. Serenum Sammonicum fuisse Iunioris Gordiani præceptorem, & eius meminisse Spartianum in Caracalla. nam Spartianus loquitur de patre non de filio. pater autem non fuit præceptor Gordiani, sed filius. de patre sic Spartianus: occisi sunt, & in balneis plures, & in cœnis inter quos Sāmonicus Serenus, cuius libri plurimi ad doctrinam extant. idem Spartianus in Geta: Sereni Sāmonici libros familiarissimos habuit, quos ille ad Antoninum scripsit.*

*Inter eos libros erant, qui agebant de Reconditis, citantur enim à Macrobio, qui eius quoq. meminit lib. III. Satur. cap. XVI. ostenditq. Seniore Sammonicum floruisse sub Severo, adq. eum scripsisse. Audiamus Macrobius: temporibus Seueri principis, qui ostentabat duritiam morum Samonicus Serenus, vir, ut eo seculo doctus, cum ad Principē suum scriberet faceretq. de Acipensere sermonem verba Plinij præmisit, & ita subiecit: Plinius ut scitis ad vsq. Traiani Imperatoris venit ætatem, nec dubium est quod ait nullo honore hunc piscem temporibus suis fuisse, verum ab eo dici, apud antiquos autem in pretio fuisse, ego testimonijs palam faciam.*

*Hodie Sammonici nihil extat præter præcepta Medicinæ inter quæ reperitur amuletum aduersus hemitritæum ex Magorum petitiu disciplina, vult enim chartæ inscribi Abracadabra quod putat vir eruditus fictū ex Abraxa qui erat erat Deus Basilidis, & Valentini. ipsi autem religionem eiusmodi nugis inquinârunt sub Adriano, & Antonio Imperatoribus. dubium autem non est, quin tale amuletum*  
quod



quod magiam sapit, debeat rejci. Sed discedat à Sammonico calamus, exaratis ramentis versiculis, tanti hominis fama dicatis.

Sammonicum resonet Parnasus, namq. Serena

Luce micat, veluti Cynthia nocte micat.

At, varia chartas quas scripserat arte Serenus,

Inuida rugoso secula tulere situ.

Ergò nequicquam Sophiæ pallefcimus vmbra,

Si nos Parca rapit, si pereuntq. libri.

De Plotino, quando se contulerit Romam,

quandiu ibi vixerit?

Cap. CLXI

**R**omana ciuitatis felicitas philosophica tunc potissimum visa est esse in meridie, imò in celsissimo fastigio, quando Romana iuuentus pependit admirationis plena ab ore docentis Plotini. is enim Gordianum proficiscentem ad bellum Persicum comitatus est, quo perempto Antiochiam se contulit, inde Romam imperium tenente Philippo, ut narrat Porphyrius in eius vita, atq. tunc quadragesimum ætatis annum agebat. perseuerauit autem in urbe nihil scribens, ad colloquium quidem admittens nonnullos, colloquijsq. inferens Ammonij præceptoris sententias. permittebat amicis interrogare, atq. in primis Amelio, qui apud ipsum vixit viginti quatuor annis. venit etiam Romam Porphyrius cum Antonio Rhodio è Græcia, reperitq. Amelium. agebat tunc Plotinus quinquagesimum nonum annum, decimo anno Galieni imperantis, sed Porphyrius impleuerat tricesimum



424 De Philosophia apud Romanos

num. Tuncq. idem Plotinus scripserat unum, & viginti libros, quorum compositionem aggressus fuerat primo anno Imperij Galieni. sic viginti & uno libris decem annorum spatium impendit.

Quod certè omitti non debuit quandoquidem sic augetur, & illustratur philosophia Romana. Cur enim philosophiam Plotini Romanam non vocem, si Romæ composita est? incredibili profectò benevolentia Romani viri, imò mulieres philosophum prosecutæ sunt. nam in domo Gemina, quæ ab ipso discebat cum filia, habitabat.

Multi etiam tam mulieres quam viri cum morti propinquarent filios suos tam Mares quam fœminas unâ cum omni eorum substantia Plotino tanquam custodi tradebant, atq. commendabant. Quocirca Plotini domus plena erat puerorum virginumq. incoluit Romam sex & viginti integros annos, diremit plurimas multorum controuersias, nec tamen vllum habuit inter ciues inimicum. Ergò à summo antequam discedamus philosopho, recitetur Epigramma, eius dicatum honori:

Plotinum quicumq. legit, putat esse Platonem,

Aurea qui quondam dogmata composuit.

Vsq. adeò Plato Plotini versatur in ore,

Plotinum vt iures mente Platonis agi.

Ergò Plotini versa sublime volumen,

Qui cupis Actæi pandere dicta senis.



De Amelio Gentiliano, qui fuit familiaris  
Plotino. Cap. CLXII.

**A** Melius fileri non debet. de eo sic Suidas: Amelius Apamensis philosophus, discipulus Plotini, præceptor Porphyrij, æqualis Ammonij, & Origenis. is etiam vocatus fuit Gentilianus, teste Porphyrio in vita Plotini, dum inquit: inscribitur sane libet (Longini) de fine ad Plotinum, Gentilianumq., cognomēto Ameliū. vixisse Amelium Romæ satis constat, cum dicatur fuisse Plotini familiaris. sunt verba Longini apud Porphyrium: præterea & qui etiā nunc Romę viuunt, Plotinus, & Gentilianus Amelius, Plotini familiaris. Scripsit non pauca egregia, si fides ei dem habenda. nam ait: Plotinus, & Gentilianus Amelius propositionum copia referti sunt, scribendiq. munus serio elegerūt, proprio quodam more contemplationis vtentes. Visus est Amelius vestigia Plotini sequi, sed ambitu prolixiore verborum abreptus, induit contrariam Plotino formam. contra eundem Amelium scripsit Longinus de Iustitia apud Platonem posita.

De Longini vita, scriptis, & morte. Aureliani  
gloriam non parum obfcuratam tanti viri  
cæde. Cap. CLXIII.

**L**onginum referimus in hoc opusculo de statu philosophiæ apud Romanos, quia licet non videatur unquam fuisse Romæ, tamen quia interfectus est ab Aureliano Imperatore.



ratorum Romanorum, eum omittendum non existimauimus, *verba* *Favij Vopisci in Aureliano hæc sunt*: Graue inter eos qui cæsi sunt, de Longino philosopho fuisse perhibetur, quo illa Magistro via esse ad Græcas litteras dicitur. quem quidem Aurelianus idcirco dicitur occidisse, quod superbior illa epistola ipsius diceretur dictata consilio, quamuis syro esset contexta sermone. Zosimus etiam in Aureliano eius eruditionem, scripta, & constantiam in subeundo supplicio laudat. An fuisse Christianus dicendus aut saltem semi Christianus? affirmet aliquis quandoquidem in libello de sublimi genere dicendi facit de scriptis Moysis iudicium. id tamen non satis est, nam & Themistius ex S. litteris in orationibus profert testimonium, nec tamen Christianus fuit. Claudianus etiam poëta composuit Epigramma de Miraculis Christi, Gentilis tamen fuit.

Suidas porro sic de ipso loquitur: Longinus Cassius philosophus Porphyrij Magister, vir magna doctrina, & acie iudicio. fuit sub Aureliano Imperatore, ab eoq. occisus est per causam conspirationis cum Zenobia Odenati uxore. Recenset quædam eius opera ibidem. ex vita autem Plotini scripta à Porphyrio constat nonnulla contra Porphyrium ab ipso composita fuisse. sic enim ipse apud Porphyrum: Tyrius Basilus (hic est Porphyrius) non pauca Plotinum imitando tractauit, atq. Plotinum ipsum magis, quam viam regulamq. nostram probans libri cuiusdam compositione conatus est opinionem de Ideis Platoniam veriolem esse quam nostram. hunc, inquam, descriptione quadam opposita, mediocriter arguisse videmur, vt qui non rectè  
scili-



scilicet recantauerat. *hæc ibi Longinus.*

*Longini ea singularis laus, quod eruditissimus simul, & doctissimus fuerit, & philologiam cum philosophia coniunxerit, quod suo loco etiam de Annæo Cornuto protulimus. Eapropter præterire non possumus verba Eunapij in vita Porphyrij: Longinus, inquit, cæteris omnibus suæ ætatis antecelluit: & librorum eius ingens circumfertur copia, illiq. ipsi admirationem obtinent, quod si quis vetustum auctorem aliqua in parte reprehendisset, non prius rata atq. firma habebatur opinio, quam Longini illud confirmasset iudicium. & paulo antea: Ea tempestate erat Longinus spirans quædam bibliotheca, ac viuum Musæum, cui de veteribus iudicandi potestas permessa erat, quo munere ante illum Dionysius è Caria perfunctus fuerat.*

*Tu tamen, Aureliane Imperator, talem tantumq. virum è medio tollere non dubitasti, quo facto nemo dubitat tuum de Zenobia triumphum obscuratum fuisse. Quæ namq. gloria non tenebris inuoluatur, si adiunctam habeat sapientissimi hominis mortem omnium præclarorum virorum lacrymis deflendam? Longini gloria velificetur hoc Epigramma.*

Longino ætheream præbet sapientia dextram,  
Et generosam animam collocat in gremio,  
Atq. sinu mentem fouet, vt caliginis vmbra  
Heroem haud tangat, quin nigra regna petat.  
Nempe viros, vitam qui transnitere per artes  
Palladio in folio gloria, luxq. manet.



Romæ fuisse Porphyrium non semel, profecisse  
sub Plotino, vixisse vsq. ad Probum.

Cap. CLXIV.

**B**Is Romam se contulisse Porphyrium ambigere nos nequaquam par est. primum illuc est profectus, ut ab ore Plotini docentis penderet, quod ipse testatur in vita eiusdem Plotini, nosq. cum de eodem ageremus non reticimus. de secunda profectioe proferre licet testimonium Euanapij in vita Porphyrij. nam postquam aliquot annos transiit in contubernio tanti præceptoris, transmisit in Siciliam. inde Lilybæum contendit, ubi iacuit in suspirijs vitam trahens, media se macerans, nihil cibi admittens, ei in tanto periculo vitæ constituto superuenit Plotinus, ac locuplete verborum copia euolaturum iamiam corpore animum à mortis lumine reuocauit, ipsumq. ad id corpus animauit, vegetumq. reddidit. Romam igitur reuersus interruptum studiorum cursum, dicendiq. facultatem prolecutus fuit, sæpe in publicum prodiens, ut doctrinæ specimen daret.

Videtur autem ipsum præceptorem superasse, quandoquidem Plotinus inuoluta scribebat ratione: sed Porphyrius tanquam Mercurialis quædam catena ad mortales dimissa, omnigenæ eruditionis beneficio, cuncta apertè, dilucidè, clareq. explicabat.

Cur discesserit Roma, reliqueritq. Plotinum, id causa fuit, quod acra laboraret bile, cuius causa iussus est ab urbe discedere, ut ipse testatur, subiiciens hæc verba: quo  
qui-



quidem factum est, ut ab hoc animi proposito desisterem sed interea impedirer, quò minus Plotinus usq. ad obitum eius adesset. mortuus est Plotinus triennio post Porphyrij discessum ab vrbe.

Quod profectò conciliari non potest cum narratione Eunapij, qui testatur Plotinū Porphyrio mori volenti circa Ligydam superuenisse, hominemq. reuocasse Romam.

Ita potest esse controuersia bisne aut ter, aut tantum semel se Romam contulerit Porphyrius.

Vbi autem obiit? Respondet Eunapius, videri extremam senectutem attigisse, diciq. Romæ vitam cum morte cominutasse, tradente itidem Eunapio. sic vita eius amplexa est imperium Galieni, Taciti, Aureliani, & Probi Imperatorum, ut discimus ex eodem Eunapio. quamuis non defuerit, qui scripserit pertigisse usq. ad tempora Constantini, & ab ipso reuocatum ab exilio, religionem Christianam suscepisse. quæ sententia iam pridem explosa ut futilis alia non indiget confutatione. detestati autem prius odium Porphyrij in religionem Christianā, eius in reliquis doctrinæ sic applaudimus:

Purpura Porphyrium circundet, purpura Reges

Si facit, hic Rex est, qui sapit utq. sophus.

Qui sapit atq. animum magnis virtutibus explet,

Sceptrigerum est dignus Regis habere decus.

Sed qui mentis inops, vitijs obnoxius annos

Transigit, est seruus mancipiumq. merum.

Salue ergò Sapiens, regione exorte Syrorum,

Regalisq. nitens nomen honoris habe.



Examinatur, & confutatur paradoxum Porphyrii docentis hominem esu carniū pollui. agitur etiam de heresi Encratitarum.

Cap. CLXV.

**S**I disputare luberet de ijs, quæ in suis operibus tradit Porphyrius, eaq. ad veritatis expendere lancem, volumen aliud scribendum esset. At hic historiam successionis philosophicæ congerimus. liceat tamen aliquod effatum ex Porphyrianis examinare. in libro de abstinentia ab animalis eousq. patitur se à contentionis studio abripi, ut pronunciet carniū esu nos fœdari, pollui, & immundos reddi his verbis: quare corruptio etiam, & inquinatio contrarij mixtio est, hoc est mortuorum in animalia, & eorum quæ sensu vixerunt, in viuentia, & carniū mortuarum in viuentes injectio merito nostræ naturæ pollutionem, & inquisitionem inducit. quod profectò abhorret à cōmuni ipsorum Gentiliū sensu, quandoquidem perquam frequentia erant conuiuia, quæ ab ipsis instituebantur ex victimis mactatis. hinc scribunt viri eruditi olim Athenis, quando ad celebrandā aliquam publicam solemnitatem conueniebant, magnā inter tribus fuisse de præstantia victimarum contentionem. Itaq. naturali victimarum altitium habitudine non contenti, artem adhibebāt, quæ pinguiore, & opimiores videbantur. Incisa bobus cute, spiritū arundine in viscera immittebant, pinguescere eos hac ratione autumantes, ut narrat philosophus hist. de an. lib. 8 cap. 7. scimus etiam consuevisse olim amicos inuitari ad sacrificiorū

epu-



epulas. hinc Eupolidis *versus* apud Athenæum dicunt. victimas cura coquendas : ut ex visceribus via sinus, & epulemur. Viscus profectò apud Suetoniũ de victimæ parte accipitur, quæ non adolebatur, sed conuiuis apponebatur. de Vitellio: Ne in sacrificio quidem aut itinere villo temperauit, quin inter altaria ibidem statim viscus & farra pene rapta è foco manderet. Sic de Latinis Ferijs qui scribunt, ex Dionysio Halicarnasseo lib. IV. memorant Tarquinium Superbum designasse templum Romanis, & Latinis commune, ut conuenientes quocunq. anno in locum designatum nundnarent, unaq. viscerentur, ac de communibus extis partem quicq. eorum caperent. nam non reticet Dionysius vrbes quæ participes erant eiusmodi solennitatis, & sacrificij fuisse quinquaginta. plura in eiusmodi rebus quid attinet congerere? sacrificijs homines expiantur, non polluantur. An peractò sacrificio statim seipsos polluere voluissent comedendo carnes, si carniũ esu homo polluitur? Cur etiam Marcus Imperator qui fuit philosophus, cuiusq. auctoritatem contemnere non potest Porphyrius, tot hecatombis sibi reddere satagebat Deos propitios, quæ quidem hecatombæ & sacerdotibus & populo præbebant epulas, si carnes comestæ immundos reddunt homines? Iulianus & ipse philosophus imitatus est Marcum. sic enim Marcellinus libro XXV. innumeras pecudes inactabat, ut æstimaretur de Parthis si reuenteretur iam boues defuturos: Marci illius simulis Cæsaris, in quem id accepimus dictum: Candidi boues Marco Cæsari: si tu viceris nos perimus.

Vides ipsos philosophos Gentiles inter se dissensisse de rebus



bus grauissimis, ut propter eiusmodi dissidium facillius Christiana veritas potuerit de superstitione triumphare. nam Porphyrius magnus philosophus docebat non esse fas mactare pecudes, aliaque animalia, putabat etiam pollui eos, qui mactatarum victimarum carnibus vescerentur. In alia omnia abibant Marcus, & Iulianus Imperatores, & philosophi.

Christus Seruator noster dixit: Nihil quod ingreditur per os, coinquinat hominem. Comedit ipse in suprema cœna agnum Paschalem. omnes patres familias quotannis eum mactabant, & ex eo vesebantur cum familia.

Sed obijci possunt quædam pro paradoxo Porphyriano, quorum solutio veritatem magis ac magis illustrabit.

Gen. VII. fit mentio animalium immundorum etiam sub lege nature. Ergo saltem quædam animalia, si eorum carnibus quis vescatur, polluunt. nam Deus dixit Noë: ex omnibus animantibus mundis tolle septena. Ergo quædam erant immunda.

Contactu, imò presentia cadauerum polluebantur sacerdotes non tantum apud Gentiles, sed etiam Iudæos. ergo multo magis esus carniū scdat, & reddit immundos.

S. Ecclesia vetat ne quibusdam temporibus vescamur carnibus. videntur igitur nos polluere.

Tatianus S. Iustini Martyris discipulus, & Tatianum secuti Encratitæ perquam diligenter abstinebant ab animalis, ne sibi damnationem attraherent. videntur igitur sensisse esu animalium omnium, etiam piscium hominem pollui.

Eleazarus voluit potius mori, quam vesci carne suilla.

S. Apostoli Act. XV. edixerunt ut omnes abstineant à  
san-



Sanguine & suffocato. Christiani Veteres auersabantur botulos, & qualibet potius tormenta ferebant, quam ut eos comederent.

Hæc, & eiusmodi facile dissipantur, nec tuentur Porphyrianum paradoxum. nam quedam animalia erant immunda in Veteri Testamento non natura sua, sed propter diuinam interdictionem. Nunc autem in nouo testamento eiusmodi differentia sublata est, abolita lege Moſis.

Contactu cadaueris humani polluebatur olim Pontifex & sacerdos. quod non recte transfertur ad cadauera animalium brutorum, quæ mactantur. Etenim olim sacerdotes semper versabantur circa victimas non hominum, sed brutorum animalium. hodie nec contactu sine presentia cadaueris humani sub Noua lege sædantur sacerdotes.

Ecclesia nos vetat vesci carnibus quibusdam temporibus propter sobrietatem, non quod putet absolute nos pollui eſu carniū, cæteroqui non permetteret ut vnquam vesceremur carnibus.

Tatianus cum suis Encratitis damnatus est ab Ecclesia, & inter hereticos repositus. & S. Doctores dicunt S. Paulum Doctorem gentium de eiusmodi hæresi vaticinatum, quando dixit I. Tim. IV. in nouissimis temporibus discedent quidam à fide loquendo mendacia abstinere à cibis, quos Deus creauit. eiusmodi errorem videntur Encratitæ haſſiſſe à secta Pythagoræorum, quorum dogma conatus est prolixè defendere Porphyrius. Ergò dum S. Paulus ait fore, ut aliqui mendacia loquantur, dum volunt persuadere, ut abſtineamus à cibis, quasi nos polluant, viſus etiam est vaticinari de Porphyrio contendente homi-



nem pollui esu Carnium.

Sectarij nostri temporis valde male transferunt verba S. Pauli ad oppugnandam Ecclesiam Romanam, quæ non dicit nos pollui esu carniū, nec absolutè vetat nos vesci animatis nam vescimur in quadragesima piscibus. igitur S. Paulus intelligendus est de Encratitis. Audiamus de ipsis S. Patres. S. Augustinus Her. XXV. ad quod vult: Taciani non vescuntur carnibus, easq. omnes abominantur. nos Catholici etiam si ieiunij tempore abstineamus à carnibus non propterea eas abominamur. nam extra ieiunij tempora præscripta à S. Ecclesia ijs vescimur, putamusq. errasse Porphyrium, dum dixit, pollui hominem esu carniū.

De iisdem Tacianis sunt hæc verba S. Epiphaniij hæresi XLVII. Encratitæ animatis vesci prohibent; non temperantiæ studio neq. peculiari ex instituto vitæ, sed falso quodam & affectato metu, ne ob animatorum esum sibi damnationem attrahant. hæc ille, quæ valde notanda sunt. vnde etiam intelligimus rectè pronunciasse Tertullianum plerasq. hæreses à sectis philosophorum ad Christianos manasse hoc est multos cum Catholici essent defecisse à Catholica veritate, dum incautè philosophos Gentiles sectantur. Encratitæ namq. videntur hausisse suum errorem à Pythagoreis.

Eleazarus renuit comedere carnem suillam, quia tunc vigeat lex Moysi.

S. Apostoli sanciverunt ne quis vesceretur sanguine & suffoceto, & id aliquandiu observarunt Christiani ad honorandam legem Moysi, quæ tandem prorsus abolita est.

Imponam finem dissertationi, si reuersus ad Porphyrium, dicam



dicam eum à propria confutari superstitione, quæ obseruabatur in cultu Matris Deûm, quæ tamen nihil sanctius apud miseros Gentiles consuebatur esse. Nonne enim qui talia peragebant mysteria carnibus vesciebantur? an dicit Porphyrius eos pollutos, qui talem cultum Cybeles peragebant? si audeat affirmare non ferent eum sacerdotes, non Roma, non Athenæ ubi Mater Deûm accuratissimè colebatur. sed prodeant verba Iuliani Imperatoris orat. V. Carnibus vesci (in cultu Matris Deûm) sic lex sacra concessit, vt leguminibus interdixerit. quam legem ibidem aduersus quorundam obiectiones defendit Imperator, & forte sub nomine hominum non vulgatum, aduersus quos disputat, intelligit Porphyrium, qui si velit censorem agere eorum, quæ peraguntur in sacris sue religionis non audietur à quouquam, sed tanquam homo nimium tribuens suo iudicio explodetur.

Putasse Porphyrium, consentire inter se Platonem, & Aristotelem. aduersus eiusmodi opinionem inseritur huic libro exercitatio. Cap. CLXVI.

**D**olendum inter alia opera Porphyrii, perijisse etiam septem libros de Platonis & Aristotelis consensione. Cum enim ipse peritissimus fuerit non minus Aristotelicarum, quam Platonicarum opinionum, & inscribendo dederit operam, vt nodos Platonicos solueret admi-



niculo Aristotelicarum interpretationum, ut testantur Veteres. si superesset eiusmodi opus, multum lucis nobis suppeditaretur ad intelligendum utrumq. philosophum. An vero verè inter se concinant Plato, & Aristoteles, ut quidem docuit Porphyrius de eo vehementer cogimur ambigere, cum aliter alij doctissimi philosophi senserint, sentiantq. qua de re cum iam pridem exaraverim exercitationem, lubet eam hic insertam cum studiosis communicare, & in certa membra distinguere.

*Quinam antiquis temporibus discordes, aut concordēs fuisse Aristotelem, & Platonem putarint, quinam nostra tempestate? non utilitate carere hanc disputationem. laudatur Sebastianus Foxius. Num. I.*

**D**E consensione, aut dissidio quando agitur Platonis, & Aristotelis, dissidere inter se, & certare videmus doctissimos viros non minus antiquos quam recentiores. nam magni Ammonij, qui praeceptor fuit Plotini, temporibus, novimus consuevisse inter se acerbè rixari Platonicos, & Aristoteles, qui propterea fieri non posse putabant, ut in amicitiam, & foedus coire possent duorum Philosophorum dogmata. aliud visum Ammonio, atq. Porphyrio, ipsiq. etiam Betio, interpretes quoq. Aristotelis Themistius Simplicius, Philoponus in suis commentarijs dederunt subinde operam, ut idem videretur dixisse discipulus cum praeptore. Non eadem fuit antiquorum Patrum Ecclesiae sen-



sententia. nam in suis voluminibus, quibus Gentiles oppugnarunt, subinde diffidij Platonici, & Aristotelei fecerunt mentionem. Auerroes porro, ut subsecuta memoremus seruis, cum unum suspiceret Aristotelem, unumq. putarunt nusquam errasse, nusquam à veritatis tramite deuium incessisse, milles tam suo Magistro in suis commentarijs velut Platonis decreta, & opinion es. Sanctus autem Thomas, Theologiq. Scholastici, quia in non paucis conati sunt ad Religionem Christianam dicta, et scripta Aristotelea trahere, dederunt quiq. operam, ut intelligeremus non ad eò male conuenire Platoni cum Aristotele. Aquinatis vestigia hodieq; sequuntur illi, qui non sigillatim, & perpetua serie Aristotelem interpretantur, sed questionum fluctibus ingenia adolescentum adhuc imbecillia turbant. qui autem aliam ineunt in docendo dogmate Aristoteleo rationem, & non interrupto filo libros Philosophi exponunt, planè additi Aristoteli frequenter significant, in quibus altercetur discipulus cum Magistro. sic se gesserunt, qui superiori quoq; aetate floruerunt Peripatetici Patavij, Ticini, Bononia, Pisis, atq; etiam Parisijs. puri enim putiq. sunt peripatetici, Platoniam doctrinam, atq; scholam insuper habentes, non tam odio atq. contemptu Platonis, quam studio obeundi muneris, obeundeq; provincia, sibi à moderatoribus Gymnasiorum imposita. Non defuere tamen, qui suspicientes Aristotelem conterere non dubitauerunt nomen Platonis, inq. ipsum magna convicia iecerunt, simulq. dissidium tantorum hominum magis ac magis ob oculos ponere studiosis sunt conati. Talis fuit Trapezuntius. E contra Donatus Veronensis, Gemistus Pletbon exploserunt Aristotelem, ut su-  
spi-



spicerent Platonem, sicq. dogmata Aristotelis descripserunt  
 ut præ Platonis sorderent. Franciscus quoq. Patritius  
 cum profiteretur Ferraria Platoniam Philosophiam omnem  
 lapidem mouit, ut opprimeret Aristotelem, eueheret Pla-  
 tonem. ipse igitur in eorum ponendus est numero, qui stant  
 à discordia Platonis, & Sagitta. sunt alij, qui æquè ad-  
 mirantes Platonem & Aristotelem, laborem exantlant in-  
 gentem, ut concordare fuisse in Philosophico curriculo palam  
 faciant. Talem se præbet lac. Mazzonius in libro de vita  
 actiua, & contemplatiua, & in præludij: ad Platoniam  
 Philosophiam. Eadem mens fuit Sebastiano Foxio Hispa-  
 no, viro profecto sapienti, in libro de natura philosophiæ, in  
 quo totus est in exhibenda consensione duorum summorum vi-  
 rorum. Et si autem Bessarion Cardinalis puisset dissidere in-  
 ter se Platonem & discipulum, ipseque magis adhaerere Pla-  
 toni, non tamen inuehitur in Aristotelem, dum insaniam ca-  
 stigat Trapezuntij. Nec piendus est Buratellus, qui pro  
 concordia composuit, cuiusq. dissertationes, nequaquam  
 cum opere Foxij conferendas; siue namq. stylum, siue d. Etri-  
 nam respicias, non est quod quis sollicitè chartas illas euol-  
 uat. expertes enim sunt eruditionis, non Platonicas, non  
 Aristotelicas opinioniones rectè sciunt.

His sic expositis, videndum deinceps, quæ momenta pro  
 concordia depromi queant, quæ vicissim rationes pro discor-  
 dia deduci possint, dispiciendum. Cum enim viri docti pro  
 utraq. sententia militarent, atq. inter se uiderentur, si fuerint,  
 ambigendum non est non deesse modum, quo quis dissidium  
 duorum philosophorum, aut etiam consensionem tueri sit po-  
 tis. Dicemus tandem, quid nobis videatur, ut eliquata  
 veri-



veritate norint deinceps studiosi, diffideantne an concinant  
inter se tanti viri, philosophiæ Principes.

Sed quæres, cui bono vel fietur hæc dissertatio? Nihil  
enim videtur pro futura, cum consensio ipsa aut dissensio ni-  
hil nos doceat. dicendum potius foret à cuius partibus stet  
veritas, quumq. potius sequi nos deceat. utilitate tamen  
non carituram à disputationem ex eo intelligere licet, quia  
facem præbet tam Aristoteli, quam Platoni. Quis enim  
ignorat multa obscure dicta fuisse à summis viris? Qui au-  
tem dogmata ipsorum inter se componit, magis ac magis,  
quid senserint, intelligit. Nonne Bessarion, nonne Foxius  
(ut alios omitam) dum Platonem, cum Aristotele compo-  
nunt magna fruge bonarum rerum, magna copia philosophi-  
cæ messis nos ditaverunt, multaq. feliciter depulsis tenebris  
illustrarunt? Ne igitur quisquam hanc exercitationem, an-  
tequam eam legerit, ut inutilem reijciat atq. contemnat.

## *Quæ Concordiam Platonis et Aristotelis tueri videantur. Num. II.*

Expenditur auctoritas Ammonij, & Porphyrij pro concordia facere  
Themistium, Simplicium, Philoponem. non facile posse solui,  
quæ pro Concordia proferuntur à Foxio. concordiam esse virgen-  
dam, ne Aristoteles videatur fuisse impius, & ingratus.

**P**RO Concordia Platonis, & Aristotelis quæ militans  
prodeant, felicibus auspicijs in aciem. Quis enim  
paci, consensuq. non faueat? facit ipsa ad dignitatem phi-  
losophiæ, cuius antesignani fuerunt Plato, & Aristoteles.  
nam si semel intellexerimus eadem tantis viris placuisse,  
quis



quis in ipsorum sententia non conquiescet suauiter, remota,  
proculq. iussa ire omni ambiguitate? si verò audiuerimus non  
idem visum fuisse tantis Magistris, si persuasum nobis fue-  
rit diffidij omnia esse plena dogmata Platonica, & Aristo-  
telea, à nobis exuiabit quies, concutietur mens, ad scopulos  
perplexarum cogitationum allidetur cimba nostra, de verita-  
te inuenienda desperabimus. Cum namq; plus uno ve-  
rum esse debeat, & utriusq. Sophi summa sit auctoritas,  
quis ausit de rerum natura aliquid certi, ex animi senten-  
tia pronuntiare? Necessè profecto est si dissident, alterutrum  
errasse, si errauit aut Plato, aut Aristoteles, uterq. per x, uterq.  
summus, quisquamne erit, qui iudex sedeat, vniq. pun-ctum  
ferat, alterum damnet? Nonne temeritatis notam apud om-  
nes eos, qui iudicio, prudentiaq. non destituuntur subibit?  
Non vlietius progrediar declamando, cum unusquisq. faci-  
le videat, quæ nobis mala immineant, si dicamus disside-  
re inter se Platonem, & Aristotelem. pro consensione igitur  
ipsorum, tanquam pro aris, & focis pugnandum est.

Quis etiam sapere velit supra Ammonium Plotini præ-  
ceptorem, supra Porphyrium, consummata doctrina philo-  
sophos, quos nihil latebat arcanorum Platonis, & Aristote-  
lis? utriusq. enim volumina tam nota habebant, quam pro-  
prias ædes, ipsi cum peruasissent cuncta, in omnem partem  
se vertissent, dixere consentire Platonem, & Aristotelem.  
cur dissensire asseremus nos, & tamquam sues doceamus  
Minervam? nam Ammonium introduxisse modum concilian-  
di præceptorem cum discipulo testatur Hierocles, qui et ipse  
valde reprehendit eos, qui dissidere aiebant Platoneam, &  
Aristotelem.

Cum



Cum Ammonio, & Porphyrio idem sensisse apparet Themistium, Simplicium, Philoponum, quos cum in explicando Aristotele veluti fidissimos sequamur duces, non dissideamus ab ipsis, quando saepe Platonis opinionem ad illustrandum Aristotelem adesse iubent. Nonne turbabitur omnis nostra tranquillitas in explicando summo philosopho, si contemnamus tantorum interpretum testimonium? ibimus per auiam, si hanc deseramus viam. Paucis dicam, si sentias dissidere inter se Platonem, & Aristotelem, cogeris inquam plurimis deserere Themistium, Simplicium, Philoponum. hos si linquis, h. s. si vitas, quos sequeris? num nouitatem Arabicam Auerrois, graecae Antiquitati illorum praeferes? vide quid agas, ne dicam ipsum Auerroem saepe per vestigia tantorum hominum incedere. Boetius in lib. II. de interpr. est pollicitus se demonstraturum consentire Platonem, & Aristotelem, & non dissentire, ut pleriq. tunc putabant.

Consensionem Aristotelis, & Platonis cur reuocas in controuersiam, si iam doctissimi viri prolatis utriusq. testimonijs bellè inter se concinere ostenderunt? sume in manus, ne alia memorem, Foxij quoq. libros, quos elegantes, accuratosq. de Natura philosophiae exarauit, maximam prof. Etò experieris difficultatem, si dirigas opinionem tuam contra disertissimam egregij doctoris expositionem. soluenda tamen sunt illa omnia, quae valdè multa ibi reperiuntur, si obstinatus obduras, affirmasq. Platonem cum Aristotele dissentire.

Nisi consensionem urgeas Aristotelis cum Platone, Alexandri praecptorem ut impium, ut Epicureum, ut Religio-  
vis rerumq. diuinarum contemptorem cogeris abijere; con-



terere, damnare, Scholis excludere. An enim Christianæ iuuentuti commendabimus ut præceptorem, qui asserat mundum factum non esse à Deo, nullos esse daemones, gentios nullos, animam humanam esse mortalem, cumq. corporibus extinguui, mundum planè incorruptibilem esse, neq. destrui posse, nulla esse post hanc vitam præmia aut pœnas, ignorare Deum, quæ singillatim apud nos geruntur, neq. eius providentiam ultra lunæ orbem descendere, Deum esse affixum Sphæræ stellatæ versandæ in orbem, nihilq. aliud agere. Eiusmodi, inquam, effata coges palam tribuere Aristoteli non absq. euersione Christianorum dogmatum, si non satagas eum cum Magistro conciliare.

Ut ingratum quoq. Aristotelem volens traduces, pessum dabis, qui ausus fuerit erigere molem dogmatum contraria planè fronte cum decretis Magistri pugnantium. Damna- bis ut audacem, qui voluerit nouitatem archit. Etari aduersus Academiæ leges, & eius fundamenta euertere. quam enim ingens est Platonici dei gloria, quam diffusus splendor. si putas dissidere Aristotelem à Magistro te in hos loqueos induis, ut dicas voluisse sapere supra diuinum præceptorem iuuenem Stagiritam. Quid verò turpius potest de quoquam dici, quam si affirmes, oppugnatum ab ipso eum, per quem profecerat, per quem dictus euaserat? Ingratos profecto homines omnium seculorum consensus summo opere detestatur - ad ingratitudinem autem Aristotelis; si verè bellum gessit aduersus Platonem, nulla accessio fieri potest.

Intelligi sic debent dicta Platonis, ut à doctissimis Platoniciis exponuntur; non ut videtur in pessimam partem aestu-  
con.



contentionis ab Aristotele trahi. Conqueruntur enim frequenter Scholæ Platonice proceres à peripateticis non rectè exponi sententias Platonis, ut absurde videantur. Si porro explicentur secundum id, quod dicere voluit Academia fundator, omnia bene habent, & non solum concinunt vero, verum & Aristotelis approbant enunciata. Cur enim Aristoteles sibi finxit inepta dogmata, eaq; impegit Platoni alijsq; veteribus, ut ipsis destructis gloriam nominis sibi pararet? Philosophum decet candor, decet probitas, dedecus calliditas, vagaq; agendi ratio. Hanc querelam aduersus Aristotelem legere est apud multos grauissimos scriptores, ut re ipsa niti non possis dubitare. Verba scriptorum cum passim prostent, & oculis omnium obuia sint, non exscribo.

Hæc dicta sunt in gratiam eorum, quibus cordi est Platonis cum Aristotele consensio. deinceps quid dissensionem defendat, recensere non dubitabo.

### *Quæ discordiam Platonis, & Aristotelis manifestam reddant? Num. III.*

Extollitur Alexander Aphrodisiensis, qui solus videtur olim rectè exposuisse Aristotelem. Aristotelem palam fateri se dissidere à Platone. exemplis asseritur discordia Aristotelea à Platone. plurimos stare à discordia, valde paucos à concordia. de duabus scilicet holis vna Platonis, altera Aristotelis. Platonem hodie iacere, Aristotelem placere.

**N**on minoris ponderis censenda sunt esse, quæ pro discordia disseruntur. Nam præsto statim est Alexander Aphrodisiensis, qui vixit temporibus Seueri, &



*Antonini Imperatorum. is ob antiquitatem, obq. summam doctrinam visus est semper principem sedem inter professores peripateticae philosophiae obtinere. Certè si quis illum ei prætulerit, satis superq; ostendet se nescire, quid distent æra lupinis, ignorare, quid sit Aristotelem probè interpretari. Scio subinde eius dicta vellicari à Simplicio, Philopono, sed nequaquam noui homines, qui sub Mauritio Imperatore vixerunt cum Alexandro comparandi sunt. quæsiuerunt illi quidem gloriam ex ipsius oppugnatione, sed nihil promeruerunt. Nam maximi Peripatetici, qui superiori ætate atq. etiam nostra longè melius exposuere dicta Aristotelea, quam Simplicius, & Philoponus longè reliquis prætulerunt Alexandream præstantiam, Alexandreum acumen. in illustri loco collocata sunt opera Zabarella, aliorumq. qui verum me dicere abundè demonstrant. Mirum verò non est non incessisse per vestigia Alexandri Simplicium, & Philoponum, cum habuerint præceptorem Ammonium Hermiae filium non tam Aristoteleum quam Platonicum. Alexander verò purus, merus germanusq. fuit peripateticus, neq; Platonica cum Stagiris importunè, affectata diligentia commiscuit. Eum quisquis sequitur, ut ceriè doctissimus quisq. peripateticus sequitur in eruendis sententijs Stagiritæ faciliè intelligit nequaquam eadem esse Platonis, & Aristotelis placita. Id adeò exploratum esse videtur, ut quisquis coniungere, conciliareq. Platonica cum Stagiricis satagit, iam duci debeat à Peripato, à Lyceo ad Academiam transfugere. Explorare ergò quisquis non ambigit cum Alexandro decreta Aristotelis, protinus dissidere discipulum à Magistro edicere non differt. si quis verò nolit præeuntem sequi Aphrodisium*



disium ducem, protinus à via, quæ ducit ad templum peripateticum aberrabit deuius, decedet nescius, & ignarus rectitramitis. Si consentiant Aristoteles, & Plato, cur Iulianus Imperator, & Isidorus philosophus longè maioris fecerunt Platonem Aristotele, & acquieuerunt magis in à sententijs Platonis quam Aristotelicis? Cur etiam idem Iulianus putauit Aristotelem referendum esse ad Platonem non viceversa Platonem ad Aristotelem?

Toties Aristoteles disertis verbis fatetur se dissentire à Socrate, à Platone, & nos contra consilium ipsius lætatur, herculeumq. laborem nequicquam exantiamus, ut dicatur idem cum Platone dixisse. ò male suadam diligentiam, ò infelicem conatum. certe dum inire gratiam apud Stagiritam volumus, hominem magnopere offendimus, irritamus. Hanc enim putat suam gloriam oppugnare tamquam falsa, veritatisq; expertia dicta Platonis, melioraq; discere cupientibus ostendere. Nonne exclamat palam: Amicus Socrates, amicus Plato, sed magis amica veritas? si idem sentit cum ipsis, dissentit à veritate, nam ait sibi acceptiorem ipsam esse. Ergo à veritate putat abire Socratem, abire Platonem, sibiq. beneuolentiam parat, depellitq. superbie notam. dum enim insurgit disputando aduersus tantos viros possit quis fastum, arrogantiam, petulantem audaciam interpretari. ipse contra ait à se quidam magnifici excelsum fastigium Socratis, Platonis, sed præferri merito quibuscumq. etsi maximi sunt, veritatem; ne dubitemus de discordia Platonica, atq. Aristotelica. sanè si hodie volumina Platonis & Aristotelis in omnium manibus non versarentur, p'sset forte quis credulis cupidisq. obrudere de-



decantatam, multisq. optatissimam consensionem. Nunc cum nos clam esse nequeant ea monumenta, cur consentire dicimus, qui apertissimè dissentiunt? cur amamus cecutire in meridie? cur tacti nescio qua religione, potius dicerem superstitione delicias nobis facimus ficta concordia, quæ nusquam in dictis Platonis, & Aristotelicis se conspiciendam præbet.

Transmigrare animas, ab aeterno factas purgari apud inferos, redire superas ad auras, subire cælum, rursus descendere, exploratissimum est apud Platonem dogma. apud Aristotelem eiusmodi de rebus altissimum silentium. si semper, ut credit Plato, facere animæ, scientia semper aliqua prædicta fuisse dicentur apud eundem, ut tunc discere existimemur, cum reminiscimur. in aduersam opinionem dirigit brachia Aristoteles, animamq; tabulam rasam, in qua nihil plane exaratum sit, appellat. hæc quis pacificus cuius conciliare possit aut velit? Gradus Diuinitatis, summum Deum, Mentem genitam, genitam a Mente mundi Animam, mediam naturam inter materiam, & animam mundi, animæq; mundi inservientem in Academia, in Schola Platonis quis non audiuit? cuncta hæc ignorantur in Lyceo, potissimum dante quam grauiter operam, ne multitudo Enrium supernacanea in uniuersitatem rerum inuehatur.

Cælestium corporum, atq; etiam elementorum motum nonne cum Platone imputamus Animæ mundi ubiq; diffusæ, cuncta scienti, cuncta animanti? apud Aristotelem prius motor haret non in centro, sed circumferentia stelliferæ Sphæræ, eam sic agit in orbem, ut ulterius vim non porrigat, cum veniendis alijs orbibus, imò singulis ipsorum lationibus



tionibus præsit intelligentia. Exempli tantum causa hæc delibavi, ne dubitemus de discordia Platonica Aristotelea, statuamusq. infelicitè sudare, fatigari eos, qui ad concordem sententiam renocare satagunt discordes animas, numquam in amicitiam, & fœdus ituras.

Ex qui numero stant à concordia, Ammonius, Porphyrius, Boetius, Mazonius, Foxius, & unus atq; alter alius. Pleriq; omnes tam veteres, quam recentiores dissensionem Platonis, & Aristotelis non dissimulant. Taurus Berytius, teste Suda, composuerat librum de differentia dogmatum Aristotelis, & Platonis. Eusebius sæpe citat librum Attici Platonici contra Aristotelem à Platone dissidentem. nam Themistium, & Simplicium, cum Philopono non omnino asseruerim recensendos inter concordie auctores. in castris igitur dissidij sunt Platonici Aristotelei omnes, qui florebant cum floreret Ammonius Plotini præceptor, & qui docebant tempore Boetij, ut iam superius docuimus ex eius verbis. instar omnium non abest Alexander Aphrodisius, sequitur Plotinus, quo quis peritior fuit Platonicarum opinionum? accurrunt omnes Auerroistæ, qui conficiunt magnum agmen omnium propè Arabum. Achillinus, Pomponatius, Cremoninus, Buccaferreus, Mercenarius, Genua, Zabarella, Vicomercatus, & ut breuiter eloquar quotquot post barbariem depulsam Peripatetum instaurarunt. Qui enim verum germanumq. dogma rimati sunt Aristotelis, sua sponte discessere à Platone. adiungendi sunt peripateticis Platonici Marsilius Ficinus, Diacetus, Bessarion, alijq; quidam Platonem præferunt discipulo, maluerunt Platonici dici, Platonem sectari, atq; adeò fateri non esse quod quis putet



putet inter se tumultuantes, & luctantes Platonem & Aristotelem ad consensionem conclamandos.

Nec dissimulandum est perpetuum duarum familiarum inter philosophos discrimen. nam si idem fuit duorum animus, cur abiierunt in geminam sectam discipuli, ut pars diceretur esse Platonica, Aristotelea pars? Nemo profecto peritus historiae quicquam sanæ sit mentis peripateticos confuderit cum Platoniciis. Quæ vero in re differunt, si dogmatibus, quæ à Principibus hauserunt, non dissident?

Subiunxerim, inq. cumulum iusserim ire, nostri seculi doctores plerosq. omnes hospites planè esse in scriptis Platonis, eumq; insuper habere, & negligere, Aristotelis verò nomen semper in ore habere, eius dogmata apud iuvenes in scholis profiteri, atq. exponere. Concordes si essent duo Duces, uni qui militat, in alterius quoq; castris mereret stipendia. Nunc verò tantum abest, ut Platonis latus stipent ut potius palam à Platone se abhorrere asserant, atq. affirmant. Quæ omnia, quibus plura non alligo, discordiam Platonis & Aristotelis comprobant, euehunt, concordiam deiiciunt, humi affligunt.





*Dissoluuntur ea, quæ pro Concordia Platonis,  
& Aristotelis facere videbantur.*

*Num. IV.*

Philosophorum proprium esse dissidere. dubitare eos, qui scire volunt  
Annonium voluisse conciliare Aristotelem, & Platonem gentilis  
superstitionis causa. Foxium non probare consensum Platonis. &  
Aristotelis. respondetur nonnullis, quæ ipsi profert. non offendi  
pietatem Christianam, etiamsi Aristoteles ab ipsa diffideat. Ari-  
stotelem liberè Philosophando non fuisse ingratum in præceptorem.

**I**nficias non eo, me sentire cum ijs, qui putant conciliari  
cum Platone nequaquam posse Aristotelem. ne ergò mu-  
tila mancaq; exeat dissertatio de discordia summorum homi-  
num, cogor ultimam laboris partem subire, disjicereq. nu-  
ber earum argumentationum, quæ pro concordia stabant  
in acie. Neq; verò est quod quisquam putet magnam nobis  
in eiusmodi opera exantlandam esse difficultatem. tales ete-  
nim sunt, ut non sit defectura ratio, quæ ipsas ratione care-  
re ostendat. age ergò rem aggrediamur Veritate, ut puto,  
annuente, fauente.

Cur solliciti simus de Pace, concordiaq. philosophorum?  
Sancti Patres Ecclesiæ frequentes in eo sunt, ut dissidia  
philosophorum memorent, evertantque auctoritatem eorum  
qui sic inter se belligerantur. Bellum gerant inter se Pla-  
to, & Aristoteles; an idè periclitabitur Veritas? Nobis  
nulla est Veritas planè explorata, præter illum, qui dixit:  
Ego sum Veritas. Ex eo nata est philosophia, qui homi-  
nes cæperunt dubitare. tolle libertatem ambigendi. uni-



uersam philosophorum rationem euerteris. Quod si ut philosophus, ambigendum est, cur velis in amicitiam, consensumque ire philosophos? ambigere sibi putauit licere Aristoteles de effatis Magistri, quia viderat præceptorem, ut Philosophus esset, ad ambiguitatem animum appulisse.

Ammonius, Porphyrius cum dolerent male audire apud Christianos Platonem, & Aristotelem dissensionis causa, idedò dederunt operam, ut eos conciliarent, sicque inseruirent Gentilis, cæcæque superstitionis incolumitati. Ausim tamen spondere non ex tota animi sententia id præstitisse Ammonium, Porphyrium, qui sicut acuti erant, facile animaduenterunt facilius iungendos gryphes equis, quam ut veri Peripatetici cum Platonis concinerent.

Sumantur quæso in manû libri eorum, qui velificati sunt argumento tractato ab Ammonio, nihil eos promouere cogeris intra exiguum temporis spatium fateri. legi nuper libros Foxij optimos omnium, qui in hanc rem prodierunt. vis dicam, quod sentio? vacillant. Erit forte tempus cum natæ otium id singillatim ostendam, deducam. interim ne plene ieiunus à meâ discedas pollicitatione, accipe tractationis suscipiendæ exiguum specimen.

Callicat Platona uram inter Animam mundi, & materiam, aut docet naturam esse ipsam mundi animam. nihil eiusmodi reperies apud Aristotelem. Vi de significatus nature V. Metaph. cap. IV. & II. physic. Vbi reperies formam maximè dici Naturam, formam, inquam, principium internum, quod vniculq; rei largitur esse. ait tamen Foxius primum Motorem ab Aristotele appellari primam naturam. Nego hoc apud Aristotelem inueniri. An enim dices primum



Motorem esse formam cœli? nequaquam. nam perfectus actus est, perfectusq; substantia, nec potest cum cœli corpore coalescere. Adde naturam secundum Platonem esse seminariam vim ubiq; diffusam, ubiq; animantem, aut saltem Animæ mundanæ inservientem. Primus autem Motor Aristoteleus est tantum in oriente, aut saltem in circumferentia Stelliferæ Sphæræ.

Idem Foxius lib. II. cap. III. docet Platonem asserere cœlum esse quintam essentiam, ut videatur cum Aristotele concinere. Mox fatetur illum tradidisse esse igneum cœlum. Non ergo est quinta substantia, quam Aristoteles prorsus it inficias esse igneam. frustra q. ad æternitatem Plutarchi confugit, quasi Aristoteles cœlum ex igne esse factum tradiderit. nam id forte tradiderat Aristoteles in aliquo opere exoterico ex quo tamen non debent peti germana dogmata Peripateticorum. Utinam vero qui Peripatetici volunt videri, non viderentur testimonio exotericorum.

Ait Foxius apud utrumq. cœlum esse æternum. ita est. sed magno discrimine. nam Platoni sic cœlum est æternum, ut sit factum, Aristoteli non est factum. sic toto cœlo dissident, in re gravissima, qua quaeritur cœlumne sit factum an non?

Sed inquit Foxius, lib. II. cap. I. videri eiusdem ferè, cum Platone esse sententiæ Aristotelem, nisi quod planè mundum esse æternum affirmat, nulla dei opificis, aut illius ab hoc dependentiæ, ut sic dicam, habitatione. dixerat supra de Platone, ipsum concludere mundum esse factum, quatenus à Deo pendeat. imò id id pendet à Deo, quia factus est, nam si factus non esset, an penderet



deret à Deo? quod profectò à se est, à nemine pendet. quapropter ex sententia Platonis mox melius subiungit, mundum esse æternum, quatenus ad illius exemplar æternum factus sit æternus. Vides secundum Platonem mundum esse factum, atq. ideò pendere à Deo.

Iuxta verò Aristotelem, non factus est mundus, atq. adeò non pendet à Deo. imò idèò æternus est, quia factus non est. nam si factus esset, æternus esse non posset sic quidem, ut puto, existimante Aristotele, nullum quod factum est, æternum esse posse, cum Plato non hac putet inter se pugnare, æternum esse, & factum esse. disertè namq. docuit Mundum factum esse, æternumq; esse.

Talia plura possem ad Foxium, quem cæteroqui suspicio, exarare. Sed iam lubet paucis reliqua enodare, quæ nexuram pro Concordia Aristotelea, & Platonica.

Aristotelem docuisse animam esse mortalem aliqui scriptores Ecclesiastici tradiderunt, atq. alia multa in ipsoprehendimus, quæ prorsus pugnant cum Religionis Christianæ decretis. non est, quod nos hoc turbet. nam dum Iuventuti eius opera prælegimus, simul monemus, in quibus Vir tantus errauerit lumine Euangelicæ veritatis destitutus. Et si verò concineret Platoni, tamen deuius abiret in grauissimis dogmatibus à tramite Catholico. qualia enim, quæ occurrunt in Platone de æternitate mundi, de Pythagoræ æternitate, circuitu omnium animarum. Talia abiicienda penitus sunt nobis, dum Catholica profitemur dogmata, ut eadem difficultate laborare pronunciemus Concordiam Platonis cum Aristotele, cui obnoxia est discordia.

Ingratitudinis notam à ceruice Aristotelea depelles, si cogites,



gites, nihil esse magis consentaneum Philosophiæ, quam si cum libertate dubitandi, oppugnandi coniungatur. Quod si exigas fidem, neq. patiaris doctos homines à te dissentire, non iam scientiam præfers atq. proficere is, non Philosophi personam sustines, sed imperium exerces, ut Principes, & Magistratus, in cuius leges conceptis verbis iurant subiecti populi. Nec spreuit Aristoteles Platonem, cum ei statuum tamquam optimè de se merito posuerit, sic enim conatus est apud posteritatem testari gratum animum erga summum diuinumq. virum.

Quod si quandoq. videatur torfisse verba Magistri Aristoteles, non desunt tamen plurima, ut exponuntur ab ipsis Platonicijs, quæ planè luctantur cum pronunciatis Aristoteleis; desinant igitur deinceps docti homines nequicquam inani se lassare opera, nec sperent se posse impetrare, quod cum re ipsa palam pugnare deprehenduntur.

### Appendix.

**D**ixi in superioribus num. Simplicium non esse prorsus addictum concordie Aristotelis cum Platone. contra quod obijces, in principio Commentarij in prædicamenta monere ipsum, ut qui philosophiam interpretatur sataget Aristotelem, & Platonem ad consensionem reuocare. Ad-des Simplicium passim in libros de Cælo, & physico auditu sic se gerere, ut ostendat Platoni bene cum Aristotele convenire. Respondendum puto, dedisse quidem operam Simplicium, ne videatur cum Platone dissentire Aristoteles, non vno tamen in loco tueri Platonem aduersus Aristotelem  
fate.



454 De Philosophia apud Romanos

fateriq. Aristotelem non paucaprotulisse contra Platonem  
ut ea, quæ videntur esse contraria suæ scholæ oppugnaret.  
non obscurè autem indicat Aristotelem vndiq. arripuisse oc-  
casionem inuadendi Præceptorem, potuisseq. in multis absti-  
nere ab oppugnatione.

Vbi Aristoteles impugnat Platonem, quod materiam di-  
xerit esse locum formarum, ait Platonem non propriè locu-  
tum, quemadmodum non propriè locutus est ipse Aristoteles,  
quando vocauit intellectum locum formarum.

Commentario in VIII. physic. prolixè disputat Simpli-  
cius, an Deus secundum Aristotelem sit non tantum causa  
finalis, sed etiam efficiens mundi, quemadmodum etiam  
docuit Plato? respondet affirmando, adducendoq. aucto-  
ritatem Alexandream, quæ assertit, Deum esse causam effi-  
cientem motus cœlestis.

At longè aliud est, esse causam efficientem motus cœ-  
lestis, aliud mundum condidisse. nusquam Aristoteles di-  
xit Deum esse causam efficientem mundi.

Quod si contendas existimasse Simplicium concinere  
Aristotelem, & Platonem, & id ostendisse in suis com-  
mentarijs, respondebo multa desiderari videri in eiusmodi  
concordia, quam frequenter videtur molitus Simplicius.

De Memoria Philosophorum celebrari solita  
quotannis. Cap. CLXVII.

**C**elebrium philosophorum natales puto celebratos fuisse  
Romæ conuiujs, hilaribusq. conuentibus. nam satis  
constat celebratum natalem Virgilij, Lucani, vt & Cassij,  
& Bru-



¶ *Bruti. Cur non idem transferamus ad philosophorum illustrium natales? Athenæus profectò lib. V. in principio sic scribit: sunt autem multi philosophorum conuentus Athenis Diogenistarum, Antipatristarum, Panætistarum, legauit ad hæc conuenticula pecuniam Theophrastus. Non deest, qui verba Athenæi accipit de stato die anni; sed quid vetat transferri ad Natales, in quibus memoria tantorum hominum hilariter renouabatur? dices hæc nihil facere ad statum philosophiæ apud Romanos, nam tales conuentus, teste Athenæo, instituebantur Athenis, non Romæ. Respondeo, ¶ dico Romanos quandoquidem sese Athenas philosophiæ causa conferebant, absq. dubio interuenisse talibus conuentibus. Probabile etiam est eos, qui studiorum causa illic versati fuerant, domum reuersos sic sese quotannis gessisse, ut coleretur memoria insignium professorum. Plotinus certè Romæ degens ¶ docens Platonis natalem celebrabat, ut scriptum reliquit in eius Vita Porphyrius, qui narrat à se tunc recensitum de connubio sacro Poëma, quo audito Plotinus ait cunctis audientibus: demonstrasti simul poëtam, philosophum, Sacerdotem.*

De bibliothecis in vrbe Roma. quot fuerint, quæ ratione sublatae? Cap. CLXVIII.

**E**T si bibliotheca complectantur omne genus librorum, quia tamen inter eos philosophorum scripta videntur principem locum sibi iure merito vindicare, non hanc negligentiae culpam mihi patiar impingi, ut dicar, quando de  
pbi.



philosophia Romanorum ago; præterijſſe bibliothecas, quas instituerunt Imperatores.

Quis dubitet à Lucullo, qui summus erat philosophus, valde multos libros philosophorum comportatos ex Græcia, collocatosq. in bibliotheca, quæ licet non omninò publica eſſet, ad eam tamen non difficulter admittebantur Græci, quorum colloquijs lubentiſſimè ſe inferebat Lucullus.

Sed prorsus publicam voluit eſſe Asinius Pollio teſte Plinio lib. XXXIV. cap. XI. qui memorat liberalitatē Auguſti, cuius cauſa ait ſuperſeſſe memoriam Octauiæ, Palatinæq. bibliothecæ.

Noiimus quoq. Tiberianam bibliothecam Pacis, ad quam conueniebant viri docti conſabulandi cauſa, præ qua tamen celebris valde fuit bibliotheca Vlpia, à Traiano dicta, de qua non pauca iam alij prompſerunt.

Domitianus tamen ante Traianum magnam curam in reparandis bibliothecis poſuit, miſitq. Alexandriam, qui exemplaria deſcriberent, emendarent. Ita diſcimus tempore Domitiani non caruiſſe bibliotheca Alexandriam; nam ſemper vrbs illa plurimos profeſſores aluit.

Sic aut non prorsus omnes libri exuſti ſunt, cum exuretur bibliotheca à militibus Cæſaris, aut prouida liberalitate Auguſti, vel alterius inſtaurata eſt immortalium monumentorum ſedis.

Quis Verò non miretur à Domitiano in exilium actos philoſophos, cum tamen eorum libros vndiq. magna diligentia conquireret?

Nec putemus unam atq. alteram fuiſſe Romæ bibliothecam. nam P. Viſtor recenset vndetriginta.

Tan-



*Tantus thesaurus qua ratione perijt ? Gothis diripientibus desolantibus eternam urbem. sed & ingens affectus Pontificum erga religionem Christianam sustulit libros, qui de Gentili agebant doctrina. Sarisburiensis lib. II. de Neg. Curial. narrat, sanctissimum Gregorium non modo Mathesin ab Aula, sed vt traditur à maioribus, incendio dedisse probatæ lectionis*

*Scripta, Palatinus quæcumq. recepit Apollo in quibus erant præcipua, quæ coelestium mentem, & superiorum oracula hominibus videbantur reuelare.*

*Concussam philosophiam Romæ postquam Constantinus migravit Byzantium. aliqua de Themistio proferuntur.*

Cap. CLXIX.

**V***Ulnus non exiguum quis dubitet inflatum fuisse philosophiæ tunc quando Roma migravit Byzantium Constantinus. Nam quamuis philosophi profiterentur se spernere honores, & diuitias, videmus nihilominus plerosq. omnes lubenter sectatos fuisse magnos Principes. Sic ergo postquam Romæ desierunt esse Imperatores, & ferè Constantinopoli vixerunt, etiam desijt florere Romæ philosophia paucissimos profectò numerare est, qui Romæ philosophati sint post migrationem Constantini. Scio Themistium ibi docuisse, sed tandem sedem fortunarum suarum Byzantium transtulit, neq. amplius ab Urbe regia passus est se auelli. Carus autem fuit Constantio, Iouiano, Valenti, Theodosio, Valentiniano, Arcadio, licet ipse Gentilis esset ipsi au-*



tem omnes Christiani. quid quod Theodosius institutionem Arcadij ei commendavit, quod mirum profectò est. donaverunt hominem statua, senatorem renunciârunt, ut virtutem eximiam honorarent, Principes Christianissimi. quod omnino à me memorandum fuit, ut sciremus, non prorsus à Caesaribus Catholicis contemptos, & explosos professores philosophiæ. ipsi profectò Antistites, inter quos Gregorius Thologus, Themistium sua amicitia non indignum iudicaverunt.

Sed cur de benevolentia Iuliani Imperatoris erga Themistium adò celebrem illis temporibus philosophum nihil diximus? imò scimus ipsum scripsisse ad Iulianum, & ab eodem responsum accepisse affectus plenissimum, quod reperitur inter Epistolas Iuliani Imperatoris, quæ tamen Epistola mihi non fuerat visa, cum ederem libellum de illius Principis philosophia.

### Appendix de Themistio.

**D**iu multumq. peregrinatus est Themistius, more philosophorum, de quo more iam quadam in hoc libro prolata sunt. Professus est Antiochiæ, Nicomediæ, Galatiæ, imò Romæ. Romæ quidem tanto hominum applausu, tamq. erga eum inflammato studio, ut cum honestissimis conditionibus eum apud se retinere frustra essent conati; Imperatorem ipsum interpellandum putaverint. sed cum nihil nec sic quidem promoverent reuersus Constantinopolim ubi viginti iam annos antea manserat, se ad usitatum munus docendi contulit, uxorem duxit, filios procreavit. Valentis  
in Or-



in Orthodoxos rabiem aliquoties oratione, auctoritateq. com-  
pescuit. Patrem habuit Eugenium egregium itidem philoso-  
phum filij educatorem, & præceptorem in philosophia. S.  
Gregorius Nazianzenus Epist. CXXXIX. et Eudoxium  
iuuenem erudiendum in philosophia commendavit. in ea Epi-  
stola Themistium μέγαν magnum appellat. Epist. CXL.  
ait: σὺ βασιλεὺς τῶν λόγων, tu es Rex sermonum. su-  
bicit Themistium pollere & philosophia, & potentia, ro-  
gatq. ut confirmet dictum Platonis afferentis felices futuras  
Respublicas, si philosophia cum potentia coniuncta sit, S.  
Augustinus quoq. eius meminit cap. III. de Categorijs. So-  
zomenus lib. VI. ait oratione Themistij ad humanitatem per-  
ductum Valentem, nam ostendit orando longè magis inter  
se dissentire Gentiles, quam tunc dissensionum esset inter Ca-  
tholicos, & Arianos. occurrit Themistius Ioviano Impe-  
ratori, cum Senatu recitata oratione. Photius testatur eum  
relatum inter Senatores à Constantio. lib. VI. Cod. Theod. tit.  
IV. ea de re leguntur hæc verba: Themistius philosophus  
cuius scientia augeat dignitatem. Photius non omittit in  
Platonem quoq. ab eodem Themistio editas expositiones  
quæ tamen perierunt magno cum detrimento studiosorum.  
disce inde insignes illorum temporum philosophos etsi expli-  
carent Aristotelem, consuevissent Platonem quoq. excolere,  
& passim exponere etiam tunc quando versabantur in Ly-  
ceo. quod quam verè à me dicatur norunt omnes qui aliquem  
usum habent in operibus Simplicij, qui vel solus intelligen-  
dis opinionibus Platonis sufficeret, & tamen explanat Ari-  
stotelem.



Expenditur ex Epistola Iuliani Imperatoris sententia  
Themistij præferentis Actuosa philosophiam  
Contemplanti. & Num Iurisprudentia  
possit vocari philosophia?  
Cap. CLXX.

**D**E Themistio quandoquidem præcedenti locuti sumus  
capite, cogor quadam repetere, ex quadam Epistola  
Iuliani Imperatoris ad ipsum exarata, in qua Imperator præ-  
fert quidem Contemplationem Actuosa, & politica vitæ,  
narrat tamen ipsum Themistium aliter sensisse, quandoqui-  
dem volebat persuadere Iuliano, ut Imperium susciperet, &  
Rempublicam capefferet. Repetam autem quadam ut intel-  
ligant aliqui philosophi an merito nomen philosophi auferant  
Iurisconsulto, negentque absolutè Iurisprudentiam esse phi-  
losofiam, quamvis Ulpianus dixerit Iurisconsultos veram,  
& non simul tam affectare philosophiam.

Afferit Themistius Herculem, & Bacchum unà philo-  
sophatos, & regnasse, terramque uniuersam ab improbitate,  
quæ tunc regnabat, repurgasse. At constat Bacchum dedisse  
leges Indis, eosque ad ciuitatem vocasse. Nonne & Iu-  
risprudentia hoc agit ut bonos tueatur, & improbos conte-  
rat, & reprimat? Non desunt autem nostra tempestate Politi-  
ci, qui exemplo Herculis moti aiunt esse fas Regibus bellum  
inferre alijs Regi siquidem crudeliter, & more Tyrannico  
se se gerat aduersus populos subiectos, de qua sententia non  
hic est disputandi locus.

Solon, Pittacus, & alij legislatores nonne philosophi  
fue-



*fuerunt? Negari non potest. Cur Iurisprudentiam à censu philosophiæ excludemus, cum leges latas antiquitus illustret offerat, interpretetur? ad idem profectò genus videtur referendus is qui condit leges, quiq. eas interpretatur, ijs utitur ad publicam salutem, dignitatemq. Iuremeritò reprehenditur Epicurus, qui volebat philosophos latendo vivere. quod si philosophum decet actuosam amplièti vitam, erit politicus, & prudens, quo munere non poterit rectè fungi absq. legum exacta cognitione.*

*N. cest, quod quis obijciat multos, qui accesserunt ad Rempublicam, cupiditatibus cessisse, & superbos, insolentesq. euasisse. nam multi temperanter, & modestè se gesserunt, quorum vitam si sibi ante oculos philosophi Iurisprudentes posuerint, rationem semper sequentur ducem.*

*Philosophia dat operam, vt hominem diuinum efficiat, eumq. doceat Deum imitari. Quis verò magis imitatur Deum, quam ille, qui sapienter regit populos? Deus enim curam gerit nostri, Geniosq. bonos præfecit prouincijs, quibus similes euadunt boni Principes, sapientes Reipublicæ moderatores.*

*At obijcit Aristoteles lib. X. cap. VIII. Moral. Nicomach. à dijs prorsus remouendam esse actuosam vitam, cum tamen uiuant, & non dormiant, vita autem ipsorum nihil aliud sit, quam contemplatio. quo referendum, quod XII. Metaph. tradit Deum nihil præter seipsum contemplari, ac proinde nihil aliud nosse. quæ profectò Epicuri dementiam videntur sapere. fatemur quidem Diuinitatem non facere commercia, non reddere deposita, non exercere se circa temperantiam, & alia, quæ propria hominum sunt. sed num actuosam*



*nam vitam Numini propterea detrabemus, quia non exercet ea, quæ sunt hominum & curam gerit vniuersi more suo hoc est diuino. non enim propterea molestiam experitur, & laborem, non defatigatur, non inquietatur qua de re videntur quæ pulcherrimè traduntur ab auctore libri de Mundo ad Alexandrum.*

*Quod verò celsiora Vita, quæ bonum Reipublicæ procurat sit præferenda contemplationi, quæ vnius hominis bono velificatur, probare est verbis ipsius Aristotelis lib. I. Ethic. ad Nicomac. cap. II. bonum ciuitatis, & acquirere, & conseruare maius quid ac diuinius videtur. Ac contentus quidem esse etiam vnusquisq. potest si vni soli: pulchrius tamen ac diuinius, si genti ac ciuitatibus efficiatur.*

*Contemplatrix philosophia secundum Aristotelem subest Actiua, siue Politica, quæ quidem politice Architectonica est. audiamus Aristotelem ibidem sic loquentem: Ciuilis maximè principalis, maximèq. architectonica est quippe cum ea sit, quæ quasnam esse in ciuitatibus scientias oporteat: tum quales quemq. discere, & quousq. constituat. hæc Aristoteles.*

*Idem in III. polit. cap. XV. asserit diuinam prope virtutem requiri, ut quis regno rectè præsit. At philosophia conatur hominem diuinum, quatenus fieri potest efficere. Maximè igitur philosophi erunt, qui rectè imperabunt.*

*Quæ omnia confirmantur puncto ipsius Themistij, ut testatur Iulianus, cuius hæc sunt verba in eadem ad Themistium Epistola: Cum vitæ genus illud, quod in actione versatur, philosophico te anteferre dixisses, eius*  
sen-



sententiæ testem Aristotelem citasti, qui felicitatem in eo, quod rectè agatur, sitam putavit. At quia aliàs Aristoteles contemplationem videtur præferre, putat Theophrastus Aristotelem, non prorsus disertè exposuisse quid de ea res sentiret, quasi super tanta controuersia ambiguus, & incertus foret.

Eadem Epistola Iulianus Legumlatores, & politicos appellat philosophos. Cur ergò non appellabimus ita Iuris, & legum consultos?

Vt verò finem scribendi faciam, quero ex philosophis, qui uni contemplationi incumbunt, annon putent sibi etiam si multi forent præferendum Vlpianum Iurisconsultum, cuius consilio usus Alexander Imperator tam sapienter rexit tot annorum spatium Imperium Romanum, & innumerorum hominum salutem, & felicitatem procurauit, & perquam feliciter obtinuit?

Hinc ipse Vlpianus putauit sibi fas esse Actiuam philosophiam, veram minimeq. simulatam appellare, cum illi, quæ altercatur de rebus obscurissimis, & nunquam aliquid exploratum depromit forte simulata dici queat.

Sed de tota controuersia, quam hætenus exposui, sentiat sanè quisq. pro lubitu, exq. animi sui sententia.



De Sopatro, qui præfuit scholæ Plotinianæ, & occisus fuit à Constantino.

Cap. CLXXI.

**S**i locuti sumus de Plotino, qui philosophia quidam sol fuit Romæ, non tacebimus de Sopatro, de quo refert Sozomenus lib. 1. Hist. Eccl. cap. V. quod, Plotinianæ Scholæ præfuerit. quæquidem Schola duabus in urbibus dicitur fuisse Alexandria scilicet, & Romæ.

Sed quem habuit præceptorem Sopater? Iamblichum, clarissimum prorsus in Platonica philosophia. Eunapius in Ædesio postquam dixit de Iamblichi philosophia, deq. Iamblichi discipulis ait: At Sopater cæteris eloquentior, natura sublimium bonorum appetens. Suidas: Sopater Apamensis, sophista & philosophus, Iamblichi discipulus. Vides fuisse eloquentem, quia Sophista, quod confirmat testimonium Eunapij, qui magnā eloquentiam tribuit Sopatro. refert deinceps Eunapius quod se ad Constantini aulam contulerit, quodq. tam acceptum eum habuerit, ut afflorem publice ad dextram habuerit. Suidas asserit & ipse, quod Sopater Constantino familiaris fuerit. Contendit tamen Sozomenus verisimile non esse in colloquium Constantini venisse Sopatrum, quod Imperator tunc esset ad Oceanum, & Rhenum, refellit idem quandam narrationem Gentilium de Constantino interrogante Sopatrum: an expiari posset cædes commissæ contra cognatos, & respondisse Sopatrum: non posse. Vide lector totam narrationem Sozomeni.

Scri-



Se ripfit quædam Sopater teste Suida: scilicet de prouidentia, & ijs qui propter merentur felices, aut infelices sunt qua materia semper visa est plurimum difficultatis habere, deq. ea multa non solum Platonici, & Stoici tradiderunt propter Epicurū, qui ex eo colligebat non esse prouidentiam, quia malis bene est. Stoicos tueretur contra Epicureos Tacitus in sexto Annal. cuius verba expendimus suo loco aduersus Famianum Stradam, qui Tacito impingit Epicureismum, cum tamen historicus pugnet pro prouidentia contra Epicuram.

Magnifere porrò par est Sopatrum in philosophia, quia prodijt ex schola Iamblichi, quem admirata est illa ætas, & si germana Platonica philosophia dogmata respicias prætulit, ut videtur Porphyrio, cuius sententia quandoq. ad paradoxa accedunt, quod quisq. perspicere potest, qui legis responsionem Iamblichi ad Epistolam à Porphyrio exaratam ad Anebonem, & ex libro de abstinentia ab Animalibus, qui quidem non pauca continet paradoxa. tam vehementer enim oppugnat Porphyrius eos, qui occidi posse animalia asserunt, ut putes sacrificia, qua peraguntur victimis matris, à malis demonibus esse excogitata, & præter ius fasq. ad decipiendos miseros cæcosq. mortales in orbem terrarum esse inuectæ. sic namq. Porphyrius damnat suam ipsius religionem. Nos autem concedimus à malis demonibus inuectam fuisse superstitionem Gentilium, sed nequaquam ei in genere concedimus victimarū cadendarum omnem morem inuectum fuisse à malis Genijs; nam in Veteri testamento iussu veri Dei cadebantur victimæ, & ita sacrificarunt Patriarchæ viri Sancti, sic edocti à Deo. sed quid dicit Por-



phyrius de Heroicis temporibus? Nonne enim Heroes apud Homerum victimas mactarunt? cogitur damnare suos Heroes, & antiquissimum scriptorem Homerum, quem tamen ipse ut philosophum suspexit.

Reprehendit etiam Iamblichus in eo (ut multa alia omit- tam) magistrum, qui dicebat Genium uniuscuiusq. depre- hendi à puræ genituræ, atq. aded approbat nugas Chal- daeorum, qui ex sideribus deducunt euentus hominum. Chal- daicam autem disciplinam non apparet approbatam fuisse à Platone, aut reliquis Platoniciis. hinc etiam fit, ut vix fi- dem habeam quibusdam asserentibus Iulianum Imperatorem à Maximo didicisse disciplinam, quæ euentus hominum scru- tatur ex sideribus, cum præsertim appareat longè alia ratio- ne Imperatorem illum conatum fuisse indagare res futuras, quam ex inspectione siderum.

De talibus grauib. quæstionibus cuperem nobis diffirere eos quibus sic noti sunt Plato, Plotinus Iamblichus, Porphy- rius, Proclus, et censeantur pertigisse ad omnia huiusmodi mysteria. ergo præter emendationes, & annotationes histori- cas, etiam contentiones ab ipsis licet expectare.

Sed reuertamur ad Sopatrum quem interemit Constanti- nus. Cur ita? Suidas ait: ut confirmaret se non amplius esse Religioni Gentili. ddictum. Ergò antequam fieret Christianus Constantinus habuit familiarem Sopatrum, quod tamen aliquis visus est velle negare.

Eunapius prolixè describit insidias, quæ paratæ fuerint ab amicis, atq. inprimis Ablauio Præfecto Prætorij, quodq. persuaferint Imperatori arte Magica vinctos fuisse ventos à Sopatro, bin. q. fieri ut naues appellere nequirent Byzan- tium.



ium: quo audito credulus Constantinus securi Sopatrum percuti mandat. quæ narratio debet esse suspecta cum proficiscatur ab Eunapio Gentili, qui omnia conquirit, quæ poterant facere ad obscurandam claritatem famæ Constantinianæ, cum ægerrimè ferrent Gentiles Constantinum sp. eto veteri Deorum cultu suscepisse sanctitatem religionis Christianæ.

Apparet autem florente ætate occisum fuisse Sopatrum, nam discipulus fuit Iamblichi, & tamen Iamblicus vixit usq. ad Imperium Iuliani, & à Iuliano fuit maximi factus, quod testantur Epistolæ ab Imperatore ad clarissimum philosophum datae.

De honore, quo summum philosophum Proæresium affecerunt Romani tempore Constantis Imperatoris.

## Cap. CLXXII.

**T**Am multa de Proæresio Eunapius nobis narrat, ut non liceat singula transcribere, cum præsertim pleraq. ad Romanam non pertineant philosophiam, sed Græcam potius, aliquid tamen inserit vitæ tanti hominis, quod si omitteretur, videremur maligne id transilisse, nec satis fecisse meritis Romanorum erga sapientiæ professores.

Erød cum Constans filius Constantini in Galliam vocasset Proæresium, summo eum afficiens honore, cum animaduverteret nescire illius cæli mortales satis pro dignitate admirari Proæresium, constituit excelsum philosophiæ Heroa Romanam ablegare ut isthic magis agnosceretur. Magna enim Roma sub Caesarum postquam fuit potestate maximos sem-



Per alios philosophos, optimeq. cuiusq. meritum sciuit metiri. Gallia non ita felix fuit, quod non haberet proprios Reges, propriosq. Principes.

Qua autem ratione exceperint Romani Proceresum scire si cupias, dicet Euxapius nihil habuisse quod singulariter in ipso admirarentur. adeo vir ille totus quantus quantus erat miraculum erat. Tandem cum varias ob dotes virum honorare decreuissent, statuam illi crexerunt ex aere pari prorsus magnitudine (erat enim magna statura Proceresius) cum ista inscriptione: Regina rerum Roma Regi eloquentiae. O decus aeternum philosophiae, quae dedit Regem Eloquentiae Proceresum, iudicibus ipsismet Romanis, quorum iudicium omnium punctorum, quae à cunctis populis proficiisci possunt, instar est. Maeste hoc apice, hoc lumine, hoc triumpho o dux vitae humanae, Magistra morum, veritatis propugnatrix, errorum auerruncatrix philosophia. Tu nos afferis in libertatem, non pateris cum seruili vulgo humi barere, tu nos fluctibus humanarum perturbationum subtrahis, tu cymbam nostrarum cogitationum in portum deducis, tu nos vitare scopulos vitiorum doces, ventos affectuum compescis, omnia deniq. agis, ut beati felicesq. simus. Te ego pronus veneror, tibi milito, omnem operam defero, adhaesus sanctae, quandiu regentur artus à spiritu: quin & cum anima à corpore discesserit, non desinam tuam extollere dignitatem, tuumq. me profiteri alumnatum.



De segete philosophica, quæ reperitur in com-  
mentarijs Seruij Mauri Honorati.

Cap. CLXXIII.

**Q**uando vixerit Seruius interpres Virgilij dicere iam  
non habeo. hoc scio floruisse post Domitianum, nam  
proferunt testimonia ex Statio, velut ex scriptore clas-  
sico. etsi autem Grammatici munere functus fuit in ex-  
plicando Virgilio, ambigere tamen non possumus eum Roma-  
nis discipulis (credibile namq. est docuisse Roma) propinas-  
se non pauca ex multiiuga philosophia, adeo ut si quis vellet  
fungi hoc labore, posset librum integrum conficere ex annota-  
tionibus Seruianis, qui complecteretur veterum philosopho-  
rum varias sententias, & opiniones. ego hoc capite paucula  
de gustabo plura deinceps proposurus. in *V. aeneid.* ad illa ver-  
ba: saluete recepti Nequicquam cineres  
scribit: secundum Epicureos, qui dicunt omnia peri-  
re cum corpore. ad illa verba, quæ mox sequuntur:

animæq. vmbraeq. paternæ ita differit: Plato,  
& Aristoteles, & omnes periti dicunt in homine quatuor  
esse animas, unam vitalem, ut in vermibus, qui tantum  
mouentur, aliam sensualem, ut in brutis animalibus, in qui-  
bus est sensus & timoris, & gaudij: tertiam intellectualem,  
ut in hominibus qui cogitare, & iudicare possunt  
est etiam quarta infra omnes, quæ physica dicitur, ut in  
herbis, & arboribus: quæ etiam motu carentes, vitam ta-  
men habent, nam & nascuntur, & crescunt, & pereunt.  
hec ibi, quæ an vero sint consentanea non est locus hic disqui-  
rere.

Ob



Observat paulò post, secundum Pythagoram, de medulla hominis quæ est in spina, anguem creari. ¶

Cur par numerus sit sequior impari, sic exponit: par namq. numerus divisibilis, per quem mortalitas significatur, impar diuidi non potest, per quem immortalitas significatur. Nunc in Seruium sic poeticè ludamus:

Seruius ingenti Sophia inflammatus amore

Sic repetit magni carmina Virgilij,

Vt sæpe expediat diuini diæta Platonis

Dogmataq; enarret, quæ tibi Zeno placent.

Ergò sic Serui veniunt monumenta legenda,

Sic voluenda tibi est pagina Grammatici,

Vt saties animum iucunda fruge Ceanthis,

Eq. Academiæ mellea dona petas.

De magno anno Platonis expositio Seruij. reij-

citur quorundam opinio de regno Christi

per mille annos duraturo in terris.

Cap. CLXXIV.

**Q**uid vetat adhuc inharere Seruio, & aliquid ad philosophiam faciens ex ipso depromere? in Ecloga IV.

magnum annum Platonis, de quo cum Plutarchum

memoraremus aliqua protulimus, exponit his verbis: di-

cunt philosophi completo magno anno omnia sidera

in ortus suos redire, & referri rursus eodem motu,

quod si est idem syderum motus, necesse est omnia,

quæ fuerunt habeant iterationem. vniuersa enim ex

astrorum motu pendere manifestum est. Sed nunc re-

dire

Viden-  
dus ipse  
Plato in  
Timæo,  
& ibi Fo-  
xius.



dire possunt eadem in individua actiones, ijdem prorsus singulares motus? id si asserant philosophi, ne igitur putent esse absurdam mortuorum resurrectionem, quam asserit religio Christiana; si Redibunt etiam secundum philosophos Platonicos eadem individua corpora, quæ quondam extiterant in hoc mundo, quæ etiam eisdem numero actiones obibunt.

Antiquiores autem philosophi, qui floruerunt ante Platonem, non locuti sunt de syderibus primum cursum repêcentibus, sed Heracitus quidem dixit mundum conflatum ex igne per decursum Seculorum totum ignescere, & redire in ignem, rursusq. ex eodem igne prodire mundum; hocq. futurum infinities per innumera secula labentia. Sic fere etiam Democritus locutus est de Mundo conflato ex atomis. Ne de alijs philosophis loquar, secundum quos non licet talem ponere iterationem eorum, quæ euenerant, qualem voluit ponere Plato, secundum quem scripsit Virgilius:

Alter erit tum Tiphys, & altera quæ vehat Argo.  
Delectos Heroas: erunt etiam altera bella:

Atq. iterum ad Troiam magnus mittetur Achilles.  
Quem locum dum aliqui exponunt, dicuntq. specialia pro generalibus poni, non recte videntur verba interpretari, si forte sic cecinit poeta de omnium rerum, & quidem singularium volubilitate proueniente à syderibus secundum Platonice opinionem.

Subijcit postea non pauca de reditura aurea felicitate, qualem finxit Antiquitas fuisse ab initio, à principio rerum.

omnis feret omnia tellus.

Sponte sua sandyx pascentes vestiet agnos.  
dixerat antea:

Et



Et duræ quercus sudabunt roscida mella :  
*Cumana Sibylla hac cecinerat euentura nato Christo Serva-*  
*to re humani generis, & à Sibylla talia petijt Virgilius. di-*  
*ces: non euenerunt sub Christo. an enim omnis tellus talis*  
*omnia? Nequaquam. respondendum: euenisse non secundum*  
*litteram, sensumq. proprium, sed secundum intelligentiam*  
*mysticam. destructo namq. veteri errore mira felicitas bea-*  
*uit homines, qui deinceps beatitudinem æternam potuerunt*  
*adipisci. sic cecinit Isaias de temporibus Messia cap. XL*  
*habitabit lupus cum agno, & pardus cum hœdo ac-*  
*cubabit: vitulus & leo, & ovis simul morabuntur, &*  
*quæ plura ibidem sequuntur. Scio aliquos ex veteribus scri-*  
*ptoribus Ecclesiasticis accepisse tam verba Isaiæ, quam Vir-*  
*gilij de renouatione Mundi veniente Christo ad iudicium,*  
*ut regnet mille annorum spatium in hoc mundo, quem statum*  
*prolixè describit Lactantius lib. VII. diuin. Institut. cap.*  
*XXIV. atq. inter cetera ait: Terra vberrimas fruges*  
*sua sponte generabit, rupes montium melle suda-*  
*bunt: per riuos vina decurrent, & flumina lacte i-*  
*undabunt. Non bestia per hoc tempus sanguine*  
*alentur, non aues præda. deniq. tunc fient illa, quæ*  
*poëtæ aureis temporibus facta esse iam Saturno regnan-*  
*te dixerunt. Citatq. Virgilium, deinceps depromit Erythrææ*  
*Sibyllæ verba. cap. XXVI. docet spatium mille annorum*  
*regni fore septem millium annorum. neq. prius terminan-*  
*dum mundum, quam Roma corruat, quam Romanus tyrannus*  
*abominandus destruat, & illud lumen effodiet cuius*  
*interitu orbis lapsurus est.*

*Qua tamen sententia Lactantiij de regno Christi in his*



terris duraturo per mille annos, aut spatium septem mil-  
lium annorum iam pridem explosa est, & locus Apocalypsis  
quo non bene intellecto aliqui errarunt, est expositus ab eru-  
ditis interpretibus.

Misso eutem facto Lactantio, annus magnus Platonis ex  
eo concutitur, quia cum Plato secundum communio-  
rentiam Platoniorum dixerit mundum esse genitum ab eter-  
no, non potest quisquam constituere momentum primum in  
quo fuerint sidera. Etenim eternitas excludit omnem pos-  
sibilitatem (liceat sic loqui cum Scholasticis) & semper est  
in actu. Initium autem supponit non ens, & potentiam  
ad esse. Ergo ab eternitate excludendum est omne initium  
hinc aded fit, ut non possimus dicere ab initio fuisse in hoc  
vel illo situ, & statu sidera. Certè si semper mota sunt,  
nemo potest dicere cum inciperent moueri, tali vel tali mo-  
tu fuisse mota.

Ut tamen consulatur imbecillitati humani intellectus,  
S. Littera vocabulo principij usa sunt, inprimis S. Io-  
hannes, quando dixit: In principio erat Verbum. Sed  
Verbum semper fuit. non igitur propriè accipitur principium  
quando de Verbo, quod aeternum est, sermo instituitur.

Perpenditur sententia Seruij, atq. aliorum, qui  
videntur rationem tribuere animalibus.  
eiusmodi opinio reiicitur.

Cap. CLXXV.

**A** Latere Seruij nondum discedo, quin perpendo, quae  
profert ad. IV. Georg. & VI. Æn.



*Virgilius non pauca recenset de apibus observantibus, & sectantibus suum Regem :*

Ille operum custos, illum admirantur, & omnes  
Circumstant fremitu denso stipantq. frequentes.

His quidam signis, atq. hæc exempla secuti  
Esse apibus partem diuinæ mentis, & haustus  
ætherios dixere.

*Ad quæ verba notat Seruius omnia animalia à diuino spiritu trahere ingenium quod quia est in apibus, sicut in hominibus namq. metuunt cupiuntq. dolent, gaudent quæ probantur ex his quæ faciunt, dimicant enim colligunt flores, prævident pluuias fateamur necesse est etiam apes habere partem diuinitatis. dissertit autem prolixè in VI. an. de tota materia, quodq. omnia animalia prædita sint animo æterno, ostenditq. quare non omnia animalia sentiant similiter, quia scilicet dissimilitudines non sunt in animis, sed in corporibus, quæ prout fuerunt vel viuacia, vel torpentia, ita & animos faciunt.*

*Iustinianus in Institut. de iure natur. videmus enim cætera quoq. animalia istius iuris peritia censer. hoc est conspicua esse iuris naturalis cognitione. id si verum est, ratio non videtur detrahenda animantibus.*

*Porphyrus in lib. III. de abstinent. contendit animalibus inesse non solum sermonem internum, sed & externum, convenientem tamen ipsis, & absolutè hoc effatum tueretur: omnia quæ prædita sunt sensu esse etiam prædita intelligentia, dum inquit: omnibus quibus est sensus, intelligentia quoq. adsit necesse est, prolata ratione Stratonis phyci; qui ait sæpe literas oculis occurrentes nos latere, quan-*



quando aliò animum intentum habemus.

Similia protulerat ante Porphyrium Plutarchus in libello : quod animalia utantur ratione , & longè diligentius in alio opusculo , in quo quærit : An animalia marina sint sagaciora terrestribus .

Galenus in orat. suaf. ad artes hæsitanter hac de re loquitur : An animantium generi, quod irrationale appellatur, nulla omnino ratio data sit, sanè dubium est. Nam etsi caret ea, quæ in voce versatur quam sermonem nominant, quæ tamen animo concipitur, quam rationcinium appellant, eius fortasse particeps omne genus animalium est, quamquam alijs parcius, alijs liberalius tributa sit. hac ille.

Forte quis etiam adducet pro huiusmodi sententia, quod legimus in S. Litteris nempe serpentem fuisse callidiorem omnibus animalibus . adde Davidem dicere Deum dare escam coruis inuocantibus se . inuocare Deum , escamq. petere ab ipso, rationis est munus .

In aduersam partem præsto sunt verba Senecæ lib. II. de Ira cap. XVI. errat qui animalia in exemplum hominum adducit, quibus pro ratione est impetus, homini pro impetu ratio est.

L. I. S. III. ff. si quadrup. pauper. fecerit legimus, quod animalia iniuriam facere non possunt. Cur ita? quia sensu carent hoc est ratione. verba Vlpiani sunt: nec enim potest animal iniuriam fecisse, quod sensu caret.

Receptissimum est, ut in definitione hominis ponatur rationale dum homo dicitur esse animal rationale, quamuis aliqui, inter quos ipse Boetius, addant illud Mortale. Ergo



hominum sapientum communis sententia differt homo ab animalibus, quia rationalis est, ut intelligamus cetera animalia esse expertia rationis. hinc etiam factum, ut huiusmodi animalia præter homines brutorum nomen adepta fuerint.

Peripatetici, & Stoici iidem docuerunt rationis esse expertia animalia, quod discere est ex ijs, quæ ipsis tribuit Porphyrius. docuerunt enim Peripatetici, & Stoici hominem habere imperium in animalia, & ipsa posse occidere, & comedere, quia homo præditus est ratione, quæ animalia reliqua carent.

Solus homo capax est felicitatis, & beatitudinis, quod magno consensu traditur, & Christiana quoque religio nos docet solum hominem creatum à Deo, ut tandem æternam in cælo consequatur vitam. ab huiusmodi felicitate cur excluduntur animalia? quia rationis sunt expertia.

Plura depromere superuacuum est, cum præsertim librum de tota materia composuerim suo tempore euulgandum. Nunc breuiter occurrendum ijs, quæ contrarium suadere videbantur.

Seruius secutus est Virgilium, Virgilius Pythagoreos, & Platonicos, qui posuerunt animarum transmigrationem. licet non sit certum rationem tributam animalibus à Platone, & Platoniciis saltem omnibus. nam etsi dicerent easdem animas humanas migrare etiam in corpora animalium, usum tamen rationis videbantur eis deirahere, quod corpus brutorum ineptum sit, ut fungatur animal muneribus rationis.

Quemadmodum autem transmigratio Pythagoræa & Platonica animarum explosa est, ita explodendum etiam



paradoxum Porphyrij, quod animalia vrantur ratione. & reijcienda etiam auctoritas Plutarchi in duobus opusculis ea de re conscriptis.

Verba Vlpiani prolata à Iustiniانو, quaeq. reperiuntur ff. de iust. & iure l. l. §. 3. intelligenda sunt de quadam similitudine, quam habent animalia quoad vsum iuris naturalis. ceteroqui Vlpianus sibi contradiceret, cum adfirmeret quadrupedes non posse facere iniuriam.

Quod si diceres alibi aliter Vlpianum, hoc est vno in loco docuisse animalia esse praedita ratione, in alio ea carere, responderem secundum varias se aetates philosophorum forte sic locutum cum Gentilis esset: & forte minus cautè talia verba, quae animalibus, & feris peritiam iuris tribuunt translata fuisse ab Imperatore Iustiniانو.

Quaestio autem est: An Stoici existimauerint rationem inesse animalibus? quod videtur negandum, si consulimus Porphyrium, & verba prolata à me ex Seneca, qui Stoicus fuit. Sed quae leguntur apud Seruium in IV. Georg. & VI. an. videntur contrarium docere, quae de re tamen nolo hic ulterius altercari.

Galenus, si tamen libellus ille Galeni est, nihil decidit in huiusmodi quaestione.

Ad S. Litteras quod attinet non negamus animalibus inesse aliquam similitudinem earum virtutum, quae reperiuntur in homine. sic callidissimus dicitur fuisse serpens.

Corui inuocant Deum modo quodam naturali, & sensuali. Deus autem suppetias fert ipsis quoq. animalibus, & eorum desiderium explet largiendo escas, quia regit & conseruat vniuersum orbem.

Atq.



Atq. hæc dicta sint ob verba Seruij ad IV.. Georg. &  
VI. eneid.

Existimâsse Seruium cum Stoicis superiora corpora ali-  
quid accipere ab inferioribus, qua occa-  
sione quæritur: an repugnet Lu-  
nam aliquid accipere à terra?

Cap. CLXXXI.

I. æn.

**A**D verba Virgilij:

polus dum sydera pascet

*hæc verba annotat Seruius pasci aquis marinis sydera id est coelestes ignes Phyci docent; secundum quos ait Lucanus. atq. vndæ plusquam non disgregata ær. phycorum nomine intelligit Stoicos, nam & Stoicus videtur fuisse Lucanus, quem Boëtius de Consol. Philos. philosophis annumerat. Marcus Imperator apud Iulianum in Caesaribus. πειθόμενος ὅτι καὶ τὰ ὑμέτερα σώματα δεῖται τῆς ἐκ τῶν ἀναθυμιάσεων τροφῆς: persuasus (Deos alloquitur) vestra quoq. corpora egere alimento ex exhalationibus. omitto testimonium Strabonis, de quo egi cum loquerer de ipso Geographo, ostenderemq. fuisse Stoicum.*

*Peripateticis quintam substantiam adstruentibus prorsus diuersam à quatuor elementis absurdum videtur lunam aut alia corpora cœlestia quicquam accipere à terra, & inferioribus. Cur ita? quia terra regitur, non regit. absurdum est perfecta, & diuina aliquid accipere ab imperfectis. Quæ differunt materia inter se non possunt agere & pati. hinc inter recentiores Auctor putat falsam esse sententiã celebri-*



brorum Mathematicorum nostri temporis asserentium lumen solare, quo illuminatur terra, vicissim vibrari in Lunam, ut à Luna lumen idem solare iacitur in terram. nam si queretur ex tali lumine repercusso à terra calefieri regionem in qua meteora frigida gignuntur. profert etiam nonnulla de distantia terræ à Luna.

Antiqui pleriq. putarunt ex quatuor elementis constare totum mundum, ut videre est apud Seruum in VI Æneid. quatuor sunt elementa terra, aqua, aër, æther, & Deus, præter hæc nihil est aliud. utiturq. pro fundamento suæ opinionis verbis Virgilij, quæ incipiunt sic:

Principio coelum ac terram.

si secundum Seruium quatuor sunt elementa tantum, quæ animantur à spiritu diuino, profecto in se inuicem agere possunt, nihilq. prohibet superiora aliquid accipere ab inferioribus. quod de Deo tanquam anima mundi dicit aut Virgilius, aut Seruius id nos non transferimus ad nostram religionem, nostramq. philosophiam, tantum aio veteres plerosq. putasse constare mundum ex quatuor elementis, dixisseq. ætherem esse vnum ex ipsis, nec sollicitos fuisse de quinta substantia Peripateticorum. idem numerus quatuor corporum ex quibus conflatus mundus adstruitur à Virgilio ecloga VI. à Philone in libello de mundi incorruptibilitate, à Scholiaste Pindari in primam oden, ab Ouidio lib. I. Transform. Manilio lib. I. Astronomic à Macrobio lib. primo in somnium Scipionis, ubi ait hanc fuisse sententiam Pythagoræorum, qui solebant iurare per quaternarium, quem numerum propagauit, & commendauit Plato in Timæo, in quem legi possunt interpretes, ne quis contemnat Virgilium.

Ser.



Seruium & tales scriptores. Nam & Empedocles *vir summus Vniuersum composuit ex igne, aëre, aqua, & terra.* fuit enim ipse Pythagoræus. Pythagoræos autem ceteris prætulit Plato in *physicis*. hinc *physicæ* suæ præfixit nomen *Timæi Pythagorici*.

Stoici porrò disertissimè dixerunt superiora aliquid accipere ab inferioribus, ut iam didicimus ex verbis Marci, Virgilij, & Seruij.

Manilius lib. I. *Astron.* docet ab aere temperari *Stellas* his verbis:

Mixta ex aduersis consurgunt viribus astra  
Hinc vicina polis, hinc cœli proxima flammis,  
Quæ quia dissimilis, qua pugnant, temperat aer  
Frugiferum sub se reddunt mortalibus orbem.

Ptolomæus ait Lunam ideo humectare, quia terræ vaporibus vicinior est, traditq. Saturnum minus humectare, quia remotissimus est à terræ vaporibus. Cardanus autem sic interpretatur Ptolomæum, ut senserit Lunam trahere ad sese vapores à terra, quamuis Scaliger talem interpretationem reiiciat, cum Ptolomæus dixerit ideo calefacere Lunam quia afficitur radijs solis, & humectare, quia vicina est terræ.

Apud Plutarchum in libro de *Facie in orbe Lunæ* legimus Clearchum docuisse eiusmodi faciem esse simulachra specularia, & imagines magni maris in Luna apparentis. putauit igitur aliquid à terra posse accedere Lunæ.

Luna illuminatur. ergò perficitur à Sole. si potest perfici et si vocetur ab Aristotele diuinum corpus, non repugnat et fieri aliquam aliunde accessionem. id si verum est, ut faten-



cur Peripatetici, & sensus docet, illuminari scilicet, à Sole Lunam, quid fiet Aristoteli asserenti cælum esse ἀαλλοίωτον inalterabile? respondere, & admittunt alterationem perfectiuam. Ergò non absolutè debuit pronunciare Aristoteles cælum esse inalterabile. Nonne enim quod illuminatur, perficitur? cur ergò ipse remouit omnem alterationem à Cælo, quia diuinum corpus est?

Regerunt alterationem perfectiuam non esse indignam cælesti corpore, sed respondere licebit, repugnare esse diuinum & esse imperfectum, in schola quidem Aristotelis. Cur enim tantopere extollit cælum facta comparatione cum elementis, nisi quia perfectum, diuinumq. est? At Luna iam amittit, iam recipit perfectionem, cum nunc clara sit, nunc lumine destituatur. Nonne quod amittit lumen, & obscuritati inuoluitur, alteratur, & quidem alteratione non perfectiuam, sed ad deteriorem statum deducente?

Dicent, non repugnare Lunam perfici à Sole, tanquam à corpore cælesti, & diuino sed repugnare eam lumen accipere solare à terra, quæ imperfectissima est. at parum videtur referre unde quis aliquid accipiat, modò fiat accessio, & quis ex eiusmodi perfectione commodum sentiat. Cum præsertim fateantur Peripatetici lunam esse simillimam terræ, eamq. quandoq. cælestem terram appellent. Auerroes tex. XXXXI. de substantia orbis hæc habet: & Luna videtur esse densa, & obscura, & recipiens lumen ab alio scilicet Sole, & in libro de animalibus dixit Aristoteles quod natura eius est vnigenea naturæ terræ plusquam cæterarum Stellarum.

Simplicius ait corpus Lunæ esse medium inter caduca,



& coelestia quod repetit ex ipso Maynetius ad tex. 41. libri Auerrois de subst. orbis.

Nec deest inter recentiores Peripateticos, qui asserit Lunam esse impurissimam, & imperfectissimam: praestantissimi autem Mathematici tradunt prorsus esse obscuram, & destitui omni lumine proprio, prorsus ut destituitur terra si ergò tanta est similitudo inter terram, & Lunam, quò abit quinta substantia Peripati toto genere differens, & distans ab elementis? quid etiam vetat à terra aliquid accedere Lunæ, ut à Luna accedit terræ?

Sed metuent peripatetici ne si dicamus aliquid Lunæ accedere à terra, Luna senescat, corrumpatur, pereat. Inanis metus est hic. Nam terra, ut docent Sacra Litteræ, stat manetq. in æternum, etiamsi solare lumen impingens in Lunam, ab ea iaciatur in terram. sensus enim docet terram non senescere, quod etiam tradunt Philo, Columella, Arnobius, atq. alij. Unde etiam fit, ut reijci posse videatur effatum Peripateticorum asserentium cum suo Magistro solum cælum esse expers senij: & tamen nos non videmus senescere terram, cum nunquam destituatur sua iuuentute, semperq. pergat nos alere.

Quando autem disputatur de aliqua controuersia, non accipienda sunt effata Peripati controuersa pro fundamentis. nam nil valet controuersa opinio ad soluendos nodos.

Tu negas posse lumen solare reuibrari in Lunam à terra, quia tale lumen calefaceret regionem aeris, & tolleret meteora. Atqui lumen solare, quod reuibratur à Luna in terram ipsa non tollit. Cur tolleret id, quod iacitur à terra in Lunam?

Dices,



Dices, atherem, qui ambit Lunam, non atteri à radijs solaribus, ac proinde non transmitti calorem, supponis enim id quod ecclesie est atteri non posse, nec in cœlesti regione excitari calorem, quia calor convenit tantum inferioribus.

Hæc dicuntur ex controuersis hypothesebus Peripati, quibus proinde non cogimur assentiri, cum Mathematici doctissimi non desint, qui putent diffusilem, aëreamq. esse regionem, quæ ambit Lunam, ut si asserat Peripateticus atteri aërem circa terram ex radijs solaribus reperussis, idem debeat pronuciari de radijs solaribus impingentibus in Lunam. quod si dicas Lunam ambiri à purissimo, candidissimoq. æthere, si etiam asseras cum Aristotele Lunam constare ex substantia eiusdem ætheris, quæro quid fiat ut Luna sit opaca, obscura, sit imperfectissima, imò impurissima, ut aliqui ex Peripateticis loquuntur? an potest aliquid conflari imperfectum ex perfecto? impurissimum ex purissimo?

Rursus quod terra agat in Lunam aliquatenus, imò omnes partes mundi inter sese ex eo etiam non absurdè colligas, quia mundus unus est essentialiter, ut nemo non fateatur. Quis autem nescit omnes partes eius substantiæ quæ una est aliquatenus inter se affici? quod res ipsa clarissimè testatur in omnibus corporibus, quæ sensibus nostris exponuntur.

Quæ à me prolata sic sunt, ut nolim cum quaquam vehementer altercari, quin paratum me fateor eiusmodi in rebus sanè difficilibus doceri à doctis, rerumq. siderearum peritis, quos inter lubenter numero Vincentium Renerium, tam notum Mediceis tabulis editis Florentiæ, Marthesin in hoc Gymnasio cum laude proficentem, nec omitto Iohan-



*mem B. pristam Laellum, mihi multorum annorum amicitia  
coniunctum, nunc Romæ in luce hominum versantem.*

Definitio mortis à Seruio petita ex Platone ex-  
penditur, & magis ac magis adstruitur ani-  
marum humanarum immortalitas.

Cap. CLXXVII.

**I**N verbis Seruij ad VI. aneid. definitio mortis reperitur.  
ex corporum coniunctione & animi hebetudine  
Varro, & omnes philosophi dicunt quatuor esse pas-  
siones, duas à bonis, duas à malis opinatis rebus. nam  
dolere & timere duæ opiniones malæ sunt, vna præ-  
sentis, alia futuri. item gaudere, & cupere sunt opi-  
niones bonæ, vna præsentis alia futuri. Hæc ergò  
nascuntur ex ipsa coniunctione. nam neq. animi sunt,  
neq. corporis propria. pereunt enim facta segrega-  
tione, id est animæ à corpore: quam mortem esse de-  
finit λύσις σώματος καὶ ψυχῆς. Mors igitur apud Seruium  
est solutio corporis, & animæ.

*Sed de finis eiusdem mortis paulò aliter reperitur apud  
Platonem in Phædone, ubi Socrates sic loquitur: Puta-  
musne aliquid esse mortem? aliquid certè, inquit Sim-  
mias. Nunquid aliud, inquit, quam animæ à corpo-  
re solutionem? esseq. id mortuum esse, scilicet solu-  
tum ab anima corpus per se seorsum esse? seorsum  
quoq. à corpore animam solutam ipsam per se ipsam  
existere? Nunquid mors præter hæc aliud est? Nihil  
aliud, inquit Simmias. græcè sic habet definitio: ἀπαλ-  
λαγή*



λαγὴ τῆς ψυχῆς ἀπὸ σώματος. deinceps legere est ἀπαλα-  
 γῆσαν τὴν ψυχὴν ἀπὸ τῆς σώματος. Negligenter ergo se gessit  
 Servius, qui mortem appellavit λύσιν σώματος καὶ ψυχῆς.  
 probabile verò est cum scriberet non inspexisse Phædonem,  
 sed vel ex Varrone, vel alio aliquo scriptore eam definit o-  
 nem tanquam Platoniam transcripsisse. eisi autem λύσις  
 σώματος, καὶ ψυχῆς videatur coincidere cum ἀπαλλαγῇ  
 ψυχῆς ἀπὸ τῆς σώματος, longè tamen clarior, & disertior  
 est ipsamet definitio petita ex Phædone, quam illa transcri-  
 pta ex Varrone. nam clarius elucere iubet animæ immorta-  
 litatem, docetq. superstitem manere animam, postquam  
 seiuncta fuerit à corpore. longè diligentior fuit S. Epipha-  
 nius, qui heresi LXIV. disputans contra Origenianos, lau-  
 dauit definitionem mortis Platoniam, & ἀπαλλαγῆς vo-  
 cabulum non præteriiuit pag. 17LXXX. ex editione Peta-  
 niana. Aristoteles, in cuius Schola dolendum est non ita  
 esse exploratam animæ immortalitatem, ut explorata pror-  
 sus est in Academia Platonis, lib. de iuuent. & senect. cap.  
 XV. appellavit quidem mortem ἀπόλυσιν ἀναίσθητον τῆς  
 ψυχῆς dissolutionem insensibilem animæ sed ἀπολύσε-  
 ως nomine nescio an voluerit significare ἀπαλλαγὴν Plato-  
 nicam. nam sic loquitur de morte paulò post: Mors autem  
 & corruptio violenta quidem calidi extinctio, & mar-  
 cor, quæ autem secundum naturam eiusdem huius  
 marcescētia propter temporis longitudinem facta &  
 perfectio. ubi mirari lubet in morte fieri mentionem  
 perfectionis. atqui in plantis ariditas ipsis finem imponit,  
 ut & animalibus mors. statim enim inquit: in plantis  
 igitur ariditas, in animalibus mors. exulet ergo per-  
 fectio



fectio à versione Aristotelica . nam græcè usus est τελειότητος vocabulo , quod deducitur à τέλος . τέλος autem finem significat , quo nomine utitur Aristoteles quando in Ethicis agit de morte , quam appellat τέλος , quia ipsa finit omnia , quasi ultra ipsam nihil sit . igitur τελειότης non erat vertenda perfectio , sed potius finis , aut finitio , aut absolutio .

Plato autem de immortalitate animæ disertissimè docuit non omnia finire morte , neq. mortem esse extinctionem , sed esse segregationem animæ à corpore , quæ anima existit , & est super res etiam post eius modi segregationem . in tertio tamen de anima Aristoteles videtur agnoscere talem segregationem , quæ relinquat animam superstitem . dixit enim intellectum Agentem esse χωριστὸν esse separabilem , esse interitus expertem , & immortalem .

At intellectus passibilis interit . dixit autem velle se agere de parte , qua anima intelligit , eiusmodiq. partem conflatur ex intellectu passibili , & agente . intellectum passibilem multi interpretantur vim imaginatiuam animæ , quæ imaginatiua cum corporea sit , interit in morte secundum Aristotelem , superstite tamen intellectu agente . at intellectus Agens non est tota anima , sed potius pars partis intellectiuae , & quidem extrinsecus superueniens ad efficiendam intellectiōnem , ut sol superuenit coloribus , quos illuminat . ad adstruendam immortalitatem animæ debuisset dicere clarè cum Platone Aristoteles animam in morte ita segregari à corpore , ut segregata seorsim à corpore existat , sit superstes intelligat , operetur , beata sit .

Pater , & Magister Iohannes Donatus Antellensis , optimè



mè de Metaphysica, quam in hoc Gymnasio explanat, mè-  
ritus, valde prudenter censet dandam nobis operam esse,  
ut quæ Aristoteles de intellectu passibili, & Agente profert  
sic exponantur, ne immortalitati animarum exploratissi-  
mæ officiant. Cuius sententiæ lubens subscribo, moneoq. le-  
ctorem, ut in consilium vocet ea, quæ à doctissimis philo-  
sophis Christianis ad Tertium librum Stagiritæ de anima  
exarata iam pridem sunt, ijsq. acquiescat.

Quid de fabulis cum philosophia coniunctis  
Seruius proferat? notatur nimium alle-  
goriarum studium in Philone, &  
Origene. Cap. CLXXVIII.

**A** Pud Virgilium Eclog. VI. postquam Silenus egit de  
mundi origine, transilit ad fabulas:

Hinc lapides Pyrrhæ.

Cur ita? respondet Seruius exprimere voluisse Epicureos,  
aut indicasse pueros delectari fabulis. Satiùs dixisset phi-  
losophiam antiquam non seiunctam fuisse à fabulis. hinc  
Sallustius philosophus cap. III. ait philosophos vrsos esse fabu-  
lis, & philosophi esse inquirere Cur fabulæ sint?

Dices, poetarum proprias videri esse fabulas. Responde-  
rit aliquis: Fabulas quatenus fabulæ, esse poetarum: expli-  
cationem pertinere ad philosophos, qui aiunt narrationes il-  
las veras non esse, si perpendas corticem narrationis, quan-  
doquidem absurde ferè sunt, & indigna de Diuinitate re-  
ferunt; sed si penetres significatum continere ingentia arca-  
na. Qua de re accuratè, & prolixè egit Iulianus Impera-

tor



tor orat. V. quæ est de Deum Matre. sic autem loquitur : cum antiqui rerum assidue causas sub ducibus dijs indagarent : vbi eas adepti sunt , incredibilibus inuoluisse fabulis.

Dionysius tamen Halicarnaseus vehementer eas oppugnavit, qua de re suo tempore agit meus liber de legibus Romuli iam conscriptus.

Manilius conqueritur à Terra repletum esse cœlum, quandoquidem sidera constant nominibus petitis à fabulis.

Arnobius prolixè disputat aduersus absurditatem fabularum vulgarum apud Gentiles, ostenditq. frustra eos confugere ad allegorias ut absurditas excusetur. lege cum lib. V. pag. m. 178. 179. grauissimè differentem.

Dolendum autem Pilonem apud Iudeos, & Origenem apud Christianos imitando Gentiles conatos fuisse veritatem diuinæ historiæ ad meram allegoriam transferre, quasi res quæ narrantur à Mose non euenerint, ut narrantur. vide Pilonem in libris de legis Allegorijs, vbi ait inter alia rusticanæ simplicitatis esse putare lex diebus, aut utiq. certo tempore mundum conditum. hæc & alia respondenda sunt, cum repugnent veritati historicæ.

Origenes conatur tueri suas allegorias, contempta veritate historica homel. XV. in Iosnam, & alibi. sed passim confutatur ab interpretibus Catholicis.



De quibusdam ominosis signis quid Servius re-  
ferat ex suorum temporum anili supersti-  
tione? Cap. CLXXIX.

**R**epentina euigilatio ex somno an ominosa? id nega-  
ueris si cogites naturaliter fieri, ut qui crassis hu-  
moribus urgetur, & velut obsidetur, qui sibi videtur mer-  
gi undis, aut occidi, aut premi ab hoste, turbata scilicet hu-  
morum harmonia derepente euigilet. Cur ergo quod natu-  
raliter evenit trahendum est meticulosa ratione ad triste si-  
gnum? Nam tunc natura videtur suppetias ferre nobis labo-  
rantibus in somno, ne opprimamur à vi turbatorum humo-  
rum, aut copia cibi non perducti ad coctionem.

Veterum tamen superstitio nescio quomodo talia ad ma-  
lum omen referebat, putabatq. Deum uti rebus naturali-  
bus ad nos monendos. sic simplex pastor Eclog. prima à cor-  
nice, à tactis quercubus ratiocinatur, atq. sibi imminente  
calamitatem significatam fuisse. ubi Servius ait esse mire com-  
positam significationem in illis verbis:

de coelo tactas memini prædicere quercus.

quercus tactas esse leuiter fulminatas, indicariq. tempora-  
le damnum. Citat autem Ciceronem, qui fulminatas arbo-  
res exposuit amissionem aut interitum agrorum. sed missa  
simplicitate pastoralis in III. æneid. ait Æneas se attonitum  
formidabilibus visis corripuisse è stratis corpus, & turba-  
tum euigilasse non satietate somni. ad quam narrationem  
Servius secutus suorum temporum anilem superstitionem,  
ait: quoties ex abrupto somnus aufugerit significat



omen infelix, ut ecce hoc loco tempestas sequitur.  
*Et in secundo, excutior somno, et sequitur civitatis exci-*  
*dium, et tamen putat Servius ratione nititales observatio-*  
*nes; nam si somnus, inquit ipse, Deorum munus est non*  
*sine infelicitate ex abrupto Deorum munus abscedit.*  
*ignoscendum aliquatenus Servio sequenti deliram opinio-*  
*nem suorum temporum.*

*Et tamen à nostris quoque temporibus non possunt talia*  
*prorsus depelli, subinde enim tam nobiles quam plebeij ali-*  
*quid simile referunt, quorum non parvum numerum recen-*  
*suit Azorius, quæ legi apud ipsum possunt.*

*Quæ cum audimus danda nobis opera est, ut nec prorsus*  
*contemnamus eiusmodi signa, nec tamen meticulosa opti-*  
*mione, quæ nos impediat in susceptis negotijs, animum im-*  
*pleamus.*

Servium cum Virgilio docere Deum nequaquam  
 includi cœlo. argumentationem Aristotelis  
 pro incorruptibilitate cœli petitam à  
 sede Deorum imbecillam esse.

Cap. CLXXX.

**S**ervius ad IV. Georg. ad verba illa:  
 Deum namque ire per omnes

Terrasque tractusque maris, cœlumque profundum  
*notat idem trad. in VI. aeneid profertque verba Lucani:*

Iupiter est quodcunque vides, quocunque moveris.  
*ad illa autem in VI. en.*

cœlum, ac terram, camposque liquentes

spi-



Spiritus intus alit.

ôbferuat, Deum esse diuinum spiritum qui per quatuor infusus elementa gignit vniuersa. *Thales*, vt tradit *Laërtius*, docuit Deorum omnia esse plena. apud *Plautum* dicuntur esse *Dij* alij superi, alij inferi, alij medioximi. *Macrobius* lib. I. cap. XIV. in somnium *Scip.* sic scribit: Bene autem vniuersus mundus Dei templum vocatur propter illos, qui existimant nihil aliud esse Deum nisi cœlum ipsum, & cœlestia ista quæ cernimus. *Alexan. Aphrod.* de *Mistione* docet *Stoicos* docere spiritum quendam per omnia penetrare, & immistum esse Deum materiæ perq. eam vniuersam pertransire, ipsamq. figurare. *Manilius* in secundo libro non absimilia docet. fuit enim, vt apparet, addictus *Stœ.* *Sallustius* de *Dijs*, & orbe cap. VI. Hi (*Dij*) cum ante alios mundum possideant, eorum orbes intueamur *Vestæ* terram, *Neptuni* aquam, *Iunonis* aërem, *Vulcani* ignem. per uulgatum est apud *Gentiles* mundum diuisum inter tres fratres, *Ioui* autem obuenisse cœlum, *Neptuno* aquam, *Plutoni* orcum.

*Aristoteles* tamen in libris de cœlo vult probare cœlum esse ingenerabile, & incorruptibile, quia sedes est Deorum cum tamen superiora ostendant veteres nequaquam inclusisse cœlo Deum, quin totum mundum cogetur pronunciare *Aristoteles* esse incorruptibilem, si ei argumentationi iuxta robur, nisi velit contradicere magno scriptorum consensui, qui numen non terminant cœlo.

Ipse autem quia totum cœlum asserit esse incorruptibile, ubiq. in cœlestibus cogetur ponere *Intelligentias*, quas ta-



men in parte orbium conuexa, nec tota ponit.

Obijcere est pro Aristotele, quod oraturi cælum intuentur. Et Homerus ait in VI. Odyss. Deos habere sedem firmam in Olympo, hoc est cælo.

Respondere est rursu illo aspiciendi cælum non significari Deum tantum in cælo esse, sed in cælo magis elucere Dei gloriam, nec uniuersim verum est oraturos semper cælum aspicere. Certè qui apud Gentiles sacrificabant Diti non intuebantur cælum.

De Olympo apud Homerum sede Deorum disputant Grammatici, Et ferè docent, ut tradit Eusthatus cælum dici ab Homero spatium illud quod est à nubibus usq. ad partem sideream. quæ sententia non prorsus concinit Aristoteli, nam non totum aërem excludit à sede Deorum.

Secundum veram nostramq. Theologiam Deus ubiq. est, nusquam inclusus, nusquam exclusus, omnia continens à nullo contentus, omnia permeans, nulli tamen permixtus. In cælo Empyreo, exorrens inter beatos cœlites suam gloriam non tamen absens ab uniuerso. in quam rem proferuntur hæc ex S. Litteris. Cælum, Et terram ego impleo. Quo ibo & spiritu tuo? in ipso sumus, viuimus, Et mouemur.

Quæ omnia ostendunt argumentationem Aristotelis de cæli incorruptibilitate petita à sede Deorum imbecillum admodum esse.



De coniunctione animæ cum corpore quid ex sententia Platonis proferat Seruius? Explicatur Christiana sententia.

## Cap. CLXXXI.

**I**Nter difficultates summas, quæ exercuerunt humanum ingenium ea non vltima est, qua queritur: qua ratione fieri possit, ut anima immortalis, incorporea coniungatur corpori, & cum ipsa constituat compositum naturale, scilicet hominem? nam præter naturam videtur res incorporea, & immortalis coniungi cum corpore, cum præsertim Platonici dicant à corporis contagione affici animam. Respondebit aliquis cum S. Irenæo: Christianum ad multa cogi dicere: Deus scit.

Panætius quod videret animum irasci, insanire, timere colligebat non esse immortalem, obstrepebatq. Platoni, quem ceteroqui admirabatur.

Aristoteles nihil de ea difficultate protulit, quia nusquam videtur disertè dixisse animam immortalem coniungi cū corpore mortali. Nec est quod quis obijciat illud ex primo de anima, ubi ait intellectum esse antiquissimum. nam non in tota latitudine loquitur de anima. tantum in genere vult ostendere animam non esse in tota sua latitudine conflantem ex elementis probat id, quia Anaxagoras locutus est de mente, quæ condidit omnia, & est immixta. Multa namq. in primo de anima profert ex dictis aliorū ut tāis per quasdam opiniones reijciat de anima. Ceriè si Aristoteles putauit animos esse æternos, hoc est ab æterno conditos, & in tempore corporibus iungi, debuisset alicubi explicare quomodo fiat,



aut fieri possit ut substantia incorporea, immortalis coniungatur corpori? Nihil autem in eam rem reperire est apud ipsum licet multi recentiores longè aliter sese gerant in lectione operum Aristotelicorum quam ego, qui non propterea pervicax cum ipsis volo altercari.

Plato in Timæo docet Deum iussisse Dijs iunioribus, ut construerent animabus vehicula, corpora scilicet de quibus vehiculis videnda quæ tradit Sebast. Foxius ad Timæum Platonis.

Seruius, ut soluat nodum Panætij, quò conatus est immortalitatem animæ euertere ait ipsam non pati, nisi quatenus à corpore afficitur. animus, inquit, non transit in vicia corporis, sed eius coniunctione impeditus, non exercet vim suam. mox subiicit passionem non resolvere æternitatem, quia animus per se nihil patitur, sed laborat ex corporis coniunctione. animus quandiu est in corpore, patitur eius contagione postquam autem deposuerit corpus, recipit suum vigorem, & natura utitur propria. docet deinceps animum apud Inferos pati, quia cum diu fuerit cum corpore non potest statim ad suum nitorem reuerti.

Theologi autem Christiani rem totam sic explicant, ut asserant statum animæ cum corpore coniunctæ esse naturalem & maximè beatum fore, quando in resurrectione corporibus iungentur illæ animæ, quæ æterna beatitudine sunt fruturæ in cælo.

Platonici, quos videtur sequi Seruius, non putabant esse statum naturalem animæ cum corpore coniunctæ sed præter naturam, molestum supplicij instar, quod significavit



cavit Aristoteles l. de anima, quando ex sententia ipsorum dixit animæ esse melius extra corpus, quam in corpore. id eò Cleombrotus, atq. alij se interemerunt, ut eximerent animam carceri. extititq. tempore Ptolomæ in Ægypto, qui tanta contentione, tantaq. via de re dissereret, ut homines passim se interimerent.

Cum malo occurrit auctoritas Regia. hinc etiam factum, ut Origenes imbutus Platonice hypothetico negauerit corporum resurrectionem, quia putabat præter naturam, & cum molestia coniunctam esse animæ coniunctionem cum corpore. Contra quem latè disputat S. Epiphanius, qui tamen non exposuit, quis fuerit in Origene fons erroris.

Quia ergò tuemur dogma de resurrectione negandum est aduersus Platonem, aduersus Seruium coniunctionem animæ cum corpore esse præter naturam. nam si prorsus præter naturam esset, non essent beatæ animæ coniunctæ corporibus in cælo, contra quod sentit, & sancit Christiana fides, & certissima veritas à Seruatore tradita.

Quando Macrobius videatur vixisse. non ab ipso neglectam philosophiam. fit mentio  
Disarj Medici. Cap. CLXXXII.

**M**acrobius par est credere vixisse sub Imperatoribus Christianis, quandoquidem alibi refert sua tempestate non consuevisse amplius comburi cadauera, qui mos proculdubio tunc cæpit antiquari, quando passim inualuit religio Christianorum, qui non solent comburere, sed integra sepelire cadauera.

Nal-



Nullus etiam dubito Romæ floruisse Macrobiū, nam vir fuit consularis, & latine scripsit. sed dicet aliquis ipsum non debere adijci philosophicæ tractationi, quandoquidem potius interpretatur ritus veteres Romanorum, & illustrat Homerum, Virgiliumq. responderim tamen non paucæ ex philosophiæ adytis deprompta fuisse cum scriberet Saturnalium lib. septimum, in quo Disarius Medicus prorsus philosophum agit, naturæq. arcana reuelat: quærit an satis recte scriptum sit à Platone, cibum per Stomachum trahi, potum verò per asperam arteriam? ouumne prius fuerit, an gallina? simulachra, cur sub aquis maiora esse videantur, quam reuera sint? & quomodo visio fiat? Cur ij quos pudet, aut qui gaudent, rubescant? at metuentes pallor inuadat? Cur faminis atq. eunuchis vox sit, quam viris exilior?

Talia qui soluit acutè, annon de philosophia bene meritus esse dicitur? certè qui conuiujs interdum adsunt, eos oportet in Macrobio non esse hospites, nec in Sympotiacis Plutarchi, ex quibus non pauca transcripsit idem Macrobius, quod quisq. deprehendet, qui inter se septimum librum saturnalium, & coniuales illas controuersias compararit, atq. contulerit. Addendus est Athenæus, quem aliqui alterum Plinium, atq. Varronem appellare non dubitant, qui tamen longè ante Macrobiū sub Marco scilicet Imperatore famam scribendo est adeptus.

Nostrates verò philosophi, imò Medici tales scriptores nunquam in manus sumunt, ineruditi propterea dicendi, & vix digni qui ad conuiuia illustrium hominum admittantur. Nam nisi de Aristotelis libris de anima, de  
cælo



cælo, de physica auscultatione differatur, aut de secāda vena, de pharmaco præbendo agatur, magis muti coguntur esse ipso simo pecore Neptuni.

An Macrobius rectè tutatus sit concentum cœlestium corporum, de quo Pythagoras primus est locutus? Cap. CLXXXIII.

**A** Latere Macrobij auelli me non patiar, antequam aliquid de cœlestium corporum sono, & concentu proferam. Etenim sonus iste magnos habet assertores Pythagoram, Platonem, Ciceronem, Macrobiū, qui non destituuntur rationibus, nec carent modo, quo soluant, quæ ab aduersarijs, quos inter præcipuus Aristoteles in secundo de Cælo tex. LII. LIII. & seq. obijciuntur.

Scipio igitur apud Ciceronem sic loquitur: quis hic est, inquam, quis est qui complet aures meas tantus ac tam dulcis sonus? occurritq. obiectioni: Hoc sonitu op̄pletæ aures hominum obsurduerunt, nec est vllus hebetior sensus in vobis. illustrat exemplo. Nam qui accolæ. Nil. habitant apud Catadupa non exaudiunt cadentem fluvium ex altissimis montibus.

Quis neget multa effugere sensus nostros, sensusq. mortales vel quia exigua tenuissimaq. sunt, vel quia magna valde? visus noster multa non cernit in animalculis, quæ tamen ibi sunt, prorsus exigua. nam vsu perspicilli, siue Telescopij non pauca deprehensa sunt in apibus, in pulicibus, muscis, quæ nostris oculis antea latebant.

Vicissim quis credat magnos sonos exaudiri à muscis, à



pulicibus, à formicis: redibile profecto non est à formicis huc illuc commeantibus in terra exaudiri nostrum sermonem, aut alios sonos. Ita fas fuerit loqui de sonitu cælorum, quem aures nostræ adeò exiguae non percipiunt.

Instat tamen Aristoteles, & clamat, à nobis eiusmodi sonum non audiri. quo argumento si licet destruere sonum illum, etiam quis euerterit ignem supra aërem collocatum, infra tamen cælum. nam nos oculis nostris eiusmodi ignem non videmus. si non datur consensus in cælo, quia non audimus eum, nec datur ignis ille, quia à nobis non videtur.

Vel inuito ergo Aristotele narrat Macrobius in lib. II. cap. I. commentarij in somnium Scipionis, quæ ratione primus Pythagoras concentum cælestium corporum deprehenderit; id quisq. per se cognoscere potest apud Macrobiū.

Pythagorica successione doctrinæ nixus deinceps Plato, & ingenij proprij profunditate excitatus in Timæo animam mundi per numerorum contexionem ineffabili providentia fabricatoris instituit. hinc ait Macrobius lib. II. cap. II. Comment. eiusdem, mundi animam, quæ corpus hoc universitatis ad motum impellit, contextam numeris musicam de se creantibus concinentiam, sonos musicos de motu, quem proprio impulsa præstat, efficere.

Certè quod Plato dixit in Timæo, non omisit in libris de Republ. ubi ait singulas Sirenas singulis orbibus insidere.

Adde Theologos voluisse esse novem Musas octo sphaerarum musicos cantus, & unam maximam concinentiam. ijdem Theologi ea de causa sacrificijs sonos adhibuerunt. nec silendum apud veteres in hymnis metra canoris versibus consuevisse adhiberi. Mortuos quoq. ad sepulturam prosequere.



quebantur cum cantu multæ gentes persuasione hac, quæ post corpus animæ ad originem dulcedinis musicæ hoc est ad cælum redire credantur.

Reclamat tamen acer Aristoteles & ait fore, ut propter eiusmodi concentum omnia tremore apud nos turbarentur, percellerentur, dissiparentur exemplo sumpto à tonitru, quod valde concutit, cum tamen sit minor eius sonitus.

Sed debebat cogitare Aristoteles du'cem esse illum sonum, minimeq. violentum, talemq. qui maximè decet diuina corpora. Tonitru autem violentum est.

Argumentatur etiam ex eo, quia Stellæ sunt pars suorum orbium, & ipsis infixæ. hinc sonitum edere non possunt.

Dicere posset aliquis respondendo: sonitum edi ab ipsis orbibus, qui tamen etiam tribuitur Stellis. nam anima mundi orbes impellit ad motum. Ergò obiectio illa frivola est.

Ipse autem Aristoteles depromit aliud argumentum Pythagoræorum lib. II. de cælo tex. LII. Corpora enim quæ sunt minora in magnitudine, & velocitate, faciunt, cum moventur sonos magnos. Cur non sonum ederent cælestia quæ sunt velocissima, & maxima?

Ait etiam asserere Pythagoræos nos propter consuetudinem sonum non audire, nam nobis quoq. nascentibus cælum edit concentum. Ita fabri mirus turbantur sono, quem edunt mallei, quia consueverunt eum quotidie audire.

At regerit ipse, saltem deprehendunt ipsi privationem id est norunt, quando malleus edat sonum, & non edat. nam quando feriantur, non exaudiunt ullum concentum, incude non percussa.



*Legatur Auerroes exponens Aristotelem, legantur alij interpretes. sed nec omittatur Elias Vinetus, dum somnium Ciceronis, post Macrobiū explicat. Ita quisq. sibi consulat, statuetq. Pythagoræisne sit adherendum cum Platone, Cicerone alijsq. magnis viris, an acquiescendum ijs, quæ Peripati fundator diligenter in secundo de cælo descriuit.*

De Animarum immortalitate, & sede in cælo  
quid Scipio apud Ciceronem dicat, & quo  
modo ea exponat Macrobius; cun-  
ta tamen esse exigenda ad  
theologiam Christianam.

Cap. CLXXXIV.

**M**irari subit, quod iunior Africanus in somnio edoce-  
tur de animarum magnarum sede, & beata im-  
mortalitate, cum tamen videatur prorsus contrarium didi-  
cisse à suo præceptore Panatio Stoico, qui deferens Platonem  
obnoxias morti esse animas docuit, easq. interire contendit  
qua quidem sententia videtur inbuisse discipulum Africa-  
num iuniorem. Cur ergo Cicero in libro de Republica eun-  
dem Africanum sic inducit, ut erudiat diuinitus de im-  
mortalitate animarum? Cur audit ipse in somnio, quod ex-  
posuit luculentō commentario Macrobius, omnibus, qui pa-  
triam conseruauerint, adiuuerint, auxerint certum esse  
in cælo, ac definitum locum, ubi beati æuo sempiter-  
no fruuntur? cur talia dum auribus haurit cupit dissolui,  
ut protinus ad cælestem transferatur patriam?

Re-



Respondere est Ciceronem minimè approbasse Panætianam sententiam de animarum mortalitate, quin iusò eam Platonem secutum cupiuisse vt impiam ex animis hominum euellere persuadereq. suis ciuibus non interire animas, sed eas, quæ bene de Republica fuerint merita ad si dereas migrare sedes, corporeis postquam fuerint vinculis solutæ.

Nec certum est Scipionem assensisse præceptori oppugnanti animarum immortalitatem, nec enim semper discipuli suorum Magistrorum effata amplectuntur, cum discant ab illis ipsis educatoribus, non esse in cuiusquam hominis verba iurandum, quando philosophicæ suscipiuntur disceptationes.

Vnde verò hausit Cicero, quæ tradit in hoc somnio? unde didicit animas excelsas in cælum redire, aut cœlesti donari sedi? ex Timæo. eius verba sunt: atq. illum, qui rectè curriculum viuendi à natura datum confecerit, ad illud astrum, cui accommodatus fuerit (συννόμιον ἄστρον) reuersum beatam vitam acturum. hæc Plato, qui videtur in genere docere omnes animas, quæ rectè vixerint redire ad cognatum astrum. Cicero autem videtur tantum loqui de animabus magnorum hominum, illustriumq. Procerum. quod etiam confirmatur, quia locum mox designat, dum ait esse circum lucentem inter flammæ splendore candidissimo, qui orbis lacteus nuncupatur. iam Manilius ad lacteum circulum non nisi animas magnas transmittit, libro primo, dum sic loquitur:

quapropter Lacteus orbis

Dicitur, & nomen causa descendit ab ipsa.

An maior densas stellarum gentia Corona

Con-



Contexit flammæ, & crasso lumine candelæ  
 Et fulgore nitet collato clarior orbis.

An fortes animæ dignataq. nomina cœlo  
 Corporibus resoluta suis, terræq. remissa

Huc migrant ex orbe, suumq. habitantia cœlum

Æthereos viuunt annos mundoq. fruuntur?

Æthereos viuunt annos mundoq. fruuntur?

*Mox recenset illustres homines tam græcos, quam latinos. ubi etiam vides existimare Manilium ex sententia sui seculi cœlum esse igneæ naturæ, lacteumq. orbem nequaquam esse in aere, ut non bene sentiunt Peripatetici, sed nihil esse aliud quam candorem ex numero stellarum, quæ cum exigua sint, si cum alijs conferantur, non possunt à nobis distinctè cerni, cernitur tamen candor ille lucens, quem vicina spargunt.*

*Sententia nihilominus Platoniorum de animabus saltem aliquibus remeantibus in cœlum potest oppugnari, quia antiquissimus scriptor Homerus animas Heroum non remittit in cœlum, sed ad subterranea loca, ut videre est XI. Odysseæ. nec videntur esse ibidem beatæ, quandoquidem Achilles summopere optat interesse hominibus, cupitq. fieri bubulcus aliquis modò fruatur vita, adeò contemnit vitam illam extra corpus constitutam, quamuis cum imperio in mortuos coniunctam.*

*Virgilius quoq. præter elysios campos in subterraneis locis non agnoscit ullam sedem animarum beatarum etiam Heroicarum, quas tandem docet post longum æuū incipere rursus in corpora velle reuerſi. An contemnere fas est Platoniciſſimorum vatum auctoritatem?*

*Dicerent Platonici se maioris facere sui præceptoris dicta quam*



quam ut velint dogmata metiri ex fabulosis poetarum narrationibus. se ergo assentiri Magistro, quem voluit sequi eloquentissimi Tullius. non dissimulamus autem variè de sede animarum altercatos Platonis discipulos, ut accuratè admodum enarrat rem totam Macrobius cōment. in somnium S. p. cap. XI. ubi ait; inferos autem Platonici non in corporibus esse (ut quidem visi sunt sentire Pythagoræ) id est non à corporibus incipere dixerunt: sed certam mundi ipsius partem Ditis sedem, id est inferos vocauerunt.

Nam diuidentes mundum in duo immutabilem scilicet partem & mutabilem, immutabilem dixerunt eam quæ est à sphaera, quæ a planes vocatur vsq. ad globi lunaris exordium. Mutabilem censuerunt esse à Luna ad terras vsq. & vivere animas, dum immutabili parte consistunt mori autem cum ad partem ceciderint permutationis capacem. sed legendus est Macrobius ne eum transcribam, & simul cognoscendum, qua ratione secundum Platonicos animæ ab orbe laetæo, à superiori parte in terras, inq. hanc regionem delabantur.

Quæ tamen sic cognoscenda sunt, ut semper in huiusmodi rebus quando scilicet de anima agitur non conquiescamus vel in Platone, vel Poetis, sed potius nos conferamus ad sanctissimos Theologiæ Christianæ mystas, qui depulsis tenebris mentem nostram in regione veritatis iam pridem collocarunt. Ergo quæ à me prolata sunt ex Platone, ex Cicerone, exque Macrobio deprompta, historicam narrationem, non veritatis expositionem complectuntur. prodixit autem nosse quid Gentiles dixerint, ut facta



comparatione magis ac magis Christianæ philosophiæ splendor elucescat.

De studio publico philosophiæ in vrbe Roma  
sub Christianis Imperatoribus.

Cap. CLXXXV.

**T**Hemistium docuisse Romæ sub Imperatoribus Christianis nihil mirum. nam nec tunc prorsus siluit philosophia, etsi philosophiam profitentes gentiles essent. etenim Theodosius, & Valentinianus ediderunt sanctionem quæ est in C. de studiis liberalibus urbis Romæ, & Constanti-nopolis, quam quidem sanctionem appellant ipsi diuinæ sanctionis affatus, & cœlestia statuta sic autem loquuntur, ne eos putemus philosophiam neglexisse: profundioris quoq. scientiæ atq. doctrinæ memoratis magistris sociamus auctores. vnum igitur adiungi cæteris volumus, qui philosophiæ arcana rimetur. Ita cum olim prorsus contemnendam putarent Christiani philosophiā, vigente adhuc Gentilium superstitione, postquam inualuit Religio Christiana auspicijs, & auctoritate Imperatorum, recepta quoq. est philosophia.



De Boetio Romano Consule , qui bene de  
Aristotelis meritis est philosophia . non  
præteritur Symmachus eius Socer.

Cap. CLXXXVI.

**B**oetium facundia , probitate , doctrina , plurimum ex-  
celluisse nemo non fatetur . addunt viri docti , ipsum  
fuisse ultimum omnium , qui ex antiquis Romanis al-  
quid literarum monumentis consecrarint : primum om-  
nium , qui Aristotelicam disciplinam latinis litteris illustra-  
re cœperint : tantaq: apud posteros auctoritatis , ut ab eius  
sententijs nulla ferme sit prouocatio . incidit in ea tempora ,  
quibus Italia à Barbaris oppressa tenebatur . Natus est enim  
non ita multis post annis , quam ab Alarico Roma capere-  
tur , floruitq: Theodorici Regis temporibus . hic Rex quam-  
uis Gothus , si Arianum errorem seponas , ciuitatis , &  
doctrinarum fuit amantissimus , ut propterea existimandum  
sit ipso regnante in Italia nutu Zenonis Imperatoris , Boe-  
tium mentem honestis disciplinis applicuisse . extat Theo-  
dorici regis ad Boetium Epistola , quæ & Ptolomæi Synta-  
xim , & Archimedis Mechanicæ ab eo latinitate donatam  
affirmat . Certè iniuriam facit Theodorico is , qui vitam  
Boethij conscripsit , dum putat eum detestatum tyrannidem  
Theodorici tanquam barbari hominis solatium conatum ca-  
pere . Nam cur scripsisset Epistolam ad Boetium Theodo-  
ricus , quæ ostenderet sibi eius placere in illustrandis scien-  
tijs laborem , si auersatus fuisset doctrinarum studia ? Quin  
visa est sub eiusmodi Rege respirare Italia , & ad pristinam



elegantiam, quantum quidem permittebat desolatio à Barbaris illata, reuerti, quod nos docere queunt Cassiodori Epistola, & Ennodij panegyricus, ut alios omittam scriptores.

Errant illi quoque, qui putant omnia conscripta fuisse, quae philosophiam illustrant, cum custodia traditus esset. Atqui satis constat ipsum Romae consulem creatum, cum praedicamentis manum admoouisset. Cupio autem nostros Proceres philosophiae coniectores, si non plane mentis expertes sunt relegere hominis Christianissimi, & in fastigio consulari collocati verba, quae sic habent: Etsi nos curae officij consularis impediunt, quo minus in his studijs omne otium plenamque operam consumimus, pertinere tamen videtur ad aliquam Reipublicae curam, elucubratae rei doctrina ciues instruere. nec male de ciuibz meis merear, si cum prisca hominum virtus urbium caeterarum ad hanc vnam Rempublicam imperium transtulerit: ego ad id saltem quod reliquum est graecae sapientiae artibus, mores nostrae ciuitatis infuxero. quare ne hoc quidem ipsum Consulis vacat officio, cum Romani moris semper fuerit, quod vbiicumque gentium pulcherrimum esset, atque laudabile id magis ac magis imitatione honestare. haberent vti nam talia dicta Romulidarum iuris infixa medullis. Placuisse porro Theodorici mores (Arianam haeresin semper excipit) Boetio ex eo etiam constat, quia in curia Regem Romanum accersitum S. P. Q. R. nomine magna facundia laudauit: & in Circo duorum Consulum (filiorum) medius triumphale conuiuium multitudini exhibuit. Quin Consuletiam fuit cum Symmacho socero.



*Fateor utrumq. iussu Theodorici interemptum. quod nemo non vituperat. in suspicionem scilicet aduersus optimos viros lapsus Rex tam grauiter peccauit, seq. inno. enti sanguine effuso polluit. nunc recitemus pusillum carmen, quo profiteor meam erga Heroem Romanum obseruantiam.*

Multum Roma tibi debet, generose Boëti,

Teq. vocat meritò

Nouissimum Quiritem.

Nam primus Latio deducens flumine lymphas

Pandis Aristotelem,

antistitem Sophorum.

Sic Tyberis tua facta refert, nomenq. reponit,

atq. vocat meritò

Nouissimum Quiritem.

*Legantur, & relegantur non tantum, quæ scripsit in prædicamenta, sed & Perihermynias, quæq. exposuit de diuisione, de differentia Rhetorices, & Logices, non spernatur labor in Topica Ciceronis, quem sic præeuntem sequitur, ut bene de Iuris ciuilibus studiosis mereatur. Quid memorem pietatem, & doctrinam, qua tuetur contra Nestorium, & Eutychetem dogma Catholicum de persona, & naturis in Christo?*

*Comitetur Boetium generum Socer laudatissimus Symmachus, qui non tantum excelluit Sacrarum litterarum cognitione, ut colligitur ex Boetio, sed & præstitit absq. dubio philosophia, quandoquidem Priscianus, qui illis temporibus vixit, extollit in ipso ingentem multijugamq. doctrinam, dum præfatur ad libellum de Ponderibus præferentem Symmachiani nominis fulgorem. Eadem porò ira*



præceptis, & Tyrannica Theodorici, quæ sustulit è medio Boetium, exitio & morti inuoluit Symmachum. sed non impune tulit Rex, mox abreptus à diuino iudicio illuc unde negant redire quemquam. O male consultum Principem, qui occisis duobus Heroibus philosophis æternam suo nomini cateroqui glorioso ( si Arianam hæresim excipias ) inussit ignominiam, nullo vnquam seculo abolendam, quamdiu namq. historia erit, historici quoq. factum eiusmodi in Theodorico detestabuntur, vt discant Reges non fœdare suas manus sanguine sapientum virorum. Ita Tiberianam damnamus sauitiam, qui coëgit è vita excedere Cremutium Cordum; Valerianum notamus, qui Longinum vita spoliauit; Neronem execramur, qui ad mortem adëgit Thraseam, Senecam, sapientia antistites.

Laudandos esse Proceres Christianos doctrina & eruditione conspicuos, qualis fuit Boethius. laudantur Nicolaus de Antella, & Cardinalis de Richelieu nuper mortuus.

Cap. CLXXXVII.

**P**erquam lubenter impendi antecedens caput gloriæ sapientissimi consulis Boethij, vt magis ac magis confundatur factus quorundam Procerum cum inscitia coniunctus; nam Boethius etiam fuit Christianus, atq. adëd ostendit philosophiam à Principibus esse excolendam in Republica Christiana, esse doctrinas comparandas. sic aliquot abhinc annis cum obiret vir illustri genere natus Nicolaus de Antella Florentinus Senator, & Magno Duci ab intimis consilijs,



*filijs, eius memoriam prosecutus sum carmine, quod eruditione, doctrinaq. multiplici esset instructus, peritissimus rerum civilium, & plurima nosset ex historia omnium temporum, quæ feliciter transtulit ad grauissima negotia tractanda, & perficienda.*

*Idem institutum laudandi sapientes Procères sum nuper secutus, cum fato concessisset celsissimus Princeps Cardinalis de Richelieu, nam inter alia hoc epigrāma latinum exarauit: Mortuus est Richelieu, nunc Vulgi vbicunq. loquelæ*

*Dicunt, & gelidus bella ciere nequit.*

*Mortuus est, fateor, Richelieu, claususq. sepulchri*

*Angustis latebris heu iacet exanimis.*

*Sed non mortua sunt facta, immortalia facta,*

*Liligeri Regni queis decus asseruit,*

*Dum tumidos Rupellæ animos parere coegit,*

*Et pressit Proceres seditione truces.*

*Quin ultra fluuium Rhenum, & iuga Pyrenæi,*

*Graias cisq. Alpes protulit Imperium.*

*Ergò plebs fileat, plebs veræ nescia vitæ,*

*Nec repetat verba hæc: mortuus est Richelieu.*

*Nam superest Heros Richelieu, super vsq. futurus,*

*Veridicæ historiæ maxima materies.*

*Addidiq. Etruscos versiculos:*

*Allor si veggon stabilirsi i regni*

*E sorder le Republiche famose,*

*Quando chi sà le merauiglie ascosse,*

*E sparge rai tra gli eleuati ingegni*

*Le posse tien per inalzar i degni,*

*Dà leggi, per spronar l'alme ritrose*

*E per*



510 De Philosophia apud Romanos

E per far le città liete, e gioiose  
Tempra con la ragion di Marte i sdegni  
Quindi candidi giorni per più lustri  
Goder s'è vilito il Gallicano Impero  
Di Richelieu ne' fatti chiari illustri:  
Di Richelieu, ch' esplorator del Vero  
Tra' saggi eccellenti, e letterati industri  
Fiorì sottil Statista, almo guerriero.

*Quibus alios subiunxi in hunc modum:*

Se muta la favella de' mortali  
I fatti de' Guerrier non più narrasse,  
Se l'oblio vincitor fiero auventasse  
Contra il giorno del Ver notturni strali,  
Se l'istoria, che può far immortali  
I nomi degli Eroi, dir non osasse;  
E se lo stil di Pindo non s'alzasse  
per render i successi al sol vguali:  
Di Richelieu con suon nouello, e strano  
Dall'anima del ciel fatti eloquenti  
Fauellerian i monti, i fiumi, e' il mare;  
Poiche ceder fur visti al suo sourano  
Eroico valor, e spesso intenti  
Secondaro l'imprese e' l'grand'oprare.



Boetium non locutum de Categoriæ vocabulo  
detorto ad alium significatum. An liceat  
philosophis noua vocabula archite-  
ctari? Cap. CLXXXVIII.

**N**escio an quis facile à se ipso impetret, vt inscriptio-  
nem libri, quem prædicamenta appellant inter-  
pretes latini, sit approbaturus, dicturusq. *Uniuersales vo-*  
*ces rectè fuisse vocatas Categorias, cum Categoria sit accu-*  
*satio, quæ in iudicijs instituitur, cui opponitur defensio:*  
*quid verò commune habet accusatio cum generibus, Uni-*  
*uersalibus? Cur non est secutus Arch. tam Aristoteles, qui*  
*melius videtur inscripsisse κατόλως λόγους? Vocabula ex*  
*usu communi petenda sunt. neq. enim priuatis licet archi-*  
*tectari sermonem, cum sermo sit taciturnum quoddam pactum*  
*tacita sponso totius nationis. conantur tamen tueri Aristote-*  
*lem, qui detorsit ad rem suam communem significatum Ca-*  
*tegoriæ, Porphyrius, Dexippus, Simplicius. nam Boethius*  
*nihil in eam rem profert, quod miror. Porphyrius ait philo-*  
*sophos, quia abdita ac plerisq. ignota exponunt nouis*  
*vocabulis indigere ad ea exprimenda: atq. iccirco vel*  
*iplos verba noua & insueta finxisse vel politis in alium*  
*significatum detortis abusos fuisse. idem ferè profertur*  
*ad defensionem Aristotelis à Dexippo, & Simplicio. sed cum*  
*veritas sit antiquissima non videtur exponenda nouis, aut*  
*insolitis verbis. id profecto verum est, quod prius, id prius*  
*quod ab initio. Ergo qui inuehit noua vocabula, videtur*  
*etiam nouas opiniones inuehere.*

Ne-



Negare tamen non possumus præter philosophos alios quoque. saltem parcè detorquere vocabula recepta ad alium significatum. videmus etiam crescere linguas plerasque. omnes hoc fit, dum construuntur nova vocabula, noui dicendi modi. sed viderint philosophi ne cerebri sui commentis nova vocabula imponant: nam talis licentia poterit officere communi sententia de veritate.

Porphyrus, Dexippus, Simplicius ut defendant Aristotelem depromunt ex eodem ἐντελεχείας vocabulum quod ipse prorsus nouum composuit. sed si quis velit esse contentiosus, dicet non defendi, sed potius magis accusari factum Aristotelis tali exemplo. suocertè loco differuimus de inuento, & confictò ab Aristotele ἐντελεχείας nomine: lubet tamen audire defensores, Porphyrum præcipuè: ipse nomen hoc ἐντελεχείας idest perfecti habitiæ ad huiusmodi actum significandum finxit, quod in usu antea non erat. Capitatum item quod de alio dici consueuerat ipse de eo quod habet caput præter consuetudinem usurpat, capitatae rei caput accommodatius dici asserens quam animalis. Nam caput habentis signum est capitatum: quippe cum capitati caput sit: propterea quod non omnia animalia caput habent cuiusmodi sunt echini, & vrticæ marinæ, & id genus cætera: vnde etiam ipse inquit: Interdum verò etiam nomina fingere opus est.

Sic se gessit Plinius, sic Lucretius, sic Manilius, sic etiam Theodorus Gaza, Iulius Caesar Scaliger. Quid memorem Iurisconsultos, quorum noua philosophia peculiarem significatum indidit vocabulis detorquendo significatum, aut



etiam non pauca noua construxit.

Videant iam docti viri an ἐντελέχεια, & αὐτονομία  
Aristotelis excusari queant.

Ad Boethium exponentem Ciceronis defini-  
tionem de Æquitate proponitur contro-  
uersia, an Nulla æquitas sit scripta?  
Cap. CLXXXIX.

**D**E æquitate quando agitur, videntur inter se lucta-  
ri philosophi morales, & Iurisconsulti. philosophi  
pronunciant nullam æquitatem esse scriptam, nitunturq. au-  
thoritate Aristotelis lib. V. Eth. cap. x. ubi ait ἐντελέχεια,  
æquum bonum esse ius, non quidem legitimum, sed in quo  
legitimi correctio potius contineatur. ad quem locum in-  
terpres Vbertus Gifanius non dubitat asserere falsissimum  
esse æquitatem partim esse scriptam, partim non scriptam.

Ego malo assentiri Iurisconsultis affirmantibus non re-  
pugnare æquitati, ut scripta dicatur. nam præsto est aucto-  
ritas Ciceronis, qui in Topicis ius Civile sic definiuit: ius  
civile est æquitas constituta his, qui eiusdem sunt ciui-  
tatis ad res suas obtinendas. Concinit Ciceroni Boetius,  
qui Ciceronem interpretatur. Munitur Boethiana inter-  
pretatio auctoritate Vlpiani ff. de iust. & iur. l. 1 Ius est  
ars æqui, & boni §. 2. ait ius priuatum tripartitum esse,  
& collectam ex naturalibus, præceptis aut gentium,  
aut ciuilibus. præcepta absq. dubio scribuntur. sed ius con-  
tinetur præceptis, quod ius est ars æqui, & boni. Ars ete-  
nim est collectio præceptorum ad aliquem finem in vita hu-



mana utilem. Constituenda ergo est quaedam equitas scripta, nec negandum equitatem non in tota latitudine scribi. nam quaedam in Iurisconsultorum scriptis elucet, eaq. ius scriptum, saltem quo ad partem constituit, à qua non licet recedere iusto iudici: altera est non scripta, quae in singulis circumstantiis rei vel personae spectata est, cuius possunt tot esse regulae, quot hypotheses occurrere possunt. propterea certa regula vix constitui possunt sed religioni iudicis committitur examinandum, quid in singulis controuersiis ex aequo, & bono praestandum sit. Non omnia legibus latis potuerunt comprehendere, ex quibus omnis controuersia posset decidi, & terminari l. non possunt ff. de leg. Ideo interpretatio prudentum, quae naturaliter leges sequi solet ff. de orig. iur. l. 2. S. his legibus multa collegit, quae ommissa erant à legibus, & aequitate dictante legis instar confirmauit. quod rectè factum videtur confirmari posse confessione ipsius Aristotelis qui aequitatem vocauit νόμος ἰδρυμα, id quod praescriptum est à lege. Cur enim à prudentioribus non possint colligi ea, quae tacuit lex? urbs profectò Athenarum ex nobilibus habebat aliquos, qui exorta ambiguitate de sensu legum responderent. sed non erat moris tales observationes tradere scriptis. Nolebant enim Athenienses excrefcere leges, ne multis difficultatibus inuolueretur ius, & inde oriretur longitudo litium. Hinc mirum non est, si absolute Aristoteles non agnouit aequitatem nisi non scriptam Romani autem non contenti simplicitate xij. tabul. non pauca commentando addiderunt, tandemq. pepererunt quandam nouam philosophiam constantem definitionibus, diuisionibus, illationibus, principiis, axiomatibus, alijsq. quae ut rectè percipi-



si piantur, requirunt ingenium non mediocre, diligentiam non vulgarem, tempus non exiguum. Tali autem arte caruisse nationes, excepta Romana, non dubitarim pronuntiare.

Quod si approbemus morem Romanorum in scribendis nonnullis ad equitatem faciētibz, debet saltem esse aliquis modus interpretationum, & commētionum. At hodie pro dolor. Ius abiit in miserabilem altercationem, dum quotidie doctores protrudunt ingentia volumina cōplectētia controversias scholasticas, forenses. exiūs etiam subinde sententiae iudicium, quas decisiones appellant, quod cacatibes nisi reprimatur vix deinceps feretur sententia in aliquo tribunali, quae non mox latè exposita, & per multam disputationem dilatata non edatur.

De statu animarum exponuntur verba Boethij.

explicatur etiam Petrarcha.

Cap. CXC.

**V**identur difficultate laborare verba Boethij, quae leguntur in primo dialogo in Porphyrium à V. Etorino translatus, quae sic habent: animae humanae cum prioris illius intellectibilis substantiae fuissent, corporum tactu ad intellectibilibus ad intelligibilia degenerarunt. Nonne his verbis videtur significare animas humanas antequam coniungerentur corporibus fuisse beatas in caelo, & lapsas in corpora pollutas tali hospitio? quod docuit post Platonem Origenes, qui Mosaicam narrationem de creatione Adami, & Euae ad Platonismum traxit, quod visus etiam est facere Philo. Idem quod superius protuli vide-



zur tradere Boethius lib. V. de Consol. Philos. p. 76. Humanas animas liberiores quidem esse necesse est cum se in mentis diuinæ speculatione conseruant, minus verò cum dilabuntur ad corpora, minusq. etiam cum terrenis artibus colligantur.

Puto verba Boethij sic exponenda, ut voluerit significare animas si secundum suam substantiam, & naturam considerentur aptissimas esse, quæ contemplationi rerum diuinarum feliciter inhæreant. quando autem colligantur corporibus experiuntur multiplicem difficultatem. Doctrina igitur causa sic loquitur Boethius non quod fuerit tempus, quando animæ nondum cōiūgata corporibus beata essent. sic quoq. exponendus est Petrarca, qui non uno loco videtur dicere animam suæ Lauræ à cælo fuisse dimissam, ut sua presentia terras illustraret. Neq. enim credidit Petrarca animas antequam coniungantur corporibus esse in cælo. Ita etiam poetica libertate usus quasi Platonius animas remittit non ad cælum Empyreum, sed ad Planetas, & sidera errantia. quod condonandum est poetica libertati.

Prædicamenta, quæ interpretatur Boethius,  
tradita fuisse ante Aristotelem ab Archita  
Pythagoræo. confutatur quæ-  
dam narratio Themistij.

Cap. CXCI.

**V**ltimus interpretum putat Logicam omnem ad Aristotelem velut unicum auctorem esse referendam. quod quam falsum sit, norunt qui aliquem usum habent in scriptis



ptis Platonis. sed & confutantur ex eo, quia constat de  
prædicamentis, siue generibus entis aut κατόλοις λόγοις  
Architam Pythagoræum Tarentinum longe ante Aristotelem  
scripsisse. id fatentur pleriq. Veterum. audiamus Boethium  
lib. I. ad prædicam. Arist. Architas duos composuit li-  
bros quos κατόλους λόγους inscripsit, quorū in primo hæc  
decem prædicamenta disposuit. vnde posteriores qui-  
dam non esse Aristotelem huius diuisionis inuentorem  
suspicati iunt, quod Pythagoricus eadē conscripsisset,  
in qua sententia Iamblicus philosophus non ignobi-  
lis est. hæc ille.

Simplicius eadem de re sic loquitur in proæmio comment  
in prædicam. Nam cum etiam Archita Pythagoricus  
ante Aristotelem in eo libro, quem de omni re vel de  
vniuerso inscripsit diuisionem in decem prima genera  
fecisset, & explicationes eorum generum per exem-  
pla euidenter, & apertè declarasset ac ostendisset,  
quem ordinem inter se habeant, & quæ sint vniuscui-  
usq. generis differentia specificæ, & quæ eisdem com-  
muniter, & propriè insint, iste magnus scilicet Iambli-  
chus conuenientibus suisq. in locis adducens Architæ  
dicta. paulo post fateatur videri ubiq. Aristotelem sequi  
Architam. vidit, ut puto, Simplicius librum Architæ,  
aut saltem Iamblichi commentarium, & fassus est Aristot-  
elem, sibi plerumq. visum sequi Architam. Miror verò  
Porphyrium cum accurate librum de prædicamentis Aristot-  
elicum exponeret nullam fecisse Architæ mentionem. Nec  
Dexippum Platonicum discipulum Iamblichi quicquam de  
eodem scriptore deprehensisse, cum tamen versaretur in  
manu-



518 De Philosophia apud Romanos  
manibus omnium lamblichi labor.

Sed multo magis miror Themistium ausum dicere Architam auctorem predicamentorum fuisse quendam Peripateticum, qui scripserit post Aristotelem. nam non videmus à quoquam factam mentionem ullius Architæ peripatetici Architam autem Tarentinum, Pythagoreum celebrem nouimus. oppono Themistio iudicium lamblichi, nec fileo Simplicium assensisse lamblichon non verò Themistio.

Componantur verba Architæ quæ extant apud Simplicium cum Aristotelis, deprehendes non semper esse concordēs, & Architam proponere doctrinam Pythagoræam, non peripateticam. nam primæ substantiæ apud Architam sunt Idææ incorporeæ, & immateriales; secundæ autem substantiæ sunt sensibiles & indiuiduæ substantiæ. At apud Aristotelem secundæ substantiæ sunt genera & species, quæ destructis primis substantiis nihil sunt. primæ autem substantiæ sunt indiuiduæ. Ergo Architas ille Pythagoricus fuit, non peripateticus.

Vnde obiter discere est Aristotelem vix candidè se gessisse, quandoquidem nulla facta mentione Architæ, rursus eius in sua sacra deriuauit, & strauit viam suis hypotheseibus, quas erat propositurus contra Pythagoræam, & Platoniam sapientiam.

Quæ lubenter exposui, ut nostrates Peripatetici deliberem. an deinceps omnem logicam inuentam velint imputare Aristoteli, & num meliora fuerint, quæ tradidit Architas, quæ supposuit Aristoteles?



Existimasse Boethium *Naturam* secundum Aristotelem tantum dici de corporeis substantijs. de tota quaestione aliquid profertur. Cap. CXCLII.

**I**N opusculo de duabus Naturis cap. I. ait Boethius corporeas tantum substantias naturam habere, secundum Aristotelem, cæterosq. & eiusmodi multimodæ philosophiæ sectatores. inde colligere est existimasse Boethium in schola Peripatetica nequaquam dicendum esse Deum, & intelligentias, & primum motorem habere naturam, aut esse naturam. nam extra peripatum ipse natura vocabulum tribuit Deo optimo maximo. quicquid enim facere potest, natura est. Deus facere potest, & facit. igitur natura est. sed longè aliud est loqui cum Christiana religione, aliud ambulare in Lyceo.

Dices, Boethium in eiusmodi opusculo agere Theologum non philosophum Peripateticum. non igitur voluisse definire an primus Motor sit natura in umbra lycei.

Respondeo, Boethium quandoquidem agebat Theologum voluisse simul significare secundum Aristotelem Deo nequaquam tribuendam naturam. Ergò indicavit sibi exploratam esse mentem Aristoteleam, neq. secundum Peripati Moderatorem, primum Motorem, & substantias incorporeas quales sunt Intelligentiæ, esse appellandas Naturas. xij ceretè Metaph. tex. xxxviij dixit cælum, & naturam pendere à primo principio, hoc est Motore, atq. adeo Motorem non esse naturam, quod nuper etiam rectè animaduvertebas

P. An.



*P. Augustinus de Salustio præclarus Metaphysica interpret.*

*Sed obijcies contra Boethium Aristotelis Verba VIII. physic. tex. 48. ἐν γὰρ τοῖς φύσει, δὲ τὸ πεπερασμένον ὑπάρχει μᾶλλον: oportet in ijs, quæ natura finitum esse magis. unde colligit vnum esse motorem cæli, & non infinitos. Quod si motor non esset natura, nihil promoueret argumentatio Aristotelica.*

*Respondeo Aristotelem sic ratiocinari: Mobile, scilicet cælum, est finitum. Ergo non est dicendum motores esse infinitos aut valde multos. nam quod Aristoteles sub nomine eorum quæ φύσει hoc est natura sunt, non intelligat primum Motorem docere est ex lib. 1. de Cælo tex. I. eorum quæ natura dicuntur hæc quidem sunt substantiæ dico autem substantias, vt simplicia corpora, & cælum, & rursum animalia; Quid apertius fieri potest his verbis?*

*Quod si Natura esset secundum Aristotelem primus Motor, esset etiam finitus, atq. adeo esset corporeus, quod prorsus ab ipso reficitur in VIII. physic. pluribus allatis argumentis. & tamen Aristoteles, vt probet non esse infinitos motores, imo non plures ait tex. 48. vnum autem magis (mouens) quam multa, & finita, quam infinita. quamuis quando egit de infinito dixit finitum, & infinitum esse affectionem quantitatis. in hoc vero textu videtur finitudinem vt ostendat esse vnum Mouens. vbi etiam subiungit: sufficiens autem est, etiamsi vnum (mouens) cur ergo in xij. Metaphys. conatus est ostendere esse quinquaginta sex Motores secundum numerum latiorum & in hoc vero tex. 48. physic. VIII. videtur sibi contradicere, dum ait vnum Mouens sufficere, mox subiicit id esse primum*



*Mouens inter immobilia, & esse alijs principium Motus? nam si datur vnum primum mouens immobile ceteris tribuens motum, non erit primum inter immobilia: cum enim vnum id immobile reliquis omnibus tribuat motum, erit tantum vnum immobile, non plura immobilia: nam quod accipit motum ab alio, nequaquam immobile dici debet.*

*Auerroes non tetigit difficultatem, sed simpliciter scripsit hoc modo: si iste motor, qui declaratus est esse æternus, fuerit vnus, æternum erit vnum, & si plures, æterna erunt plura. sed hæc obiter.*

*Quæres an absolute in Schola Aristotelis Motor assistens non possit dici Natura? nobilissimus professor philosophiæ in hoc Gymnasio Alexander Marsilius Senensis putat probabiliter sustineri posse sententiam eius, qui Motorem vocat Naturam.*

*Proprie tamen non vocabitur Natura, sed per quandam assimilationem; ut enim Averroes existimauit Intelligentiam per assimilationem dici in Peripato animam cæli, unde cælum appellatum est animatum ab Aristotele, sic eadem intelligentia appellari vtrumq. poterit Natura. atq. ita explicari debet quomodo Averroes in libris de anima cælestia corpora appellauit immortalia animalia, quia habent intelligentiam assistentem, quæ quodammodo anima est, & instar animæ, non propriè anima mouet cælum. quibus expositis carmen subiiciam de controuersia inter celebres philosophos Licetum, & Liliolum super Naturæ significatum in Lyceo non ita pridem exorta:*

*Mentes atq. Deum Naturæ nomine signat*

*Licetus, quem quis lædere sustineat?*



Liliolus pugnat Liceto, telaq. torquet,

Quæ tamen an feriant, dicere iam renuo.

Quem sequeris lector? viridẽ cui porrigis herbam?

Candida cui tribuit puncta magister honos?

Me mage Lilioli sententia, grata Lyceo,

Detinet, & Veri congrege luce beat.

Quatenus videatur Boethius definiuisse hominem animal rationale mortale.

Cap. CXCI.

**V**T sit perfecta definitio hominis Boethius lib. secundo in Top. Cicer. ait ponendum esse rationale, mortale. Ergo ex ipsius sententia videntur dari quædam animalia rationalia, immortalia. An ergo putavit Angelos esse animalia? aut saltem cœlestia corpora? Ergone existimavit cœlum constare ex anima, & corpore, tanquam partibus, & animam eiusmodi esse rationalem? quod tamen ex scholis Christianis explosum iam pridem est.

Respondeo vix credibile esse Boethium putasse Angelos esse animalia, cum non constent ex corpore, & anima, quicquid dixerint nonnulli illis temporibus, qui putabant Angelos esse præditos corporibus subtilibus.

Nec dicendum putasse Boethium corpora cœlestia informari anima rationali, ut existimavit Plato. potest tamen fieri, ut opinatus fuerit corpora cœlestia posse dici animalia immortalia, quatenus mouentur ab intelligentia, quæ per assimilationem vocari potest anima cœli, ut quidem rem totam est interpretatus Auerroes.



An tantum fuerint tres modi conferendæ  
libertatis tempore Boethij?  
Cap. CXCIV.

**S**I quis velit probare aliquem non esse liberum, ait Boethius lib. secundo in Top. Cicer. satis esse si quis ostendat non esse liberum testamento, non Vindicta, non censu. quod supponit non fuisse plures modos conferendi libertatem. Censu sanè conferebatur libertas, permittente domino, ut servus in censum nomen deferret, nam antiquitus non nisi ciues Romani censebantur. per vulgatum etiam erat servis suis in testamento relinquere libertatem, ut liberi sequerentur funus. quò referuntur nota verba Persij: hesterni subiere Quirites.

Vindicta erat modus manumittendi coram Pratore, quod etiam Tirones sciunt, sciuntq. Persianum versiculum:

Vindicta postquam meus à Pratore recessi.

Talis tamen enumeratio videtur mutila si respicias tempora Boethij: Nam tunc manumittebantur Servi etiam in Ecclesia coram episcopo, quod notissimum est ex C. de his qui in Eccles. l. 1. quæ lex lata fuit à Constantino. Ergo tempore Boethij erant quatuor modi conferendi libertatem. reprehendendus igitur quod talem modum omiserit.

Respondendum est Boethium tantum interpretatum fuisse Ciceronem, neq. voluisse ex posterioribus temporibus quicquam addere. At tempore Ciceronis erant tantum tres modi conferendi libertatem. Igitur bene locutus est Boethius.



Obseruent interim studiosi oportere nos ut simus non insulsi Iurisconsulti scire immutationes, quæ varijs temporibus contigerunt. Valde autem immutarunt Iurisprudentiam Romanam tres Imperatores, Augustus, Constantinus Iustinianus, quorum proinde vita debet esse exacte nota omnibus ijs, qui volunt feliciter versari in castris Astræ, & Ennomia, & cupiunt mereri stipendia in rogata militia.

Nonnulla de philosophiæ diuisione Platonica, & Aristotelica obseruantur ad ea,

quæ profert Boethius.

Cap. CXCV.

**B**oethius dialog. in Porphyry. à Victorino translatus proponit diuisionem philosophiæ faciendo duas eius species. Theoreticam, & practicam. logicam scilicet non dignatur philosophiæ nomine, nam postea ait: hanc artem quidam philosophiæ partem, quidam non partem, sed ferramentum, & quodammodo supellectilem iudicarunt. Plato tres fecit philosophiæ partes, vnam naturalem, moralem alteram, tertiam rationalem, ut testis est Cicero in quæst. Academ. nec silet Laertius. partes singulas à diuersis accepit, Moralem à Socrate, intelligibilium tractationem, & rationalem à Pythagora, sensilium rationem ab Heraclito; ut testatur Apuleius in libro de dogmate Platonis.

Aristoteles non talem fecit diuisionem. nam Logica nomine nequaquam accepit scientiam intelligibilium, sed facultatem, quæ agit de diuisione, definitione, de syllogismo,

de



de demonstratione, quam nec dignatur appellare philosophiam, sed potius instrumentum philosophiæ.

At Plato nomine rationalis intelligit quidem eam facultatem quæ agit de sermone, qualis etiam est Rhetorica, sed præcipuè extollit Dialecticam, quæ dialectice apud Platonem est regina omnis philosophiæ. Meminisse scilicet oportet, apud Platonem Logicam pressè sic dictam significare artem regulas nominum, orationum, argumentationumque disponentem: dialecticam verò sagacem philosophantis indaginem, regulis his utentem ad indagandas rerum rationes præsertim diuinarum, ut dialectice nihil aliud sit quam theologia, quam solam etiam certam esse profitetur. in Phædro sic loquitur: Magnæ quælibet artes exercitatione dialectica, contemplationeq. sublimium in natura rerum indigent. ipsa enim mentis sublimitas, & vis efficax in quavis re perficienda hinc quodammodo proficisci videntur: quod Pericles ad ingenij acumen adiunxit. addit eum consecutum talem scientiam familiaritate Anaxagoræ, qui eiusmodi res indagavit. Sanè Anaxagoras teste etiam Aristotele, videtur cognovisse Mentem immixtam, & incorpoream; quapropter graviter errant qui Metaphysicæ initium ad Aristotelem referunt. Nam si Anaxagoras agnovit substantiam incorpoream, & Metaphysica præcipuè agit de incorporeis, nequaquam dicendus est primus auctor Metaphysicæ Aristoteles.

In VII. de Republ. præ omnibus Dialecticam Plato laudat, & euehit supra omnes disciplinas. ait enim: dialectica sola sublati suppositionibus omnibus ad ipsum principium ut compertum habeat sese transfert, ac reue-



reuera animi oculum cœno barbarico oblutum paulatim fursum trahit ac ducit. quam solam ibidem putat esse scientiam, ceteras artes aut propter consuetudinem scientias appellari, sed propriè dialecticam solam esse scientiam, quæ purissima est, supra sensum sensibiliaq. quæ fluunt, & caduca sunt, consurgens, ut intelligibilia, perennia, immutabilia contempletur. sola dialectica definit, ceteræ artes, quæ respiciunt opiniones, & cupiditates hominum, circa essentiam rerum quodammodo somniant, nihil autem cernunt sincere, hærentes suppositionibus.

Aristoteles contemptim videtur de Dialectica loqui, nam definitiones dialecticas parui facit, easq. physicis longè postponit in libris de anima, quia nituntur cogitatione, ac physica ipsa re se fundant.

Plato scilicet, ut est videre in Phædone, Naturæ philosophiam utpote incertam, probabilemq. cum Socrate contempsisse videtur, seseq. contulit ad contemplationem rerum intelligibilium, in quibus vera est scientia.

Vnde videre est quantopere in re graui dissideant Plato, & Aristoteles, quamuis Simplicius in primum physicorum conetur conciliare hac quoq. in re Aristotelem Platoni, quasi Aristoteles non omninò certam putarit esse physicam, quandoquidem nititur principijs indemonstrabilibus; sed eiusmodi conciliatio vacillat. nam proculdubio physicam in primo physicorum Aristoteles conatus est ostendere esse apodicticam, certam, demonstratiuam. secus sensit Plato, qui in suo Timæo acturus de mundo ait se rationes exactissimas & probatissimas afferre non posse. & pollicetur tantum probabiles rationes, quia de sensibilibus non existimauit dari demon-



monstrationem, & scientiam certam, sed tantum de intelligibilibus, parui enim verò facit sensus Plato, non illis fidit, ac fidit menti, eiusq. contemplationi in Phadone, traditq. nullam fore scientiam si non darentur Idea.

Aristoteles autem tantum tribuit physica, ut subiectum Metaphysica motorem scilicet immaterialem, ab ipsa putet sumendum. hinc etiam factum, ut suam Theologiam postphysicam vocauerit, quasi non liceat esse Metaphysicum ante physicam. Contrario ordine progressus est Plato. nam ab intelligibilibus tanquam prorsus certis existimavit nobis esse progrediendum ad sensibilia, tanquam fluxa, & incerta, mutabiliaq.

Disce autem Aristotelem nequaquam intelligentias, & primum Motorem docuisse esse naturam, quia postphysica, id est Theologia distinguitur à physica, nam Theologia agit de incorporeis, de corporeis substantijs physica.

Propterea Boethius ut diuidat philosophiam secundum antiquos non silet tres esse species contemplatiuae philosophiae, una agit de Intellectibilibus, alia de intelligibilibus, alia de naturalibus. intellectibile vocat quod unum atq. idem per se in propria semper diuinitate consistens nullis unquam sensibus, sed sola tantum mente, intellectuq. capitur, quæ res ad speculationem Dei atq. ad animi incorporalitatem, considerationemq. veræ philosophiae indagatione componitur, quam partem Græci theologiam appellant. sic quidem Boethius, quæ an prorsus faciant ad Metaphysicam Aristotelis ambigere licebit, cum in ea tantum de Deo, & intelligentijs Motricibus cælorum differuerit, Animæ autem incorporalitatem, ut vixar vocabulo Boethij, præterierit.



*Secunda pars contemplatiua philosophiæ secundum Boethium agit de intelligibilibus, quæ sunt omnium cælestium supernæ diuinitatis operum causæ, & quicquid sub lunari globo beatiore animo, atq. puriore substantia valet. addit hac philosophia quoq. comprehendendi animarum humanarum conditionem, atq. statum.*

*Quæ an concinant omnino Peripatetica scholæ iam disquirere superuacaneum puto.*

*Tertiam theoreticæ philosophiæ speciem Boethius docet esse eam quæ naturas corporum, passionesq. declarat.*

*Deinceps recenset species practicæ philosophiæ.*

*Talia volui ex Boethio repetere, vi simul cum studiosis nonnulla ad diuisionem philosophiæ, adq. dissidium Platonis, & Aristotelis eiusmodi in re facientia communicarem, quæ tamen à vulgo interpretum admodum negligenter prætereuntur.*

De diuisione sectarum, & librorum Aristotelicorum, quam omisit Boethius, quædam depromuntur ex Simplicio, & illustrantur. Cap. CXCVI.

**D**iuisionem philosophiæ quidem proposuit Boethius, at sectarum partitionem omisit, nec censum iniuit librorum Aristotelicorum. Eiusmodi laborem suscepit Simplicius, qui tamen videtur tralatitiâ operam in ea re posuisse. de sectis profectò quando agit silentio inuoluit Ionicam philosophiam à Thalete profectam, quod non oportuit factum. Democriti quoq. nullam mentionem facit. dices eum dum me-  
morat



morat Epicureos memorare voluisse Democriti scholam. sed sciendum Simplicium voluptatis potissimum institutum tribuere Epicureis, quod de Democrito non legitur. Ceterum Epicureos tuetur Simplicius, ne quis putet eos tantum voluptatem, quæ in cibo potu, Venereis reperitur sectatos. Simplicij verba sunt: nam Epicurei per voluptatē non venabantur voluptatem, sed summis laboribus, & continentia eam adipisci cōtenderunt. Minus tamen recte videntur semper usurpasse, & in ore habuisse nomen voluptatis, cum absq. dubio certum sit non omnem voluptatem esse honestam, dignamq. quam quis venetur, cum etiam videatur esse certum ultimum finem humane vite, non esse in ea collocandum. legenda igitur sunt, quæ accuratissimè disputata ea de re reperiuntur in Dialogis Platonis.

De Cynicis autem verba Simplicij non adeò sunt obuia. ait enim: Alius est finis, quem animo, & coniectura intendunt, & alia est institutionis suæ forma, & modus. de eorum instituto suo loco egimus, cui addas velim dissidere inter se viros eruditos, dum aliqui putant eos solo usus pallio absq. interula, subuculaq. linea, alij in aliam habeunt sententiam, qua de re non est hic disputandi locus.

Sed quis fuit finis Cynicorum diuersus à forma institutionis? cogitatione ditissimi erant, liberi, Reges, supra omnes mortales collocati. reipsa autem pauperes erant, abiecti, sordidi, viles, seminudi, expertes domus, & ceteri. sic quidem puto explicanda verba Simplicij.

At videnda nunc est diuisio librorum Aristotelicorum, quam proponit Simplicius. Miror autem cum non dixisse alios fuisse exotericos, alios acroamaticos, quæ partitio cetero-



roqui decantatissima est. existimo autem exotericos, ut & acroamaticos dictos, vel à materia, vel à modo scribendi magis vel minus exacto. quero enim an libri Moraliū sine Acroamatici, an Exoterici? si modum scribendi respicias, Acroamatici sunt, quia non poterant exactiori modo conscribi. Sed si respicias materiam exoterici dicendi, quia scientifici, & demonstrativi non sunt, & non nisi crassam recipiunt Mineruam, quia Mores hominum habent magnam varietatem.

Libri de anima tres, qui extant, prorsus Acroamatici sunt, siue respicias materiam, siue tractationis modum. dialogus autem Eudemius de anima exotericus fuit, quia populariter in eo Aristoteles disseruit de anima. Non igitur rectè facit qui ex Eudemo citat verba, eaq. putat esse ultimam certamq. sententiam Aristotelis. nam de Anima nihil perfectum, & exactum hodie extat Aristotelicum nisi tres libri de anima.

Quinam autem fuerunt Memoriales libri, de quibus agit Simplicius? puto eos ad exotericos referendos, nam sua memoria consulens eos congeffit Aristoteles, non quod in ipsis explicaret sua peculiaria dogmata. Audiamus Simplicium: Memoriales sunt quoscumq. ad suam, & peculiarem rerum memoriam construxit. Mox subiicit: videntur libri memoriales non esse digni, ut eis operam demus, iccirco interpretes non credunt ea, quæ in illis docentur, fuisse dogmata, instituta, sententiasq. philosophi. Hoc si verum est, cur dixit superius, memoriales libros constructos fuisse ad exactam rerum indagationem? Respondendum est, aliud esse, facere ad indagationem.



gationem exactam, aliquidq. conferre, aliud continere exactam rerum cognitionem. Memoriales libri cōducebant, conferebant ad exactam rerum cognitionem, sed eam non cōpletebantur. Tales fuerunt *Ἰασηνία ἀνέσματα* de admirandis auditis. Neq. enim præstat ipse eiusmodi narrationum veritatem. sic idem teste Varrone lib. IV. de lingua latina conscripsit *ῥόμια βαρβαρικά*, exaravit etiam non pauca de Rebus publicis, siue de moribus institutis Rerum publicarum. Hinc Cicero de Fin. lib. V. omnium ferè ciuitatum non Græciæ solum, sed etiam Barbariæ ab Aristotele mores, instituta, disciplinas. eius operis fragmenta à viris doctis collecta sunt.

Ad memoriales libros Aristotelis referenda sunt eius *διδασκαλικά* de quibus Laërtius. conferebat is liber non solū ad cognitionem Poetarum Dramaticorum, sed etiam ad successionem temporum. nam notati in eo erant anni, quibus edita fuerant fabula, hocq. mirificè conferebat ad Chronologiam.

Pergit Simplicius aitq. librorum Aristotelicorum alios fuisse rite, & rectè coordinatos, alios confusos. & coordinatos alios esse dialogicos, alios *ἀυτοπροσώπως*. Etsi autem dialogici essent bene dispositi, populares tamen erant, nec ultimam sententiam auctoris cōpletebantur. Nū igitur potest induci liber dictus Eudemus quasi cōplectens ultima, & germana dogmata Aristotelis, qui quid dicant nonnulli ex recentioribus.

vide etiā  
Ammonij  
verba cap.  
sequ.

Sed de libro ad Alexandrum de Mundo quid dicendum? puto esse verum opus Aristotelis, sed ab ipso nondum sene compositum, cum Alexāder adhuc non suscepisset expeditionem



nam aduersus Persas. Ergo in ipso non ita procul recedit à  
 præceptore, quia magnificè de Deo omnium rerum condito-  
 re, & conseruatore loquitur. postea senior factus magis ac-  
 cessit ad nouitatem, magisq. remouit gradum à Platonico  
 dogmate, tantumq. locutus est de primo Motore, & de intel-  
 ligenti ijs. igitur mihi videtur liber ille meliora continere dog-  
 mata, meliora, in quam ijs quæ postea ab ipso tradita sunt in  
 physica, Metaphysica & libris de Cælo. Sed qui vult exigere  
 postremos libros ad anteriorem illum, inuertit ordinem, quem  
 secutus est Aristoteles, qui semper magis ac magis discessit à  
 vetustate nouitatem amplexus. dici enim vix potest, quam  
 noua sint, quæ nouissimè exarata sunt à Peripati conditore.

De diuisione philosophiæ, & de operibus Ari-  
 stotelis plura depromuntur ex Ammonio,  
 & reijcitur paradoxum Fr. Patritij.  
 Cap. CXC VII.

**L**iceat mihi ijs, quæ in superioribus duobus capitibus tra-  
 dita sunt de diuisione philosophiæ, & de operibus  
 Aristotelis addere aliqua ex Ammonio, doctissimo philosopho  
 qui fuit discipulus Procli, & præceptor Simplicij rara sana  
 laude.

Proæmio in Porphyrium ait philosophiam à nonnullis in  
 duas, à plerisq. in tres partes fuisse distributam. qui diui-  
 dunt in duas partes sunt proculdubio Peripatetici, qui ne-  
 gant Grammaticam, Rhetoricam, & Logicam esse partem  
 philosophiæ. Communior est diuisio, quæ diuiditur in tres  
 partes philosophiæ à Platonicijs Academicis, & Stoicis, qui  
 omnes



omnes aiunt philosophiam aliam esse contemplatiuam, aliam  
actiuam, aliam deniq. rationalem.

Quicquid verò sit de controuersa diuisione, Ammonius  
in duas partes philosophiam partitur, cuius diuisionis dupli-  
cem offert rationem. nam philosophia conatur hominem Deo  
facere similem, quantum fieri potest. At Deus, & cogno-  
scit, & prouidet regendo inferiora. Ergo & philosophia  
partim est contemplans, partim operans. Anima duæ sunt  
actiones una cognoscens in intellectu, altera vitalis posita  
in voluntate. philosophia nos perficere cupiens partim exor-  
nat intellectum cognitione, partim dirigit voluntatem, ne in  
appetitionibus impingat.

Contemplatricis porrò philosophiæ tres sunt partes, una  
de diuinis, altera de Mathematicis, tertia de naturalibus  
agit. diuina omnino materia carent, & se pulcherrimè su-  
stineant, naturales nunquam separari à materia, neq.  
per se constare intelligiue possunt. vnde obiter discere  
est, quod primus Motor, & intelligentia extra naturalium  
rerum censum collocandæ sunt, ceteroqui oporteret dicere  
eas esse sic addictas materiæ, ut per se constare intelligiq.  
nequeant.

Mathematica est pars contemplatricis philosophiæ, quæ  
complectitur separabilia, & non separabilia, quæ interme-  
dia vocantur. sic autem nuncupantur quoniam à naturali-  
bus ad diuina nullo medio interiecto nequimus conscende-  
re. Plotinus sanè Mathematicas disciplinas adolescentibus  
tradendas esse censuit, quoniam si eos statim à naturalibus  
ad diuina traducere voluerimus, cæcos faciemus. quemad-  
modum autem si quis ex domo maximè tenebricosa in splen-  
didis-



didissimam exire voluerit, in ea prius morari debet, in qua mediocre lumen sit, in lucidissimam postea deuenire: ita etiam iuvenes, antequam à naturalibus ad diuina ducantur in mathematicis, quæ ad illa tanquam gradus, & scale sunt ut quatenus à materia non separantur, naturalibus: quæ verò semouentur, diuinis coniungantur, necesse est exerceri.

Videnda plura quæ Ammonius de partibus philosophiæ singillatim d'sserit. Nunc ad Aristotelem, eiusq. philosophiam, & philosophicos libros transeundum.

Negat Ammonius Logicam, Metaphysicamq. inuentam ab Aristotele, quod tamen hodieq. nonnulli asserunt. physicam aliqua ex parte auxit. sunt verba Ammonij in vita Aristotelis: Logicæ adiecit. norant enim veteres demonstrare at demonstrationes facere haudquaquam norant. hinc forte dixit Themistius in orationibus audaciam Sophistarum in ordinem redactam ab Aristotele, ne deinceps glaucoma oculis obijcere queant.

Pergit Ammonius, & ait physica additam ab Aristotele, quintam essentiam, scilicet cælum. Theologiæ verò etsi nihil adauxit, nihil tamen de ea tractauit, in quo quicquam desideres. Audiant & notent hæc verba Auerroistæ, qui contendunt Metaphysicam ad solum Aristotelem tanquam inuentorem referendam.

Non silet deinceps Ammonius Aristotelem nouisse, primam causam neq. per se mobilem, neq. per accidens esse, ex hoc sane indicando diuinitatem supremam ac moderatricem neq. corpus esse, neq. obnoxium affectibus. vides secundum Ammonium Deum non esse naturam.



suram. nam dixerat Aristotelem addidisse quintam essen-  
tiam scilicet cælum. Mox ait Metaphysicam ab eo nequa-  
quam mutilam esse traditam, sed perfectam; quandoqui-  
dem egit de suprema diuinitate, deq. ijs quæ supra mun-  
dum sunt, non de solis ijs, quæ mundi ambitu conti-  
nentur. natura intra mundum est, diuinitas supra mun-  
dum. Ergo diuinitas non est natura secundum Aristote-  
lem, & Ammonium. si verò quæras quidnam norit supra  
mundum Aristoteles? diuinitatem solam nominat Ammo-  
nius. non ergò agnouit Aristoteles infinitum numerum ani-  
marum, quæ emanauerint à Deo ab æterno, & singillatim quo-  
tidie ex perenni illo statu, in quo secundum nonnullos re-  
centiores Peripatetici sectatores per infinito tempore fuerint,  
dimittantur.

Sed videamus, qua ratione partiatur opera Aristotelis  
Ammonius in præfat. ad prædic. Aristot.

Diuidit opera in particularia, & vniuersalia. particu-  
laria vt epistolas. inter vniuersalia recenset libros de anima  
& physicâ, quibus addit Res publicas, & historiam anima-  
lium. extitit tamen nostris temporibus præter Nizzolium  
Franciscus Patritius, qui omnes libros Aristotelis, qui ho-  
die extant, & in quos doctissimi viri, & quidem Antiqui  
exararunt commentarios, in controuersiam ausus est reuo-  
care, suspectosq. tanquam non sint Aristotelis reddere.  
Nizzolius contendit nullum horum librorum esse Aristotelis,  
sed esse tantum epitomas, & compèdia à Nicomacho Aristo-  
telis filio, ex patris libris excerpta, ac contracta, quod  
miror potuisse dici, cum nihil absurdius videatur posse de-  
promi. sunt enim in manibus eruditorum commentarij Ale-



*Andri, Simplicij, Themistij, Philoponi, extat paraphra-  
sis Andronici Rhodij in libros Eticorum, tot tamen doctissi-  
mi homines vt integros, germanosq. libros Aristotelis ex-  
posuerunt.*

*Sed Franciscus nihilominus Patritius sic loquitur de  
operibus Aristotelis: Multæ me rationes in dubium ad-  
ducunt de maiore librorum Aristotelicorum parte.  
nam ducentos & duos libros liquido constat non ab  
eius profectos calamo. Alij ita dubij, & ambigui  
sunt, vt Aristotelis esse, nulla certa ratione affirmare  
possimus. hæc audax ille homo, quem prolixè confu-  
tare hic non vacat. satis sit interim testimonium Am-  
monij, qui agnoscit physicam, de anima, Ethicam, poli-  
ticam, æconomicam, de cælo, de generatione animalium,  
de ortu, & interitu, prædicamenta, de interpretatione,  
priora resolutoria, posteriora resolutoria, Topica, Sophisti-  
cos Elenchos, Rhetoricam.*

*Quod testimonium magni esse faciendum, nec posse rei-  
ci ex eo constat, quia testatur ipse consueuisse interpretes  
Aristotelicorum operum antequam singillatim exponerent  
huiusmodi libros, quærere an liber ille esset verus, & germanus  
partus Aristotelis. quod etiam testatur Philoponus in præ-  
miocommentariis in libros Analyticorum.*

*Sic Ammonius in præf. ad prædicamenta: quærimus  
etiam an suus legitimusq. sit philosophi liber estq. hic  
prædicamentorum liber verus legitimusq. Aristote-  
lis iudicatus ab interpretibus, tum ex sententijs, ver-  
bisq. tum quod huiusce libri philosophus alibi memi-  
nerit. agnoscit librum etiam Porphyrius, & Dexippus,*



¶ Simplicius, antiqui ¶ sine controuersia doctissimi maiorisq. faciendi, quam Diogenes Laërtius. accuratius enim inquirunt in librum interpretes, sciuntq. discernere melius, quam simplex historicus, qui cum de plurimorum philosophorum operibus ageret, non potuit de singulis explorare veritatem, liquidoq. affirmare esse eius auctoris, cui vulgo tribuuntur. Ita si quis scire velit, quæ sint germana opera Hippocratis, Galenum ceterosq. interpretes potius consulat, quam scriptorem historicarum.

Sed omissa eiusmodi controuersia de veris libris Aristotelis, annotemus aliqua ex eodem Ammonio, quæ faciunt ad cognoscenda opera eiusdem philosophi.

Fatetur ipse Aristotelem scripsisse quadam ad Alexandrum de Regis officio, ¶ de deducendis Colonijs. hinc deducere aliquis conatur nequaquam scriptum fuisse librum de Mundo ab eodem Aristotele ad Alexan. quia eius meminisset Ammonius. Sed non necesse fuit, tunc eum memorare, quia liber de Mundo est liber vniuersalis, ¶ Syntagmaticus, de Syntagmaticis autem postea agit. Aut si non placet hæc responsio, dicere fas est non voluisse enumerare omnia, quæ ad Alexandrum exarata sunt ab Aristotele. interim confutatur Dan. Heinsius, qui idè putat librum de Mundo non esse Aristotelis, quia Aristoteles non est solitus scribere præfationes, ¶ dedicare suos libros. Atqui Ammonius testatur Aristotelem scripsisse ad Alexandrum de Regis officio, ¶ de Colonijs deducendis. non bene etiam, ut mihi videtur, alius vir doctus ait consueuisse præfari Aristotelem, quia libri de physico auditu, de cælo, Metaphysica, Analytica non carent præmio. aliud enim est



præfari ad aliquem, dum dedicatur liber; aliud ab effatis late patentibus sternere sibi viam ad tractationem, quam quis suscepit. Aristotelis mos est exordiri opus suum à sententia vniuersali: quod proœmium (si proœmium dici debet) sic cohæret operi, ut deesse non possit, si mutilum nolis esse. At præfatio, qua quis principem aliquem inuitat ad legendum, & defendendum librum potest abesse absq. eo, quod opus ipsum mancum mutilumq. euadat. Ergò verum est Aristotelem ferè consueuisse abstinere à talibus proœmijs, hoc est dedicationibus. non tamen est verum abstinuisse semper. nam si secundum Ammonium de Regis officio scripsit ad Alexandrum, verisimile admodum est epistola quadam eum allocutum fuisse.

Syntagmatica opera Aristotelis fuerunt opera accurato ordine, & exacta locutione composita. quedam fuerunt ex Syntagmaticis Acroamatica, alia Dialogica, siue exoterica, aut dicta ab alijs extranea, & extraria. vix tamen putarim omnia exoterica fuisse dialogi in morem composita. sed de dialogicis sic loquitur Ammonius: in collocutorijs, velut ad communem ac multorum vtilitatem scriptis, ea quibus assentitur, pronunciat: idq. non per demonstratiua, sed simpliciora argumenta, quæq. percipi à pluribus valeant.

Difficultate non caret, quod ait Ammonius Aristotelem in exotericis pronunciare ea, quibus assentitur. nec enim verisimile est eadem effata reperiri in Acroamaticis, & exotericis, & tantum differre argumentationibus non conclusionibus. Cur enim suas peculiare sententias communicasset omnibus? videbantur reseruanda tanquam pecu-  
liares



liaves libris Acroamaticis, tradendaq. legitimis auditoribus.

Respondendum assensisse aliquatenus Aristotelem illis conclusionibus, quas exponbat in exotericis, ac non assensisse ex tota animi sententia, sed tantisper dum deliberaret, & aliquid certi statueret, quod committeret operibus Acroamaticis. videtur enim Aristoteles admodum cautè se gessisse, & cum iunior esset exoterica emisisse ad præbendum suæ diligentiae specimen, reservasse tamen nouissimas suas opiniones commodiori tempore edendas.

Inspice librum de Mundo, quem ego puto esse exotericum, reperies sententias, quibus tunc assentiebatur, quia meliores non suppetebant, adultior factus, & doctior in libris de cælo, & in Theologia non quidem palam reiecit tradita à se in libro de mundo, sed paulò aliter dogmata de tantis rebus explanauit.

In dialogo quem inscripsit Eudemum, animæ immortalitatem exotericè proposuit, in acroamatico postea opere de eadem materia sublimiori visus est sibi loqui ratione, intellectumq. agentem immortalem adstreure, vt hodieq. interpretes super eadem materia digladiantur.



Perpenduntur verba Boetij de animarum incorporalitate, & earundem lapsu in corpora. Quid Platonici dixerint de descensu animarum in corpora. explanatur quorundam Veterum Theologorum opinio de præexistētia animarum.

Cap. CXCVIII.

**N**escio an à repugnantia possit incommodo liberari Boetius, dum proæmio ad Porphyrium nunc docet Theologiam, quam Aristoteles Metaphysicam appellat, considerare animi incorporalitatem: mox tradit partem aliam philosophiæ theoreticæ agere de conditione animarum, quæ corporum tactu ad intelligibilia degenerârunt. iam enim videtur animæ puram incorporalitatem tribuere, iam eam facere talem, quæ possit infici, pollui, fœdari corporum tactu, quamvis non statim quod incorporale vocatur sit purus actus, ut Deus, cuius operatio substantia est, mutationis omnis expers.

Idem repugnantia incommodum premere, & urgere videtur eos Peripateticos, qui aiunt tractationem de anima, & Naturalis esse, & Transnaturalis siue Metaphysici philosophi. Naturalis sanè agit de caducis, de ijs, quæ veniunt in compositionem, quæq; separari nequeunt. At Metaphysicus exponit ea, quæ immaterialia sunt, qualis est primus motor, & intelligentia. Hinc Aristoteles non videtur putasse animam esse subiectum Metaphysicæ, quandoquidem in XII. Metaphys. de ea nihil exposuit.

Ref-



*Respondendum nihilominus est Boetium in verbis præ-*  
*latis docuisse incorporalem quidem esse animam, sed non pu-*  
*rè immaterialem, neq. purum actum, ut est Deus quod iam*  
*diximus superius; sed sic esse incorporalem, ut possit coalesce-*  
*re cum corpore, possit discere, beata esse, & non beata,*  
*bene operari & secus. Hinc Simplicius in præmio de ani-*  
*ma dixit animam quatenus intelligens est, se primæ phi-*  
*losophiæ cognoscendam præbere, neq. naturalem*  
*purè, atq. syncere esse contemplationem de anima:*  
*neq. simpliciter adscribendam ijs, quæ postnaturalia*  
*dicuntur: sed his ambabus scientijs connexam. dein-*  
*ceps docet illud intelligens animæ non huiusmodi esse:*  
*cuiusmodi quæ supra naturam, & quæ purè impartibi-*  
*lia, quæ penitus firma atq. stabilia, & quæ exacta*  
*atq. sincera. Ergo substantia anima media inter na-*  
*turalia, atq. ea quæ naturam superant, dici potest:*  
*& quia aliquid quidem habet, quod cum ijs quæ na-*  
*turam superant, ei commune sit: aliquidq. quod ad ea*  
*quæ natura sunt vergat.*

*Quæ satis superq. ostendunt (ut obiter hoc colligam)*  
*non bene sentire eos qui contendunt editis integris libris Deum*  
*iuxta Peripatum, & intelligentias esse naturam. nam Sim-*  
*plicius hoc soli animæ tribuit, ut sit partim naturalis, par-*  
*tim transnaturalis. hinc Boetius tertiam speciem theoreti-*  
*cæ philosophiæ ait dici physiologiam, & versari circa cor-*  
*pora & eorum passiones; secundam verò intelli-*  
*gibilium substantiam in medio collocatam esse quod*  
*habeat, & corporum animationem, & quodam-*  
*modo vivificationem, & intellectibilium confide-*  
*ratio-*



342 De Philosophia apud Romanos  
rationem, cognitionemque.

*Viderint verò etiam illi Peripatetici, qui aiunt de anima agere Metaphysicum syncerum, & purum. Certe Aristoteles siluit de anima in XII. Metaphysic. & siquidem anima Metaphysicæ tractationis est non debuisset eam omittere, cum præsertim sint inter recentiores, qui dicant à Deo ab æterno secundum Peripatetum emanasse infinitum numerum animarum, quarum unaquæq. tantum semel iungatur in tempore corpori, nunquamq. amplius ad id reuertatur, quæ opinio prorsus reiicienda est non solum à schola Christiana, Verum etiam Peripatetica.*

*Quandoquidem autem inquit Boetius animas incorporeitate præditas dilabi ad corpora, audiamus Macrobium ea de re loquentem lib. I. comment. in Somn. Scip. cap. XI. Platonicæ nonnulli docent inter lunam terrasq. locum mortis & inferorum vocari: ipsamq. lunam vitæ esse mortisq. confinium, & animas inde in terras fluentes mori, inde ad supera meantes in vitam reuerti. ab Luna enim deorsum natura incipit caducorum ab hoc animæ sub numerum dierum cadere, & sub tempus incipiunt deniq. illam ætheream terram phyci vocauerunt: quod ita esse plurimis argumentis docuerunt. deinceps subiicit dubitandum non esse quin luna sit mortalium corporum auctor, & conditrix adeo, ut nulla non corpora sub luminis eius accessu patiantur augmenta, & hac decrescen-  
terminuantur.*

*Vides quam remotus fuerit Macrobius ab opinione Aristotelis, qui lunam omnino à caducis eximit, eiq. quintam substantiam prorsus à terra diuersam tribuit. cum Me-*

*crobio*



Macrobio physici olim senserunt, caducisq. adscripserunt lunam, ut ipse testatur.

Sed videamus qua ratione putet Macrobius alios Platonicos secutus animam defluere ad hæc inferiora: Secundum alios Platonicos, inquit, quorum sectæ amicior est ratio animæ beatæ ab omni cuiuscumq. contagione corporis liberæ coelum assident, quæ verò appetentiam corporis, & huius quam in terris vitam vocamus ab illa specula altissima, & perpetua luce despiciens desiderio latenti, pondere ipso terrenæ cogitationis paulatim in inferiora delabitur. nec subito à perfecta incorporeitate luteum corpus induitur, sed sensim per tacita detrimenta, & longiorem simplicis, & absolutissimæ puritatis recessum, in quædam fiderei corporis incrementa turgescit. hinc pergit: in singulis enim sphaeris, quæ cœlo subiectæ sunt, ætherea obuolutione vestitur: ut per eas gradatim societati huius indumenti testei concilietur, & ided totidem mortibus, quot sphaeras transit, ad hanc peruenit, quæ in terris vita vocitatur.

Vides omnes Platonicos tribuisse incorporeitatem animæ, talem tamen, quæ posset se induere in corpus ut si consideremus felicitatem, quæ fruuntur animæ in cœlo contentæ suâ incorporeitate, præter naturam sit status, quem delabendo in hæc inferiora subeunt. si verò cogitemus incorporeitatem animarum talem esse, ut ipsæ nihilominus possint appetere statum corporeum, & vitam, quam hic degimus, non sit prorsus status iste contrarius naturæ ipsarum.

Sed



Sed dicet aliquis, num tu vis Platonice figmentis reddere obnoxium Boetium sapientissimum Consulem Christianum philosophum? Talia ego ei non adscribo, cum apud ipsum non legantur.

Regeres, fateor & ego Boetium non mandasse literarum monumentis Platonice eiusmodi fictas cogitationes, videtur tamen sensisse animas antequam coniungantur corporibus esse in caelo, & incorporalitate gaudere, atq. adeo videtur agnoscere praesistentiam animarum, quae tamen reiecta est in Origene: nec enim fas est in Christiana schola dicere animas ab initio esse creatas à Deo, & deinceps quotidie iungi corporibus.

Respondere est apud veteres Theologos Christianos fuisse obscurissimam disputationem de origine animarum quod testatur etiam ipse S. Gregorius Magnus. nonnulli visi sunt ponere praesistentiam, sed non assentiendo in omnibus Origini, qui quidem Origenes secundum quorundam narrationem amplexus est transmigrationem Pythagoricam supponendo quoque mundi aeternitatem, quodque careat initio, & cariturus sit fine. Eiusmodi dogmatum cumulus Pythagoraeus, & Platonice Origenis magno consensu explosus est.

Nonnulli itaque visi sunt sentire Deum cum conderet Angelos etiam condidisse tantum numerum animarum immortalium, qui sufficeret animandis corporibus totum hominum qui nati sunt ex quo conditus est mundus, & deinceps nascentur usque ad finem eiusdem mundi. quae quidem opinio non ponit transanimationem Pythagoraeam, nec astituit infinitum numerum animarum, cum mundus, & coeperit esse, & tandem hic ordo rerum sic desiturus.



Si quis porrò quæfisset ex auctoribus talis opinionis, quis sit status animarum antequam iungantur corporibus, ubi degant beatæ sint an secus, forte respondissent obscuriorem esse rem, quam ut sub operam lucem possit duci. quæ quidem opinio sic exposita non prorsus hodieq. ut repugnans fidei Catholicæ posset respui, & damnari.

Lubenter tamen nunc communiori, & receptissimæ sententiæ Catholicarum scholarum acquiescimus, sentimusq. quod etiam visum olim S. Hieronymo, animas quotidie à Deo creari, & corporibus iungi, talemq. sententiam hodie quoq. amplecteretur sapientissimus vir Boetius, cuius nihilominus verba suo loco sic exposuimus, ut nequaquam sit necesse dicere eum posuisse animarum ante corpora præexistentiam.

Adstruitur innocentia Senecæ verbis Boetij.  
obiter aliquid profertur de morte Papiniani. Cap. CXCIX.

**S**enecæ innocentiam si quis non satis esse defensam putat, & argutatur, cedat Boetij summi viri iudicio. Is de Consol. philosophiæ lib. III. prosa V. sic loquitur: Nero Senecam familiarem præceptoremq. suum ad eligendæ mortis coëgit arbitrium. Papinianum diu inter aulicos potentem militum gladijs Antoninus obiecit Atqui uterq. potentiæ suæ renunciare voluerunt, quorum Seneca opes etiam suas tradere Neroni, itaq. in otium conferre conatus est. quæ verba lubenti animo à me prolata sunt non solum Senecæ gratia, sed & memorie



Papiniani splendidissimi iurisconsulti causa: dum enim confertur Senecæ extrema calamitas, quæ immerito ipsum afflixit, cum morte Papiniani, eò magis innocentia eius defenditur, Tyrannicusq. Neronis furor ingulatur, & nigro excipitur calculo.

Quod philosophiæ finis sit, Deum imitari. quatenus homo dicatur imitando Deum deus fieri secundum Boetium. explicantur verba S. Dionysij Areopagitæ.

Cap. CC.

**A**N qui beatitudinem consequuntur æternam, Dii sunt? videtur id affirmare Boetius de Consol. philos. lib. IV. prosa III. Cum ipsum bonum beatitudo sit bonos omnes eo ipso quod boni sunt fieri beatos convenit. Est igitur præmium bonorum, Deos fieri. cui concinere videtur quod legitur psal. XLIX. Deus Deorum Dominus locutus est. qui enim excellunt virtute, & pietate, & Deo quantum fieri potest similes sunt, Dii sunt, & vocantur in S. Litteris. hinc ait S. Dionysius cap. XII. de div. nomin. Θεὸς καλεῖ τὰ λόγια τὰς ἐν ἐνάσοις ἀρχιωτέρας διανοουήσεις: Deos S. Litteræ appellant præcipuos ordines in vnoquoq.

Ergò Dii maxime appellantur illi, qui beati iam magis participes sunt Divinitatis, quam intuentur sicuti est. ut nomen Deorum tribuatur hominibus aut virtute insigni præditis, aut iam beatitudinem adeptis per similitudinem quandam. nam similes evadunt Deo, quantum homini licet, per



per philosophiam veram, per sapientiam, per virtutem  
cuius fructum tandem percipiunt in cælo liberi ab omni re-  
rum corporearum, & humanarum labe. fit scilicet particeps  
diuine naturæ, quisquis ad diuinæ naturæ accedit purita-  
tem defecatam per participationem, vt in re tam ardua no-  
strorum vtar Theologorum verbis. Hinc S. Iohannes dixit:  
quotquot eum acceperunt, dedit eis potestatem filios  
Dei fieri, qui non ex sanguinibus, nec ex voluntate  
sed ex Deo nati sunt. Filius Dei Deus est. sed qui Deum  
imitantur, sapientiæ inherant, virtuti incumbunt, huma-  
na despiciunt, diuinis delectantur, filij Dei euadunt,  
igitur & Dij, quod cum grano salis est accipiendum.  
Vnicus enim est Dei Filius propriè sic dictus, & Natura-  
lis. Ceteri qui dicuntur Filij Dei, & Dij metaphoricè sic  
appellantur propter similitudinem aliquam quam habent  
cum Deo, de qua quidem similitudine sunt verba S. I. han-  
nis in Epist. Similes ei erimus, quoniam videbimus  
eum sicuti est.

Ad tantum mysterium licet Gentiles, qui cæci erant, non  
possent consurgere, non dubitarunt tamen dicere finem phi-  
losophiæ, & veræ Virtutis esse similitudinem cum Deo adi-  
pisci, similem Deo euadere, quantum quidem licet homini.  
audiamus Ammonium ad introductionem Porphyrij: Phi-  
losophia (vt tradidit Plato) homini cum Deo simili-  
tudo est quantum homo assequi potest. philosophus  
dat operam, vt Deo quam simillimus euadat. illud au-  
tem, quantum homo consequi potest, rectè ad defini-  
tionem adiungitur, quorum enim cumq. vis atq. natura  
diuersa est eorundem quoq. perfectiones diuersæ sunt.



Obiit autem ex hac similitudine quam cum Deo sapiens habere dicitur videtur confutari posse Aristoteles, qui Dīs solam contemplationem tribuit, & hominis felicitatem in sola contemplatione collocat. At Ammonius ait duplicem esse Dei actionem, notionem scilicet qua cuncta cognoscit, & inferiorum providentiam, qua cuncta gubernat. philosophus operam dat, ut Deo quam simillimus euadat, vult omnia speculari, quod omnia consideret, & providere, quod inferiora gubernet, siquidem & iudicat, & leges præscribit, ita fit, ut philosophia sit homini cum Deo similitudo.

Concinit Ammonio Marcus Imperator in Cæsaribus apud Iulianum, quod scilicet finis hominis sit Deum imitari, atq. adeo Deo euadere similem. καὶ ὁ ἐρμῆς βλέψας πρὸς τὸν Μάρκον, εἶπεν τί κάλλιστον ἐδόκει τῷ βίῃ τέλος εἶναι. τὸ μιμεῖσθαι, ἔφη, τὰς θεάς. respiciens Mercurius Marcum, quis, inquit, tibi visus est esse vitæ præstantissimus finis? Deos imitari. quod responsum mirificè approbatum est à Mercurio. licet autem Silenus caillari voluerit, visus est tamen optimè dixisse Marcus, cum præsertim subiunxerit se existimasse hominem mente animoq. imitari Deum debere, non comedendo, & bibendo, & quandoquidem homo quod mortalis sit multis indiget, recte censuit imitationem in eo positam esse, ut quisquā paucissimis indigeat (ἐλαχίστων δεῖσθαι) & quamplurimis benefaciat (εὖ ποιεῖν πλείους. hac igitur prolata sunt ad illustrandam sententiam Boetij, qui ait eos, qui beati euadunt Deos fieri. Neq. enim proprio strictoq. significatu sunt eius accipienda verba.

Obijcies ex Epist. II. S. Dionys. Deum esse ἀμίμητον inimitabilem, ubi S. Maximus asserit Deum, nulla imita-

tionē



zione (μυμήσει) attingi posse. sed facile est respondere. nam ipse Maximus docet nos accedere πρὸς μίμνησιν θεῶν ad imitationem Dei. Ergò imitamur Deum. Pachimera quoq. interpretatio, docet nos non ritè deificari θεοῖσιν nisi Deum imitemur, & idcirco dixisse imitationem, qui autem accedit ad Deum eum imitando, intelligit se tali imitatione divinitatem attingere non posse. Mox addit imitantes, & participantes, per gratiam Deos bonosq. appellari.

Boethium non disputasse de controuersia qua  
quæritur: An logice sit philosophiæ in-  
strumentum? aliquid in eam rem  
depromitur ex Ammonio.

Cap. CCL.

**D**ialogo primo in Porphyrium dixit Boethius se alibi  
acturum de controuersia, qua quæritur: An logica  
sit pars, an verò instrumentum philosophiæ, & utriusq.  
partis in medium prolaturum rationes. Cum verò id non  
prestitit, age consulamus doctissimum Ammonium Her-  
mie filium in præfatione ad prædicamenta, quam disputa-  
tionem transcripsit ex ipso Philoponus commentario in libros  
Analyticorum, sic quidem ut qui legerit Ammonium non in-  
digeat Philopono, qui etiam cum scriberet in Meteorologicos  
libros Ammonij dictis se locupletauit. Ergò Stoici putarunt  
Logicam esse partem philosophiæ, Peripatetici instrumentum,  
Platonici vñ sunt utrunq. affirmare, sed diuersa ratione.  
videtur enim Plato considerasse logicen iam ut remotam à  
rebus



rebus, iam cum rebus ipsis coniunctam. cum rebus coniuncta, videtur esse pars philosophiae. semota tantum instrumentum. in Phaedro sanè visus est philosophus eam partem vocare; secus autem in Parmenide, ubi docet iuvenes debere praeexerceri garrulitate ut postea verum à falso discernere queant. Ammonius putat nomine garrulitatis intelligere Logicam. Res certè id ipsum ostendere videtur. nam iuvenes ut primum attingunt logicae praecepta audacter argumentantur, & mirè se iactant inter aequales, vexantque alios interrogando, & nona subinde architectando argumenta, longè aliter se gerunt qui iam res ipsas hoc est philosophiam tractant adminiculo logices: iactantiam deponunt, parcius loquuntur, modestiam induunt, nec amant eos, quibus cum loquuntur garriendo obruere. sed quicquid sit de sententia Platonis, hodie Peripateticorum sententia ferè obtinet, hinc fit ut plerique dicant logicam esse instrumentum dirigens intellectum in cognitione veri. logica namque non videtur expeti propter se, se propter aliud. ergo instrumentum est non pars philosophiae. Philosophia complectitur logicam, non logica philosophiam. Ergò non est pars, sed instrumentum. Nasus certè non continetur in manu, nec manus in pede. plura argumenta iam prodire non iubeo. non tamen se deserunt Stricti nam nulla ars instrumentum suum molitur. sed philosophia architectatur logicen. Peripatetici audacter dicunt artes aliquas sua construere instrumenta. Nonne enim excusoria construit incudem? sic quidem respondent Peripatetici. sed de tota controuersia commodius alibi agam.



Reijcitur Fr. Patritius, qui librum de interpretatione, expositum à Boethio & alijs, negat esse Aristotelis. quatenus Aristoteles intellectionem appellauerit passionem.

Cap. CCII.

**R**Edarguenda hic est insania Fr. Patritij, qui librum Aristotelis de interpretatione reijcit ut spurium. utemur autem auctoritate Boethi, & aliorum, ut intelligant lectores, quam parum fidei eidem Patritio sit habendū, quando reliquos quoq. libros Aristotelis conatur subuertere.

Igitur quid liber de interpretatione sit verus germanusq. partus Aristotelis primum ostendit auctoritas Laërtij, quem Patritius quando de libris Aristotelicis agitur maximi faciendum putat. sic enim de ipso loquitur lib. III. tom. I. discus. Peripat. Satis clarè constat libros Aristotelicos indubios, & extra omnem controuersiam positos apud Antiquos, eos fuisse qui à Diogene sunt enumerati. At fatetur ipse librum de interpretatione numeratum fuisse. Cur ergò postea pag. XXI. & præcipuè lib. IV. tom. I. p. XLV. librum eundem de interpretatione omni conatu Aristoteli detrahere satagit? quid facies homini sibi ipsi non constanti, & nunc hoc, mox illud pronunciantis?

Post Laërtium prodeat testimonium Ammonij in præfat. comment. in eundem librum. An verò, inquit, sit legitimum opus philosophi, nemo in Aristotelis lectione versatus, situm orationis probabilitatem, artificio.



ciolumq. & seuerum, ac familiare philosopho præceptorum genus quæ in eo traduntur, tum cum alijs libri eius consensum respiciat, dubitandum existimabit. hæc ille, in quibus præter auctoritatem reperire est pondera rationum, quæ auctoritatem fulciunt, & labi non sinunt.

Aspasius, & Alexander in hunc librum tanquam germanum commentarios ediderunt, teste Boetho in maioribus commentarijs suis. non eius modi suscepissent laborem, si putassent ab Aristotelis non manasse officina de Interpretatione librum.

Alexander aliquot rationibus adstruxit libri auctoritatem, nam dicit ea quæ hic traduntur concinere reliquæ doctrinæ. non est absimilis stilus, qui brevis obscuritatem præfert. addit Theophrastum in libro de affirmatione, & negatione ijsdem aliquibus verbis uti, quibus usus est Aristoteles in hoc libro, & perstrinxisse nonnulla, breuiterq. transmisisse, quod nollet repetere quæ à præceptore erant enarrata. Cum enim Theophrastus de ijsdem ferè egerit de quibus Aristoteles, non inhaesit prolixè ijs, quæ iam à Magistro erant expedita, sed addebat ex proprio ingenio, ubi animaduertit tacuisse Aristotelem. sic quidem ratiocinatur Alexander.

Porphyrus quoq. amplexus est librum ut verum partum Aristotelei acuminis, cum commentario opus eiusmodi non dubitauerit illustrare. sic enim Boethus lib. 1. maiorum Comment. expositionem (libri de Interpret.) nos quam maximè à Porphyrio latina oratione digessimus. hic enim nobis expositor, & intellectus acumine



mine, & sententiarum dispositione videtur excellere.  
*hac Boethus.*

*Sed facessit magnum negotium auctoritas Andronici Rhodij; qui putavit librum de interpretatione non esse Aristotelis sic etenim Boetius: Andronicus librum hunc Aristotelis esse non putat, quem Alexander vere fortiterq. redarguit. quem cum exactum diligentemq. Aristotelis librorum, & iudicem & repertorem iudicârit antiquitas, cur in huius libri iudicio sit falsus prorsus est admiratione dignissimum. hac Boethus.*

*Ratio qua impulsus est ad rejiciendum librum Andronicus ea est, quia in principio libri de interpretatione intellectus anima παθήματα passiones appellantur, quod nequaquam est consentaneum doctrina Aristotelica in libris de anima, in quibus passiones anima appellavit tristitiam, vel gaudium, vel cupiditatem, non autem intellectiones. Necesse est igitur alterutrum librum non esse Aristotelis. Andronicus autem suscipit libros de anima, & librum de interpretatione detrahit, negatq. esse Aristotelis.*

*Respondet Boethus Aristotelem passiones anime in hoc libro non pro affectionibus, sed intellectibus ponere, quod ideo fecit, quod intellectiones quas sermone dicere, & oratione proferre consuevimus, ex aliqua causa atq. utilitate profecta sunt, ut enim dispersi homines colligerentur, & legibus vellent esse subiecti, ciuitatesq. condere utilitas quaedam fuit, & causa. quocirca quae ex aliqua utili arte veniunt, ex passione quoq. venire necesse est. nam ut diuina sine ulla sunt passione, ita nulla illis adiungi extrinsecus valet utilitas. quae verò sunt passibilia semper aliquam causam*



atq. utilitatem, quibus sustententur inveniunt. Idcirco huiusmodi intellectus, qui ad alterum oratione proferendi sunt quoniam ex aliqua causa atq. utilitate videntur esse collecti, recte passionibus animi appellati sunt. sic quidem differit Boethius.

At Ammonius alia ratione Andronico occurrit, nodumque satagit dissolvere: At namque reperiri locos in commentario de anima, in quibus imaginationem intellectus passivi nomine appellet philosophus, quod observatum quoque est à Simplicio in commentario de anima. sed cur intellectus appellatur imaginatio? respondet Ammonius, quia velut intra seipsam rem quæ cognoscenda est, obtinet eoque differt à sensu, qui quæ foris sunt posita cognoscit, illorum, ut circa ipsa agat, prorsus egens præsentia, quorum simulacra, & formas imitata per sensus imaginatio, ipsa in se habet, ipsaque absque, externarum rerum ope potest incumbere. hinc fit ut sensibus feriantibus imaginatio in somno non otietur.

Cur verò dicta est imaginatio intellectus passibilis? quia cum partitione quadam ac separatione cognoscit, perinde quasi essentiali actionemque à corpore separabilem nequaquam obtineat, ac principium quoddam sit sensuum. Aristoteles ergo docet absque intellectu passibili nihil à nobis intelligi, hinc de phantasmatibus, sine quibus intellectio non constat agere. Ergo conceptus mentis affectus animi appellat. quin omnes animæ functiones affectuum nomine insignit. Verba Aristotelis in primo de anima sunt tex. XII. ἀπορίας δὲ ἔχει καὶ τὰ πάλιν τῆς ψυχῆς ποτερὸν εἰς τι πάντα κοινὰ καὶ τῷ ἔχοντος. ἢ εἰς τι καὶ τῆς ψυχῆς ἰδίον αὐτῆς. dubitationem autem habent, & passionibus animæ, utrum sint omnes



communes, & habentis, an sit aliqua & ipsius animæ propria. videtur autem plurimarum nullum sine corpore πάρεν pati, neq. agere: vt irasci, confidere, desiderare, omnino sentire. Maximè autem assimilatur proprio τὸ νοεῖν intelligere. si autem est & hoc imaginatio quædam φαντασία aut non sine imaginatione, non continget vtiq. hoc sine corpore esse. Max XIII. tex. ἔργα, & παθήματα ψυχῆς operationes, & passiones animæ pro iisdem accipit, ita vt quæcumq. animæ operationem etiam ipsum intelligere fas sit secundum Aristotelem πάθος, aut παθήματα vocare. Non ergo aliter est locutus in libro de Interpretatione, & in libris de anima, sed vtrobiq. intellectiones vocauit παθήματα qui a non peraguntur absq. imaginatione, qua quidem imaginatio passio quædam est, & in tertio de anima παθητικὸς vñs dicta est intellectus scilicet passibilis.

Vbi etiam reperiuntur hæc verba tex. XII. τὸ νοεῖν πάρεν τι ἔστιν dubitabit autem vtiq. aliquis si intellectus simplex est, & impassibilis, & nulli quicquam habet commune, quomodo intelligit, si intelligere pati quoddam est? hinc Ammonius subiungit in præfat. ad librum de interpret. ex quibus ipse deprehendit animæ quoq. rationalis nostræ intellectiōnem neq. si vel absq. imaginatione fieret, tamen quia ipsam affectum nominet deuitare eo quod in ipsa vis deducens, actionis cuiusq. tempore antecedit. quod perinde est ac si perfecto imperfectum perire dixeris, quo scilicet ab eius intellectus actione differat, qui se absolutus vocatur comitemq. actionem habet substantiæ. Enimuerò in-



tellectum hunc nostrum velut impatibilem impermi-  
stamq. dicit, atq. ab omni corpore separabilem qui-  
bus ipsum rebus ab eo discernit, qui passius proprie  
vocatur: quiq. ab imaginatione neutiquam differt.  
*hæc Ammonius.*

Quibus tamen meliora censentur ea, quæ traduntur à  
viris, & doctis, & pijs, dum dicunt possibilem intelle-  
ctum in hoc statu uti quidem imaginatione, differre tamen  
ab imaginatione, quandoquidem dissoluto composito interit  
imaginatio: intellectus autem possibilis superest, & ima-  
ginatione, ut separatus intelligat, nequaquam indiget.

An vocabula sint à natura, an ab hominum in-  
stituto? perpenduntur rationes Boetij, &  
quæ Plato tradit in Cratylo.

Cap. CCIII.

**A**ristoteles de Interpret. cap. secundo definit nomen  
quod sit ονομαστικόν κατὰ συνθήκην significet ex  
iustituto. ubi Breuius aliquot argumentis ostendere cona-  
tur nomina non esse à natura, sed ab instituta, positioneq.  
hominum. nam si natura essent nomina eadem apud  
omnes gentes essent, ut sensus. ex quo colligit ad po-  
nentium placitum, voluntatemq. rebus nomina fuisse imposi-  
ta. Sape eorundem hominum sunt permutata vocabula. Pe-  
terus, Cephas. Abram, Abraham. Plato, Aristoteles. Aristote-  
les, Tirtamus. Maleuentum, Beneuentum. si à natura essent  
nomina, nulla essent synonyma, nulla etiam homonyma: ut  
anim una res est, unum esset vocabulū, neq. unum vocabulum

plu-



pluribus rebus significandis inferuiret. reprehenduntur qui  
 infausta, & ominosa nomina assumunt, commendanturq.  
 qui pulchris nominibus insigniuntur, & faustis. Curij  
 nomen displicet, Victoris placet. Aversamur eos, qui sibi  
 à malo nomina assumpserunt: gaudemus ijs, qui à Bono  
 appellantur. Ergo à libitu voluntateq. hominum sunt vi-  
 cabula. hæc licet sic proferantur, & Plato dixerit in Cra-  
 tylo: sapientis esse scire nomina imponere, non d. sunt ta-  
 men rationes, quæ eo nos compellant, ut asseramus à natura  
 esse vocabula. nam quod peræque viget apud homines id à  
 natura est. At omnes prorsus homines loquuntur: sermo igitur  
 à natura est, non ab instituto. Socrates apud Platonem in Cra-  
 tylo decertat aduersus Hermogenem assentem positione esse  
 nomina, affirmatq. à natura esse. licet proferre multa voca-  
 bula naturali significantia ratione. gannire, baubari, rugire,  
 mugire, coaxare, bombus, stlopus, & eiusmodi valde multa  
 nonne parius sunt, & opificium naturæ plurimorum nominū  
 licet reddere rationes ostēdereq. cur sic significant. sol dictus,  
 quod sit solus. nonne natura docuit Solem sic vocandum? sol  
 dicitur masculini generis, luna fæmineo, id ceriè natura ipsi  
 est consentaneum. innumera Etymologia clamare viden-  
 tur præeunte natura conficta fuisse nomina. nec pugnare in-  
 ter se hæc videntur: esse à natura, & esse ab hominum factis.  
 Nonne enim leges natura fæctus sunt? ius profectò non tan-  
 tum nititur opinione, sed ipsam sectatur imitaturq. natu-  
 ram, quod vestibus tegimus corpus, quod construimus edi-  
 ficia, quod cibum potumq. assumimus, natura impellente id  
 facimus: sic disserere possumus de sermone, deq. vocabulis.  
 est scilicet natura hominum ratio: at rationi inest varia-



ita quod tegimus corpus, hoc natura soboles est, quod hoc pa-  
 tius modo, quam illo hoc proficiscitur ab hominū voluntate.  
 sic Dantes dixit à natura esse sermonem, sed quod hunc ha-  
 beat modum aut illum à lubitu pendere humano, nam si  
 vocabula essent ex mero hominum instituto, posset natio ali-  
 qua sermonem à se prorsus remouere. praefertur autem una  
 lingua alteri, quia magis ad naturam accedere videtur: &  
 sapientis est scire nomina excogitare. Nonne enim nos quo-  
 tidie hunc atq. illum aliquo cognomento insignimus, ita ut  
 magnopere ab audientibus approbetur? hoc idè fit, quia vi-  
 demur venari vestigia naturæ, & rem rei meretur, signa-  
 re. habet igitur naturam in impositione vocabulorum suas par-  
 tes. legendus verò est, atq. iterum legendus Cratylus Pla-  
 tonis, qui dialogus gravissimarum cogitationum plenissimus  
 est, nec meretur rejici assumpto Aristotelis exiguo pronun-  
 ciato affirmantis nomen esse. ἐν μὲν γὰρ τῷ δὲ φύσει οὐδὲν ἔστιν ὄνομα: si-  
 gnificare ex instituto. cognoscenda etiam sunt, quæ doctis-  
 simus Ammonius ad locum Aristotelis recenset, ubi inter  
 alia ait: quidam ea quæ nominantur naturæ conue-  
 nientia esse dicunt. hinc subiicit fieri, ut sepe à nomini-  
 bus pedem referentes, resolventesq. conemur earum rerum,  
 quæ ab illis nominantur naturas aucupari, quibus cognitis,  
 imposita rebus nomina tentemus consona ijs demonstrare.  
 animaduertit autem Socratem in Cratylo velut arbitram in  
 amicitia sategisse dissidentes vocare Hermogenem atq. He-  
 raclitum. sic ipse putat non dissidere à Platone Aristotelem  
 quando dicit esse secundum positionem nomina. nam archi-  
 tectatus est aliquot vocabula concinentia naturæ, ut ἐν-  
 τέλεον, terminum, figuram, atq. alia, de quibus si  
 inter-



interroges, respondebit cur naturam imitando talibus usus fuerit nominibus.

Proponitur effatum Aristotelis asserentis, de futuris contingentibus non esse definitam veritatem, perpenditurq. Boetij expositio. Cap. CCIV.

**M**agni ponderis sunt ea quae profert Aristoteles de interpret. cap. IX. de futuris contingentibus, in quibus contendit neutram propositionem esse definitè veram, vel falsam, sed omnia manere in suspenso, donec euentus ipse ostendat hanc potius esse veram, quam illam. nam si definitè verum alterutrum esset, id necessariò eueniret. unde sua sponte consequeretur, ut penes nostrum arbitrium nihil esset, & è medio omne consilium, quod respicit quae in nostra sunt posita potestate, tolleretur, atq. adeò prudentiae, diligentiaeque nullus foret locus. Ergò ne rei inuolnamur tam absurde necesse est pronunciare de enunciationibus singularibus in futurum collatis, & contingentibus sua natura, nihil veri esse definitum, nihil in veramq. partem habere terminum, à quo nequeat remoueri.

Id si verum est, quo abit diuinitas, quo Dei scientia, quae nouit absq. eo quod falli possit, quod futurum est & quid sit vaticinijs, quorum veritas asserta est prope innumeris historicorum testimonijs? quid etiam pronunciandum est de Chaldaeorum observationibus, quarum exempla adeò illustria exhibentur ab ijs, qui res gestas Regum atq. Imperatorum monumentis literarum tradiderunt? quod si assen-

sionem



tionem praebeamus effato Aristotelico casus passim locum obtinebit, & euentus pleriq. omnes sic erunt fortuiti, ut vita humana nullo videatur constare praeditaq. esse ordine. quid verò casus est, nisi nihil, & non ens? sed ex rerum vniuersitate non ens eliminandum, exsufflandum.

Hinc mirari lubet Aristotelem cum sublata necessitate tribuisset locum consultationi, & principio rerum futurarum quod penes homines virtute praeditos sit, non fecerit mentionem diuinæ praenotionis, vaticiniorum, & diuinationis. certè munus sibi ipsi videbatur imposuisse conciliandi haec inter sese, ut ostenderet diuinationem, & Dei praescientiam nequaquam cum humani arbitrij libertate pugnare. interim tantum posuit ἀρχὴν τῶν ἐσομένων, τὸ βέλεσθαι, καὶ τὸ πράττειν, omisitq. illud, quod videbatur posse ponere in ijs quæ futura sunt definitam veritatem. si namq. omnia in futurum collata indefinita manent, & non magis est verum unum, quam aliud, quandoquidem, ut ipse ait, ὁμοίως οἱ λόγοι ἀληθεῖς ὥσπερ καὶ πράγματα orationes similiter veræ sint, atq. res, an Deus prospicere potest, & scire quæ nullam habent definitam veritatem? eatenus enim aliquid sciri potest, quatenus est, quodq. sciatur definitum est.

Boetius in comment. proposuit nodum, qui nec igitur à diuinatione, sed videtur eum insolutum reliquisse: utrum autem, inquit, si omnia futura sciat Deus, omnia esse necesse est, ita quaeramus: si quis dicat dei scientiam de futuris euētibz subsequi necessitatem, is profectò conuersurus est, si omnia ex necessitate non contingunt, omnia Deum scire non posse. nam scientiam

Dei



Dei sequitur euentuum necessitas, si necessitas euentuum non sit, perimitur diuina scientia. *impium autem esse fatetur, ut de Deo dicere audeat, quod futura non norit, & addit Deum futura nosse, non ut ex necessitate euenientia, sed ut contingenter, ita ut aliud posse fieri non ignoret, quod tamen fiat ex ipsorum hominum, & actuum ratione.* sic docet scientiam Dei non perimere rerum naturam, neq. imponere necessitatem ijs, quæ necessaria non sunt. nec est, quod quis regerat Deum posse decipi si quod præuidet, euenire tanquam contingens non potest; non enim quod contingens est, & non est necessarium se diuinæ subtrahit cognitioni. quod si ea, quæ hic proferi Boetius non satis esse videntur, legenda sunt quæ tradit in opere de Consolat. philosophiæ. in quinto namq. libro prosa III. premit varijs interrogationibus diuinam providentiam, ut ei annectat euentuum necessitatem pendentem ex infallibili Dei præscientia: nam tolluntur pœnæ, præmia, euertuntur leges, si certa necessitate quisq. ad agendum compellitur. Rem autem totam conatur expedire Prosa IV: ita tamen ut fateatur rem esse caligini inuolutam, quam nullus ex sapientibus hætenus expediuerit. O humani ingenij calamitatem. tam frequenter agitata quæstio inter sapientes non potuit vsq. ad seculum Boetij, & à Boetio expediri. assumit scientiam non immutare res, & inquit: sicut scientia præsentium nihil his quæ fiunt, ita præscientia futurorum nihil his, quæ ventura sunt, necessitatis importat. admiratur deinceps diuinæ scientiæ fastigium ad quod pertingere non potest nostra cognitio, ut ass. quæmur, quonāmodo, quæ certos exitus nō habēt, certa tamen



videat, ac definita prænotio, neq. id sit opinio sed summa potius scientiæ nullis terminis inclusa simplicitas. hæc ibi.

In commentario autem in librum Aristotelis de interpretatione recenset Stoicorum opinionem, qui omnia fato euenire dicebant, addendo voluntatem nostram in nobis non esse. hinc igitur petebant diuinæ præsentia certitudinem, quam aiebant intueri nexum rerum fatali ordine inter se coherentium. Cum autem Stoa libertatem arbitrij euerteret, cum Astrologi omnia pendere asserant ex vi siderum, quare Aristoteles pro cōperio assumpsit penes nos esse hoc vel illud agere? cur non ostendit absurdū esse necessitati subijcere euentus rerum humanarum? dicendum est, Stoicos extitisse post Aristotelem contra quos propterea disputare non potuit. Chaldaeos omnia necientes sideribus indignos indicauit, quibus cum iniretur disceptatio. Non apparet profecto apud Alexandrum fuisse vllum Chaldaeum. quid quod & auguralem, & vaticinia visus est parui facere. assumpsit igitur nec probauit nos ex necessitate non esse bonos, aut malos, cum rem putaret adeo esse claram prorsusq. exploratam, ut probatione non indigeret. hinc Boetius ait: hæc in rebus ita constituta putat, ut non de his vlla opus sit demonstratione, sed impossibilis ratio iudicetur, quæcumq. vel possibile, vel casum, vel id quod in nobis est conatur euertere. hæc ille.

Ne quis autem putet Aristotelem omnia futura dixisse indefinita, de q. nullis futuris posse quicquam certi sciri, sic futurorum meminit, ut illa τὰ κατ' ἐξασα hoc est singularia nominarit. hinc Alexander arbitratum eum sic dixisse



esse de singularibus futuris tanquam si diceretur, in his futuris, quæ in generatione, & corruptione sunt. sunt enim quedam futura, quæ in generatione, & corruptione non sunt, ut quod de sole, & luna, & de cæteris cælestibus pronunciatur.

Quod tamen non videtur sufficere. nonne enim possum dicere terram daturam fruges hoc anno, mare recipiturum suum motum, ventos flaturos, nascitura animalia, morituros homines? sed quæ de elementorum motu dicuntur, videntur debere comprehendi in illo censu τὸν κατὰ τὴν φύσιν cum pendeant à motu cæli. dicit autem singularia, ut si sermo sit de morte huius vel illius hominis, non de morte hominum in genere, de prælio hoc vel illo, non de bello, deq. cædibus in genere.

Nec absolute negandum est vllā necessitatem interuenire singularibus: nec enim omnia pendent ex nostro arbitrio, ut non incidere in morbum, non mori. quandoq. enim ingruit contagio, in qua quamuis omnia diligenter procures, periculum tamen adeas necesse est, nec tua potest præstare diligentia, ut certo euadas ipsam mortem. hinc ait Boetius: Homines & naturæ, ut sideribus, & propriæ voluntati subiecti sunt. Multa enim natura dominante facimus vel facimus, vel patimur, ut mortem vel huiusmodi habitudinem corporis. multa etiam secum rerum ipsarum necessitas trahit, ut ea quæ facere volumus, non tamen facere valeamus. Multa autem dat voluntatis liberum arbitrium quæ nobis volentibus fiunt, quæ non fierent nisi vellemus.

Adiicit nos quoq. à diuina pendere voluntate, hac pro-



Intellige  
de malis  
pœne, nō  
malis cul  
pæ.

videntia sæpe filios ob parentes plectit. hinc licet maxime  
cupiant imperare feliciter, inuoluuntur tamen calamitatibus.  
Nonne etiam eorum, quos punire vult Deus, consilia cor-  
rumpit? Itolorum profectū, peruulgatum est prouerbium ut  
dicant alicui à Deo ablatam esse mentem. Nec tamen qui  
ita peccant, excusantur. Cur ita? quia præterita delicta  
meruerunt, ut à D. o destituerentur. Sic quoq. illabatur  
animis hominum numinis motus, & actio, ut incolumi  
hominis libertate, contingatur meta, tangatur scopus, ad  
quem à Dei occulto iudicio dirigebatur homo. homunciones  
enim verò sumus res perpusilla, iocus & ludus prouidentia,  
pila in manibus Dei, qui nos prolubitu huc illuc impelle-  
re consuevit, ut tamen nostro arbitrio, nostraq. volun-  
tati vis non inferatur. sic igitur asserendum est arbitrium  
hominum, ut adstruatur prouidentia, & imperium Nu-  
minis, sic affirmemus, contingenter multa euenire in vita hu-  
mana, ne tamen otiosum dicamus esse spectatorem Deum.  
ita asserimus eundem Deum scire futura, ut illis non impo-  
nat necessitatem, nec tamen eandem prorsus exulare ex orbe  
iubeat: admirabili enim ratione in permissio mundo permi-  
scuntur causæ, quam missionem nosse & enarrare diuinita-  
tis potius est, quam humanæ imbecillitatis, cui plurima ca-  
ligo adheret in diuidua comes.



Appendix superioris contemplationis petita  
ex Ammonio Hermiæ filio.

**A**dhuc lubet inherere superiori disceptationi, quando quidem præsto est doctissimus Ammonius itidem accuratè de effato agens Aristotelico: qui statim obseruat eos, qui fatalem necessitatem inuoluunt, ut Stoici, & nostri temporis sectarij, qui præsertim sequuntur Calvinum moralem philosophiam funditus euertere. in omni, inquit, philosophia quæ ad mores pertinet necesse est assumamus non esse fieri q. ex necessitate omnia: sed nostræ quoq. nonnuilla esse liberæq. voluntatis. Idem ostendit doctissimus Simplicius ad Enchiridium Epicteti scribens.

Quod verò ait Ammonius ea quæ sempiternis insunt ex necessitate fieri, id nos in Christiana schola suscipere nequaquam possumus, neq. enim necessario Deus mundum condidit, frustra q. alibi Ammonius contendit in Deo idem esse velle, posse, & facere. Credimus enim Deum omnia, quæcumq. vult, posse, imo facere. Sed non offerimus Deum omnia velle quæ potest, nec facere omnia, quæ potest, quicquid Aristoteles in suo lyceo tradiderit, quem explicare, & tueri satagit in suis operibus Ammonius.

Assumit quoq. Ammonius Deum nihil ignorare. Verba eius sunt: verum fieri nequit, ut ex ijs quæ sunt quicquam ignorent, cum procreent omnia concinneq. disponent: atq. impermixtæ omninò mentes

ma-



materia sint: imò verò, & supra intellectualem ipsam proprietatem veræ sui ipsorum essentię sedem statuerint. duplex est ratio, quæ ostendit Deum scire omnia. prima est, quia est causa procreans omnia, & concinnè disponens. absurdum enim est dicere causam rationalem agentem ignorare ea, quæ agit, & circa quæ suam exercet curam. Nostro tempore Caesar Cremoninus in libris de Cælo non dubitavit dicere non esse necesse, ut causa efficiens etiam rationalis norit suos effectus, exemplumq. profert de Duce exercitus qui non novit, quid singuli agant milites. sed hoc arguit ipsius imbecillitatem, quæ quidem imbecillitas non cadit in Deum. si quis in exercitu ausugiat ad hostem, prodaturq. consilia, si quis pulverem tormentarium incendat, transferam, cui inniuntur excubiæ, hostilibus copiis detegat, nonne id poterit totum exercitum in discrimen dare? absq. dubio. Dux tamen non potest talia semper vitare, quia non omnia scit. vides humanam imbecillitatem. At nemo potest divinam fallere providentiam, quæ omnibus numeris absoluta est, quæq. omnia palam conspicit, & dirigit. sileat igitur Cremoninus, nec sic inhereat Aristoteli, ut dicat Deum præter seipsum nihil nosse, nihil contemplari.

At, inquiet Auerroista aliquis, aliquisq. sectator Cremonini, intellectus divinus vilis fieret, & ex suo fastigio aliquid amitteret, si omnia nosset. dicet forte etiam Lucretius ambulans in hortis Epicuri, excideret sua felicitate, & perenni beatitudine Numen, si quæ fiunt in orbe nosset, laboriosamq. eis impenderet curam.

Respondere licet cum Ammonio. impermixtam esse divinam mentem, & supra intellectualem ipsam propri-



prietatem collocatam. Nihil ergò ei decedere potest, dum nouit omnia. An enim sol inficitur, quia radijs suis illustrat sordida loca? nequaquam, cum sol supra omnes sordes sit positus, neq. fœdari vlla queat ratione. Cum etiam Deus prorsus sit immaterialis, purissimusq. actus nihil ei tribuitur à rebus cognitis: neq. enim quod summum gradum habet immaterialitatis, atq. adeò summè intelligens est aliquid accipit ab ijs quæ nouit. nec vlli labori est obnoxius, non defatigatur cognoscendo, & regendo, temperandoq. omnia. Nestrum est defatigari intelligendo, curando, quia anima, & mens corpori coniuncta est, neq. est purus actus. Valeant igitur quicumq. negant Deum omnia etiam futura nosse: nouit enim omnia etiam futura, quæcumq. demum illa sint. hinc subiicit Ammonius, postquam dixit Deum omnia nosse: hæc confessa sunt in communibus nec peruersis animorum conceptibus atq. in decimo de legibus planè demonstrata.

Pronunciat etiam Ammonius cum Timæo, & Parmenide nihil esse apud Deum neq. præteritum, neq. futurum, sed omnia sunt apud ipsum in vno instante collocata. hinc coniecturalem notitiam putat ab ipso esse remouendam. in quam rem etiam multa præclare à Boetio disputantur prolata æternitatis definitione. Repetit autem Ammonius argumentum petatum ex eo, quia Deus est causa efficiens: in summa si Deos prorsus necesse est auctores rerum omnium, vel causas esse adiunctas: quonam pacto consentaneum sit rationi aut opera ab ipsis ignorari sua, vel suorum operum effectus. vel quæ quoquomodo ab illis fiant: neq. coniectura in ipsos cadit, dum curant



res humanas, quandoquidem non consilium ineunt: nam ideò nos homunciones consilium capimus quia quæ in futurum extenduntur nos latent, neq. omnia substant nostræ potentia. Ergò consilium, quod obnoxium est ambiguitati opitulatur nostræ inscitia, nostroq. defectui. hinc intelligimus consilium prorsus à Deo remouendum.

Sed urgent nos, qui contingentia, & futura esse indefinita ob suam naturam dicunt, atq. adeò tanquam indefinita effugere cognitionem. Respondet Ammonius à Deo cognosci contingentia potiore modo, quam competat ipsorum contingentium naturæ. quasi dicat etsi contingentia non habeant stabilem veritatem, stabili tamen ratione à Deo cognosci, qui Deus cognoscendo contingentia fluxam ipsorum naturam non perimit: quorum etiam dicitur causa, quæ tamen non euertat mutabilem eorundem naturam, neq. efficiat propriè si quid in ipsis est, quod rationi repugnat. Ergò posita diuina prænotione futurorum, ponitur infallibilitas non autem necessitas in agentibus liberis, qui si quid male agunt, & defleunt à recto tramite non Deo, sed prauæ ipsorum voluntati culpa imputanda. plura qui nosse vult totam disputationem legat apud eundem Ammonium.

Prædicamentorum librum, de quo in logica Boetius cum interpretibus agit, inepte à quibusdam recentioribus rejici ad Metaphysicam. Cap. CCV.

**B**oetij philosophiam Romanam dum sector cogit me recentiorum quorundam ineptæ sinisteritas, quita-  
men



men Peripatetici videri volunt, querere: an prædicamenta in logicis sunt exponenda, an autem ad Metaphysicam releganda? & quidem Archizam si vellemus sequi, qui Pythagoræus primus καὶ ὅλως λόγος siue de generibus Entis librū composuit, oporteret de huiusmodi materia intransnaturali agere philosophia: quod si lubet prædicamenta, qualia tradita sunt ab Aristotele non relinquere, alia profecto erit ratio ineunda. Etenim quis nescit Organi Aristotelici esse partem Categorias in omnibus quidem editionibus, qui quidem consensus nequaquam reijciendus temere videtur. easdem Categorias ad Logicam non ad Metaphysicam retulerunt antiqui interpretes, quorum expositiones ad nos peruenerunt, Boetius, Simplicius, Porphyrius, Dexippus, Annonius, qui omnes sic etiam Prædicamenta interpretantur, ut omnes intelligant eos voluisse teneras adhuc mentes Adolescentum præparare ad philosophiam, non vero voluisse desertores studiorum facere proponendo difficiles quæstiones ad nouissimam, & prorsus abstrusam philosophiæ partem facientes.

Quod si quædam lubet eorum, quæ tradunt tam docti interpretes, delibare, magis ac magis intelligemus ipsis ne quidem per somnium venisse in mentem, ut prædicamenta iuberent esse partem Metaphysicæ.

Audiamus Porphyrium disertis verbis reijcientem eos, qui audent ordine legitimo spoliare prædicamenta. Ante topica hic liber absurdè inscriberetur. cur enim ante topica, & non potius ante resolutoria, & ante librum de interpretatione inscribi deberet? non enim ob



topicorum doctrinam sunt prædiscenda prædicamenta, sed ob resolutiorum etiam, & categoricarum propositionum cognitionem, & reliquas omnes ferè disciplinas quippe cum maximè elementalis, & introductorius ad omnes philosophiæ partes sit liber hic. si elementalis, & introductorius est liber hic, nequaquam ad ultimam, & difficillimam partem philosophiæ cum quibusdam recentioribus, quos inter est Hurtadus, referendus venit.

Metaphysica agit de rebus, non de vocibus, liber prædicamentorum agit de vocibus, non de rebus siquidem suscipimus Aristotelis prædicamenta, non autem transilimus ad Architam Pithagoreum, cuius prædicamenta erant pars Metaphysica, non vero logica, qualem diu post Architam tradidit imbecillitati adolescentum peripati Princeps. audiamus Porphyrium reprehendentem eos, qui librum prædicamentorum de generibus Entis, aut de decem generibus inscribebant. Talis inscriptio, inquit, nullo modo facienda est, quia entia, & eorum genera, & species, & differentiæ res sunt non voces: Aristoteles verò ubi decem hæc enumeravit substantiam, qualitatem, quantitatem, & cætera, subiungit: vnumquodq. ex ante dictis ipsum per seipsum in nulla affirmatione dicitur, sed ex horum inter se connexionione affirmatio efficitur. nam si horum connexio affirmationem facit affirmatio autem in voce significatiua, & oratione enuntiatiua essentiam suam habet, nequaquam de generibus entis esse tractatio hæc potest, neq. omnino de rebus, quatenus res sunt, sed potius de vocibus quatenus res sunt. non enim rerum ipsarum connexio affirma-



matio est, sed vocum quæ res significant. *confutandis* ijs, qui prædicamēta ad res adq. *Metaphysicam* transferunt, nonne sufficere potest Porphyriana auctoritas?

*Auctoritatem Porphyrij lubenter sequitur Dexippus Platonicus, Iamblichi discipulus. nam cap. I. inquit: propositum libri huius est de primis, & simplicibus vocibus, ijsq. quæ ab ipsis significantur. cap. III. postquam aliquand. u. aduersus Sosigenem disputauit, ait: non igitur ipsæ res sunt prædicamenta sed dictiones, quæ notiones, & res significant.*

*Iam audiendus est Simplicius, qui diligenter disputauit de proposito libri. tandem inquit: perspicuum igitur est ex his dictis, quod intentio propria est logicæ tractationi, & facultati, de simplicibus, primisq. ac generalibus vocibus agere, quatenus significatiuæ rerum & hæc Alexandro, Hermino, Boetho, Porphyrio videntur, & Iamblichus decernit ac statuit, & Syrianus explicat atq. indicat, quibus præceptores nostri adfentiunt.*

*Sed obijcere est verba Simplicij, quæ ibidem leguntur: simul etiam docet res, & conceptiones quatenus significantur à vocibus. Ergò in prædicamentis agitur etiam de rebus. si de rebus agitur, Metaphysica erit tractatio. respondeo, & dico in Metaphysica agi præcipuè de rebus in logica de vocibus, de rebus autem secundo, & leuiter, quatenus preparandi sunt animi adolescentum ad formandas propositiones, ad construendos syllogismos. quod non agatur præcipuè de rebus discere etiam est ex An. monio, qui ait in prædicamentis agi de vocibus res conceptuum interuen*



tu significantibus non de solis conceptibus, aut solis vocibus, aut solis rebus. Et reijcit eos, qui docent agi de rebus. subiij. ut prædicamentorum propositum esse disputare de simplicibus vocibus, quæ simplices res per medios simplices conceptus significant: repetit infra in prædicamentorum libro tractari de vocibus quæ simplices res conceptuum simplicium interuentu significant.

Boetius non abit à Porphyrio, atq. alijs. nam ait in prædicamentis agi de vocibus res significantibus, in eo quod significantes sunt. tractationem appellat introductionem, Et simplicem expositionem, in qua ait velle se sequi Porphyrium. Metaphysica nescit introductiones, Et simplices expositiones. in Metaphysica, in quam, non manuducimur, ut rudes adolescentes, sed discimus difficillima quæ sunt, atq. abstrusa.

Nec negat absolutè agi de rebus in prædicamentis Boetius. eius verba sunt: hic liber in choantibus addiscitur. de rebus quoq. est aliquatenus tractaturus. Res etenim, & rerû significatio iuncta est, sed principalior erit illa disputatio quæ de sermonibus est: secundo verò loco illa quæ de rerum ratione formatur. hæc Boetius.

Sidonium Apollinarem sapientiæ mystam Romæ fuisse. ex eius Epistolis nonnulla ad philosophiam faciendâ annotantur.

Cap. CCVI.

**R**oma cum fuerit Sidonius Apollinaris, Et nonnulla eius complectantur Epistolæ quæ faciunt ad philosophiam, quid tantum hominem vetat ad Romanam referre philosophiam? Valuit ipse extemporalitate, quam cognitionem



tionem habere cum philosophia suo loco ostendimus. *Gregor. Taron. hist. Franc. lib. II.* Sidonius tantæ facundia erat, ut plerumq. ex improviso, quæ voluisset nulla obistente mora componeret. coram Maioriano ex tempore distichon composuit, quod refert ipse lib. I. epist. XI. retrorsum conuersus tanquam aquam manibus poscerem tantumq. remoratus, quantum stibadij circulum celerantia ministeria percurrunt, cubitum toro reddidi. & Imperator: spondendas te licentiam scribendæ satyræ versibus subitis postulaturum. tunc ipse recitauit extemporale distichon. scio Themistium recusasse ex tempore dicere, quod necesse non ei esset extemporali uti facundia, qua de re oratiuncula eius extat, sed non propterea damnavit aliorum celeritatem, cum magna sit ingeniorum varietas, varieg. ab ipsis producantur studiorum fructus.

Quod philosophatus fuerit Sidonius testatur. etiam Epitaphium editum à Sauarone:

Hæc inter tamen & philosophando

Scriptis perpetuis habenda sæclis.

Coluit amicitia cum Claudiano Mamercio insigni philosopho, cuius Epistolam ad se scriptam inseruit lib. IV. Ep. II. in qua Claudianus petit secum communicari libros à Sidonio compositos. vide verò quanti faciat Claudianum philosophia causa. ita namq. ad ipsum scribit: lectoris intentionem per euentilata philosophiæ membra lassatam repente foues. ait eum de singulis artibus cum singulis artificibus philosophari. vide totam epistolam, qua quæ in alijs diuiduntur, in Claudiano coniuncta extollit. scio Themistum, ut quis sit philosophus, poscere ut soli philosophiæ incumbat



audiantur eius verba orat. I. omnibus sit certissimum, atq. exploratum ad philosophum pertinere non esse in omnibus artibus, ac disciplinis versatum, illud addidit Plato fieri non posse, ut vnus rectè in multis artibus se exerceat. vide plura quæ ibidem sequuntur. quæ sic sunt exponenda, ut sciamus non posse nos simul agere philosophum, militem, medicum, Iurisconsultum. quanta interim fuerit latitudo scientiæ in antiquis sapientibus, nemo ignorat. Quid enim non est amplexus Democritus, Plato, Aristoteles, Chrysippus, Carneades atq. alij?

Idem Sidonius lib. IX. Ep. IX laudat Faustum Regiensem, qui opus de Gratia Dei ediderat. ostendit ipsum doctissimè philosophatum: Te qui laceffiuerit, sentiet Ecclesiæ Christi Platonis Academiam militare, teq. nobilius philosophari. quin potius experietur quisquis tecum conflixerit Stoicos, Cynicos, Peripateticos, Heresiarchas proprijs armis, proprijs quoq. concuti machinamentis. Sectatores eorum si Christiano dogmati repugnauerint mox te magistro implagabuntur: id est implicabuntur retibus, ac plagis.

Lib. IX. Ep. II. appellat Hieronymum interpretem, Dialecticum Augustinum, Allegoricum Origenem. qui quidem Origenes nimis fuit in Allegorijs, & meruit ab ecclesia notari virgula, cum, ut alia omittam, dixerit tandem Demonas, & impios eripiendos ex inferis, & salute donandos, de C. D. quod testatur S. Augustinus dixisse. Origenem contra Ecclesiæ dictata. quid quod mortuorum resurrectionem oppugnauit Origenes, quem prolixè confutat grauissimus vir S. Epiphanius. Euphronio tamen Episcopo, teste Sidonio, Ori-  
genes



genes cum Augustino, & Hieronymo grauidas spiritua-  
lium sensuum spicas doctrinæ salubris mense parturie-  
bat. Euphronius scilicet bona à malis legens Orogenem se-  
parabat. nam & S. Cyprianus assiduus erat in lectione Ter-  
tulliani, quem Magistrum subinde vocabat.

Lib. VIII. Epist. XII. deplorat interitum Lampridij exi-  
mij oratoris. quem tamen eo nomine grauissimè culpat, quod  
Mathematicos de vitæ suæ fine consuluit Africanos sci-  
licet, qui constellatione percunctantis inspecta dixe-  
runt. addit temerarium sciscitatore futurorum à  
tempore, & qualitate prædictæ mortis constrictum  
fuisse, obstructo anhelitu, obstructo gutture. non tacet præ-  
dictiones Mathematicorum maximè esse falsas, ideòq.  
fallentes. obseruat autem & Scipionem Numantinum  
strangulatum perijsse, quod refert Iulius Firmicus lib. I.  
cap. III. Scipio intra priuatos parietes domesticorum  
inlidijs acerbo mortis cruciatu, & nefarijs frangen-  
tium gulam manibus oppressus priuata quodammodo  
animaduersione confectus est. quis non fremat, quando  
audit virum fortissimum, sapientissimum, de patria optimè  
meritum sic perijsse? eant ergò, qui quando tragico exitu ali-  
quem sublatum audiunt, mox sibi causas nescio quas ar-  
chitectantur, ut ostendant tanquam pœnam à numine in-  
flictam. Nonne à Deo boni exercentur vario calamitatum  
genere, & morti quoq. licet innocui obijciuntur? & mali  
quandoq. tranquillum sortiuntur discessum? ne ergò quis  
philosophiam spernat, quod Scipio eius cultor sic sublatus  
fuerit.



Theodoricum fauisse studiosis sapientiæ, eosq.  
dignitatibus exornasse. aliquid de Musica  
& concentu syderum profertur.

Cap. CCVII.

**S**I meritò damnatur factum scævum Theodorici, qui  
Boetium sustulit è medio, non debent taceri, quæ idem  
præstitit in gratiam doctrinarum, dum lubenter legitur  
promouisse, quos videbat sapientiæ radijs esse corruscos.  
apud Cassiodorum lib. III. Var. XXXIV. Epist. Senatoria  
dignitate ornat Armentarium, & Superbum eius filium, ut  
in illa turba indoctorum ( sic puto legendum ) audeat  
turba liberam proferre sententiam: nec frænctur im-  
peritiæ terrore quem hortantur ad vocem iura facun-  
diæ. Gloriosa enim est scientia litterarum: quæ  
quod primum est in homine purgat mores: quod se-  
cundum verborum gratiam subministrat lib. I. Epist.  
XII. sic scribit Rex ad Euphronium. Te literati dog-  
matis studia laudabiliter exequentem ad quæsturæ  
culmen elegimus. Discant Principes à Rege Theodori-  
co quinam amplissimis sint cohonestandi dignitatibus.  
Metire etiam Regis erga sapientiam affectum, eiusq. stu-  
dium rerum naturalium, ex eo, quia apud memoratum  
Cassiodorum lib. II. Ep. XXXIX. Architecto commendat  
Aponum fontem, & ait meritò dicere philosophos: elemen-  
ta mutuis complexionibus illigari, & mirabili coniu-  
gi fœderatione, quæ inter se contraria intelligun-  
tur varietate pugnare. Mox graphycè fontis Aponi de-  
scri-



*scribit miracula, quorum cumulum videre licet legenti totam Epistolam. Ergo iubet rex antiquam ædificiorum soliditatem innouari. & palatium longa senectute quassatum, reparatione assidua corroborari. quid memorem Regiam propensionem erga Musicam, quam mirifice commendat Epist. XL. lib. II. ad Boetium, quem iubet eligere doctum Citharædum, Francorum Regi transmittendum. in qua quidem Epistola plurima ad commendationem Musici concentus perscribuntur subq. finem breuiter perstringit controuersiam de cœlestium corporum sono, dum ait: bene arbitrati si causam cœlestis beatitudinis non in sonis, sed in creatore posuissent. Plinius rem totam controuersie mandat, nec ambiguitati subtrahere curat, dum inquit lib. II. cap. III. an mundus sit immensus, & ideò sensum aurium facile excedens tantæ molis rotatæ vertigine assidua sonitus, non equidem facile dixerim, non hercle magis, quam an dulci suauitate concentus, nobis, qui intus agimus tacitus labitur mundus.*

Ex profapia Felicis Consulis floruisse doctissimum Senatorem. obiter an Boetius Athenis videatur audiuisse Proclum?

Cap. CCVIII.

**P**Lura suppetunt, quæ ostendant Theodoricum bene erga sapientiæ studia, eorumq. mystas fuisse animatum. apud Cassiod. lib. II. Ep. III. commendat Candidatum dum extollit eius patrem his verbis: literarum stu-

D d d d

dijs



dijs dedicatus, perpetuam doctissimis disciplinis mancipavit ætati. vehementer disputator in libris. fuit quidam nostrorum temporum Cato. rerum naturalium causas subtilissimè perscrutatus, Cecropij dogmatis Attico se melle saginavit. digna planè scientia, in qua mens honestissima conquiescat. *mox conuertit se ad filium, quem ait nequaquam à patris degenerare virtutibus, semperq. vixisse grauitate Romana, ut sciamus Romanos Proceres consueuisse cognitione rerum naturalium pectora incoquere.*

*Lib. I. Ep. XLV. laudat Boetium, quod in ipso disciplinarum fonte potauerit artes, quod Atheniensium scholas longè positus introjuerit, & palliatorum choris miscuerit togam. incidit absq. dubio talis profectio Boetij Athenas in tempora Zenonis Imperatoris, circa quæ tempora florebat Athenis Proclus, Simplicij præceptor. Ergò verisimile est à Boetio fuisse auditum tantum philosophum, fuisseq. cognitos Simplicium, Ammonium, Philoponum.*

*Dices, Proclum infensum fuisse Christianis, contraq. ipsos strinxisse calamus teste Suida, post rabidum Porphyrium, non ergò verisimile est Boetium nobilissimum Iuuenem, Romani sanguinis Christianum, voluisse eiusmodi homini vacare, operamq. impendere.*

*Respondeo nequaquam videri esse verum, quod apud Suidam scriptum reperitur. neq. facile est ostendere Proclum declamasse, & scriptitasse contra Christianos, nam carus fuit Imperatori Anastasio, qui nequaquam familiariter usus fuisset homine palam scribendo oppugnante Christianos.*

*Di-*



*Dices, de eternitate mundi octodecim litteris mandata fuisse argumenta à Proclo contra Christianos, qui liber ad huc extat, saltem eius pars reperitur apud Philoponum.*

*Respondeo, Proclum cōposuisse librum contra Democriteos, & Stoicos, qui putabant mundum extitisse in tempore, nec præcipuè ob Christianos rationes est architectatus: cum præsertim in eiusmodi argumentis nullo verbo oppugnetur creatio mundi ex nihilo, quam nobis tradidit sanctissimus Vates Moses.*

Rursus de affectu Theodorici erga studia sapientiæ prodeunt Ennodij verba.

Cap. CCIX.

**S***In non sufficerent prolata præcedentibus capitibus, adungere fas foret Ennodij verba in Panegyrico: debent tibi veneranda studia quod loquuntur. Amauerunt præcessores tui inscitiam, quia nunquam laudanda gesserunt. Sordebat inter aratra facundissimus, & quod peritia dederat, vis negabat. muto mœrebant auctore tribunalia, nec vlla concedebatur palma dicenti. in casum negotiorum nutabat euentus, quando literis genius non dabatur. vnus vbiq ingenia mœror oppresserat quia atterebant otia eloquentium facultates. pompam seniorum edax negligentia possidebat, nec accendebatur tyro ænulatione sectanda. vide! diuitias seculi tui.*

*Dixerat paulo antea: Par fuit etiam, vt eloquentiam laudis præmijs incitares, ne ad oreas tuas silentio*



580 De Philosophia apud Romanos  
perdetemus. Nullarum artium cessat industria, fo-  
lers, vbiq. nq. latet, inquitur.

*Quis vero non credat floruisse studia artium sub eo,  
quem idē Ennodius sic alloquitur: Video insperatum de-  
corem vrbium cineribus euenisse, & sub ciuitatis  
plenitudine palatina vbiq. recta rutilare. Video an-  
te perfecta ædificia, quam me contigisset disposita. il-  
la ipsa mater ciuitatum Roma iuuenescit, marcida  
senectutis membra resecando. non possunt instaurari,  
adq. splendorem reuocari vrbes si langueant disciplina, si  
muta sit eloquentia, si squallori inuoluatur Regina artium  
philosophia. qui pellit Barbariam, ille idem ad gloriam,  
ad decus, ad dignitatem inuitat Palladis mystagogos. O  
pul. herimum fructum, quem colligunt à liberali benignitate  
Principes, qui dum asserunt doctrinarum iura, suas florere,  
augeri vident provincias, hilariter se gerere populos, im-  
mensa lætitia fieri compotes ciues.*

*Nec interim ad bellæ artes ineptus extitit Theodoricus,  
curando aureæ pacis bona. nam qualia quamq. fortiter  
gessit aduersus occupatores Italiæ Herulos, eorumq. Regem  
Odouacrum. Ex tibi verba Cassiodori in Chronico: Theo-  
dorico Odouacer ad Isonthum pugnam parans victus  
cum tota gente fugatus est. eodem anno repetito con-  
flictu Veronæ vincitur Odouacer. ad Ducam fluuium  
Theodoricus Odouacrem tertio certamine supera-  
uit.*



Theodorici res facere ad philosophiam Romanam,  
eum calluisse hitoriam animalium.

## Cap. CCX.

**Q**ui quæ hætenus tradidimus de Theodorico legit,  
queret quid ad philosophiam Romanorum faciat  
Rex Gothus, in Græcia educatus? imò facit ad Ro-  
mam, nam Romæ fuit, Romanis aliquot annorum spatio de-  
dit Consules, aliasq. dignitates. de eius aduentu Romam  
quis non nouit verba Cassiodori in Chronico: Hoc anno  
( Patritio & Hypotio Consulibus ) N. D. Rex Theodo-  
ricus Romam cunctorum votis expetitus aduenit, &  
senatum suum mira affabilitate tractans, Romanæ  
plebi donauit annonas atq. admirandis mœnibus de-  
putata per annos singulos maxima pecuniæ quanti-  
tate subuenit, sub cuius felici imperio plurimæ reno-  
uantur vrbes, munitissima castella conduntur, con-  
surgunt admiranda palatia, magnisq. eius operibus  
antiqua miracula superantur. hæc Cassiodorus, in cuius  
Epistolis legere etiam est, quæ ostendunt historiam de ani-  
malibus, quæ physica pars, delictatum fuisse Theodoricū. de  
Ciconia lib. II. Epist. XIV. refert quod verno tempore paren-  
tes senio confectos escis nutriant, & pia vicissitudine  
iuuenes reddant, quod à parentibus paruuli suscepe-  
runt.

Perdicibus, inquit ibidem, mos est oua perditæ per  
alterius matris damna sarcire, sed mox nati nutricem  
deferentes ouorum suorum genitricem petunt. annon mirum



*est auiculas scire quæ sit nutrix impositrix, quæq. vera germana mater.*

*De Chamæleonte scribit lib. V. Ep. XXXIV. quod colores suos multifaria qualitate commutet: ut modo Veneta, modò blattea, modò Cyanea possit reperi-  
ri. quam bestiam gemmæ Pandiæ subijcit non esse ab similem  
in qua vnus non potest se continere fulgor. fluctuat  
aspectibus tremulis, dum lapis teneatur immobilis.*

*Eiusdem libri Ep. XXII. gementium turturum ca-  
stissimum est genus: quod si à copula sua fuerit casu  
intercedente diuisum perpetuæ se abstinentiæ lege  
constringit.*

*Mirum non est talia præferri in Epistolis Regis, quæ di-  
cuntur à Cassiodoro viro eruditissimo, nec tamen tam fa-  
miliariter Rex usus fuisset Cassiodoro, nisi imaginem sui in  
ipso dilexisset, eleganter autem Cassiodorus lib. XI. Ep. vlt.  
agit de solertia animalium. Lupus, inquit, arenis se mol-  
libus, ut plumbati lini insidias, euadat, immergit.  
scarus esca plectus, cum iunceum carcerem cœpe-  
rit introire, mox in caudam labitur, paulatim se ab an-  
gusto subducens. sauri se inuicem conantur liberare.*

*De Fausto Seniore, & Iuniore consularibus pe-  
ritis disciplinarum. quatenus Romæ stu-  
dia viguerint post Barbaricas irru-  
ptiones. Cap. CCXI.*

**A***nnumeret ornamentis suis Roma Fausti filium con-  
sulatus dignitate ornatum, de quo splendida sunt  
En-*



*Ennodij Verba lib. I. Epist. V. in principio vitæ disciplinis optimis institutus videtur meruisse quod adeptus est. Naturæ indecusscholas & literarum studia conlecurus, paternæ perfectionis æmulator. Quicquid Attica quicquid Romana præcipuum habet lingua cognouit. *Udes etiam post Gothicam irruptionem, post cladem non vnâ à Barbaris illatam Romæ adhuc hæsisse doctrinarum arcana, linguarum delicias, nec defuisse qui penetrarent ad adyta Attici Romaniq. eloquij. Talem se præstitit Fausti filius, qui florentibus annis Consulari auctus est fastigio.**

*Faustum porrò virum illustrem lib. IV. Epist. XXXV. emendatissimum hominum appellat. Vide quid Romanis olim præstiterint studia sapientiæ, ut scilicet virtutem omnibus numeris absolutam adipiscerentur. sed sunt alia quæ ostendant non prorsus spoliata Romam ornamentis doctrinæ postquam barbaricorum gladiatorum mucronem sensit. idem namq. Ennodius lib. V. Ep. IX. commendat Fausto Parthenium properantem Romam studiorum causa: Votorum, inquit, obsidem tradidit honestati, qui ad liberales adspirat disciplinas. Bonarum affectus artium dirum dedignatur ingenium. His Parth enius noster incitatus stimulis Romam, in qua est naturalis eruditio, festinat inuisere. in idem argumentum iubet properare litteras ad Symmachum summum Pontificem, Parthenius ad coronam vestram directus est, sancta sunt studia literarum in quibus ante incrementa peritiæ vitia dediscuntur. Luminofo sic scribit Epist. xj. Parthenio ad venerabiles disciplinas Romam petenti pro ferratis*



tis calcaribus sufficit vos videre. *Fausto Iunior* ita: Parthenius per liberalis studij disciplinas ingenuus vult videri. *Quæ omnia ostendunt non prorsus conclamatas fuisse disciplinas Barbaris Italiæ negotium facessentibus.*

De Syluestro II. Pontifice philosopho eximio.  
reijcitur fabula de eius Magia.

Cap. CCXII.

**C**irca seculum nonum, decimum, & undecimum à Christo, magna regnavit inscitia in Italia, quæ de re conqueritur magnus Baronius. Mirum ergo non est si de Syluestro Secundo, qui sedit an. **DCCCCCLXXXVIII.** sparsa fuerit fabula, quod esset magus. nam præter Theologiæ, & diuinarum rerum cognitionem, Mathematicas etiam artes, & arcana philosophiæ didicerat. fuit doctor Othonis III. Imperatoris, cuius favore etiam Pontificatum est adeptus. facile autem potuit manare in vulgus talis fabula, quia inscitia illorum temporum Astronomiam, & reconditarum rerum cognitionem contemnebat, imò suspectam habebat. is dicitur Abacum, & figuras barbaricas, quibus Logistæ utuntur, accepisse à Saracenis, & per Europam diuulgasse. sic enim Malmesburiensis: Abacum certè primus à Saracenis rapiens regulas dedit, quæ à sudantibus Abacistis vix intelliguntur.

*Fabulam porrò idem sic describit: de Gereberto fama disperfit, fudisse sibi statuæ caput certa inspectione syderum; cum videlicet omnes Planetæ exordia cursus sui meditarentur, quod nonnisi interroga-*  
tum



tum loqueretur, sed verum vel affirmatiuè, vel negatiuè pronunciaret. verbi gratia, cum diceret Gerebertus: Ero Apostolicus? responderet statua, etiam. Morior antequam cantem missam in Ierusalem? Non.

*Eiusmodi statuam eadem fama sparsit accepisse Gerebertum ab Hispaniensibus Saracenis. Papirius Massonius sic scribit: plurimum miramur confictam de eo fabulam mortalium aures ita penetrâsse, vt nunc quoq. euelli ex plurimorum mentibus non possit. ex synodo Romæ habita Rufo Magno, & Fausto Auieno Coss. hæc verba reperio: dum esset Synodus in Hierusalem, basilica Sessoriani palatij. quem locum ignoratum fuisse Gereberto viro doctissimo turpe esset dicere. in elogio, quod ei locauit Sergius successor in basilica Laterani, hæc quoq. leguntur:*

Obtulit hoc Cæsar tertius Otho sibi.

Tempus vterq. comit clara virtute sophiæ.

*Vides Gerebertum & Othonem Tertium dedisse operam philosophiæ. repete quæ plura sunt apud eundem Papirium Massonum, vt fabulam de Magia Syluestri explodere possis. Ergò Pontificis Syluestri sanctissimæ sapientiæ distinctione recitetur:*

Fabula Syluestrum exagitat, tacitosq. susurros,

Et Magica impingit murmura Pontifici.

Nequicquam. namq. historiæ fax dissipat umbras,

Romuleumq. diem non latuisse finit.



*Peroratio ad Lectorem.*

**H**Actenus illustrem numerum, censumq. Sopho-  
rum,

Roma Deum sedes quos tulit, expedit.  
Nunc lectorem operis conceptis ambio verbis,  
Me facilis veniæ ne velit esse rudem,  
Si somnum libro quandoq. obrepere passus  
Non semper metam, non tetigiq. scopum:  
Omnis enim in terris mortali semine cretus,  
Est potis à recto tramite ferre pedem.

*Ad Lectorem incolam urbis Romæ.*

**R**omuleam quicumq. pius nunc incolis urbem,  
Et Tyberis felix sacra fluenta bibis,  
Si bonus has chartas iucundo lumine lustrans  
Non Brutos, Senecas, non Thrasesq. files,  
Dic precor: ingenti Latium Gaudentius orbem  
Affectu cultor nunc quoq. prosequitur,  
Quandoquidem priscos repetens ab origine fastos  
Æneadum potuit fasti referre sophum.

**FINIS.**



**A D D E N D A**  
**OP E R I,**  
**DE PHILOSOPHIAE**  
**APV D ROMANOS**  
**INITIO, ET PROGRESSV;**



De Ouidiana narratione afferente Numam profectum ad audiendum Pythagoram. profertur sententia Pythagæorum de tempore. Cap. I.



**Q**UOD Numa audiuerit Pythagoram sic explicat Ouidius Metam. lib. XV. ut tradat non quidem Pythagoram se contulisse ad Sabinos, aut Romam, sed è Curibus suis profectum Numam adiisse Crotonem, ibiq. imbutum arcanis sapientiæ à Samio Doctore, sic enim loquitur Naso: non ille (Numa) satis prænosse Sabinæ Gentis habet ritus, animo maiora capaci Concipit, & quæ sit rerum natura requirit. Huius amor curæ patria, Curibusq. relictis Fecit, ut Herculei penetraret ad hospitis urbem. quis iam dubitet cum Pythagora congressum Numam? quis etiam non perpendat, quæ Ouidius philosophiæ Romanæ alumnus secundum Pythagoram depromit? sic enim loquitur de Pythagoricis dogmatibus, ut prorsus illis videatur suum addicere punctum. qua autem ratione veritatem perscrutari instituerit Pythagoras his explicat, exponitq. verbis:

Mente Deos adiit, & quæ natura negabat

Visibus humanis, oculis ea pectoris ausit.

Nam Pythagoras non sensu voluit metiri veritatem, sed mente, qua consurgens ad incorporeas substantias, has corporeas quas oculis nostris usurpamus non tanti fecit. quod magis, ac magis ostendit inferius dum inquit.

nihil est toto quod perftet in orbe.

Cun-



Cuncta fluunt, omnisq. vagans formatur imago  
ipsa quoq. assiduo labuntur tempora motu.

Non secus ac flumen, neq. enim consistere flumen  
nec levis hora potest.

Tempora sic fugiunt pariter, pariterq. sequuntur  
& noua sunt semper.

*Quod consentaneum est Heraclitiae sententiae, quam commendat Plato in Cratyllo, dum ait: inspicere mihi Heraclitum videor, iam pridem nonnulla sapienter de Rhea atq. Saturno tradentem, quæ & Homerus dixerat. ait enim Heraclitus fluere omnia nihilq. manere, rerumq. ipsarum progressum amnis fluxui comparans haud fieri posse inquit, vt bis eandem in aquam te mergas. Vera hæc sunt.*

*Quæ autem de tempore fluente à Pythagora proferuntur apud Ouidium rectissime intelligi poterunt ex ijs, quæ tradidit Architas cuius verba proferuntur à Simplicio, quando agit de predicamento Quando. tempus, inquit, proprium habet impartibile, & non subsistens per se, nam dicitur nunc impartibile, cum quo simul intelligitur, & illud quod vocatur præteritum, & non est permanens. nam quod cōtinue fit idem nequaquam seruatum secundū numerum, sed secundum speciem. nam instans præsens nunc tempus, & futurum non est idem cum præterito. nam quod factum est, & iam abiit non est amplius. vide plura quæ sequuntur, & diligenter lege omnia, quæ tradit ibidem Simplicius adducendo interpretationem Iamblichi. vnde etiā discas primos Pythagoræos egisse de tempore longe ante Aristotelem, qui de æternitate distincta à tempore*



pore nihil protulit, cum tamen ex Pythagoræorum doctrinâ Plato de ipsa magnificè sit locutus, pronunciaritq. tempus esse motam imaginem æternitatis. ut enim tempus metitur generabilia, & fluentia, & permanentem substantiam non habentia, ita æternitas impartibilibus, & immobilibus optimè conuenit. debuisset autem Aristoteles loqui de æternitate quandoquidem in libro primo de cælo tex. C. ait: Manifestum est, quod neq. locus, neq. vacuum, neq. tempus est extrinsecus, quapropter neq. quæ illic sunt, nata sunt in loco esse, neq. tempus ipsa facit senescere, sed optimam habentia vitam, & per se sufficientissimam perseverant toto æuo.

Cum ergò Aristoteles de æternitate non egerit, audiendus est saltem Simplicius secundum Pythagoræos differens, qui inter cetera inquit: æternitas simul existit cum ente considerata secundum impartibilem ipsius, & immobilem simul totam substantiam. tempus propriè dicitur in generabilibus, & adest cuiq. rei generabili secundum motum.

Æternitas igitur est impartibilium, & ingenerabilium, tempus partibilium, & generabilium. unde porrò queritur de anima, an dicatur de ipsa æternitas, an tempus? quod dicendum sit tempus ex eo colligitur, quia secundum Platonem est partibilis. At eadem est impartibilis, secundum eundem Platonem; respondet ergò Simplicius animam comp'ecti, & æternitatem, & tempus quia est media impartibilis scilicet, & partibilis substantiæ. hinc nostrates philosophi non æternitatem, non tempus, sed æuū ei tribuunt.

Dices, si partibilis est anima, mortalis est; respondendum



dum est partibilem dici quatenus defluit ac delabitur ad corpora, unde etiam mori dicitur sed metaphoricè quatenus non habet statum illum priorem & beatum. At quantumcunq̃ coniungatur corporibus anima, & induat corporeas faeces non potest tamen exuere suam naturam impartibilem, immortalem, omnis interitus expertem.

Cum autem tam multa differant Pythagoræ ac præsertim Architas de tempore, cur inquit postea, ut refert Simplicius, ipsum vel non omnino esse, vel obscurum, & vix esse? quia scilicet ad ea, quæ secundum Pythagoram & Platonem propriè sunt comparatum tempus vix est, nam in fieri esse habet, & præteritum quidem non amplius est, & futurum nondum est. hinc Simplicius infert: verum esse non convenit temporineq̃ generationi. æternitas propriè est, proprièq̃ sunt impartibilia, incorporea.

Sed omissis contemplationibus philosophicis reuertamur ad Numam, ut sciamus num Crotonem se contulerit ad audiendum Pythagoram? absq̃ dubio eiusmodi profectio figmentum poeticum est Ovidij, qui tamen sic fingendo valde bene meritus est de studiosis Pythagoræ philosophiæ. peccaverit profectò in sua commoda quisquis scire volens dogmata Pythagoræ totam dissertationem Ovidij non legerit in xv. Metamorph. ex qua etiam colligere est Pythagoram videri negasse inferos, aut inferos posuisse in corporibus, in quæ migrant animæ alijs corporibus relictis. repetenda autem sunt verba illa:

Corpora siue rogos flamma seu itabe vetustas

Abtulerit, mala posse pati non vlla putetis.

Quæ mirè videntur prolata esse. nam dixerat non dari inferos,



feros mox subiicit corpora non posse pati. At qui gentiles non loquebantur de corporibus ad inferos detrudendis, sed tantum de animabus, quæ etiam cogebantur oberrare insepultis corporibus.

Puto sic accipienda illa verba:

mala posse pati non vlla putetis,  
id est nolite putare homines post mortem aliquid pati, quia mox subiicit:

Morte carent animæ.

At etiam Plato docuit non interire animas, & tamen eas ple-  
tebat, & purgabat apud inferos. Nonne etiam molestiam  
ferunt animæ dum migrant in corpora brutorum? quid quod  
Pythagoras ipse dixit se adiisse inferos, ut est in ipsius  
vita. Cur apud Ovidium prorsus negat dari inferos, & ani-  
mas nulla mala posse pati?

Responderim, non adeò anxie esse sursum deorsum ver-  
tenda verba Pythagoræ, quia à poeta proficiuntur: poëta  
autem satis suo munere funguntur, si populari modo loquan-  
tur.

An XII. tabulæ continerent philosophiam? ex-  
plicantur verba Ciceronis in lib. de orat.

refer ad pag. 19. Cap. II.

**Q**uod Decemviri conditores XII tab. fuerint philosophi,  
atq. adeò Romæ tunc fuerit philosophia, ex verbis  
Tullij videtur posse colligi. nam apud ipsum in orato-  
re sic Crassus loquitur: Fremant omnes licet dicam  
quod sentio: Bibliothecas omnium mehercule philo-  
sopho-



sophorum vnus mihi videtur XII. tabularum libellus, si quis legum fontes & capita viderit, & auctoritatis pondere, & vtilitatis vbertate superare.

Respondendum est manasse XII. tabulas à philosophia, nam Solon conditor Atticarum legum philosophus fuit. eas mutuò sumpserunt Xuii, non ipsi condiderunt. Quis autem nescit virum prudentem à philosopho posse quadam in usum vitæ civilis assumere, absq; eo, quod philosophus ipse sit?

Quod Crassus dicit de XII. tabulis id per exaggerationem prolatum est, respicitq; vim, quam habet lex, dum imperat, & cogit parere intentando pœnas: philosophia autem non formidine pœnarum agit, sed suadet, ratiocinatur. plebs porrò talia præcepta de moribus surdis auribus excipit, metuq; bona est & continetur in officio. hinc ait summus Pontifex Sixtus Quintus, duo adhibenda esse in regenda plebe panem, & fustem.

### De Sulpitio Gallo Romano perito astronomiæ tempore belli Macedonici.

#### Cap. III.

**A**Nte Peractum saltem Astronomiam excoluit Romæ Sulpitius Gallus, de quo perhonorificè Plinius, & Valerius loquuntur. Plinius hæc habet, lib. II. cap. XII. & rationem quidem defectus vtriusq; (Solis & Lunæ) primus Romani generis in vulgus exiit Sulpitius Gallus, qui consul cum M. Marcello fuit, sed cum Tribunus militum sollicitudine exercitu liberato, pridie

Ffff quam



quam Perseus rex superatus à Paulo est, in concionem ab Imperatore perductus ad prædicendam eclipsin, mox & composito volumine. hoc omittendum minus fuit, cum Sulpitius extiterit Romani generis, & rebus sideris incubuerit, quod rarum fuit in illo seculo apud Quirites.

Valerius porrò lib. VIII cap. I. testatur iam defecisse Lunam, defectuq. perterritum exercitum, quem metum depulit dissertatio Sulpitij peritissimè de cœli latione, & siderum ratione apud milites disputantis. Ita factum ut astronomia victoriam Romano Duci largita fuerit. Scio rem paulo aliter à Frontino, & Plutarchi narrari; verum nihil causæ est, cur Plinianam, Valerianamq. historiam deferamus.

Nam, & superiori seculo apud Indos eclipsi prouisa in rem suam est usus Hispanorum Dux, obtinuitq. quod petebat.

Quam abstinens fuerit Scipio Africanus. laudatur etiam Marcus Imperator.

#### Cap. IV.

**C**ontemptus diuitiarum adeò videtur esse cõiunctus cum philosophia, ut auari qui sunt prorsus è censu numeroq. philosophorum videantur excludendi. quapropter id quicq. ostendit robusta sapientia imbutum fuisse à Panætio Scipionem Africanum iuniorem, quandoquidem abstinens admodum fuit. sic sanè laudatur ab ioso Panætio, ut refert Cicero in secundo de officijs, qui ait eum Carthagine euerfa nihilo locupletiore fuisse, qua in re imitatus est



patrem, qui victor in Macedonia positus est omni gaza Macedonum, non tamen se suamq. ditavit domum, sed ærarium adeò ut tributum, quod in eam diem solitum pendì, desierit solui. vides quam utilis sit Reipublicæ philosophia; efficit enim ut qui Rempublicam moderantur abstinentes sint. Hinc legimus Catonem Uticensem missum Cyprum ad transferendas immensas pecunias Ptolomæi prorsus nihil in proprium conuertisse emolumentum. Quid dicam de Marco philosopho, qui Imperator licet esset pauper tamen domi erat, ne ciuibus grauis esset? Vere namq. de se Marcus ait apud Iulianum in Cesaribus existimasse se Deorum imitationem in eo positam, ut paucissimis indigeamus, & quam plurimis beneficiamus. addenda narratio Iulij Capitolini in vita Marci: Cum ad bellum Marcomannicum omne ærarium exhausisset suum, neq. in animum induceret, ut extra ordinem prouincialibus aliquid imperaret, in foro Diui Traiani auctiorem ornamentorum imperialium fecit, vendiditq. aurea pocula, & crySTALLINA, & myrrhina: vasa etiam regia, & vestem vxoriam sericam, & auratam, gemmasq. etiam, quas multas in repostorio sanctiore Adriani repererat, & per duos quidem menses hæc venditio celebrata est. vide quæ ibi plura sequuntur. Utinam vero seculi nostri Reges, & Principes præ oculis semper haberent, & philosophiam Marci, & eius summam abstinentiam. utinam eius exemplo amarent populos, & à grauitate tributorum, quantum fieri potest, sese continerent. Reges certè pastores sunt populorum. boni autem pastores non deglubunt oves, sed condunt.



Qua notione Lælius dictus fuerit sapiens? expenditur definitio Aristotelica sapientiæ.  
refer ad pag. 26. Cap. V.

**L**ælio cum gloriatur Romana philosophia, par est, ut ex Cicerone aliquid depromam, quod ostendat cur ipse sapiens fuerit appellatus. sic autem apud Ciceronem ferè in principio libri de amicitia legitur, dum Fannius Lælium alloquitur: vnum te sapientem & appellant, & existimant. tribuebatur hoc modo M. Catoni, scimus L. Acilium apud patres nostros appellatum esse sapientem: sed vterq. alio quodam modo. Acilius quia prudens esse in iure civili putabatur. Cato quia multarum rerum usum haberet: multa. eius & in senatu, & in foro vel prouisa prudenter, vel acta constanter, vel responsa acutè ferebantur. Te autem alio quodam modo non solum natura, & moribus, verum etiam studio, & doctrina esse sapientem nec sicut vulgus, sed ut eruditi solent, appellare sapientem.

Ergò sapiens apud Romanos ab eruditis dicebatur is, qui contemplatione rerum, & cognitione veritatis valeret.

Apud Aristot. in VI. Eth. cap. VII. sapientia dicitur iam latius accipi, iam angustius. nam latè accepta complectitur omnes scientias, & artes, etiam opificum, ipsamq. prudentiam, eiusq. genera, ut videre est apud Platorem in Theæge, & Thæteto. Angustiore notione est omnium scientiarum princeps, & domina, dicta etiam dialectica à Platone, ab alijs Theologia, ab Aristotele Metaphysica. sic &



σοφὸς quilibet significabatur excellens in eo quod proficere-  
tur, ut Apelles σοφὸς πικτωρ, Polycletus σοφὸς statuarius.  
& Romani viros prudentes siue politicos, siue Iurisconsultos  
nominauerunt, ut iam didicimus ex verbis Fannij apud  
Ciceronem.

Rursus perpendendum Aristotelem facere duplicem sa-  
pientiam vnā particularem, alteram vniuersalem, e ara-  
tione, ut propriè videatur accipere significatum sapientiæ.  
singularem sapientiam dicitur singularum artium virtutem;  
vniuersalem, cuius respectu non in vno aliquo sapientes  
quosdam dicimus, hinc colligit oportere sapientem vniuersa-  
liter dictum, & per se sic dictum non quædam quæ cognosci  
possunt scire, quædam ignorare, sed nosse non minus demon-  
strata, quam principia.

Ergo tota ratio sapientiæ vniuersalis in contemplatione  
posita est, & cognitione veritatis, differtq. à prudentia se-  
cundum Aristotelem, nec enim consultat, cum versetur cir-  
ca ea quæ aliter se habere non possunt. Audiamus Androni-  
cum Rhodium in paraphrasi: ἡ σοφία τέλος ἔχει τὴν καθόλου  
ἀλήθειαν. καὶ ἡ μὲν ὑποκείμενον ἔχει τὸ καθόλου ἐπιστητόν καὶ  
τὰς ἀρχὰς ἀπάσης ἐπιστήμης. finis sapientiæ est omnis ve-  
ritas & eius subiectum est omne id quod sciri potest,  
& principia omnium reliquarum scientiarum. Malè  
admodum legitur in versione Dan. Heinsij: sicut subie-  
ctum id quod vniuersaliter fieri potest. nescio autem an  
culpa Typographi sic excusum sit.

Sed num verè Aristoteles separauerit prudentiā à sapien-  
tia dubitare possumus. sapiens enim secundum communem  
hominum sententiam felix est, & felicitatem adipiscitur.

id si



id si verum est, sapientia à prudentia segregari non potest. quis enim nescit sapientem illum dici debere, qui nouit ea, quæ conducunt ad felicitatem, ijsq. utitur? Aristoteles autem quia ponit felicitatem vltimam in contemplatione, sapientia tantam habuit rationem, vt in ea tantum collocauerit hominum felicitatem, cum tamen si quis contempletur verum, careat autem prudentia, reliquisq. virtutibus, & affectibus non imperet, felix non sit, atq. adeò sapiens dici non mereatur.

Longè ergò aliter senserunt de sapientia, & sapiente Stoici, dixeruntq. sapientiam complecti in se summam vitam humanæ, quæ non tantum cognoscit veritatem, sed & operatur. audiamus Senecam Ep. LXXXVIII. sapientia perfectum bonum est mentis humanæ. philosophia sapientiæ amor est, & affectatio. hæc ostendit, quò illa peruenit. non tacet quosdam definisse sapientiam, quod norit diuina & humana, & horum causas. alibi ait studia liberalia dicta esse, quod homine libero digna sunt. Cæterum vnum studium verè liberale est, quod hominem liberum facit. hoc sapientiæ studium est, sublime, forte, magnanimum, cætera passibilia, & puerilia sunt: An tu quicquam credis in istis esse bonum, quorum professores pessimos & flagitiosissimos cernis? imò videtur prudenti plus conferre ad felicitatem quam cōtemplatio rerū. nam Cato Maior fuit sapiens, & felix, in contemplatione tamen rerum exiguam operam locauit, quin à philosophis putauit debere Romanos abstinere. sufficit autem vt quis sit sapiens nosse ea, sine quibus ad felicitatem non licet homini pertingere. qui illa nouit, & secundum cognitionem dirigit mores, acta,

ani-



*animum absq. dubio scopum attinget felicitatis.*

*Obijcit Aristoteles Anaxagoram, & Thaletem fuisse sapientes, sed non fuisse prudentes: quia quæ ipsis utilia erant, & ad vitam conducebant cum ignorarent, eximia & admiranda & difficilia quædam sciebant, & diuina.*

*Imò & prudentes fuerunt, nam magnanimi putarunt negligendam curam diuitiarum ne abstraherentur à contemplatione rerum. sed non est necesse eos in omnibus imitari: heroes enim fuerunt, & extra communem ordinem reliquorum hominum positi. Quod verò nossent ea quæ conducunt ad vitam satis superq. docet vita eorum. Consilio profectò Anaxagoræ in regenda Republica utebatur Pericles. Thales etiam ostendit se posse ditescere si vellet. & qui potest fieri, ut quis sapiens euadat, hoc est consequatur omnis veritatis cognitionem secundum quidem Aristotelem, si incumbat rebus domesticis, si diuitias satagat conflare? qui verò incensus amore immenso cognoscendæ veritatis minora negligit volens sciens & ex animi sententia, nequaquam imprudens appellandus est. ne igitur prudentiam à sapientia seijunamus.*

*Nunc quæ dixi confirmanda sunt testimonio Philonis viri grauissimi lib. de Congr. quer. erudit. grat. sicut liberales artes conferunt ad quærendam philosophiam, ita philosophia ad parandam sapientiam. est enim philosophia meditatio sapientiæ, sapientia verò scientia rerum humanarum diuinarumq. & causarum insuper. Ergò sicut Encyclopædia philosophiæ teruit, sic philosophia sapientiæ: At philosophia docet nos continere linguam, ventrem, & quæ sub ventre sunt. hæc quam-*



quamuis per se expetenda, augustiora tamen fiunt quando in honorem Dei, & causa Religionis exercentur.

*Adde solere magnos scriptores eundem & sapientem, & bonum appellare, neq. unum ab altero diuellere. sic Virgilius in carmine:*

*Vir bonus, & sapiens.*

*Cicero in III. de offic. Hæc est perniciēs, quod alios bonos alios sapientes existimant. si non potest esse sapiens, nisi qui simul sit bonus, sapientia non potest carere prudentia, nec sita est in sola rerum contemplatione; imò consultat, deliberat de ijs quæ agenda. non interim est negandum reperiri viros bonos, qui scientiarum sunt expertes, & indocti, quos tamen nemo excluderit ab æterna felicitate. hinc sciunt omnes S. Augustinum cum legisset vitam S. Antonij dixisse: surgunt indocti, & rapiunt regnum cælorum.*

Controuerſa iura ex Diogene Stoico proposita.  
refer ad pag. 32. Cap. VI.

**H**Abebant Stoici controuerſa quedam iura, quæ nos hodie vocamus Casus Conſcientiæ. in talibus se exercuit Diogenes Stoicus, ut est apud Ciceronem in III. de offic. si quis adulterinos nummos, acceperit pro bonis, an tanquam bonos expendet? affirmat Diogenes. Me quidem non habebit æſcientem. Nec enim imitari debemus deceptores.

*Poteſtne quis vendere vinum fugiens hoc eſt non duraturum*



*rum silendo non duraturum? affirmat Diogenes. Res est magis ambigua, quam superior. si sciat mox fugituum, dicet, si norit aliquandiu duraturum poterit forte silere, nam nulum ad emptorem redibit detrimentum.*

*Quando venditur mancipium an dicenda ultia? absq. dubio dicenda ea, quæ nisi dixeris redhibebitur mancipium iure civili. sed alia an possunt dissimulari, quod sit aleator quod furax, ebriosus? qua de re Diogenes quoq. loquebatur. Vix putârim esse necesse. Vide plura apud Ciceronem, & cogita aliquod periculum imminere conscientia à nimia subtilitate, quam dum aliqui anxie explicando in re præsertim venerea singula peccatorum discrimina sectantur, vitæ nam non officiant moribus.*

Expenditur disputatio Critolai peripatetici  
contra Stoicos. Philo in quibusdam rej-  
citur, in nonnullis approbatur.

Cap. VII.

**A**pparet Critolaum, qui cum Diogene, & Carneade legatis Atheniensium Romam se contulit exarasse libros, atq. in primis pro mundi perennitate pugnassee, ne à suo discederet abiretq. magistro. Etenim Philo sic de ipso in libro de mundi incorruptibilitate loquitur: Critolaus musarum amator, & peripateticæ sectator philosophiæ dogma de mundi sempiternitate approbans, talibus utitur argumentis.

Oportet profectò inter se disputasse ut de alijs, sic etiam mundi vel interitu, vel perenni duratione Diogenem Stoi-



cum, & Critolaum Peripateticum, & verumq. non leuiter exercitum vexatūq. fuisse à promptissimo Carneade. Etenim Philo antequam loquatur de Critolao, eiusq. in medium proferat argumenta, ait: dicat fortasse aliquis Stoicus disputator verbosior. mox subiungit à Stoicis non tantum appellari sic mundum hunc ornatum, verum & eum, qui post exustionem futurus est, quod à Philone reijcitur.

Sed videamus quibus argumentis pro perenni duratione mundi pugnet Critolaus. si mundus est genitus, ergò & terra, ergò & humanum genus. at homo ingenitus ab æterno subsistit. postea subiungit: quod si homo est æternus, pars vniuersitatis minima, utiq. mundus quoq. ingenitus est, ac proinde incorruptibilis.

Quis non miretur talia à Philone in Critolao approbari potuisse, cum disertis verbis Moses doceat, qua ratione non tantum mundus, sed etiam homo creatus sit? Mauisne Critolao habere fidem, quam diuino viro Mosi? sed scio quid agas. confugis ad allegoricum sensum, reijcisq. historicum in diuina Genesi. Atqui omnes qui periti sunt diuinarum litterarum tuam interpretandi, & detorqueendi rationem procul à diuina Genesi facessere iubent, quin & tua illa verba non absolutè suscipiunt: Moses docet, quod dies & noctes, horæ anniq. sol & luna mensores tēporum vnà cum toto cœlo pro immortalisua natura permanebūt in æternum ubi quæso Moses sic loquitur? narrat quidem Moses iussisse Deum, ut fierent luminaria, ad lucendum in firmamento cœli, & illuminandam terram, utq. præessent diei, & nocti, de immortalis autem eorum natura, & sempiternitate nihil protulit. Nonne verò ipse legeras



geras hæc Davidis verba psalmo CL. initio tu Domine terram fundasti, & opera manum tuarum sunt cæli. ipsi peribunt, tu autem permanes. & omnes sicut vestimentum veterascent, & sicut opertoriū mutabis eos. & mutabuntur. quæ tamen verba non de omnimodo interitū accipiunt rectè Theologi, sed de quadam mutatione, quam excipiet instauratio ea quidem ratione, quam Deus optimus maximus nouit.

Tota autem eiusmodi immutatio, & instauratio non fiet vi ipsius naturæ, sed sola Dei voluntate & potentia præter ordinem, præterq. vires naturæ. Etenim si perpendamus naturam ipsius mundi putamus rectè Philonem ratiocinari aduersus Stoicos. ignis certè de quo loquitur S. Petrus II. ep. cap. III. excitabitur diuinitus ab ipso Deo, ut fiat instauratio totius mundi.

Scio aliquos ex veteribus scriptoribus Ecclesiasticis dixisse mundum esse obnoxium senio, & iam consensuisse. sed refelluntur à sensu: nam post mille & plures annos videmus mundum in eodem statu permanere, & eadem vi naturali prædictum esse. Quod si secundum eorum sententiam iam tunc laborasset senio mundus, iam pridem de ipso actum fuisset. Robustior profectò est mūdus, quam ut ad siccitatem, & frigiditatem deduci à vetustate temporis queat. Hinc rectè Philo eodem libro ostendit terram nequaquam senuisse, cum indefessa continuq. prædicta sit fecunditate. Etenim irrigata vel fluminum restagnationibus, vel annuis imbribus, vires reficit, & quiete modica se refouet. fateor quandoq. alibi sterilem videri, sed eiusmodi sterilitas nec diuturna est, nec totam occupat terram, sed exiguum eius partem.



De Posidonio discipulo Panætij, qui fuit Romæ  
tempore Marcelli. Cap. VIII.

**P**raeter Apollonium, & Hecatonem habuit Panætius  
etiam Posidonium discipulum quem quidem fuisse Ro-  
mæ dubitandum non est. hæc enim leguntur apud Suidam.  
Posidonius Apamensis Syrus, aut Rhodius, philoso-  
phus Stoicus cognomento pugil, scholam habuit  
Rhodi discipulus, & successor Panætij. ex quibus etiam  
inelligere est Rhodi docuisse Panætium. Mox ait Suidas.  
Venit & Romam sub M. Marcello. scripsit multa.  
hæc ibi.

Cicero in III. de officijs. scriptum à discipulo Panætij  
Posidonio triginta annis vixisse Panætium, postquam  
libros de officijs scripsisset. hæc Cicero, qui reprehendit  
Panætium, qui cum accuratissime disputasset de officijs,  
nonnulla tamen prorsus necessaria omisisset, nec stetisset pro-  
missis, quamvis diu vixisset post compositos libros illos.

De Hecatone Stoico discipulo Panætij, qui Romæ  
videtur floruisse. Cap. IX.

**P**anætium summum philosophum non ab re sequi iubea-  
mus Hecatonem discipulum, quem tamen non possum  
dicere fuisse, & floruisse Romæ. Cicero eius meminit in III.  
de offi. ait enim fuisse Rhodium, Panætij discipulum, &  
de Offi. scripsisse Q. Tuberoni, quò magis inclino in eam  
opinionem, ut non negem vixisse etiam & scripsisse Romæ.  
quan-



De Philosophia apud Romanos. 605

quandoquidem familiaris fuit Q. Tuberoni nobilissimo philosopho Stoico, & Iurisconsulto. Quin credibile est eius fuisse præceptorem.

Eius laudatur sententia sapientis esse nihil contra mores leges, instituta facientem habere rationem rei familiaris. Ergo debet res familiaris cedere patriæ, atq. Reipublicæ, cu maximè omnium obstricti sumus, magisq. quam nobis ipsis. non enim Respublica est propter nos, sed nos propter rempublicam. hinc quod Aristoteles dixit nos alios amare propter nos, id de patriâ non est intelligendum. amanda enim patriâ est propter seipsam.

De Sosigene insigni Astronomo, cuius opera usus est Iulius Cæsar. Cap. X.

**I**Mmortali beneficio cum affecerit genus humanum Iulius Cæsar corrigendo annum, ut suo loco diximus, non est prætereundus ille, cuius opera in re tanti momenti est usus, audiendus ergo Plinius lib. XVIII. cap. XXV. His (scet agentibus de digestionem siderum) addidit apud nos quartam Cæsar dictator, annos ad solis cursum redigens singulos, Sosigene perito scientiæ eius adhibito. Mox subicit: & Sosigenes ipse trinis commetationibus quamquam diligentior esset cæteris, non cessavit tamen addubitare semet corrigendo. pollicetur autem Plinius se secuturum observationem Cæsaris, ut propterea possimus dicere in Pliniano opere adhuc superesse non contemnendum instar observationum Sosigenis. cum autem testetur Plinius eos, qui digesserunt sidera in noctes, & dies tam



varios fuisse in observationibus, mirari desinimus adeo discordes esse nostrorum temporum Chronologos. Petavius profecto duobus magnis voluminibus conscriptis innumeros errores ait se deprehendisse in Iosepho Scaligero, quem tamen alij ob opus de emendatione temporum suspiciunt.

A gravitate philosophica petitum illud: *Sophōs*,  
cuius usus frequens in acclamationibus  
Romæ. refer ad p. 46. Cap. XI.

**Q**uod magni apud omnes Romæ fieret sapientia, & gravitas philosophica, ille inter oratores videbatur suo munere perbelle fungi, qui imbutus philosophia graviter, & doctè tanquam philosophiæ alumnus disserteret sententiasq. suas pondere rerum instrueret, non verò nugæ canoras, & inania lablaret verba. Hinc pato factum ut acclamaretur recitantibus adhibito adverbio σοφῶς quod à σοφία deductum est. cuius quidem adverbij, quod videtur abijisse in nomen substantivum, sæpe facta est mentio à scriptoribus illorum temporum. apud Martialem:

Audieris cum grande sophos.

Mercetur alius grande, & insanum sophos.

Non sex paratur aut decem sophos nummis.

Quod tam grande sophos clamat tibi turba togata,

Non tu Pomponi, cœna diserta tua est.

At tibi tergemini mugiet ille sophos.

Simile est illud apud eundem Martialem: Grauter.

Sunt qui sophos confundunt cum euge, belle, bene, præclarè, festinè. sed nequaquam debent inter se confundi. non enim

qui



De Philosophia apud Romanos. 607

qui acclamabant promiscue repetebant festiuè, bellè: sed pro  
ratione eorum, quæ proferebantur adhibebant aduerbia.  
quando autem aliquis d' homine graui, & sapiente exhibet,  
acclamabant: sophos. quod sophos extremam laudem com-  
plectebatur.

T. Liuium fuisse philosophum, & de philosophia  
scriptisse. Cap. XII.

**L**iuium non nouit plebs nisi historicum, putatq. nihil aliud  
ab ipso emanasse, quam narrationes de rebus gestis  
Romanorum. Atqui cõstat Dialogos ad philosophiam facien-  
tes ab eodem cõpositos, quæ de re ne quisquam dubitet, legat  
hæc ex Seneca lib. 1. Epist. C. Nomina adhuc Liuium.  
scripsit enim & Dialogos, quos non magis philoso-  
phiæ annumerare possis quam historiæ, & ex profes-  
so philosophiam continentes libros. Dialogi sic ph. loso-  
phici erant, ut possent etiam vocari historici. sed & libros  
de philosophia scripsit, qui toti philosophiam complecteban-  
tur. vide quid amiserimus pereuntibus eiusmodi libris. nam  
eminebant, quandoquidẽ Seneca ait eos solis tribus eloquen-  
tissimis cedere, Ciceroni, Asinio Pollioni, Fabiano. Miror  
autem Patauios de suo Liuiio scribentes tantum decus in  
ipso præteruisse. Norint igitur in posterum philosophum  
quoq. fuisse Liuium.



Stoicos de honestate agentes potuisse aliquid conferre ad Iurisprudentiam. refer ad p. 106.

Cap. XIII.

**M**ultum contulisse & conferre potuisse ad vitam civilem, & Iurisprudentiam Stoicos, quicquid dicere de ipsis in aduersam partem videatur. Cicero in orat. pro Murena, ex eo videtur aperte posse colligi, quia facetur idem Tullius lib. I. de officiis Stoicos solere bene de honestate disputare contemptis Epicureis, insuper habitis Aristone, Pyrrhone, & Herillo. quin imò non negat se in tractatione de officiis potissimum Stoicos sequi, & incedere per vestigia Panætij, qui itidem Stoicus fuit. Verba Tulliana recitentur: propria est ea (de honestate) præceptio Stoicorum. quoniam Aristonis, Pyrrhonis, Herilli. Mox ait: sequemur igitur hoc quidem tempore, & in hac quæstione potissimum Stoicos, & statim meminit Panætij, qui quid sit officium non dixerat.

Respondere est tractationem de officiis communem fuisse Stoicis, Peripateticis, & Platoniciis. nam Brutus Platonicius scripserat de officio, ut notum est. Quid quod omnis eiusmodi disciplina à Socrate profecta est, derivata etiam ad Peripateticos, tandemq. Stoicos quoq. complexa. Itaque antiquior erat possessio Platoniorum, & Peripateticorum de officiis disputatio. verba porro quibus Cicero cum Stoicis coniungit Academicos, & Peripateticos de officiis quando agitur, sunt hæc: propria est ea præceptio Stoicorum, & Academicorum, & Peripateticorum. nam reiecerat Epi-



*Epicureos paulo antea sic loquens: nam qui summum bonum sic instituit, ut nihil habeat cum virtute coniunctum, idq. suis commodis non honestate metitur: fit ut neq. amicitiam colere possit nec iustitiam, nec liberalitatem. Sed quares, Cur Cicero Stoicos sequitur de officijs agens, non Peripateticos, non Academicos? Respondeo placuisse ipsi eo tempore sic se gerere, non enim negat se potuisse sequi Peripateticos, & Academicos.*

*Non igitur absolute negandum est, quin ad Iurisprudentiam aliqua possent conferre scripta Stoicorum. quod autem in oratione pro Murena ipsos visus est reijcere Cicero, id sic accipiendum, ut intelligamus voluisse eum tunc δαλέειν ὑποδείσει, conatumq. detrabere auctoritati Catonis, qui vehementer aduersabatur Murenae in petitione Consulatus.*

Scholiastes Iuuenalis agens de Thrasyllo reijcitur.

Cap. XIV.

**E**xaminanda sunt, quae minus recte videtur proferre de Thrasyllo Scholiastes Iuuenalis ad VI. Satyræ. ait eum multarum artium scientiam professum, postremo se dedisse Platonicæ philosophiæ, ac deinde Mathesi. unde habeat quod Thrasyllus fuerit Platonicus fateor me nescire. Certè verisimile non est fuisse Platonicum, quandoquidem Platonici vix vacabant Astrologiæ, quam visus est Plato in Timæo damnare. Cum igitur absq. controuersia Chaldaica disciplina fuerit doctor Thrasyllus, & quidem insignis, verisimile non est fuisse Platonicum. ait deinceps Scholiastes ob eiusmodi artem Chaldaicam familiariter vixisse cum Tibe-

H b b b

rio,



rio, quem postea idem Tiberius vo uerit præcipitare in insula Rhodo, & quod Thrasyllus præsentiens dolum fugerit. imò veritas habet Tiberium tunc primum cæpisse magnificare, & familiaritate dignari Thrasyllum, cum eius insignē peritiam Rhodi explorasset. deinceps enim eum admisit ad arcana semperq. carissimum habuit. falsum igitur est eum fugisse à Tiberio.

De Timone, qui illustrauit alterius Timonis Sillos sub Tiberio. Cap. XV.

**T**imon Apolloniates Nicæus videtur Romæ fuisse, quandoquidem commentarium suum in Sillos alterius Timonis Phliasij Imperatori Tiberio dedicauit. sic enim de ipso Diogenes Laërtius: Τίμων ἀπολλωνίδης ὁ Νικεύς, ὁ παρ' ἡμῶν, ἐν τῷ πρώτῳ τῶν εἰς τὰς σίλλας ὑπομνημάτων, ἃ προσφώνει Τιβερίῳ καίσαρι. quæ verba sic vertuntur: Timon Apolloniates Nicæus, qui apud nos, in primo (libro) commentariorum in Sillos, quos quidem commentarios dedicauit Tiberio Imperatori. alij male verterunt Timon Apolloniates Nicæus, de quo in primo commentariorum in Sillos libro diximus. quæ verba significant Diogenem Laërtium scripsisse commentarios in Sillos. Atqui Timon Nicæus illustrauit Sillos alterius Timonis, qui vixit tempore Philadelphi Regis, non Diogenes Laërtius.



De Fabiano Papirio insigni philosopho, quem  
audiuit Seneca. Cap. XVI.

**F**abianus Papirius magnus fuit philosophus, summa cum  
laude philosophiæ Romanæ accensendus, Romæ philo-  
phatus gloriose. libri eius inscribebantur Ciuium. videntur  
igitur egisse de Morali philosophia. Lucilius tamen, ad quem  
scribit Seneca sic eos legit, vt scripserit suæ non respondisse  
expectationi, quin & styli eius accusauit. hinc Seneca  
Lucilio respondens lib. I. Ep. C. ait: oblitus de philoso-  
pho agi, compositionem eius accusas. Mox cum tuctur  
nec tacet à se cum doceret auditum. Mors ille non verba  
composuit, & animis scripsit ista, non auribus. ipso di-  
cente non vacasset tibi partes intueri: adeo te summa  
rapuisset. vide quæ plura sequuntur in eadem epistola, vbi  
etiam ait: Affer quem Fabiano possis præponere. dic  
Ciceronem, cuius libri ad philosophiam pertinentes  
totidem sunt, quot Fabiani, cedam. vides quam multa  
Fabianus scripserit de philosophia quæ tamen omnia perie-  
runt. addit Fabianum postponendum etiam Asinio Pollioni  
sed post Asinium, & Liuium, & Ciceronem omnibus præpo-  
nendum quod maxima laudis est. vides quam multos an-  
tecedat, qui a tribus vincitur & tribus eloquentissimis.  
Ep. lviij. ait Fabianum in suis libris dixisse essentiam &  
quidem post Ciceronem. auctorem huius verbi habeo si  
recentiorem quæris, Fabianum dilectum, & elegan-  
tem orationis etiam ad nostrum fastidium nitidæ. vide-  
tur igitur Fabianus sub Caio, aut Claudio floruisse quæ etiam  
Plinius lib. I. inter scriptores recenset.



Stoicos putasse, sed male animam esse corpoream, licet tenuissimam & dubitasse de eius immortalitate. perpenduntur quædam verba Senecæ. Cap. XVII.

**S**Toici tempore Senecæ non putabant prorsus esse immortalem animam, quandoquidem aiebant animam hominis magno pondere extriti permeare non posse, & statim spargi, quia non fuerit illi exitus liber, ut narrat Seneca lib. I. Ep. LVII. sic nonnulli putant Homerum putasse animam eorum, qui pereunt in aqua prorsus interire, non quod non possit pertransire, sed quia igneæ dicebatur illis temporibus esse natura, atq. adeò ab aqua, quæ extinguit ignem, opprimi, & sufficari. Stoicis suis contradicit Seneca, cum putet animam, quamvis eam faciat corpoream adeò esse tenuem, ut incolumis possit peruadere. animus qui ex tenuissimo constat, deprehendi non potest nec intra corpus affligi: sed beneficio subtilitatis suæ per ipsa quibus premitur erumpit. Tertullianus, qui & ipse corpoream statuit animam ait tam tenuem esse, ut de corporalitate periclitetur. quasi dicat eam tantum non esse incorpoream. Veteres sanè ante Aristotelem, ut Democritus, Heraclitus, & forte alij, tribus metiebantur animam sensu, motu, & incorporeo. Ergò incorporeum vocabant non prorsus corporis expers, omniq. quantitate carens, sed subtilissimum, tenuissimum. nam quod mouetur, & sentit id aliquatenus sit corporeum necesse est. alio autem sensu animam dixit esse incorpoream Aristoteles sensu nempe quo formam



appellat incorpoream, quam opponit materia, quæ corporeitatem secum trahit.

Sed reuertamur ad Senecam. ait ipse animam adhuc igne tenuiorem esse. ignis scilicet etiam aëre tenuior est, sed ignis purus, & cælestis non noster iste, qui terreas partes ob alimentum, quo indiget admixtas habet.

Immortalitas porro animarum non erat prorsus extra controuersiam apud Stoicos, quamuis nos de ea prorsus non ambigamus. Panætius sane insignis inter Stoicos immortalitati animorum insensus fuit, ut narrat Cicero, & ego suo loco indicaui. Seneca autem sic: de animo quærendum est: An possit immortalis esse. Hoc quidem certum est, si superstes est corpori, propter hoc illum nullo genere posse perire, propter quod non perit: quoniam nulla immortalitas cum exceptione est, nec quicquam noxium æterno est. quæ verba ostendunt Senecam existimasse animum aut immortalem prorsus esse, omnemq. animam nulla excepta esse immortalē, aut omnem animam esse mortalem. nec videtur ea in re extra ambiguitatem de immortalitate animorum fuisse.

Alexandrum Ægæum nequaquam esse auctorem commentariorum in Meteora, & Metaphysicam Aristotelis. notatur negligentia Diogenis Laërtij. Cap. XVIII.

**C**ommentarium in Meteora, & Metaphysicam Aristotelis Fr. Patritius tom. I. lib. III. discuss. Peripat. detrabere satagit Alexandro Aphrodisæo, & tribuere Ale-



alexandro Ægeo nescio an solidis motus argumentis. interim seipsum confutat Patritius, nam ex numero librorum Aristotelicorum eijcit Meteora, & Metaphysicam, quia ipsorum nō meminit Laertius. sed Alexander Ægeus longè antiquior Laërtio eos tanquā germanos fœtus Aristotelis suscepit, quādoquidem commentarios in ipsos scripsit. At, inquit, in commentario in Meteora Alexander facit mentionē Sofigenis præceptoris. is Sofigenes vixit tēpore Iulij Cæsaris: ergo qui eum appellat præceptorē est Alexander Ægeus, non Aphrodisiensis.

Duo possumus regerere, potest fieri, ut hac verba de Sofigene præceptore ab aliquo sciolo inserta fuerint. sic enim ipse Patritius ut soluat nodum, in quem induitur dum reijcit commentarium in Metaphysicam, quia in eo fit mentio Alexandri Aphrodisæi, inquit: id cur non à sciolo aliquo credamus appositum?

Possumus etiam dicere Sofigenem alium fuisse præceptorem Alexandri Aphrod. ut plures fuerunt Alexandri philosophi, potuerunt etiam esse plures Sofigenes.

Vix autem credibile est Alexandrum Ægeum, qui vixit sub Nerone fuisse discipulum Sofigenis, cuius opera annum correxit Iulius Cæsar. ferè enim centum anni sunt à Cæsare ad Neronem. nam si Alexander Ægeus fuisset discipulus Sofigenis floruisse sub Augusto atq. adeò eius aliqua mentio facta fuisset. finge autem fuisse viginti quinq. saltem annorum Alexandrum cum occideretur Iulius Cæsar. ad quam decrepitā etatem peruenisset, ut instrueret Neronem, in quo desijt Cæsarea successio? quot enim annos imperavit Augustus, quot Tiberius? nec Claudij adeo fuit brevis principatus.

Sed



*Sed ne scrupulus hereat lectori de auctore Meteororum, quæ tribuuntur Alexandro Aphrodisæo, qui vocat Sositigenem præceptorem, sciendum præter Sositigenem Astronomum, quæ vixit tempore Iulij Cæsaris, fuisse alium Sositigenem philosophum peripateticum cuius meminit Dexippus in prædic. Aristot. cap. III. is enim scripsit de ijs quæ dicuntur: & videtur vixisse circa tempora, ut potuerit esse præceptor Alexandri. errat igitur Patritius quia vnum Sositigenem nouit, qui vixit tempore Iulij Cæsaris: cum tamen Dexippus memoret alium peripateticum philosophum, quem putamus fuisse Alexandri Aphrodisæi Magistrum.*

*Quantopere autem vacillet fides Laertij in recensendis Aristotelicis libris ex eo disce, ut alia omitam, quod magno consensu Antiqui libros Metaphysicorum tribuunt Aristoteli, quos tamen per magnam negligentiam præteriiuit Laertius. longum foreo recensere eos, qui Metaphysicam tribuunt Aristoteli.*

**A** Boetio inter philosophos recensitum Lucanum. agitur de mundi conflagratione, aut renouatione. Cap. XIX.

**N**oli ambigere Lucanum inter philosophos esse referendum. apud Boetium lib. IV. prosa sexta sic loquitur philosophia: & victricem quidē causam dijs, victam verò Catoni placuisse familiaris noster Lucanus admonuit. Multa profectò prorsus Stoicè & grauiter prolata legere est apud ipsum, qualia sunt quæ de conflagratione mundi proferuntur. aduersus quam sententiam acerrimè  
pu-



pugnat Philo, ubi etiam ait aliquos ex Stoicis deseruisse eam  
lem opinionem, quam tamen adstruit quoq. Ovidius in pri-  
mo Transform.

Esse quoq. in fatis reminiscitur affore tempus

Quo mare, quo tellus, subiectaq. regia coeli

Ardeat, & mundi moles operosa laboret.

qua tamen verba non videntur prorsus dare exitio mun-  
dum, cum praferant exustionem quandam, qua tantum la-  
bores, non pereat mundus. nam Plato illuuiionibus & incen-  
dijs obnoxium faciebat mundum, non tamen aiebat prorsus  
perituum. neq. est quod quis obijciat verba ex Timaeo:  
Tempus cum coelo factum, vt simul facta simul etiam  
dissoluantur; si quando solutio quaedam ipsorum fu-  
ture est. nam quod de dissoluendo mundo dixerat ex senten-  
tia Democriti, & Heracliti protulit, mox quasi renocat,  
ostenditq. se quando de mundo agitur non velle prorsus obli-  
natum esse, & mordicus tueri sua dicta. quamuis ergo exi-  
stimet non perituum mundum, non tamen putat vt omnino  
absurdum reiiciendum effatum eorum, qui docuerunt mun-  
dum dissoluendum. Magno autem consensu Platonici tra-  
dunt mundum non esse perituum, licet vt dixi, eluuiioni-  
bus & incendijs quibusdam eum obnoxium faciât, quae ta-  
men non totum perdant, neq. coelum attingant, vt propte-  
rea nesciam an philosophicè aut saltem secundum Platonem  
locutus sit Ovidius, quando dixit correptaq. regia coeli

Ardeat.

Mirum porro est Lucanum Stoicum, quando agit de interi-  
tu mundi conflagrationis, & ἐκπύρωσιν non meminisse,  
sed tantum dissolutionem & confusionem ob oculos posuisse



gantur, & perpendantur eius verba.

Sed S. Petrus II Ep. cap. III. conflagrationem disertis verbis videtur nobis ob oculos ponere dum ait: Cœlum istud, quod nunc est, & terra igni reposita sunt in die iudicij, in qua cœli fluminis instar præteribunt, elementa autem incensa resolventur: & terra, & quæ in ipsa sunt colliquescent, & cœli inflammari, & elementa liquecent. hæc S. Petrus, qui sic exponitur à viris doctis ut nomine cœ'i non intelligatur sider. ũ sed a reum, neq. putemus mundum perituum sed renovandum. videnda prorsus sunt, quæ ex S. Patribus congerit vir doctissimus Sixtus Senensis lib. VI. biblioth. Sanctæ annor. CCCXL. ubi tamen non præteriri velim S. Epiphanium existimasse homines beatos habituros post iudicium hanc terram & quidem perpetuo tempore, de qua quidem sententia videndus est etiam eruditissimus Petavius, qui rectè monet non eo modo id asseruisse S. Epiphanium, ut asserbant Millenarij. Quod autem secundum Platonem mundus non interiturus sit ostendit Philo his verbis prolatis ex Timæo: ex his quatuor singula integra mundus in seam recipit substantiam. ex omni quippe igni, aëre, aqua, terra, ipsius faber eum ita composuit, ut nullam cuiusq. partem aut vim extra relinqueret, idq. hac ratione fecit, primū ut totum hoc animal quam maximè perfectum ex perfectis partibus esset, dein ut esset vnū, cum nihil extra relictū fuerit ex quo generetur alterum, deniq. ne quis id morbus, ne quod senium attingeret. vide plura ibidem.

Quæres cur tanta contentione defenderit mundi incorruptibilitatem Philo, si Romæ congressus est & locutus familiariter



riter cum S. Petro, cuius tamen verba prorsus contraria philoniana disputationi? respondendum est Philonem si congressus est cum S. Petro, absq. dubio non amplexum fuisse omnia, quæ ab ipso proferebantur. nam Philonis scripta Platonis doctrinam, non Evangelicam sapientiam olent.

In quem locum transferat animam Pompeij Lucanus more, ut videtur Stoico. de sede animarum quid prodiderint Poetæ. Cap. XX.

**S**Toicum se esse ostendit Lucanus, quando lib. IX. in principio de anima Pompeij sic scribit:

sequitur conuexa Tonantis

Qua niger astringeris connectitur axibus aër

Quodq. patet terras inter, lunæq. meatus,

Semidei Manes habitant, quos ignea virtus

Innocuos vita patientes ætheris imi

Fecit, & æternos animam collegit in orbes.

Stoicum namq. sententia fuit circa lunam habitare animas quod discere est ex Tertull. de anima cap. LIV. in æthere dormitio cum puerarijs Platonis aut in aëre cū Ario, aut circa Lunam, cum Endymionibus Zenonis. sed nescio annon Lucanus voluerit dicere animam Pompeij in circulo lacteo fuisse collocatam. nam Cicero in VI. de Repub. ibi Heroum animas degere affirmat, cui concinit Manilius. et præter aliorum opinionem lacteum circulum collocat idem Lucanus inter terras, & lunam, qua in re forte voluit sequi Aristotelem, cui circulus lacteus in aëre est contra Astronomorum consensionem, quibus quidem Astrono-

mis



mis magis est habenda fides.

Nescio porrò an sibi constet Lucanus, nam ait animam Pompeij peruenisse ad spatium, quod est inter terras, & lunam, in quo spatium degunt Heroes. mox subiungit animam collectam fuisse in aeternos orbes, & se impleuisse vero lumine cœpisseq. mirari vagas stellas, & astra fixa polis. Ergo necesse est aëri subductam animam usq. ad supremum peruenisse aetherem. nec enim aër eternorum orbium potest habere nomen. Videant eruditi, qua ratione debeant explicari Lucani verba.

Sed quærere iam lubet cur Lucanus animam Pompeij transmittat in cœlum, cum tamen sub Republica non esset in usu cuiusquam hominis ἀποθεώσεως. Respondendum non in usu fuisse morem apotheoseos, ausum tamen Tulliū in VI. de Republica dicere animas eorum qui bene essent meriti de Republica auolare ad circulum lacteum, ne dicam Romanos credidisse Romulum repositum in cœtu Deorum immortalium, quamuis id singulare fuerit in Romulo, qui natus fuit ex Marte.

Postquam autē Cæsaris anima credita est ad sidera abiisse ob sidus crinitum, quod ipso interfec̃to apparuit, deinceps cœperunt adscribi publico ritu imperatores, hinc poetæ blandientes ijsdem Imperatoribus multa dixerunt de ipsorum animabus recipiendis suo tempore inter sidera. Virg. Eccl. IV.

Ille Deū vitam accipiet, Diuisq. videbit permixtos Heroas, quod à nonnullis refertur ad Augustum. alibi:

Sub pedibusq. videt nubes, & sidera Daphnis.  
id à quibusdam transfertur ad Iulium Cæsarem. Ouidius ult. Transform. de anima Cæsaris ait quod Venus non passa



*fuerit solui in aëra, sed intulerit cœlestibus astris.*

*simul euolat altius illa*

*Flammiferumq. trahens spatioso limite crinem  
Stella micat. sub finem de Augusto sic loquitur:*

*Tarda sit illa dies, & nostio serior æuo*

*Qua caput Augustum, quem temperat, orbe relicto*

*Accedat cœlo.*

*Virgilius in primo Georg. accuratè de futura apotheosi Augu-  
sti agit:*

*Anne nouum tardis sidus te mensibus addas, quâ lo-  
cus Erigonem inter, chelaq. sequentes panditur.  
ad quem locum notat Seruius voluisse maiores in his si-  
gnis esse Deorum domicilia.*

*Dices, Manilius de circulo lacteo locutum, ut Deorum  
domicilium inueniret. respondendum, aliam videri sedem  
Deorum, aliam Heroum: heroes enim censebantur illi, qui ex  
hominibus facti erant dij. Ouidius tamē in l. Transform. cir-  
culum lacteum docet esse viam, qua tenditur ad sedem Iouis.  
est via sublimis cœlo manifesta sereno*

*Lactea nomen habet.*

*Hâc iter est superis ad magni tecta Tonantis,*

*Regalemq. domum.*

*innuit Iouem degere in sublimiori loco, supra sedem semideo-  
rum, siue Heroum. ut verò ad Virgilium de Augusto lo-  
quentem reuertamur, rectè ipse Cæsari locum tribuit inter  
Virginem, & Scorpionem, inter iustitiam, & virtutem.*

*Lucanus quoq. licet odisset Neronem, ei tamen blandien-  
do pollicetur cœlum, & amplioribus quidem verbis quam  
Virgilius:*

*Astra*



Astra petes serus, prælati regia cœli  
 excipiet gaudente polo.  
 tibi numine ab omni  
 Cedetur.

non omnia transcribo. Statius non minus blanditur Domi-  
 tiano.

licet arctior omnis  
 limes agat stellas.

Ne miremur si Lucanus, si Statius, si Virgilius non loquan-  
 tur de via lactea, ubi collocantur à Cicerone, & Manilio  
 Heroes: nam Cæsares inter Deos non semideos satagunt re-  
 ferre. dubitandum autem non est apotheosin Imperatorum,  
 & morē referendi eos inter diuos ortum habuisse ex eo, quia  
 post Cæsaris cædem apparuit stella, quam Romani sunt in-  
 terpretati animam Imperatoris occisi, volueruntq. credi Im-  
 peratorum animas fieri Deos, & mundum regere.

Libertate quadam philosophica videri Lucanum  
 appellasse Alexandrum prædonem. quid dici  
 possit ad defensionem Alexandri?

### Cap. XXI.

**P**hilosophicam in scribendo libertatem præfert Lucanus  
 dum lib. X. Alexandrum vocat felicem prædonem.  
 quod ipsi obiectum à maritimo prædone, quem vocant pi-  
 ratam. philosophia profectò quæ vult nos paucissimis esse con-  
 tentos omnes imperiorum fundatores videtur perstringere,  
 ut prædones. quò referenda sententia S. Augustini: Ma-  
 gna imperia, magna latrocinia. Cur enim inuasit Per-  
 sas,



Jas, & Indos Alexander? ut prædaretur regiones illas. hinc  
 Lucanus ait: non utile mundo

Editus exemplū, terras tot posse sub vno esse viro.  
 putat ergo magna imperia Lucanus pernicioſa eſſe humano  
 generi. Cur ita? quia neceſſe, ut Rex procul ſit à provincijs;  
 hinc ſit ut præſides vexent miſeros populos. quam verò lon-  
 gum ſuſcipiendum eſt iter, ut quis querelas ipſi Regi expo-  
 nat? Reperti tamen noſtra tempeſtate homines proſecti ine-  
 pti, qui cuperent totum terrarum orbem vni ſubeſſe. id nun-  
 quam fuit, nec vnquam erit. nam magnorum Regum exer-  
 citus ad remotas admodum regiones proſecti vix proficiunt  
 aduerſus populos, qui ſuis latebris, ſuiſq. propugnaculis  
 muniti, & recti magna cum difficultate ſubiugari poſſunt.  
 ſed reuertamur ad Alexandrum, quem aliquis forte ſic tue-  
 bitur. nam Perſas vlciſci voluit ob iniurias, & damna illata  
 Græciæ. voluit etiam eos expellere ex locis, quæ tunc deti-  
 nebant nam & pater Philippus meditabatur bellum Perſi-  
 cum, quando interemptus eſt. Eadem mens erat Iulio Cæſa-  
 ri. ſic ſe geſſit Iulianus Imp. dices nullum eſſe bellum iuſtum  
 niſi neceſſarium. ſed tempore Alexandri, Iulij, Cæſaris, &  
 Iuliani Perſæ, & Parthi pacem colebant. non erant ergo ali-  
 qua afficiendi moleſtia.

Reſpondendum eſt, non ſemper poſſe nos vlciſci hoſtem.  
 cogimur quandoq. ob imbecillitatem, & temporum iniqui-  
 tatem differre repetitionem rerum noſtrarum. quando ergo  
 ſuccedit aliquis Patri, non tenetur ſtare pactis initis ab ipſo  
 ſed poteſt, ſi velit, experiri bello, & conari ablatas vrbes  
 recuperare: iſq. cenſebitur gerere bellum neceſſarium. omne  
 enim bellum, quo recuperantur res ablatæ, iuſtum eſt, &



necessarium censeatur. sic ergo defendi posse videtur Alexander militans contra Persas.

At qua iniuria, inquires, affecti fuerant Græci ab Indis? Indorum tamen Regem Porum laccessit, & oppugnauit. Alexander libidine imperandi motus, & inflammatus. quid ad eius defensionem dici queat vix habeo. nam locus nullus est ultioni, ubi non illatae sunt iniuriæ cum præsertim sciamus Alexandrum ideò inuasisse Indos, ut æquaret gloriam Liberi patris, & inter Deos tandem referretur. hinc ergo factum, ut puto, ut Lucanus prædonem ipsum nominauerit. Nam & de Romulo sic locutus est Iuuenalis, in fine Sat. X.

Aut pastor fuit, aut illud quod dicere nolo. vult enim dicere prædonem, & latronem fuisse Romulum, qui pessimos homines conuocauit, ut regnum fundaret.

De alio Canio non philosopho. refer ad p. 130.

Cap. XXII.

**P**hilosophus seuerus & arduus Canius, de quo loquitur Seneca nequaquam confundendus cum alio Canio Gaditano, qui vixit tempore Domitiani, quiq. fuit vir iocosus, & Martiali iunctus amicitia. sic enim Martialis lib. I. Epigr. LXII.

Gaudent iocosæ Canio suo Gades. quodq. Canius fuerit iocosus discere est lib. I. Ep. LXX. quod epigramma ostendit eum velut satyrum aliquem frequenter admodum ridere. Gades porro dictæ sunt iocosæ, quod Gaditanae puellæ ad voluptatem facerent, luderentq.

mi-



mirificè hinc factum ut idem poeta alibi eas improbas appellauerit. aptè autem iocosas vocauit Gades Martialis cum de Canio loqueretur illinc oriundo, cum dignus admodum esset sua patria vir iocosus, & sale multo abundans. non erat ergò quod Ramirez reprehenderet Raderum, quod putaret iocosas dictas Gades à Martiali etiam Canij, qui facetus admodum & urbanus erat, causa. Gades scilicet erant dignæ Canio, & Canius honore suis salibus afficiebat patriam.

Adhuc describitur Stoicismus Deciani oriundi Emerita. refer ad pag. 187. Cap. XXIII.

**I**ls quæ de Deciano prolata sunt, addenda est patria Emerita. Emerita, inquam, fuit oriundus Decianus; testatur id Martialis lib. I. Ep. LXII.

Gaudent iocolæ Canio suo Gades,

Emerita Deciano meo.

qui quidem Decianus & probus, & doctus admodum fuit. nam lib. I. ep. XL. sic eum laudat Martialis, ut dicat esse Cecropiæ Latiaeque Mineræ artibus madidum, recti custodem, imitatore honesti, & nihil arcani qui roget ore Deos, magnæ subnixum robore mentis. nonne hæc ostendunt Decianum ad Stoicam sapientiam composuisse mores, nec contentum fuisse cortice Zenoni j dogmatis? Certè Persius, qui Stoicus & ipse fuit inuehitur in sui seculi homines, qui claris verbis videbantur à Dijs petere mentem bonam, famam, fidem, cum interim introrsum alia optarent. vir scilicet sapiens, verusque Stoicus non petit ea, nō cupit nisi quæ palam efferri possunt, damnatque eos, qui quasi se-

du-



De Philosophia apud Romanos 625

duētis Dijs committunt sua vota, ut scilicet ille, cuius bonis inbiant, quamprimum moriatur.

De quodam Pannico qui differens de philosophia turpiter vivebat. refer ad pag. 189.

Cap. XXIV.

**N**on meretur inter philosophos recenseri, qui de decretis philosophorum differt, ut sua vitia tegat. Tales multi erant Romæ, qui turpem notam inurebant philosophicæ sapientiæ, in quos gravissimè invehitur Iuvenalis satyra quæ incipit:

Ultra Sauromatas fugere hinc libet.  
inter huiusmodi philosophiæ carcinomata, & de bonestamentis referendus est quidam turpissimus Pannicus, de quo Martialis scribit lib. IX. Ep. XLVIII.

Democritos, Zenonas, inexplicitosq. Platonas,

Quicquid & hirsutis squalet imaginibus,

Sic quasi Pythagoræ loqueris successor & hæres,

Præpendet mento nec tibi barba minor.

mox eum inter hircosos, & pilosos recenset, eiq. fœdissimam obijcit voluptatem, de qua sileri debet inter modestos homines. vult autem sibi responderi à Pannico quod dogma sit præcidi, quam interrogationem proponit, quia dixerat:

Tu qui sectarum causas, & pondera nosti.

alludit ad vocabulum sectæ, quod dictum est à secando. hinc querit: præcidi quod dogma est? nam si tu nosti quid sibi velint sectæ, scies etiam quodnam sit decretum, quæ sententia, quæ agit de præcidendo. sed abeat Pannicus iste procul à sapientiæ theatro.

KKKK

De



De Adriano Imperatore addicto vanitati Astrologice  
quantopere Romæ ea in re ab hominibus  
insaniretur. Cap. XXV.

**A**lij Spartiani de Hadriano sunt verba: Mathesin  
sic scire sibi vilis est, ut serò Calendis Ianuarij  
scripserit, quod ei toto anno posset euenire: ita, ut  
eo anno, quo periit vsq. ad illam qua est mortuus scri-  
pserit quid acturus esset.

Adeo inualuerat Romæ mos habendi fidem Astrologis, ut  
valde multi ephemerides sibi inberent conscribi, quas su-  
binde inspiciebant, nec quicquam temere suscipiebant tali-  
bus ephemeridibus non inspectis. Vocantur enim ephemer-  
ides scripta Astrologorum, quibus indicant, quid ei, à quo  
consulti sunt, quoq. anno, & mense, imò & die euenturum  
sit. Adrianus porrò tantum profecerat in eiusmodi arte, ut  
opera Astrologi non indigerit, sed ipse sibi Ephemeridem  
composuerit.

Insaniam porrò ipsarum etiam fœminarum credentium  
Astrologis perstringit grauissimè Iuuenalis satyra sexta.

Illius occurfus etiam virare memento

In cuius manibus, ceu pingua succina, tritas  
Cernis ephemeridas: quæ nullum consulit, & iam  
consulti ut: quæ castra viro patriamq. petente,

Non ibit pariter numeris reuocata Thrasylli.

ubi vides Romæ solitas ipsas etiam mulieres Astrologia da-  
re operam, & exercere Mathesin. Tantopere occupauerat  
animos eiusmodi superstitio. Igitur ipsæ mulieres coniectri-



cæs erat, & sydera inspiciebant, euentusq. hominum scrutabantur. Scholiastes interpretatur nomen ephemeridum. membrana Mathematicorum actus diurnos scilicet continens. ne ergò miremur Adrianum Imperatorem sibi conscripsisse Ephemeridem, si ipse mulieres Romæ eiusmodi membranas sibi parabant. sapientiores autem philosophi Astrologiam apotelesmaticam siue iudiciariam visi sunt improbare, deq. talibus Astrologis visus est loqui Plato in Timæo: in aues homines transeunt illi, qui simplices, & innocentes cum sint, leues tamen sunt, & frustra in rebus sublimibus curiosi: quiq. aded fatui sunt, vt oculorum iudicio confisi, hoc altissima quæq. firmiter demonstrari posse non dubitent. quibus verbis nequaquam existimandus est Plato damnaſſe legitimam Astronomiam, quæ cursum cœlestium corporum metitur, sed eam, quæ inuenta est ab Indis, & Chaldeis ad prospiciendos actus hominum aut felices, aut aduersæ obnoxios fortune. contra quos Chaldaeos disputat etiam vir sapiens Plotinus, in libro: Vtrum stellæ aliquid agant.

Concinit Plotino doctissimus Simplicius in Enchiridion Epicteti cap. III. eius verba lubet transcribere: Contra eos qui cœli motus certos atq. orbes non actiones solum nostras, sed & electiones etiam cogere nihilq. in nobis relinquere, verum tantum nomen esse hoc, quod liberum arbitrium appellamus, dicendum est. si ingenus incorruptibilisq. est animus rationalis quod nunc tanquam suppositum accipiatur, cum alibi demonstratum sit, licet Stoici aliud de eo opinati sunt si igitur ingenus est, & incorruptibilis animus ratio-



nalis, ipse quidem submotis causis subsistere non dicitur. Vide apud eundem totam disputationem eamq. accurate perpende, ut intelligas quatenus aliquid ex astris de humana vita cognosci potest.

Nam quod ingentum ait esse animum, ut ostendat esse incorruptibile in contra Stoicos, qui corruptioni faciebant eum obnoxium, id sic explica, dicq. putasse Simplicium ab eterno fuisse animum, non quod careat causa. nam veteres illi omne, quod gignitur nunc & producitur putabant esse corruptibile. nos vero asserimus animum esse immortalem, quia à Deo quotidie creatur, non autem fit ex causis naturalibus. Etsi autem non idem dicamus cum Simplicio de origine animae, nec asseramus fuisse ab eterno, cum ipso tamen eius immortalitatem tuemur aduersus Stoicos, & contra Astrologos negamus eam cogi, & carere sua libertate.

Platonicum porro agit Simplicius dum ait: quoties forma puniens diuinæ bonitatis cum hoc loco certæ habitudinis respectusq. conuenerit, tunc in illum locum animi punitione indigentes demittuntur. omnibus enim in rebus similitudo, & familiaritas conciliatrix est.

talem demissionem ex astris, eamq. punitionem nos nequaquam agnoscimus, interim accipimus ut vera hac verba Simplicij: ut autem bene vel male utantur vita, in seipsis potestatem habent.

Pergit, & inquit: viuendi modos ac species, veluti rusticanam, vel Mercatoriam, vel musicam animi ipsi secundum priorem habitum eligunt, & Deus ipsis pro dignitate distribuit. hoc itidem Platonicum est præxi-



sentiamq. supponit animorum, quam praesistentiam non agnoscimus. Mox rectè ait, viuendi qualitatem ab ipsis animis adijci, ne quis putet à Fato cogi, nosq. arbitrij carere libertate. nunc versiculis alloquamur Adrianum Imperatorem deditum vanitati Astrologicae.

Cur curiosus, Adriane, suspicis  
Orbes, & astrorum vias  
Motuq. siderum notas vagantium?  
Quin quæ remota sunt polo  
Toto, Deū in celsa domo, domo Iouis  
Relinque, & imminencia  
Gnaus sagaxq. sustine negotia.  
Sic inclum perennibus  
Te Principem canent Camœnæ versibus,  
Moriq. Phoebus non sinet.

De Plotini præceptore Ammonio, quem Porphyrius dicit fuisse Gentilem, fuisse Christianum contra Porphyrium testantur S. Hieronymus, & Eusebius. Cap. XXVI.

**P**lotinum diximus profecisse sub Ammonio, imò tredecim annorum spatio apud ipsum vixisse. quis autem non miretur discipulum, qui tantopere mirabatur præceptorem, non fuisse illustratum lumine sapientiae Christianae, sed habuisse in dogmatibus Platonicis, eaq. porro alijs tradidisse, & monumentis litterarum mandasse? nam S. Hieronymus, & Eusebius disertis verbis docent Christianum fuisse Ammonium, quin addit Eusebius ab eo exaratum librum



brum de consensione Moſis, & Ieſu. Porphyrius ſateetur Ammoniuſ Chriſtianum fuiſſe cum puer eſſet, ſed ſpreta Chriſtiana religione adheſiſſe gentilibus philoſophis: cui fidem habere quia non poſſumus, ruruſus miramur ex eiufdem ſchola Platonica dogmata Origenem ſic hauſiſſe, ut ipſa ad interuertendam interpolandam religionem Chriſtianam tranſtulerit, qua de re conqueritur Iuſtinianus Imperator, conqueruntur alij. auditum etiam non eſt unquam ſediſſe in cathedra philoſophica Alexandrina philoſophuſ Chriſtianum. nam Origenes Alexandria non docuit e cathedra philoſophica, ſed Catechiſta fuit, docuitq. Chriſtianos adoleſcentes, licet priuſtim de philoſophorum dogmatibus diſſereret, omnibuſq. ſui copiam faceret. An ergo negandum eſt Ammonium præceptorem Plotini, & Origenis fuiſſe Chriſtianum? negandum id nequaquam eſt propter auctoritatem S. Hieronymi, & Eusebii, quicquid dixerit Porphyrius in vita Plotini. non igitur contradicimus affirmantibus de religione Chriſtiana Ammonij, quem tamen teſtatur Hierocles conatum conciliare Ariſtotelem cum Platone, & induxiſſe talis concordie rationem. Cur quaſo Chriſtianus philoſophus fuit ſollicitus de concordia illorum philoſophorum, cum qui ſcribebant illa tempeſtate pro religione Chriſtiana de diſcordia duorum philoſophorum gloriarentur, eaq. ad confutandos gentiles vterentur? Cur etiam Ammonius cum Chriſtianus eſſet e ſede celfa Platonis dogmata interpretabatur, quæ tamen contraria ſunt veritati Chriſtiane plurimis in rebus? huic obiectioni ſic forte occurrere licet, ut dicas etiam Boetium qui tamen Chriſtianus erat, conatum ad concordiam reuocare Platonem, & Ariſtotelem, atq. etiam interpreta-



eum sententias Aristotelicas, quæ tamen nostra religioni  
in multis aduersantur.

De Origenis Romam aduentu, de eius aut defensione,  
ne, aut damnatione proferuntur nonnulla.

Cap. XXVII.

**A**Liquid deesset Progressui Philosophiæ apud urbem  
Romam si Origenes omitteretur, de cuius aduentu  
sine dubio sibi gloriata est vrbs regina rerum. quantus enim  
fuerit in philosophia, quam latè patuerit eius cognitio, quan-  
ta facilitate peruasit omnia philosophorum latifundia, ad  
omnium scholarum penetrarit hypotheses, pertigerit arcana  
nos satis superq. docent verba Porphyrij in vita Plotini,  
quæ cum notissima sint, non hic à me repetuntur. quod verò  
urbem Romam adiuerit Origenes, tradit Eusebius lib. VI.  
cap. XIV. Adamantius verò (nam & id nominis erat  
Origeni) Romæ se sub Zephyrino tum temporis Ro-  
manæ Ecclesiæ præside alicubi scribit (Alexander)  
quod videlicet antiquissimam Romanorum Eccle-  
siam videre optauerit, ibiq. non diu moratus. contigit  
id sub Antonino filio Seueri. quod non diu hæserit Romæ id  
ut puto causa fuit, quia cupiebat quamprimum Alexan-  
driam reuertere, multosq. instruere in Christiana fide, ad quam  
quidem iuvenes alliciebat tradendo philosophiam. hinc scri-  
bit idem Eusebius lib. VI. cap. XVIII. & hæreticorum  
quoq. innumeri, & philosophorum præsertim illu-  
strium non pauci studiose illum audiuerunt, & non so-  
lum in diuinis sed & in externa philosophia ab illo in-  
sti-



stituti sunt ad philosophicas disciplinas, quotquot ingeniosos videbat, induxit, illisq. Geometriam, & Arithmeticam, & reliquas artes liberales tradidit *hæc ille.* sed cur Adamantius vocatus est Origenes? forte ob indefessum laborem, quem exantlauit in conscribendis tot voluminibus. Ruffinus Apol. in D. Hieronymum, sic scribit: & istum quem modò chalcenterum tuum vocas, & pro merito laudabilis laboris ait Adamantium nominatum. Didymus Chalcenterus fuit appellatus propter librorum multitudinem, & Hesichastes Ferratus est dictus.

Ceterum ob Origenem, eiusq. scripta grauissima dissidia extiterunt inter viros Ecclesiasticos, aliquibus eum tuentibus, alijs & quidem pluribus damnantibus. nam qui eum tuebantur non defendebant omnia, quæ in ipsius scriptis exsabant, sed aiebant ab hæreticis fuisse opera tanti viri deprauata & non debere commenta sectariorum summo homini impingi. pro Origene itaq. certârunt Pamphilus Martyr, cuius adhuc extat Apologia, Eusebiusq. nec S. Chrysostomus potuit induci, ut Origeni nigrum theta apponeret. Ruffinus acerrimè se gessit pro eodem contra D. Hieronymum. negat autem Pamphilus ab Origene negatam mortuorum resurrectionem, aut traditam animarum transmigrationem.

Attamen Synodus Alexandrina Origenem damnauit, de qua Synodo scribit S. Epiphanius ad S. Hieronymum, & Socrates, & Sozomenus, quin & Synodus VI. œcumenica in eius memoriam telum anathematis strinxit.

Et tamen nostris temporibus Origenis defensionem non dubitarunt aliqui suscipere, Picus Mirandula Princeps, nonnulli Parisienses, & nouissimè Genebrardus.

Apud



*Apud Sidonium Apollinarem lib. II. Ep. IX. hæc leguntur verba: simili scientiæ viri lectitabantur, quos inter Origenes Adamantius Turrano Ruffino interpretatus sedulo fidei nostræ lectoribus inspiciebatur: pariter & pro ut singulis cordi diuersa censentes sermocinabantur: Cur à quibusdam prothomystarum tanquam cauendus tractator improbaretur? quamquam sic esset ad verbum sententiamq. translatus, ut nec Apuleius Phædonem sic Platonis, neq. Tullius Ctesiphontem sic Demosthenis in vsum regulamq. Romani sermonis exciperint. v. des quantopere probauerit versionem Ruffini Sidonius. Gennadius sanè cap. XVII. ait non rationibus sed factionibus damnatum fuisse Ruffinum. sed maior est auctoritas Pontificis Gelasij, qui opuscula quedam non omnia Ruffini repudiavit dist. XV. c. Romana Ecclesia. de altercationibus Origenis causa inter S. Hieronymum, & Ruffinum exortis videnda quæ accurate summus vir Baronius exposuit, & expediuit.*

*Vi verò ad Origenem reuertar, & imponam finem ijs quæ de ipso protuli. fateor me mirari tanta contentione à Genebrardo susceptam Origenis defensionem, cum tamen sciret à VI. Synodo œcumenica dictum illi fuisse anathema. An enim nos absoluemus eum quem Concilium œcumenicum damnauit?*

Mammaea erga philosophiam propensa ad se iubet venire Origenem. Cap. XXVIII.

**T***anto affectu prosecuta est Mammaea Imperatoris Alexandri mater philosophiam, ut licet ipsa non esset*  
 LIII *pro-*



prorsus Christiana, tamen cum audiret quantus esset in omni  
 ni scientiarum genere Origenes, quodq. omnes philosopho-  
 rum opiniones apprimè nosset, eum ad se venire iussit,  
 diuq. detinuit. quo tempore absq. dubio multa non tantum  
 de philosophia audiuit, sed & auribus excepit arcana diui-  
 narum literarum. Audiamus Eusebium lib. VI. histor. Ec-  
 cles. cap. XXI. Mammæa Imperatoris Alexandri ma-  
 ter, mulier, si quæpiam alia pientissima, ac mori-  
 bus religiosa, cum de Origene passim rumor vulgare-  
 tur, ira ut ad ipsius aures veniret, optatissimum du-  
 cebat, si viri illius aspectu digna haberetur, & sapien-  
 tiæ eius circa diuina, quam omnes admirabantur, ex-  
 perimentum caperet, Antiochiæ commorata misso sa-  
 tellitio ad se illum vocat. apud hanc cum aliquandiu  
 egisset, & plurima in gloriam Domini, ac diuinæ do-  
 ctrinæ virtutem præstitisset, ad consuetam scholam re-  
 uertitur.

Videat iam lector an verisimile sit adeò insensum fuisse  
 Christianis Vlpianum, cum eius consilio in omnibus uteretur  
 Mammæa. nam quis credat fæminam pendentem ex consilio  
 hominis Gentilis, qui magno odio prosequeretur Christia-  
 nos voluisse ad se venire præcipuum ac clarissimum doctrinæ  
 Christianæ interpretem, eumq. aliquandiu honorificè deti-  
 nuasse, exq. eius ore multa de arcanis Christianorum dogma-  
 tum aud.uisse? Apparet autem tunc Mammæam ad se vocasse  
 Origenem, quando Alexander Antiochiam exercitum addu-  
 xit, cum prius magna clade fuisset affectus à Persis, qua de  
 re agit Herodianus lib. VI. histor. ubi etiam videtur in-  
 dicare plus nimio indulisse delitijs in ea urbe Imperatorem.



ἀνειμένης αὐτῇ τῆς περὶ τὰ μολεμικὰ φροντίδος, ταῖς τῆς πόλεως  
 ἰσχόλαζε τρυφαῖς. potens scilicet erat urbs illa ad emolliendos  
 animos suis delitijs, qua de re non pauca congeri possent.

Ob philosophiam extitisse mitem etiam erga Christia-  
 nos Alexandrum Imperatorem. defenditur Vl-  
 pianus. refer ad p. 419. Cap. XXIX.

**P**Ræceptis philosophiæ cum abundauerit Alexander Seue-  
 rus, delectatusq. fuerit sapientum Virorum consuetu-  
 dine, mirari nequaquam debemus si nequaquam fuso san-  
 guine innocentum hominum scedauerit manus, quam lau-  
 dem ei tribuunt historici, qui simul non dissimulant eum be-  
 ne erga Christianam religionem fuisse affectum, cum priua-  
 tim in larario coleret Christum, cum laudaret sententiam illam  
 profectam à Christianis: quod tibi non vis fieri alteri ne  
 feceris. cum locum iisdem Christianis tribuerit, in quo  
 possent Ecclesiam construere. hanc lenitatem, mansuetudinemq.  
 absq. dubio hausit à monitis sapientissimi Iurisconsulti Vl-  
 pianus, qui ei extitit tutor, cum anno XVI. suæ ætatis Im-  
 perator fuisset renunciatus. non ergò credibile est, quod ta-  
 men magnus Annalium conditor Baronius asserit, Vlpianum  
 fuisse auerso prorsus animo erga Christianos eosq. odio pro-  
 secutum internecino.

Dices, si adeo mitis in omnes fuit Alexander, cur Seue-  
 rus appellatus est? responsio in promptu est, quia seuerum  
 se præbuit erga prætorianos petulanter se gerentes, quam  
 petulantiam induerant sub insano Heliogabalo, quiq. tan-  
 dem optimum Principem Alexandrum, cuius seueritatem



*ferre non volebant impiè trucidârunt. sed quod alii de  
Vlpiano, lubet exprimere versiculis.*

An Vlpianus Christiani dogmatis,  
Dicendus hostis efferus,

Qui tot seuera edicta trux conflauerit

Contra fidem, contra polum,

Et innocentum hominicionum fuderit

Sanguen cruento acinace?

Vix hoc mihi persuadet inclytus senex,

Lux purpura Baronius.

Nam Cæsar ille, natus in Syro solo,

Cui sancta Iura condidit

Vsq. Vlpianus, extitit velut parens

Benignus, expers cædium;

Quo more, quauē mente Princeps optimus

Ab Vlpiano imbutus est.

Rursus de Lunæ globo, & cuius substantiæ sit.  
*refer ad pag. 478. Cap. XXX.*

**A**D Lunæ substantiam naturamq. cognoscendam se-  
quentia adhuc conferre poterunt.

Porphyrus in Epist. ad Anbuntem Ægyptium teste D.  
Augustino de C.D. lib. X. cap. XI. ait demones trahere hu-  
midum vaporem, & ideo non in æthere esse sed in ipso  
globo Lunæ. vides Porphyrium putasse Lunam non ambiri  
ab æthere, neq. esse in ætherea regione.

Addit Lunam Magicis artibus cogi ad imperata facienda,  
ut scilicet despumet. existimauit ergo Porphyrius obnoxiam  
esse



esse Lunam alicui alterationi, præter perfectiorem.

S. Augustinus enarratione in psalmum X. docet probabile esse lunam carere proprio lumine. Duæ, inquit, sunt de luna opiniones probabiles. harum autem quæ vera sit aut non omnino, aut difficillime arbitror posse hominem scire, alij dicunt non habere lumen proprium sed à Sole illustrari. si probabile est Lunam carere proprio lumine, crede eam simillimam esse terræ, terrestribusq. esse naturæ.

Macrobius in somnium Scip. cap. XI. A Luna deorsum natura incipit caducorum. illam ætheream terram phisici vocauerunt, & habitatores eius lunares populos nuncupauerunt: quod ita esse plurimis argumentis, quæ nunc longum est enumerare, docuerunt. Vides Phisicos Veteres nequaquam stetisse à parribus Aristotelis, neq. mutationes substantiales quæ fiunt in Luna, illi globo detraxisse.

Non hic dicat aliquis me lunares homines adstruere, nam tantum historicum ago, ostendoq. quintam substantiam peripateticorum habuisse contradietores Phisicos Veteres, qui nō paucis se munierunt argumentis, teste quidem Macrobio.

Idem scriptor plura nobis suppeditat lib. I. in somnium Scip. cap. XIX. Luna propria luce caret, & de Sole mutuatur. hinc necesse est fonti luminis sui esse subiectam. hæc enim ratio facit Lunam non habere lumen proprium. mox subiicit, Lunam quia sola ipsa sub Sole est, & caducorum iam regione luce sua carenti proxima, lucem nisi desuper posito Sole, cui resplendet habere non potuit. Lunam terram ætheream vocauerunt.

Idem tradit calorem infundi à lumine solari Luna, licet

ins-



*eiusmodi calor ad nos non deferatur. lucis radius, inquit, cum in Lunæ corpus infunditur, & inde resplendet: solam refundit claritudinem non calorem: nam & speculum cum splendorem de se vi oppositi eminus ignis emittit, solam ignis similitudinem carentem sensu caloris ostendit.*

*Laërtius in vita Anaxagoræ ait eū docuisse Lunam habitacula in se habere, & colles, & valles.*

*Plinius lib. II. cap. IX. non videtur ambigere Lunam accipere à terra humorem, imò ex eo colligit reliqua quoq. sydera, & Solem ipsum pasci terreno humore: Sydera haud dubiè humore terreno pasci, quia orbe dimidio maculosa cernatur scilicet nondum suppetente ad hauriendum ultra iusta vi. maculas enim non aliud esse quam terræ raptas cum humore sordes. idem Plin. lib. II. cap. LXVIII. de Oceano: sydera ipsa tot hac tantæ magnitudinis pascens. Seneca quæst. Nat. lib. II. cap. V. tradit sydera à terra. Lucr. vnde æther sydera pascit Lucan. Nec non Oceano pasci cœlumq. polumq. credimus.*

*Mirè profectò obdurant hac tempestate Peripatetici in neganda inequalitate partium Lunæ, inq. summo lauore eius asserendo, cum tamen adminiculo telescopij deprehensa sit ingens diuersitas, eminentibus nonnullis paribus, alijs depressis vallium in modum. An enim licet in tanta luce negare umbras iaci in orbe lunari? quæ quidem umbra varietatem experiuntur prorsus qualem in excelsis Alpibus oculis usurpamus: à cacuminibus enim iacitur lux in aduersos vertices oriente sole, vallibus interim destitutis nitore radio.*



diorum, qui iaciuntur à Sole, dum paulatim Sole progrediente, & consurgente decrescunt Umbra, donec illustratis ipsis quoq. vallibus prorsus tollantur, & aufugiant. Eundem progressum lucis, & decrementum umbrarum, tibi quicumq. es, si modò non respuas tubum opticum, in Luna observare licebit, ut intelligas quanta sit inter terram, Lunamq. similitudo.

De Sopatri morte. rejicitur quædam narratio apud Suidam. Cap. XXXI.

Sopatri in mortem obdurat fera Cæsaris ira.  
Quid mirum? Natum sustulit illa prius.

**A**N verisimile est Sopatrum magicis dedisse operam artibus, & vtribus clausisse ventos, ne possent spirare? non deest vir notissimus, qui plerisq. omnibus philosophis Magiam vetitam imputat. quod an iure faciat, doctorum hominum esto iudicium. Plotinum ex eo colligit fuisse Magum, quia ei apparuit Genius, passus se videri humanis oculis. Atqui & Brutus vidit Genium, nec tamen quisquam Magum fuisse testatur Brutum. Constat namq. unicuiq. à natiuitate adesse Angelum custodem. an si quis eum videat, continuò Magus est appellandus? Nequaquam. ille demum magicis dicitur esse obnoxius præstigijs, si quis magico murmure, adhibitis ritibus, humano sanguine sparso cogat adesse genium, aut animam, eamq. interroget, & respondere cogat. Nihil autem huiusmodi legitur vel de Sopatro, vel Plotino.

Quod verò apud Suidam legitur Constantinus idèd in-  
tere-



seremisse Sopatrum, ut ostenderet se non amplius Gentili  
esse addictum superstitioni, id etiam nescio an sit consenta-  
neum veritati, nam antequam Byzantium se conferret im-  
perator ille, palam religionem Christianam est professus, quod  
non minus Gentiles scriptores testantur quam Christiani.  
Cautè igitur suscipienda sunt, quae prostant in Collectaneis  
Suida, quandoquidem absq. delictu undiq. ex scriptoribus  
sive dignis fide, siue sequioris notæ volumen illud confla-  
tum est.

Probabilius autem ideò Sopatrum interemptum fuisse à  
Constantino, qui credulus Imperator fidem habuit subdo-  
lis aulicis calumniatoribus, accusantibus Sopatrum clauso-  
rum in vtribus ventorum, ne catapulus possit Alexandrinus  
appellere Byzantium, frumentumq. deferre.

Apud eundem Suidam improbatur factum Constantini  
occidentis Sopatrum; nam dixerat à Constantino occisum  
eximium philosophum ut ostenderet Caesar se non amplius  
esse add. etum religioni Gentilium. hinc subditur apud Sui-  
dam: Sopatrum Constantinus non iustè occidit. Bo-  
nus enim est non necessariò, sed ex charitate, & Chri-  
stus non vi cogit, sed charitate allicit. alij dixerunt fi-  
dem non imperari, sed suaderi. sed ut dixi nequaquam cre-  
dendum est religionis causa à Constantino casum fuisse So-  
patrum. *Primo: quod de Burnasio*

Gratias tibi, ò Deus omnium rerum conditor,  
& sospitator.



# INDEX RER VM.

## ET VERBORVM.

### A

- A**egyptij coniungebant fratres cū  
lororibus. 403. vide etiam Ba-  
billus.
- Æ**quitas an sit scripta. 513 æquitas  
quid sit secundum Aristotelem. 514
- Æ**sculapius immittens somnia ad vale-  
tudinem facientia in tēplis pag. 349
- Æ**ternitas confertur cum tempore.  
590. 591. de æternitate non egit  
Aristoteles. ibid. sed Pythagor. et. &  
in primis Architas. ibid.
- A**gar quid significet secundum Philo-  
nem. 146
- A**gricultura olim apud Romanos plu-  
ra suppeditabat quam nunc. 391
- A**griculturæ scriptores Varro, Cato,  
Columella. 391
- A**lcinous scripsit Isagogen ad Platonis  
doctrinam. 406. coniungitur cum  
Maximo Tyrio. ibid. docet secun-  
dum Platonem mundum esse com-  
positum ex quatuor elementis. 248  
249. non est exploratum quando vi-  
xerit. 406 407
- A**lexander Seuerus 415. eius Mater  
Mammæa laudatur 417. eius præ-  
ceptores contempti ab Heliogabalo  
416. adoptatus à fratre. ibid.
- A**lexander Seuerus in sanctiore lara-  
rio coluit Apollonium Tyanæum.  
415
- A**lexander Aphrodisæus 414. habuit  
præceptorem Sosigenem 615. scrip-  
sit in Meteoras, & Metaphysicam  
Aristotelis. 613 614
- A**lexander & Marcellus Senensis professor  
philosophiæ in Gymnasio Pisano.  
521
- A**lexander Magnus an prædo veran-  
dus. 621
- A**lexander Ægeus non habuit præce-  
ptorem Sosigenem 614. nec scripsit  
in Meteoras, & Metaphysicam Ar-  
istot. 16. vixit diu post Iulium Cæ-  
sarem. ibid.
- A**lexander Peripateticus præceptor  
Crassi 58. 59. paupertatem coluit.  
ibid. modestiæ exempla edidit. ibid.  
ostendit se non collocare finem in  
diuitijs. ibid.
- A**lexander Victorius Senator Floren-  
tinus, & Auditor Magni Ducis. 228
- A**mbrosius quid scribat de origine vo-  
cabuli homouision. 321
- A**mmenius præceptor Plotini inuexit  
modum conciliandi Platonem. &  
Aristotelem 440 fuit summus Vir.  
ibid.
- A**mmenius præceptor Plotinian Chri-  
stianus. 629 640
- A**melius Gentilianus familiaris Ploti-  
ni.



ni. <sup>425</sup>  
 Annaeus Cornutus relegatus à Nero-  
 ne. 135  
 Anima quomodo dilabantur ad cor-  
 pora se. undū Platonicos. 542 543  
 de animarum sede quid pœt. 618  
 anima Pompeij q. translata secun-  
 dū L. Catonem. 618 animam dixe-  
 runt esse corpoream Stoici. 612.  
 anima quatenus tribuerit incorpo-  
 ream Democritus. & Hecælius  
 612. anima quatenus genita vel in-  
 genita secundū Platonem. 284  
 285. 286. 287. 288. 289. in ea re  
 an sibi contradixit Plato. ibid. ani-  
 ma nouo vocabulo dicta ab Aristote-  
 le 292. 293. 294. an recte ibid. an  
 ex eo seq. 297. ut secundū Aristote-  
 lem animā esse mortalem 292. 293.  
 294. anima secundū Gentiles er-  
 rant circa sepulchra i sepulchris cor-  
 poribus. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.  
 Anima secundū Stoicos habitant cir-  
 ca Lunam. 618  
 Anima Cæsaris credita transisse in cœ-  
 lum. 619  
 Animalia an utantur ratione. 473. 474.  
 475.  
 Annus correctus à Iulio Cæsare. 605  
 annus magnus secundū Platonem  
 expositus. 470. 471. 472.  
 Antiochus fuit cum Lucullo. 49. audi-  
 tus à Varrone. 61  
 Antonius Caracalla occidit Papinia-  
 num. 545  
 Antonius Pius. 237 sub eo floruit phi-  
 losophus. 237. 238. eius mores ibid.  
 Antonius. vide Hadrianus.  
 Ap. s. dicta à Seruio habere partem di-

uinitatis. 474  
 Apicius ob culinarium artem Romæ  
 magnifacsus. 46  
 Apollonius Tyanæus venit Romam  
 tempore Neronis. 159  
 Apollonius Tyanæus. vide Aurelia-  
 nus Vespasianus, Alaxāder Seuerus.  
 Apollonius discipulus Panæcij. 604  
 Apollinis Palatini bibliotheca exusta.  
 457  
 Apuleius floruit sub Antonino. 24 in  
 ipsum non pauca obseruantur. 242  
 & seq. explicat quatenus Plato dixe-  
 rit aut mundum semper fuisse, aut  
 ortum esse. 350 putauit librum de  
 mundo ad Alexandrum esse Ari-  
 stotelis. 242. 243  
 Arabes quando iusserint ex præco fieri  
 Arabicos Galenum, Aristotelem, &  
 alios. 45  
 Architas egit de tempore ante Aristote-  
 telem. 586 fuit Pythagoræus. ibid.  
 non fuit vllus Architas Peripateti-  
 cus. 518. Architas Pythagoræus  
 scripsit ante Aristotelem. 517 eius  
 librum vidit Simplicius. ibid. & ex  
 eo nonnulla citauit. ibid.  
 Argumenta Rhetorum ad vitam ciui-  
 lem inuitia. 40  
 Aristoteles non solus logicus 358 non  
 peritus Geographia. vide Auerroes  
 non candidè se gessit silendo de Ar-  
 chita. vide Architas. non bene col-  
 locauit in ære circulum lacteum.  
 618 an rectè finxerit nomen Ente-  
 lechia. vide Entelechia. non loqui-  
 tur de altera post hanc vitam. 60.  
 videtur tollere scientiam certam fu-  
 turorum in Deo. vide Futura con-  
 tin.



ingentia. eius liber de mundo ver-  
sus ab Apuleio. 242. 243. in eius-  
modi versione nonnulla notantur.  
243. 244. 245. non videtur esse li-  
ber Acroamaticus sed exotericus.  
ibid.

Arius Alexandrinus philosophus ca-  
rus Augusto. 113

Aristum audiuit Brutus. 6

Arianus Nicomediensis laudatur 353  
cōposuit, & illustravit Enchiridium  
Epicteti. ibid. claruit sub Adriano.  
354. nonnulla scripsit ad Geogra-  
phiam facientia. ibid.

Armandus Cardinalis de Richelieu  
laudatur 223. deploratur eius mors  
509. 510

Arnuphis philosophus an Magus 355  
ægyptius ibid. pluviæ admirandæ  
non fuit author. 355 356

Ariani quomodo exposuerint suam sē-  
tentiam de Filio. 321

Apri pascebantur ilice. 391

Assyrij coniungebant fratres cum so-  
roribus. 403

Asdrubal Mōtacutus vir prudens. 387

Astronomis magis credendum de cir-  
culo lacteo, quam Arist. 618 619

Astrologica vanitas Adriani 626. mu-  
lierum Romanarum. ibid.

Astrologia iudiciaria improbata à Pla-  
tone. & à Simplicio. 627 628 con-  
tra Astrologos defensa arbitrij liber-  
tas. 628

Astronomi Sosigenis opera correxit  
annum Iulius Cæsar. 604

Asinius Pollio publicam bibliothecam  
instituit. 459

Athenæus philosophus carus Augusto

119  
Athenæus Neucrātita sub Antonino  
scripsit de Dipnosophistis. 374  
Athenodori duo philosophi Stoici 115  
Athenodoro auscultavit Augustus.  
ibid.

Athenienses coniungebant fratres, &  
sorores. 403

Auerroes nō peritus Geographiæ 305  
quando vixerit ibidem.

Augures institut. à Numa 16. an phi-  
losophi ibid.

Augustus noluit vocari dominus. 380

Augustus fuit philosophis, & quibus  
113. 114. 115. 116. 117. occidit  
tamen Fauonium 112. quoniam de-  
clamauit in bello Mucienfi. vide  
declamatio. quem habuerit præce-  
ptorem in philosophia 113. Augu-  
sti apotheosis. 619

S. Augustini sententia contra Manichæ-  
os de duabus animabus. 318. eius  
sententia exposita. 621

Augustinus de Salutio professor Meta-  
physicæ in Gymnasio Pisano. 520

Augustinus Mascardus cōfutatur di-  
m inuehitur in Iosephum, & Tacitum  
vide Iosephus, & Tacitus.

Aurelianus occidit Longinum philoso-  
phum. vide Longinus. quid ipsi di-  
xerit Apollonius Tyaneus. 420

## B

**B**abillus eques Romanus, præfe-  
ctus Ægypti. 124

Barbari homines spernentes pœtē re-  
ecti. 10

Basiandinos apud Romanos. 390

M m m m 2

Baf.



- Bassianus Caracalla · vide Antoninus.**  
**Baronij querela de seculo nono, decimo, undecimo.** 584  
**Beneuentanæ necis quænam.** 20  
**Bene · vide Sophos.**  
**Bestiæ in aureo sæculo non alentur sanguine secundum Lactantium.** 472  
**Bestiarum existit auit diffidere inter se Platonem, & Aristotelem.** 438 ad hæret Platonem. 438  
**Bibliothecæ in vrbe Roma quot olim, qua ratione sublatæ.** 455 456 457  
**Bibliothecæ beneficio Luculi patebant studijs.** 48  
**Bibliotheca Vlpia, Octauia, Palatina.** 438  
**Bodinus solebat adstare Henrico III. Valelio præsenti.** 377  
**Bibliotheca Apelliconis Teij Romam delata à Sylla.** 51  
**Boetius an posuerit præexistentiam animarum.** 515  
**Boetius scripsit in prædicamenta.** 567  
**non reiecit prædicamenta ad Metaph.** 569 572  
**Boetius inter philosophos recensuit Lucanum, vide Lucanus.**  
**Boetius fuit Athenis philosophiæ causa.** 578  
**Boetius interpretatur verba Aristotelis de futuris contingentibus.** 560 561 562  
**Boetius docet nomina non esse à natura.** 550 557 558  
**Boetius quid putet esse apud Aristotelem affectiones, quarum signa sunt nomina.** 552  
**Boetius non negauit librum de Interpretatione esse Aristotelis.** 552 553  
**Boetius docuit nos philosophando Deos fieri.** 546 547 quomodo id accipiendum ibid. & 548  
**Boetius defendit Senecam.** 545  
**Boetij verba de Incorporalitate animarum, & earundem lapsu in corpora perpenduntur.** 540 541 542  
**Boetius quomodo diuidat philosophiam.** 524 525 526 527  
**Boetij tempore quot essent modi conferendæ libertatis.** 523  
**Boetius quomodo definiuerit hominem.** 522  
**Boetius putauit Naturam secundum Aristotelem tantum dici de corporeis substantijs.** 419 420  
**Boetius putauit concinere Platonem, & Aristotelem.** 436  
**Boetius testatur Architam egisse de prædicamentis ante Aristotelem.** 517  
**Boetij verba de statu animarum extra corpora exponuntur.** 515  
**Boetius dixit ius ciuile esse æquitatem.** 513  
**Boetius occisus præter fas à Theodorico.** 517  
**Boetij focer Symmachus.** 506 507  
**Boetius laudatur epigrammate.** 507  
**Boethus consul floruit philosophiæ laude sub Antonino.** 240 delectatus sectionibus Anatomicis Galeni. ibid.  
**Brutus laudatur ob philosophiam.** 61.  
**fuit Platonicus ibid. & 62 · an quædam verba protulerit contra virtutem iam moriturus.** 63  
**Brugiotus Andreas Romæ quatuordecim philosophis parauit conuiuium.** 377  
**Bulengerus scripsit de conuiuijs.** 376  
 ura-



Buratellus putauit esse concordēs Ari-  
stotelem & Platonem. 438 parui fa-  
ciendus. ibid.

Byzantium postquam migravit Con-  
stantinus an floruerit philosophia. 457

## C

C. Cotta Pontif. x defensor recentis  
Academiae. 75 76. more Car-  
neadeo disseruit apud Ciceronē. 76

Caballo vno contentus Cato Censo-  
rius. 145

Cambises successit Cyro 397. cur ibid.

Carnibus vescēbatur Gentiles in sacris  
Matris Deum. 435

Categoriae vocabulo nouus significa-  
tus impositus ab Aristotele. 511 an  
recte. 512

Catholici vocati Pſychici à Terullia-  
no transfuga. 200

Catherinus Dauid debuit multum Ca-  
therinae Mediceae Reginae. 201 scri-  
psit de bellis Civilibus Gallorū ibid.

Canis Iulius sub Caio. 130. eius im-  
pavidus animus in excipienda mor-  
te. 130 de natura animae mox mo-  
riturus disputauit. 130 131

Canis Gaditanus vir facetus. 623

Cassij philosophia Epicurea. 73

Catius Epicureus. 57

Carneades Atheniensis. 413 eius in-  
credibilis doctrina. 30 31 multum  
tribuebat Chrysippo ibid

Calumnia Iuliani contra Monachos  
reijcitur. 158 159

Cæsar vsus opera Sosigenis in emen-  
dando anno. 605

Canis tuetur Iosephi historiā. 172 173

C. Gallus philosophus. 27 28

Cato Vticensis prolixè laudatur philo-  
sophiae causa. 94 95 96. & seq.

Chamaeleontis natura. 582

Chelidon apud Cleopatram ditissi-  
mus. 146

Chronologia antiquitus Romae negle-  
cta. 14

Christianorum innocentiam defendit  
Iustinus. 262

Christiani obijciebant Gentilibus di-  
scordiam philosophorum. 262

Christianos vetuit inquiri Traianus.  
259 sed delatos puniri. ibid. de  
eiusmodi lege disputatur. ibid.

Chrysippi libri syllogistici expositi a Ga-  
leno 358. quanti eum faceret Car-  
neades. 31

Cicero commendatur philosophiae cau-  
sa. 89 90 91 eius adiaphoria qua-  
dam 64 65 eius verba de oratore  
exposita. 593. disputatio cum Ca-  
tone Vticensi. 98 99

Cinna Catullus Stoicus præceptor  
Marci Imperatoris. 341. Cicero  
quomodo euaserit eloquens. 47

Circa Crotonem philosophia Pythago-  
rae floruit. 15

Claudius Salmasius. 381

Claudij Imperatoris studia. 34 cur ei  
nihil profuerint. 135

Claudius Maximus præceptor Marci  
Imperatoris. 341

Claudius Seuerus peripateticus præce-  
ptor Marci Imperatoris. 441

Cælum quatenus sit vocatum elemen-  
tum ab Aristotele. 336. an sit quin-  
ta substantia secundum Platonem.  
247 248

Com-



**Commodus Imperator** insensus philo-  
 sophis. 405  
**Columna Herculis** quæ. 306  
**de Conuiuijs** quinam scripserint. 376  
 conuiuales sermones. 375 376 377  
 conuiuia aliquot recēfita. 366 377  
**Contradictio** apparens à Platone de  
 mundo genito, & ingenito exponi-  
 tur ab Apuleio. 250  
**Continentia Marci Imperatoris.** 344  
 vide etiam Marcus Imperator.  
**de Constantia** libellus I. Lipsij agit etiā  
 de Fato. 221  
**Crescens Cynicus** aduersatus S. Iusti-  
 no 260. eius adiaphoria 263 264.  
 victus à S. Iustino. 258  
**Crassus discipulus Alexandri Peripate-**  
 tici. 55 56. spreuit prodigia 57. Cur  
 ibid.  
**Cratippus insignis philosophus.** 93.  
 quid responderit Pompeio fugienti.  
 ibid. præceptor filij Ciceronis. ibid.  
**Crocodilorum certamen** cum delphi-  
 nis in Nilo. 129  
**Critolaus peripateticus** 35. eius dog-  
 ma de bonis animi 38. de mundi in-  
 corruptibilitate contra Stoicos. 601  
 602 603  
**Crantor insignis Platonius.** 324  
**Crates** s. vxor solita cum viro circumi-  
 re. 251  
**Criticorum dierum causa** an sciri pos-  
 sit. 371 372  
**Culeitra in terra,** in qua iacebat Sene-  
 ca. 145  
**Cynulcus Cynicus philosophus** dipno-  
 sophista. 381  
**Cyri vltimum iussu** an testamentum  
 397

**Cynici an habuerint eādem originem**  
 cum Stoicis. 156 turpes eorum mo-  
 res describuntur 157 158. male à  
 Iuliano conferuntur cum Monachis  
 158. de Cynicorum pera, baculo.  
 151. quomodo vexarentur à vulgo  
 152 150. exagitantur. 382  
**Cynici habuerunt** fœminas discipulas.  
 251  
**Cynici male comparati** à Iuliano  
 Imperatore cum Monachis. vide  
 Iulianus.  
**Cynicus Demetrius.** 138. adstitit Thra-  
 cæ morienti. 139

## D

**Daphnus Ephesus præclarus Me-**  
 dicus. 384  
**Demetrius Erythræus captiuus ductus**  
 Romam à Lucullo. 50  
**Democritus an Magus.** 18 19  
**Deportatus** quatenus possit percipere  
 ex testamento militis. 401  
**Declamationes extemporales.** 411  
**Detorquentes philosophiam** ad male  
 intelligendam S. Scripturam. 337  
**Decianus Stoicus** 187. vide etiam 624  
 Emeri a oriundus. 624  
**Decemviri apud Romanos an philo-**  
 sphi. 17  
**De Deo** quid docerent Stoici. 33 34.  
 eiusmodi dogma reiectum. 34  
**Deus ab Aristotele** dicitur tantum esse  
 in cœlo 246. eiusmodi opinio reiici-  
 tur. 245 247  
**Deorum domicilia** vbi secundum Ser-  
 uium. 629  
**Deificatio apud Romanos.** 629  
 Dia-



**Diarchici foedus aut testamētum.** 399  
**Didascaliz Aristotelis quæ nam.** 531  
**Didymus cur dictus Chalcēterus.** 632  
**Dionysius Halicarnasæus oppugnat fabulas.** 488  
**Dionysius Metathemenus in voluptate ponit finem.** 265  
**Diodorus philosophus auditus à Cicerone.** 75. peripateticus. 43  
**Dionysius è Caria magnus Criticus.** 427  
**Dio Cassius nonnulla habet facientia ad progressum philosophiæ apud Romanos. 3. eius narratio de Bruto suspecta. vide Brutus.**  
**Dio Prusæus quid de Pythagoræis dicat.** 20  
**Diogenes Stoicus præceptor Panætij. 22 legatus Atheniensium ad Romanos. 29 32 33. ex Diogene Stoico iura controuersa.** 600  
**Dionysius Alexandrinus.** 167  
**Dogenistæ quinam.** 455  
**Disarius Medicus philosophus.** 498  
**Diuitias non bonas quibus argumentis probarent Stoici contra Peripateticos.** 145 146  
**Diuisio philosophiæ secundum Aristotelem, & Platonē.** 524 525 526 527  
**Dominus quis quandoq. vocatus apud Romanos.** 389  
**Domina amica aut vxor.** 388  
**Donatus Veronēsis expofit Arist.** 43  
**Duodecim tabulæ an continerent philosophiam.** 581

## E

**Ecclesiastici scriptores valde commendant Iosephi historiam.** 171

**Edmundus Merillus.** 382  
**Egnatius Celer Stoicus scelestus delator.** 148 149  
**Elementum Stellarum quid.** 335  
**Elementum primum quatenus sit cælum secundum Aristotelem.** 335  
**Elementum ignis constituit cælum secundum veteres contra Aristotelem. Vide Ignis.**  
**Eleazarus maluit mori, quam vesci carne suilla.** 434  
**Elephantes in Africa, & India. 307. quam solertes. ibid. meliores in India. ibid.**  
**Empedocles an Magus.** 18 19  
**Empiricorum secta tolerabilis.** 365  
**Encratitarum error damnatus.** 434  
**Endymiones Stoicorum quinam sint.** 618  
**Ennodius laudat Theodoricum regem Gothorum.** 580  
**Entelechia Aristotelica oppugnata à S. Iustino 292 293. an ex ea sequatur animam esse mortalem. ibid. entelechia habet non paucas difficultates 296 297. & seq. eiusmodi vocabulum fictum ab Aristotele 514. qua ratione tale nomen defendatur à Porphyrio ibid.**  
**Epicureum poemata Lucretij.** 76  
**Epicureus Zeno quis?** 75  
**Egesimus successit Euandro 31. & instituit Carneadem.** 31  
**Euander Academicus successit Lacydi.** 21  
**Epaphroditus laudatus à Iosepho. 171. impulit Iosephum adscribendas antiquitates Iudaicas. ibid. eidē liber dedicatus à Iosepho.** 171  
**Ephc.**



**Ephemerides** quid. 627  
**Efus** carnum an polluat. 432. confuta-  
 tur Porphyrius. ibid. prolixè dispu-  
 tatur de tota quæstione. 430 431  
 432: & seq.  
**Eusebius** scripsit defensionem pro Ori-  
 gene. 632  
**Euphrades** philosophus impetrauit ab  
 Hadriano vt sibi liceret mori. 234.  
 eiusmodi cōneatus exponitur. ibid.  
**Expostulatio** auctoris contra extempo-  
 ralitatis ocores. 410 411 412  
**Extemporalitas** defenditur. 409. ex-  
 temporalitas quis primus auctor.  
 ibid. extemporales declamationes.  
 ibid. extemporalitas Sidonij Apol-  
 linaris. vide Sidonius Apollinar. quid  
 de extemporalitate dicat Quintilia-  
 nus. 410. de extemporalitate multa  
 apud Philostratum in vitis Sophi-  
 starum. ibid.

**F**

**Fabianus** Papirius insignis philoso-  
 phus, multa scripsit, auditus à Se-  
 neca. 611 612  
**Famianus** Strada absq. modo inuehi-  
 tur in Tacitum. 191 192. confuta-  
 tur ibid. & seq.  
**Famiani** Stradæ vestigia sequitur Aug.  
 Mascardus in carpendo Tacito. ib.  
 confutatur ibid.  
**Famuli** apud Hispanos de geniculis al-  
 loquuntur dominos. 389  
**Fatum** quid sit secundum Plutarchum.  
 220 221  
**Fauonius** æmulus Catonis 110. occi-  
 sus ab Augusto. ibid.

**Faustus** Regiensis doctissimus. 574  
 amicitia iunctus Sidonio Apollina-  
 ri. ibid.  
**Fauus** Senior & Iunior consules do-  
 cti. 582  
**Feuda** vnde orta. 397  
**Fœmine** philosophatæ sub Platone. 251  
**Fœminis** quam sit obnoxij Itali. 389  
**Fidei** cōmilia perpetua reiicienda. 397  
**Figulus** vide Nigidius.  
**Flabella** ex pennis pauoninis. 391  
**Fruges** excantare capitale apud Ro-  
 manos. 18  
**Fruges** excantari non posse putauit Se-  
 neca. 18  
**Francisci** Patritij opinio de Strabone.  
 121. co. fatatur. ibid.  
**Franciscus** Patritius ambigit de omni-  
 bus libris Aristotelis. 551  
 eius infamia redarguitur. ibid.  
 notatur eius contradictio. ibid. plu-  
 ra suo tempore contra eundem Pa-  
 tritium prodibunt.

**G**

**G**Albæ sententia de principatu 209  
**Galenus** Romæ quando floruit.  
 356. commendatur epigrammate  
 ibid. eius sententia de pulchritudine  
 reiecta. 361. magnus logicus. 375.  
 quando scripserit libros de placitis  
 Hipp. & Platonis ibid. quædam scri-  
 psit secundum Epicurum 358. nulli  
 sectæ addictus in philosophia. 358  
**Garrire** in aurem signum familiarita-  
 tis. 388  
**Gemistus** Plethon scripsit pro Platone  
 contra Aristoteli. 437  
 Gene-



Geneseos 49. locus citatus à S. Iustino. 312  
 Georgius Trapezuntius contempsit Platonem, ut extolleret Aristotelem 437  
 Gorgias Leontinus eloquentissimus. 410 vide etiam Extemporaliras.  
 Gordiani Imperatoris præceptot. vide Serenus Sammonicus. Gordiani duo 421. Senior laudatur ibid.  
 Guido Pancirolus. 381

## H

Hadrianus philosophiæ addidit Magiam 222. defleuit Antinoum 230. deditus Astrologiæ. 626  
 scripsit de vita sua. 231  
 ius dicebat. 228  
 magnificet Fauorinum. 225  
 summo desiderio sciendi flagrauit. 223  
 Hætica febris an possit in multos annos porrigi. 386  
 Herodes Atticus vir magnus. 235  
 Heraclitus putauit omnia fluere. 589  
 Hermodorus amicus Heracliti. 1718  
 Hesicastes cur dictus Ferratus. 632  
 Hierusalem Romæ. 585  
 Hilarius quam honorificè loquatur de versione LXX. Interp. 309  
 Hispania caret Elefantibus. 307  
 Hispani venerantur amicas. 389  
 Hippocratis verba de antiquitate Medicinæ. 255  
 Hippocrates non est censendus esse primus auctor Medicinæ. ibid.  
 Homerus non fecit mentionem testamentorum. 385

villatus Romæ tanquam philosophus. 125  
 prælatus Chrysippo, & Crantori ab Horatio. ibid.  
 in Homerum porro expecta lector dissertationes non vulgaris notæ à conspicuo philosophiæ professore. Paulo Stecchino Veneto.  
 Hoedinis pelliculis strati lecti à Q. Tuberone. 4142  
 Hugo Grotius. 387  
 Hypatia philosopha magistra Synesij. 251 252

## I

I Amblichus præceptor Sopatri. 465  
 reprehendit in nonnullis Magistrum suum Porphyrium 465. 466. reprehendit Astrologicam vanitatem. 466  
 Ignæ naturæ cælum constitutum à veteribus contra Aristotelem. 328 329  
 Impartibilia non subsunt tempori. 589  
 Impedimenta humanæ vitæ quænam. 145  
 Inordinatio an fuerit ante mundum secundum Platonem? 289 290  
 Intelligentia motrix cæli quatenus anima cæli secundum Anaxagoram. 522  
 Iohannes Baptista Lauehus peritus rerum cælestium simul & ciuiliū. 483 484  
 Iohannes Seldenus. 387  
 Iohannes Donatus Antellensis præclarus Metaphysicus. 486 487  
 Iosephus filius Mathathiæ recensendus inter philosophos. 619  
 pharisæis additus. ibid.  
 duro victu usus. ibid.

N n n n

miles



miles pugnavit pro patria. 170  
 non corrumpit sacras antiquitates. 171  
 non voluit adulari Principibus 171  
 172. locutus est perhonorificè de  
 Christo servato. 171  
 Iosephus graui calumnia oneratur ab  
 August. Mascardo 174. defenditur  
 174  
 Iosephus non negavit miracula narra-  
 ta à Mose. 177  
 Isidorus philosophus. 379  
 Isocratis institutum valde improbatum  
 à Catone Censorio. 40  
 Iulia Imperatoris Seueri vxor 409. fa-  
 uit philosophi. 410  
 Iulianus quos habuerit in suo comita-  
 tu. 16  
 Iulius Cæsar Scaliger præfert occiden-  
 tem orienti non bene. 307  
 Iulius Agricola dedit operam philoso-  
 phiæ Massiliæ. 185  
 Iulius Guastavinus, clarus Medicus. 385  
 Iuliani responsio ad Themistium de vi-  
 ta actuosa. 451  
 Iunius Rusticus præceptor Marci Im-  
 peratoris. 341  
 Ius ciuile quomodo definitum sit à Ci-  
 cerone. 513  
 Iuris prudentia coniuncta cum philoso-  
 phia olim à Tuberone 42. nostro  
 seculo ab Huberto Gifanio, & Iulio  
 Pacio. 42  
 Iuris gentium, quanam dicantur esse. 432  
 S. Iustinus Romæ accusatus à Crescen-  
 te Cynico, 257. cur amplexus fue-  
 rit Religionem Christianam. 260  
 obijcit Gentilibus discordiam, in

dogmatibus. 261 262 quid scribat  
 de adiaphoria Crescentis Cynici.  
 263. quid de antiquitate Mosaica  
 contra Gentiles 266. Iustini dispu-  
 tationes contra Aristotelem. 270  
 271. exagitat duos locos in libris  
 de Cælo 270 271. obijcit repugnan-  
 tiam Platoni in Timæo 272 273 per-  
 pendit Verba Platonis: *Dij Deorum*  
*ib.* colligit ex vocabulo Entelechiæ  
 Aristotelem docuisse animam esse  
 mortalem 292 quanti fecerit ver-  
 sionē LXX. 308. quædam opera ad-  
 scripta S. Iustino quæ non sunt S. Iu-  
 stini. 313 314 315 & seq.  
 S. Iustinus obijcit quædam verba Ari-  
 stoteli, in quibus agitur de natura  
 cæli. 327  
 Iuuenalis verba de inferis exposita. 76

## L

**L** Actantij verba de Christi regno in  
 terris 472 reijcitur. 473  
 Lacydes successit Arcefilæ. 31  
 Lecti lucubrationij veterum 341 lecti  
 citrei apud Persium iqid.  
 Lemanus lacus infamis conuentu Sa-  
 garum. 20  
 Librorum Aristotelicorum diuisio 530  
 libri memoriales quinam. 530  
 Libertas censu collata quomodo. 523  
 Liberalitas Luculli erga Tyrannionem  
 51  
 Liuius scripsit de philosophia magna  
 cum laude. 607  
 Longinus interfectus ab Aureliano Im-  
 per. & cur. 425 426  
 præceptor Porphyrij ibid.

lau-



laudatur: 427  
 distulit epistolam Zenobia Regina  
 425 426  
 Longinus præceptor Porphyrij, & ma-  
 gnus Criticus. 427 428 scripsit quæ-  
 dam contra Porphyrium 426 appel-  
 latus viuum Musæum, & spirans bi-  
 bliotheca. 427  
 Lucani sententia de Dei prouidentia.  
 vide Tacitus.  
 Lucanus vocauit Alexandrum felicem  
 prædonem 621 quid proferat de ani-  
 ma Pompeij. 618 619  
 recensitus inter philosophos. 614  
 loquitur de mundi conflagratione  
 cum Stoicis. 615 616  
 Lucani locus difficilis, quando agit de  
 anima Pompeij. 619  
 Lucillius Balbus Romanus insignis Stoi-  
 cus. 82 83  
 Lucullus magnus in philosophia. 49  
 Lucius Furius philosophus. 27  
 L. Philippus philosophus. 27  
 L. Crassus quos philosophos audiuerit  
 43  
 Ludus impudentiæ dicta schoia Rhetor-  
 um. 40  
 Luna an accipiat aliquid à terra 478  
 479 & seq. d. sceditur ea in re ab opi-  
 nione Peripateticorum, præsertim  
 Fortunij Liceti philosophi eminentis  
 Bononiæ. ibid.  
 Luna mortis & vitæ confinium secun-  
 dum quosdam Platonicos. 542  
 terra ætherea dicta. 542  
 Lupi piscis solertia. 582  
 Lycurgus nihil sanciuit de testamentis  
 395

M  
 Macrobius quando vixit. 495  
 Macrobius benemeritus de phi-  
 losophia. 495 496  
 Macrobius docet cælum edere cœcen-  
 tum 497 quid proferat de animarū  
 immortalitate ad somnium Scipio-  
 nis. 500  
 Magia apud Romanos. 18  
 non confundenda cū philosophia 19  
 Mæcenat nō fauit philosophis. 118 119  
 Magi apud Persas quinam. 19  
 Malum vnde. 319 320  
 Manilius sub Augusto scripsit Astrono-  
 mica. 122 123  
 Manichæi exorti post S. Iustini tempo-  
 ra. 315 quando ibid.  
 Manicheorum duo principia confutan-  
 tur. 316 317  
 Manumissiones in Ecclesia. 523  
 Marcus Imperator. 595  
 Marcus Imperator quantus philoso-  
 phus. 340 341 342 343 344 345  
 Marcus philosophus, valde fauit phi-  
 losophis. 346  
 Marcus scripsit de vita sua 347 ex eius-  
 modi libro quædam depromuntur  
 explicanturq. 347 348 349  
 Martialis poeta facit ad materiam con-  
 uiualem. 387  
 Marcus Imperator dedit operam Stoi-  
 cis 340 duodecim annorum stude-  
 bat philosophiæ ibid. cubabat humi  
 ibid. vsus præceptore Apollonio Chal-  
 cideni Stoico ib. iam Imperator ad  
 domum præceptoris ibat discendi  
 causa 340 audiuit etiam Peripateti-  
 cos



eos, præter Stoicos. 341. vitam de-  
 licatorem spreuit vltus solo pallio  
 absq. tunica 341. utebatur quâdoq.  
 lectulo pellibus strato 341. Marco-  
 mannos domuit 345. nequaquam  
 pernicious fuit. ibid.  
 Marcus Aurelius Galuanus antecessor  
 Patavinus eruditissimus. 381  
 Masurij Iuriconsulti duo. 38  
 Masurius Sabinus quâdo floruerit 380  
 Materia est atheos secûdum Proclum.  
 319  
 Maximus Tyrius insignis philosophus.  
 406  
 Medicum oportere esse philosophum.  
 358 359  
 Medici avari fugiendi. ibid.  
 Medici docti non reprehenduntur. 359  
 Medici non semper consulendi. 350  
 Medicinam non debere confundi cum  
 Medicis. 252  
 Medicina non caruit vlla natio, at mul-  
 tæ nationes caruerunt Medicis ibid.  
 Medicorum venditationes reiectæ ab  
 Apuleio. 357  
 Medicinæ antiquitas. supra tempora  
 Hippocratis 254 in Ægypto primû  
 videtur floruisse 254 ea de re prola-  
 ta verba Homeri ibid.  
 Medicus primus Romæ dictus Antha-  
 gatus 252 dictus etiâ Carnifex. 257  
 Militem priuilegia vnde? 40  
 Milites optimi ex agro. 364  
 de Morbis an sermo habendus in con-  
 uiuijs. 385 386  
 Mortis definitio Platonica & Aristoteli-  
 ca diligenter exposita. 484 485  
 486  
 Mundus genitus secundum Platonem,

semper tamen fuit. vide Proclus!  
 Mundus non semper secundum Anaxa-  
 goram, & Democritum. vide tēpus.  
 Mundus secundum Platonem genitus,  
 sed incorruptibilis. 279  
 Mundum in schola Platonis non esse  
 vocandum æternum, sed perpetuum  
 putauit Boetius. 279  
 Mundi conflagratio, aut renouatio ex-  
 posita. 615 616 617 618

## N

N Atales dies philosophorum cele-  
 brari soliti. 454 455  
 Naturæ an possint tribui aliqua mira-  
 cula. 178  
 Naturæ vocabulum an possit tribui in-  
 telligentijs secundum Aristotelem. 519 520 approbatur sententia Ale-  
 xandri Lilioli ibid.  
 Natura abhorret ab infinito. 520 quæ  
 sunt natura quænam dicantur esse  
 apud Aristotelem. 520  
 Nearchus Pythagoræus præceptor Ca-  
 tonis Censorij. 29  
 Negligentia nostra circa res. 391  
 Neoptolemus paucis philosophatus. 49  
 Nero relegauit Annæum Cornutum.  
 135 Cur ibid.  
 Neronis præceptor Alexander Ægæ-  
 us. 137  
 Nero damnauit Thraseam. 141  
 Neronis tempore vixit Demetrius. 138  
 Nero iussit exulare Musonium. 159  
 Nero an iusserit ire in exilium philoso-  
 phos omnes? 159 160 ambigitur  
 de narratione Philostrati. ibid.  
 Neronis tempore Romam venit Apol-  
 lonius



**Ionius Tyaneus.** 159  
**Neronis tempore Stoicus Egnatius**  
 commisit scelus. 148 149  
**Nicon Geometra pater Galeni.** 367  
**Nigidius Figulus doctissimus philoso-**  
 phus 77 & seq. Pythagoreæ sectæ  
 addictus ibid. laudatur Epigr. 85 86  
**Nicolaus Damascenus carus Augusto.**  
 113  
**Nicolaus de Antella patritius Floren-**  
 tinus laudatus. 508  
**Notantur aliqui Medici qui Galenum**  
 iactant. 367  
**Notitia linguarum.** 369 370  
**Notitia multarum linguarum paruifa-**  
 cta á Romanis. ibid.  
**Notitia linguæ græcæ magnificata ab**  
 iisdem. ibid.  
**Notitia linguæ hebraicæ quatenus ma-**  
 gnificanda. 370  
**Nonaria petulans quid apud Persas.**  
 152  
**Numa vixit centum annis ante Pytha-**  
 goram. 6 & 13 14  
**Numa quatenus philosophus dicen-**  
 dus ibid.  
**Numa instituit Augures.** 16  
**Numa an se contulerit Crotonem ad**  
 audiendum Pythagoram 591 rei-  
 citur narratio Ouidij ea de re, vt fa-  
 bulosa. ibid. & seq.

O

**Observationes in S. Iustinum. vide**  
 Iustinus.  
**Observationes in Apuleium. vide Apu-**  
 leius.  
**Observationes in Boetium. vide**  
 Boetius.

**Observationes in Platonem, sæpe in to-**  
 to opere.  
**Observationes in Seruiū. vide Seruius.**  
**Odouacer ter uictus à Theodorico.**  
 580  
**de Officijs docuisse Stoicos Peripa-**  
 teticos, & Academicos. 608 609  
**Omnes nationes habuerunt Medicinā,**  
 sed paucae habuerunt Medicos. 256  
 257  
**Omnia fluunt. vide Heraclitus.**  
**Olympus quo sensu dictus sit sedes**  
 Deorum ab Homero. 493  
**Orientales magis inget iossi occidenta-**  
 libus 308 Cur? ibid.  
**Origenes videtur adluruisse annum**  
 magnum Platonis. 221  
**Origenes damnatus in VI. Concil. Ge-**  
 nerali. 221  
**Origenis Romam aduentus 631 cur**  
 dictus Adamantius. 632  
**Origenes ab aliquibus defensus ab ali-**  
 quibus damnatus. 632 docuit phi-  
 losophiam sed priuat in Alexandria  
 631 innumeros ad fidē allexit. 632  
**Origenis præceptor Ammonius. 629**  
**Oficula quam frequentia apud Roma-**  
 nos. 391  
**Osculum signum fraternitatis apud ve-**  
 teres Christianos 391 commenda-  
 tur à S. Paulo ibid.  
**Osculi vestigium inter sacra Mæsse so-**  
 lemnia. 391  
**Oua Pauonina. 391**  
**Ouidij verba de Roma olim rudipo-**  
 stea eleganti. 44 45  
**Ouidij fictio de Numa. 590 591**  
 592  
**Ouidius inducit Pythagoræ antediluten-**  
 Num 3



re philosophicè . ibidem .  
Ouidij verba de mundi interitu exoli-  
cantur . 614

P

**P**andia gemma . 582 .  
Panætius primus philosophus Ro-  
mæ floruit . 22 .  
eius patria ibid. & 23 .  
eius error de anima . 23 .  
quanti fecerit Platonem . 23 .  
scripsit de Officijs . 608 .  
vixit 30 annis postquam scripsit de  
officijs . 23 . habuit discipulos . He-  
catonem , & Posidonium . 604 &  
Apollonium . 22 .  
putauit mundum esse incorruptibi-  
lem . 23 . epigrammate cohonestat-  
ur . 24 .  
Pamphilus Mar. yr scripsit Apologiam  
pro Origene . 632 .  
Parthenius profectus Romam studio  
rum causa . 583 .  
Pauones olim passim ruri habebantur .  
391 .  
Paulus Stechinus conspicuus philoso-  
phiæ professor in Gymnasio Pisano .  
vide Homerus .  
Pherecydes Syrius præceptor Pytha-  
goræ . 21 .  
Peregrinæ non ducendæ in vxores . 404 .  
Peregrinari consueuerunt philosophi .  
406 .  
Pertinax Imperator eruditus 342 . in-  
terfectus à Prætorianis , & cur 343 .  
sanctissimus senex ibid. profecerat  
sub Marco ibid .  
Philolaus Pythagoræus docuit terram

moueri . 21 .  
Philo Iudæus 131 . quantus philoso-  
phus . 132 .  
Philosophi Roma pulsi 28 & à Domi-  
tiano . 186 .  
Philosophorum sectæ recensetur . 528  
529 .  
Philosophia an contineatur in XII tab.  
Romanorum . 592 .  
Philosophia non confundenda cum  
Magia . 468 .  
Philo philosophus præceptor Cicero-  
nis . 75 .  
Philosophia facit eloquentes . 47 .  
Piso M. philosophiæ peritus 70 quem  
habuerit præceptorem . 71 .  
Plato . & Aristoteles an concordēs vel  
discordēs . 435 436 437 . & seq .  
Platonem & Aristotelem consentire  
docuit integro libro Sebast. Foxius .  
439 440 441 .  
Platonis nonnulla dogmata , quæ ne-  
sciuntur in lyceo . 446 .  
Platonem sectantur Ficinus , Diacetus ,  
Bessarion . 447 .  
Plato quid sentiat esse Naturam 450 .  
ait esse seminariam vim vbiq. dif-  
fusam . 451 .  
Plato docuit cœlum esse igneum . 451 .  
Platoni adhæret magis Simplicius quā  
Aristoteli . 453 .  
Plato quo sensu dixerit materiam esse  
locum formarum . 454 .  
Platonis natalem celebrauit Plotinus .  
455 .  
Platonis verba ex Timæo : dij Deorum  
perpenduntur . 272 273 274 275 .  
& seq .  
Plato improauit astrologiam iudicia-  
riam .



- riam. 627  
 Platoni contradictionem obiecit Steph.  
 Gobarus 273 & Photius. 274  
 Platoniam narrationem de ortu mun-  
 di præferebat ( sed malè ) Mosaicæ  
 Iulianus. 274  
 Platonica Entis diuifio in id quod fem-  
 per est, & in id quod gignitur quo-  
 modo explicetur ab Interpret. 274  
 275  
 Platonis interpres Proclus quomodo  
 doceat Deos mundanos esse immor-  
 tales. 277  
 Platonici docent Deum non posse fol-  
 uere mundum. 277 quo fenfu 277  
 perpenduntur verba Procli ibid.  
 Plotinus quando fe contulerit Romam  
 423. quandiu ibi vixerit ibid. Ploti-  
 ni difcipulæ mulieres. 424  
 Polybius philofophus præceptor Afri-  
 cani. 2425  
 Polybius Tacticæ peritus. 25  
 Polybius trãslatus à Perotto non æquè  
 bene vt à Cafaubono. 25  
 Polybius de Rebus publicis accurate  
 difputauit. 25  
 Pompeij anima quò tranfmiffa à Lu-  
 cano. 618 619  
 Pompeius quam humanus imò libera-  
 lis ergo philofophos. 92 93  
 Porphyrius dictus Tyrius Bafilius à  
 Longino 426 reprehenfus à Iambli-  
 cho 466 eius paradoxum de facri-  
 ficijs. 463  
 Porci pingues. 391  
 Porphyrius quoties Romam adiu-  
 rit. 428  
 quandiu vixerit. 428 429  
 fe congulit in Siciliam, vt vitam fini-  
 ret inedia. 428  
 an peruenerit ad tempora Conftan-  
 tini. 429  
 damnandum eius odium contra Re-  
 ligionem Chriftianam. 429  
 Pofidonius quo honore affectus à Pom-  
 peio 92 93 decumbens in lecto dif-  
 feruit coram Pompeio. ibid.  
 Prætoriani corrupti fub Cōmodo. 342  
 343 interemerunt Fertinacem 343  
 Prædicamenta Aristoteles accepit à Py-  
 thagoræis quibusdam immutatis.  
 516 517  
 Prædicamenta à nonnullis reijci ineptè  
 ad Metaphyficam. 568 569 570  
 Præcidi quid. 625  
 Primigenij apud Hispanos à quibus in-  
 uecti. 397  
 Proclus an fcripferit contra Chriftia-  
 nos. 578 fcripfit contra Democri-  
 teos & Stoicos de æternitate Mun-  
 di. ibidem.  
 Proclus quomodo exponat mundum  
 effe genitum fecundum Platonem.  
 325  
 Proclus etfi dicat mundum effe geni-  
 tum, non tamen ait vnquam cœ-  
 piffe. 324 325  
 Prouerbiorum VIII. locus citatus in  
 Concilio Nicæno primo. 311  
 Proærefius. 467 quo honore affectus  
 Romæ. 468  
 Publicus Scipio Africanus. vide Scipio.  
 Pythagoras habuit fœminas difcipu-  
 las. 251  
 Pythagoras non magnopere confultit  
 fenfum. 588  
 docuit fenfibilia fluere. 589  
 negauit dari inferos. 592  
 Pytha-



Pythagoras an fuerit Romæ. 14 391  
 Pythagoras Spartiata quis? 14  
 Pythagoræi an antiquitus docuerint  
 Romæ. 21  
 Pythagoræi egerunt de tempore ante  
 Aristotelem. 389

## Q

Q Verelæ Quinciliani, & Petronij  
 contra Rhetoras. 40  
 Quirites hesterni apud Per-  
 sium quinam. 523  
 Q Tubero Stoicus. 41 intemptiue  
 frugalis. 42 Cur deiectus pratura.  
 ibid.  
 Q Tubero Iuriconsultus. 42  
 Quot annos vixerit Panætius, post-  
 quam scripsit de Officijs. vide Pa-  
 nætius,  
 Quo tempore venerit in Italiam Pytha-  
 goras. vide Pythagoras.  
 Quæ causa mortis Antinoi. vide Adria-  
 nus Quomodo fuerit intereptus Sci-  
 pio Africanus. vide Scipio.  
 Quare Perottus non ita bene transule-  
 rit Polybium. vide Polybius.  
 Quos habuerit præceptores Marcus  
 Imperator. vide Marcus.  
 Quotidie declamavit Augustus bello  
 Mutinensi. vide Declamationes. &  
 Augustus.  
 Quotidianæ erant Declamationes. vi-  
 de Declamationes.  
 Quando se contulerit Romam Ploti-  
 nus. vide Plotinus.  
 Quoties fuerit Romæ Porphyrius. vi-  
 de Porphyrius.  
 Quos discipulos habuerit Panætius.

vide Panætius.

Quis Author commentariorum in  
 Metaphysicam Aristotelis. vide  
 Alexander Aegæus, & Alexander  
 Aphrodisiensis.

## R

R Atione an vtantur animalia. vi-  
 de Animalia.  
 Rationale mortale differentia hominis  
 vide Boetius.  
 Rhetores antiquitus non fuerunt Ro-  
 mæ. 39 cur inutiles visi. 39  
 Rhetores circa quæ tempora existerint  
 Romæ. 40  
 Rhetores furè iidem qui Sophistæ. vi-  
 de Sophistæ.  
 Rhodus patria Panætij. vide Panætius  
 Rhodij maiores Panætij. vide Panætius.  
 Rhodus sacra soli. vide Panætius.  
 Rhodi docuit Panætius. vide Panætius.  
 Romæ an floruerit Hecato Stoicus.  
 604  
 Romæ tempore Marcelli fuit Posido-  
 nius philosophus. 604  
 Roma olim fuit rudis, & simplex tan-  
 dem aurea euasit. 44 45  
 Romani quare susceperint tandem phi-  
 losophiam.  
 Romana philosophia gloriatur Lælio.  
 46 47 sapiente. 596  
 Romanorum veterum dissidia. 23  
 Romanis præiuit ad suscipiendam phi-  
 losophiam Lucullus. 48 49  
 Romam libri Aristotelis, & Theophra-  
 sti translati à Sylla. 51  
 Romam ductus Tyrannio à Sylla. 50  
 Romani quidam obscuro egerunt de phi-  
 losophia.



Iosophia, sed frustra. 33  
 Romanorum mores immutati. 44 45  
 Roma vetus rustica, recentior elegans. 44 45  
 Romæ tandem liberè admittit philosophia. 44  
 Romam ingenti affectu prosequitur auditor. 586 eapropter de philosophia Romanorum egit. ibid.  
 Ruffinus Nicæus egregius Medicus. 384  
 Rus olim plura suppeditabat, quam nunc. 395

S

Sanguinis esum proscripserunt Apostoli. 434  
 Saræ nomine quid putet significari Philo. 146  
 Saraceni inuenerunt abacum. 584  
 Sallianus. vide Iosephus.  
 Scauola audiuit Panætium. 43  
 Scholastici dicti Rhetores. 40  
 Scipio Africanus maior quid de animarum immortalitate proferat in somnio. 500  
 Scipio Africanus Minor philosophia insignis. 26 27  
 Scipio Africanus minor quomodo interfectus. 584  
 Scipio Africanus quam continens. 594 595  
 Scipionis pater Paulus Æmilius. ibid.  
 Auus Africanus maior. ibid.  
 Scipionis præceptor. vide Polybius.  
 Senecæ innocentia detecta 144 145 & alia ibid.  
 Seneca dubius an terra moueatur, &

cœlum stet. 21  
 Septimius Seuerus Imperator doctus. 408 409 scripsit de sua vitâ. ibid.  
 Septuaginta interpretum versio quanti facienda. 308 309  
 an corrupta fuerit. 311  
 Seruius interpres Virg l j continet magnam segetē philosophicâ. 469 470  
 Seruius varijs in locis, in quibus loquitur philosophicè expositus. 470 471 472 vsq. ad 495  
 Seruius quid dicat de coniunctione animæ cum corpore ex sententia Platonis. 493 494  
 Seruius nequaquam Deum includit cœlo. 490 491  
 Seruius exponit quædam ominosa signa. 498  
 Seruius quid dicat de fabulis cum philosophia coniunctis. 484  
 Seruius quomodo ex Platone definiat mortem. 484  
 Seruius cum Stoicis putat superiora corpora aliquid accipere ab inferioribus. 478  
 Seruius an tribuat rationem animalibus. 473  
 Seruius quid proferat de magno anno Platonis. 470  
 Sessorianum palatium Romæ. 585  
 Sensibilia fluunt secundum Pythagoram. 589  
 Sensibilia subsunt temporis. 589  
 Sextiorum secta Romæ 147 citò defecit. ibid.  
 Sextus Charonenis præceptor Marci Plutarchi nepos. 240 an idem cum Sexto Empirico. 341  
 Sextus Stoicus præceptor Marci. 342  
 Sextus



Sextus Empiricus Pyrrhonius. 342  
 Sextus Cheronensis secundum Suidam  
 discipulus Herodoti Philadelphæi. 342  
 Sextus quidam fictus, conuictus  
 à Pertinace Imperatore. 342  
 Sextus Pompeius eruditus in philoso-  
 phia. 43  
 Sidonius Apollinaris fuit Romæ. 572  
 eius epistolæ, imò & carmina con-  
 tinent nonnulla ad Philosophiam fa-  
 cientia. 591  
 Simplicius non pauca profert ex Archi-  
 ta. 591  
 Solon primus inuexit testamenta. 394  
 Spartani coniungebant fratres, & so-  
 rores. 403  
 Sopater. 464 465  
 Sophistæ philosophi. 410  
 Sophistæ valuerunt extēporalitate. 411  
 Sophista primus Gorgias Leontinus.  
 vide Gorgias.  
 Statua Romæ posita Proæresio. 467  
 Staseas Neapolitanus præceptor M.  
 Pisonis. 71  
 Stellæ an possint vocari maleficæ. 318  
 Stephanus Rodricus Castrensis clarus  
 Medicus. 385  
 Stulti fiunt adolescentes in Scholis Rhe-  
 torum. 40  
 Stoicorum dogma de Origine Mundi.  
 33 quod mundus seipsum fecerit 33  
 quod mundus sit Deus. ibid.  
 Stoici docuerunt duo esse principia om-  
 nium rerum Deum, & materiam. 34  
 Stoicorum origo. 156  
 Stoicorum sententia, quod sydera pa-  
 scantur ab aquis marinis. 478  
 Stoa Zenonis 153 cur Varia dicta 153  
 354 cur dicta à Persio illita Medis. ib.

Strabo Geographus Stoicis addictus.  
 119 120 121 non Strato. ibid.  
 Suffocatorum esus proscriptus ab Apo-  
 stolis. 434  
 Suidæ narratio de Proclo reiecta, 578  
 Suidæ collectanea nō prorsus tute fidei  
 vide in locis aliquot in hoc opere.  
 Synodus Alexādrina damnauit Orige-  
 nem. 632  
 Syluester secundus defensio 584 585  
 præceptor Othonis III Imper. ibid.  
 Syntagmatica opera Aristotelis quæ-  
 nam. 538  
 Syntagmatica vel dialogica, vel acroa-  
 matica: ibid.

## T

**T**acitus varijs in locis expositus,  
 defensio, laudatus, inter philoso-  
 phos numeratus. 191 192 193  
 vsq. ad 213  
 Tacitus assertus aduersus accusationes  
 Famiani Stradæ, & Aug. Mascardi.  
 ibidem.  
 Tacitus an appellandus loquacissimus  
 mendaciorum. 198 199  
 Tacitus addictus Stoicis. 192 193  
 Tacitus non addictus Epicureis. ibid.  
 Tacitus versatus in communi errore  
 gentilium. ibid.  
 Tacitus nequaquam Pyrrhonius. 194  
 Taciti querela de dijs prolata ante  
 ipsum à Lucano. 194  
 Tacitus si legitur cum periculo quia  
 gentilis fuit, quilibet veterum Gen-  
 tilium scriptorum legetur cum pe-  
 riculo. 196  
 Tacitum defendit Curtius Pichena vir  
 grauis.



grauissimus 198 & Lipsius. ibid.  
 Tacitus non est adulatus ijs qui iam  
 erant mortui. 201  
 Tacitus liberè detestatus est scelera  
 Domitiani. 201  
 Tacitus diligenter legendus ad cogno-  
 scenda arcana aularum, & detegen-  
 dam calliditatem, & prauitatem au-  
 licorum. 202 203 & seq.  
 Tacitus superesse animas post mortē  
 docuit. 205  
 Tacitus potenter inflammare Principes  
 ad studium virtutis. 206 207  
 Taciani abominabantur esum carniū.  
 434  
 Thaumasia aculemata Aristot. 531  
 Tages augur. 16  
 Tempus fuit antequam esset mundus  
 secundum Anaxagoram, Democri-  
 tum. 324  
 Tempus secundum Democritum sem-  
 per fuit, sed non semper mundus. ib.  
 Terra non adeo exigua ut putauit Ari-  
 stoteles. 304  
 Terram moueri docuit Nicetas. 21  
 Tertullianus an mereatur dici grauissi-  
 mus author. 199 200  
 Testamenta an sint iuris gentium. 392  
 393 394  
 Testamentum vetus & nouum an pro-  
 priè dicatur. 398 399  
 Themistius. 457 458 459  
 Theodoricus fuit viris doctis. 576  
 Theodoricus Romam profectus. 581  
 instaurauit Romam. 581  
 ter vicit Odouacrum. vide Odouac.  
 Themistij epistola ad Iulianum exa-  
 minata. 460 461 462  
 Thessalæ veneficæ. 19

Thrasyllus sub Tiberio. 609 610 126  
 127 128  
 Testamento relicta libertas. 523  
 Titus Imp. approbavit historiam Iose-  
 phi de bello Iudaico. vide Ioseph.  
 Titus humanissimus magnificavit Pli-  
 nium. 178  
 Titi philosophia. 181  
 Titus sublatus insidijs fratris. 181 182  
 Traianus fuit Plutarcho. 215  
 Traiani tempore magna fuit celebritas  
 nominis Chrysippi. 222  
 Traiani tēpore philosophi magnificati.  
 189  
 Traianus quanto honore affecerit Dio-  
 nem philosophum. 189 190  
 Turturum natura. 582  
 Taberonum familia Romæ nobilissi-  
 ma, sed valde pauper. 41  
 Tyrannio ductus Romam 51 à quo, &  
 cur ei tale nomen impositum 51 tres  
 myriadas librorum possedit. 51

## V

**V**asa samia exposita à Tuberone  
 in funere Scipionis Minoris. 41  
 Velleius C. Senator Romanus defen-  
 sor Epicuræ sectæ 80 eius disputa-  
 tio contra Platonē, & Zenonem. 81  
 Vespasianus collocutus Alexandria cū  
 Apollonio Tyanzo. 167  
 an sustulerit ludos Circenses. 168  
 Vespasiano an adulatus fuerit Tacitus  
 vide Tacitus.  
 Vespasianus approbavit historiam Io-  
 sephi de bello Iudaico. vide Iose-  
 phus.  
 Vesuuianum incendium. 181 182  
 Vito-



**Victorius . vide Alexander Victorius ;**  
    **& Petrus .**

**Vincentius Renerius professor Mathe-**  
    **seos in Gymnasio Pisano 443 edi-**  
    **dit tabulas Mediceas . ibid.**

**Vindicta species manu mittendi . 523**

**Virtus Ciuilis præferenda contempla-**  
    **tioni . 373 460**

**Vlpiani plures . 378**

**Vlpianus Tyrius dipnosophista . 378**

**Vlpianus iuriconsultus . 379**

**Vocabulum nouum Categoria, secun-**  
    **dum significatum ei tributum ab**  
    **Aristotele . 511 512**

**Vocabula noua an possint constitui à**  
    **philosophis . 511 512**

**Vocabula an sint à natura, an ab homi-**

**num instituto 556 557 & seq.**

**Vono Rex cur contèptus à Parthis . 17**

**X**

**X** Enarchus sub Augusto . 117  
    **oppugnauit quintam substantiam**  
    **Aristot. ibid.**

**Xenocrates quo sensu dixerit mundum**  
    **esse genitum . 325**

**Z**

**Z** Enobia epistolam distauit Longi-  
    **nus . 427**

**Zenones plures . 75**

**Zeno Sidonius Epicuri sectator . 76**









Gibson \$1.00



VO

1734547



